

A 822
5-9.

2 | 41

(4)

gen. 2, 17





NVMOPHYLACIVM SCHVLZIANVM

DIGESSIT DESCRIPSIT

ET

PERPETVIS

INSIGNIORVM

REI NVMARIAE SCRIPTORVM

COMMENTARIIS

ILLVSTRATVM

EDIDIT

MICHAEL GOTTLIEB AGNETHLER

TRANSILVANVS

PARS PRIOR

ACCEDVNT

SELECTIONES CLARORVM VIRORVM
AD B. SCHVLZIVM EPISTOLAE.



LIPSIAE ET HALAE

C1910CCXXXVI.

IO. DAN. MAIOR.

Quemadmodum studium non habetur theologico sanctius;
sic inter scientias saeculares numismatico-critica non facile
sublimius aliud reperitur: quoniam cum dei in hoc orbe
vicariis, personis illustribus, in aere, argento, auro-
que viventibus negotium sibi est.

VIRIS
ILLVSTRIBVS
CONSVLTISSIMIS GENEROSISSIMIS
VIRTUTE MERITIS GENERE
NOBILISSIMIS
METROPOLITANAE
SAXONVM IN TRANSILVANIA VRBIS
ET INCLVTAE REIPVBLICAE
CIBINIENSIS
PROCERIBVS
PATRIBVS CONSCRIPTIS
GRAVISSIMIS AMPLISSIMIS

NEC NON
VIRIS
MAXIME VENERANDO CLARISSIMO
PRAECLARIS REVERENDIS
AMPLISSIMIS DOCTISSIMIS
DIVINAE VERITATIS STATORIBVS
ECCLESIAE METROPOLITANAE
ANTISTITI ET MINISTRIS
VIGILANTISSIMIS

VTRIVSQUE ORDINIS DIGNISSIMIS
PATRIAE VRBIS PATRIBVS
CIVIVM DELICIIIS
PATRONIS OPTIMIS

SVMMA OBSERVANTIA AC PIETATE COLENDIS

PARITER
AETERNAE MEMORIAE
VIRI INCOMPARABILIS
IOANNIS HENRICI SCHVLZII

QVONDAM
MEDICI ET PHILOGOGI CELEBERRIMI
ACADEMIARVM IMPERIALIVM NATVRAE
CVRIOSORVM VT ET PETROPOLITANAE NEC NON
REGIAE BEROLINENSIS SOCIETATIS SODALIS
MEDICINAE ELOQVENTIAE ANTIQVITATVM
ET PHILOSOPHIAE IN ILLVSTRI FRIDERICIANA
PROFESSORIS ORDINARII

NVPER
DEPLORANDO LITTERIS SEVERIORIBVS FATO
REBVS HVMANIS EXEMTI

OPELLAM HANC SACRAM
CVPIIT

AVCTOR

MARTINVS SCHMEIZEL

SERENISSIMO ET POTENTISSIMO REGI PRVS-
SORVM A CONSILIIIS AVLICIS NEC NON IVRIS PVBLICI
AC HISTORIARVM PROFESSOR ORDINARIVS
IN FRIDERICIANA HALENSI
LECTORIBVS

S. E. O. D.



Etiam si pluries, in hoc genere scriptionis, hunc meum calamum sumserim; nunquam tamen, id, ea factum esse cum voluntate ac in praesenti destinatione, est, quod sine omni falsa specie adfirmem: rationes quoque huius mei instituti, non vnius fuisse generis. Primam suppeditavit operis, cui praefari iubeor, argumentum; cuius tanta sane nobilitas & praestantia, ut hoc respectu iam pridem, in circulo litteraturae elegantioris, locum eminentissimum promeruerit. Insuper, cum graue & valde quam arduum sit, vetera numismata interpolare, & exanimatis istis corporibus veluti animam inspirare, atque ita demortua multa, altissimaeque obliuione sepulta, in vivum quasi reuocare, studium istud proinde non nisi magnorum ingeniorum diligentiam ac solertiam multis modis exercuisse. Taceo, quod alii iam praecoccuparunt, penique locuplete congefferunt; usus puta, quos accurata veterum nummorum notitia in varias eruditionis partes diffundit spargitque multiplices: sigillatim vero in Historiam, testem illam temporum rerumque gestarum memoriam, cui numeros luculentissima praebere subsidia, nemo his rebus edoctus, est, qui nesciat; huius autem scita publice profiteri, cum rationes muneris mei iniungant, facile est ad cogitandum, vel ob nexum illum vere sororium, qui Historiae cum Re nummaria intercedit, hanc scribendi prouinciam non nisi perlubenter mihi imponi, me passum esse.

Ab tenore argumenti laudati si recessero, memoriamque

a

viri

viri pie defuncti recolam, qui possessor fuit horum numismatum, primumque in quibusdam explicandis lineamenta duxit, noua & praegnans se obtulit causa, qua inductus, non nisi cum delectatione, huic suo nummophylacio, praefari voluerim. Non loquar de multifaria hominis eruditione, qua oppido, nominis sui famam & celebritatem, apud exteros etiam in diffitis Europae locis post se reliquit, acquisitam in Literatura orientali, studiis Antiquitatum, Perorandi facultate, nec non arte illa salutari, quam Medicinam vocare mos est, cum res notissima sit, constetque inter omnes, vnum hunc virum, (rarissimo parili exemplo) respectiue trium posteriorum, quas diximus, eruditionis partium, triplicem quoque honoris gradum, in hac musarum palaestra, non sustinuisse tantum, verum & ornasse laudabiliter. Neque scripta frugis & eruditionis plenissima, proinde victura apud posteros, commemorare animus nobis est, quippe quod catalogus, secundum annorum, quibus lucem viderunt, seriem adornatus, numerando ea percensuerit. Conamina etiam, quibus noster in illustranda re numaria, magno studio fuit occupatus, sicco praeterimus pede; quoniam ista partim iam ab auctore suo edita sunt, adeoque nota, partim antea adhuc in scriniis Schulzianis latitarunt, quae nunc autem in operis huius contextu locum adepta sunt suum.

Id igitur est, LECTOR HUMANISIME, quod mihi palmarium de SCHVLZIO, pie memoriae viro, dicendum putavi, videlicet quod aptum est, animi sui indolem depingere, a quo illud omne, quod in toto homine bonum esse solet, censum atque dignitatem adipiscitur; caetera enim, quae diuitiarum, honorum & fortunae gloria nobis praebet, fluxa, fragilia & vana sunt, sola virtus clara aeternaque habetur. Quicquid autem omnes boni & ipsi similes, in optimo viro, prae omnibus suis dotibus suspiciendum esse putant, candor fuit & sinceritas incredibilis; in actionibus mirabilis modestia; pectus fidum & ab omni colore, fastu, inuidia

invidia & pruritu altercandi, quo infruniti homines admodum vexari solent, longissime alienum; sapiebat etiam, sed sine pompa & absque ostentatione, quibus virtutibus an pares sibi multos habuerit, alii dixerint, nobis saltem haud constare, audaſter profitemur.

Atque id ipsum pietatis & amoris officium, viro tam egregio praestandum esse duximus, ut nomen eius, hoc etiam loco conseruetur & ab obliuione vindicetur; exempla enim virtutum in illustri quasi monumento proponenda sunt, ut alii habeant, quae ad imitandum intueantur, discantque fieri posse, quae regulis ac praeceptis inculcantur; denique, ut **BENEVOLVS LECTOR** recolendi ansam habeat, ex isto charactere, quomodo is superſtes, in doctrinis proponendis, curationibus adhibendis, ac tandem conuersatione cum omnis generis hominibus, sese gesserit, cognoscatque, mirum non esse, tantum virum, apud bonos omnes maximum sui desiderium post se reliquiſſe.

Porro nunc & de operis huius editore, maximaque sui parte, auctore doctissimo, bona verba sunt facienda; cuius solertia & cura factum est, ut viri laudati relicta numismata, visu quotidiano extra scrinia sua prolapsa, non tantum locis & ordinibus debitis restitui atque redigi, verum etiam, quod rei caput est, doctissimis illustrationibus explicati ad communem vtilitatem, in apricum prodire potuerint; cuius certe nisi accessisset industria, vel maxime verendum erat, ut tam egregio multaque eruditione referto libro, frui vnquam licuiſſet, rei numariae cultoribus; quam in rem, vel ex ea causa paullo plenius mihi differendum esse sentio, quod nullus dubitem, fore nonnullos, qui, in admirationem rapti, ſcire, ac de occasione edoceri cupiuerint, qua fieri potuerit, ut bonarum iste artium ſanctiorisque doctrinae candidatus, sed in extremo Europae cultioris angulo natus atque educatus, tam celebris in Germania viri numismata, docte illustrata, in publicum producere compos factus sit.

Aliquot iam anni praeterlapſi ſunt, ex quo is, relicto paterno lare, ſtudiorum perficiendorum ſtimulo adactus, in celebre hoc variae eruditionis emporium conceſſerat; cuius cum limina vix eſſet ingreſſus, ſtatim morbo grauiſimo tentabatur, ex itinere & longinquo & difficili, contracto. Florebat illo tempore SCHVLZIVS, apud ciues Hungaros & Tranſiluanos, inſigni ſua eruditione animique propenſione, prae aliis ſui ordinis viris: allicit enim homines virtus ad diligendum; quo fomite inflammati, doctrinas eius nonnulli gnauiter ſectabantur, alii, morbis forte affecti, cura & conſiliis viri beati vtebantur; quae popularium exempla, & noſtrum impellebant, caſu & neceſſitate nunc cogente, iisdem veſtigiis inhaerere, quae eum, ad medicum tam clare doctum longoque vſu experientem ducerent. Vt autem eo felicius medicina ſuccederet, mutato priſtino muſeo, in medici ſui domum conceſſit. Nec id quidem, vt euentus docuit, ſine ſingulari Numinis prouidentia; Quum enim antea nulla propemodum ſalutis ſpes amplius ſuper-eſſet, breui poſt ſenſim conualeſcebat. Multis interea ampliffimae propenſionis documentis cumulatus, quibus re- pendendis, vbi ſe omnino imparem ſentiret, in id omnes animi & corporis vires contulit, ſaltem vt quam gratiſſimus cognoſceretur; qua teſtificatione id porro conſecutus eſt, vt beatus, ex medico ei fieret Maecenas, locumque inter familiares ſibi intimos concedere, eo minus dubitaret, quo magis de clientis ſimulque officioſi amici ſui dexteritate, fide & obſeruantia, haud ſimplici documento quam perſuaſiſſimus eſſet factus.

Haec dum ſiunt, SCHVLZIVS ipſe in morbum grauem imo ſupremum incidit, quo durante & ingraueſcente, hic euergetae ſuo gratioſo die nocteque adſtitit, talemque ſe praebuit, vt decumbens, vbi diem ſuum vltimum aduentare ſentiret, ſuprema ſua per eundem ordinare, & quod maximum dignumque notatu vere, in complexu eius animam creatori reddere, nullus dubitaret.

Quan-

Quanta cum dexteritate, post obitum viri desideratissimi, commissâ sibi perfecere noster, inter omnes constat. Index librorum, quos beatus reliquit, accurate compositus, primum industriae & commissâ sibi prouinciae exstitit documentum. Missis illis, quae ad priuatas, beati rationes pertinere videntur, de iis tantum, quae circa numophylacium ex demandata sibi cura praestiterit, **LECTOREM**, in operis huius limine curatius informandum esse duximus. Restitutis & in ordinem redactis, ut iam monuimus, nummis, omne studium & diligentiam, in illorum explicationem contulit. Cum vero ad perficiendum ea, quae destinauerat, varia nec obuia ubique subsidia requirerentur; prima eius occupatio fuit, magna sollicitudine conquirere, quae in vrbis huius tam publicis quam priuatis bibliothecis, vñsibus suis inferuentia, haberi possent. Cumque optime sciret, exstare in celeberrima Lipsiensium vrbe, librorum aequae ac numorum scrinia instructissima, quibus magnopere iuvare posse sperabat; hinc mature eo etiam sese contulit, perque aliquot menses ibi commoratus, nullis nec sumptibus nec laboribus pepercit, saltem ut particeps fieri posset eorum, quae tam ad arduum hoc institutum necessaria, quam apta maxime essent, ad splendorem maiusque ornamentum ei conciliandum. Laudat hic impense summi & illustri viri, **MASCOWII**, ocelli illius reipublicae literariae incomparabilis, singularem benevolentiam, qua factum, ut ex Amplissimi Senatus thesauro, toto orbe celeberrimo, haurire & in vsus suos conuertere potuerit, egregia plane adminicula, nec alibi facile reperiunda. Multum praeterea etiam **cl. IO. GOTHOF. RICHTERI**, eleganter docti apud Lipsienses iurisconsulti, apparatusi librario sane egregio, sese debere, ingenue & grate fatetur.

Atque ista de occasione huius operis, & quam in publicando illo, doctissimus auctor curam studiumque adhibuerit solertissime. Proximum est, ut de interiori eius

habitudine, quo tota fere dispositio aequae ac argumentum redit, dicenda in medium proferam. Singula numophylacii Schulziani numismata, priore hac parte publicata, descripta accurate, ac pro rei dignitate sufficienter illustrata sunt. Cumque eruditi in plerorumque nummorum interpretatione diuersas passim foueant sententias; hinc singulorum fere, tam antiquiorum, quam recentiorum, antiquae pecuniae interpretum opiniones, operose congeffit, nummisque hic occurrentibus diligenter subiunxit; quibus doctorum sententiis haud raro suas, firmis rationibus suffultas, observationes auctor inseruit; Quoties cunque autem ab aliorum mente, non sine ratione in medium prolata, recedere sibi visum fuit, cum decenti moderatione id factum a se fuisse, ipso verborum contextu, ad oculum patescit. Vbi praeterea breuitati litandum erat, illorum in gratiam, qui plura heic nosse gestiunt, sedes & auctorum loca fidelissime indicauit, quos cum fructu consulere possint. Singulorum huius thesauri numismatum imagines, vt aere expressae oculis sisterentur, superuacaneum fore duxit, quod in vulgatis eruditorum, passimque allegatorum operibus, iam sint obviae; hinc ii tantum nummi hic locum adepti, atque egregii artificis stilo aeri incisi sunt, qui, aut haecenus ignoti delituerunt, aut a peritis, rarissimis adnumerantur, aut qui ad illustrationem partis alicuius eruditae antiquitatis apprimere facere possunt, aut denique, de quibus constat, antea ab aliis haud accurate satis delineatos esse.

Quod nunc porro edisserendum est momentum, inter praecipua huius operis capita locum habere, intrepide adfirmamus, quo ipso, aliis huius generis scriptis, palmam praeripere aptum est. Conclamatum est inter rei nummariae cultores exercitatissimos, pretium cuique antiquo nummo statuere, rem esse altioris indaginis, nec minoris difficultatis; tentasse nonnullos id ipsum, saltim quoad rariores, ignotum esse illis haud potest, qui scripta huc pertinentia lege-

legerint; idem & nostrum cum laude obseruasse, suo loco comperimus: quinimo *Morellianam aestimationem* rario-
rum Consularium, haëtenus, quantum nobis quidem con-
stat, nullibi publice visam, nunc primum, ad vsus publi-
cos, in lucem produxit, blattisque ac tineis, aequè vt ali-
as ineditas, iamque squalore sepultas, SCHVLZII obser-
uationes, feliciter subtraxit.

Numismata, quae in priori hac numophylacii Schul-
ziani parte descripta & illustrata occurrunt, duplicis po-
tissimum sunt generis; duplicem hinc liber nactus est par-
tem. Omnia enim, quae hic complectuntur, numismata,
vel Graeca sunt, vel Romana; Graeca, secundum
nobilitatem metalli dispositi, priorem absoluunt partem:
alteram operis partem exornant argentei & aerei Familia-
rum Romanarum nummi, quibus aerei vrbis Romae, argen-
tei incertarum familiarum, ac tandem barbara quaedam suc-
cedunt numismata. Circa omnes & singulos hos nummos,
quomodo versatus sit auctor diligentissimus, suo iam comme-
morauimus loco. In subsequenti volumine, quod ipsius
iam exercet curas & industriam, Imperatorum Roma-
norum argentea & aerea numismata, pari diligentia illu-
strata, locum habitura sunt suum.

Tandem illud etiam breuiter commemorasse necessa-
rium duximus, non sine graui omnino causa factum esse,
vt sub calcem operis, instar vtilis appendicis, certus Epi-
stolarum numerus compareat, quas docti & celebres viri,
ex vicinis & longe diffitis locis, ad b. SCHVLZIVM sub-
inde exarauerunt; Vnam huius instituti rationem suppe-
ditauit affinitas argumenti, & nonnullarum contextus, qui
aptus est, haud simplici vice lucem fœnerari doctrinis in
opere ipso passim propositis; altera est, vt ex earum publi-
catione ad oculum appareat, in quanta existimatione, fa-
ma & celebritate, etiam apud exteros vixerit SCHVL-
ZIVS saepe, nec tamen satis laudatus.

Vltima, quae dicenda habeo, ad speciales praecise auctoris eruditissimi rationes spectant, inque eius gratiam, animi contestandi causa, dicta sunt. Natum esse eundem in Transilvania, regione multorum doctorum confessione, ex variis rationibus, iam dudum concelebrata, suo loco innuimus. Cum igitur & mihi sub eodem caelo contigerit natiuitas, vix ac ne vix quidem, hic meus calamus describat, quanta cum voluptate perfusus, data hac occasione, verba ista fecerim: nulla de cetero illi necessitudine iunctus, praeterquam illo nexu, qui inter populares in peregrinis oris debet existere. Sextus supra quadragesimum, iam vertitur annus, ex quo dulcem, nec sine teneriore adfectu memorandam patriam reliqui; septimum vero lustrum procurrit, a quo, ut in Ienenſi olim, ita praesens nunc in Halenſi constitutus, bonas artes profiteor; Eo temporis intervallo, licet plures sane nostratum, in meam venerint notitiam, nullus tamen, quod vere dixerim, mihi innotuit, si a STEPHANO BERGLERO, STEPHANO KESSLERO, aliisque paucis recessero, qui cum isto comparandus sit; etiamſi de cetero fuerint nonnulli, ob nauatam in studiis operam, suo merito minime defraudandi; saltem, qui in argumento tam nobili, sed & difficili, vires suas, idque in facie totius doctae Germaniae, periclitari voluerint aut potuerint, talem, dico, me hactenus nouisse cum ignarissimis.

Vale LECTOR HONORATIS-SIME, & fruire opere ut docte & eleganter conscripto, ita quoque maxime utili ad rem numariam omnino illustrandam & promouendam. Si quae forte occurrant, quae limatius exponi potuissent, iuuenili aetati adtribues, meminerisque illius Horatiani, ut nemo hominum sine vitiis nascitur, ita nec ullus liber, qui ab eorum labore proficiscitur; optimus est, qui minimis vrgetur. Inuidos autem & maleuolos, & qui, ea, quae ignorant, carpunt aut contemnunt, non curat Hyppoclidēs.

Perſcriptum in Academia Regia Halenſi, Dominica

Quasimodogen. A. R. S. M. DCC XXXXVI.

MORELLIANA RARIORVM FAMIL. ROMAN. NVMISMATVM AESTIMATIO.

ABVRIA.	AFRANIA.	n. 2. 2	T. II. n. 1. 20	CAECILIA.
n. 5. 2	n. 4. 3	n. 3. 2	n. 2. 5	T. 2. n. 2. 1
ACILIA.	ALLIENA.	n. 4. 5	O. 1. 2	n. 8. 1
n. 1. 4	n. 1. 8	n. 5. 5	APRONIA.	T. 3. n. 1. 7
O. 1. 8	ANNIA.	n. 6. 2	n. 3. 3	n. 2. 7
AEBVTIA.	n. 1. 1	n. 7. 8	AQVILLIA.	n. 3. 7
n. 1. 1	n. 2. 1	n. 8. 2	n. 3. 4	n. 4. 3
n. 2. 1	n. 6. 1	T. 4. n. 1. 2	n. 4. 4	n. 5. 2
O. 1. 2	ANTIA.	n. 3. 7	n. 5. 4	CAECINA.
AEMILIA.	n. 3. 6	n. 4. 7	n. 6. 6	n. 1. 1
T. I. n. 1. 1	ANTISTIA.	n. 5. 3	n. 7. 8	CALPVRNA.
n. 4. 2	n. 1. 1	n. 6. 3	ARRIA.	T. 1. n. 5. 2
n. 5. 1	n. 2. 3	n. 7. 3	n. 1. 12	T. 2. n. 1. 2
n. 7. 3	n. 3. 9	n. 8. 2	n. 2. 4	n. 2. 8
n. 8. 2	ANTONIA.	T. 5. n. 1. 8	O. 1. 4	n. 5. 2
T. 2. n. 1. 2	T. 1. n. 1. 3	n. 2. 2	O. 2. 6	n. 6. 2
n. 2. 1	n. 2. 2	n. 4. 1	ATIA.	T. 3. n. 1. 2
n. 3. 1	n. 3. 2	T. 6. n. 2. 2	n. 1. 8	n. 2. 2
n. 4. 10	n. 4. 3	n. 4. 2	n. 2. 34	n. 6. 1
n. 5. 3	n. 5. 12	n. 5. 2	AVRELIA.	CANINIA.
n. 7. 4	n. 8. 3	n. 6. 8	n. 5. 1	n. 1. 2
n. 8. 2	T. 2. n. 1. 10	n. 7. 6	AXSIA.	n. 2. 12
T. 3. n. 1. 1	n. 2. 10	n. 8. 10	n. 1. 3	CARISIA.
n. 2. 1	n. 3. 10	T. 7. n. 1. 2	n. 2. 2	T. 1. n. 7. 4
n. 3. 1	n. 4. 10	n. 2. 2	n. 3. 2	n. 8. 6
n. 4. 1	n. 5. 6	n. 8. 3	BAEBIA.	T. 2. n. 1. 1
n. 5. 1	n. 6. 2	T. 8. n. 7. 1	n. 3. 2	n. 2. 2
n. 6. 1	n. 7. 2	T. 9. n. 7. 1	BELLIA.	T. 3. n. 2. 4
n. 7. 1	n. 8. 4	T. 10. n. 7. 10	n. 1. 4	n. 3. 6
n. 8. 1	T. 3. n. 1. 3	n. 8. 6		

CASSIA.	n. 7. 7	CREPVSIA.	FABRINIA.	n. 3. 1
T. 1. n. 5. 10	n. 8. 1	n. 1. 1	n. 1. 2	n. 4. 3
T. 2. n. 1. 7	T. 3. n. 2. 2	n. 3. 1	n. 2. 2	n. 6. 7
n. 2. 13	n. 4. 12	CVRTIA.	FANNIA.	n. 7. 1
n. 3. 1	n. 6. 6	n. 2. 2	n. 2. 1	n. 8. 1
n. 4. 1	T. 4. n. 1. 1	O. 1. 1	FLAMINIA.	T. 4. n. 6. 20
n. 5. 1	n. 2. 2	DIDIA.	n. 3. 5	n. 8. 1
n. 6. 1	n. 3. 4	n. 2. 1	FLAVIA.	T. 5. n. 1. 10
O. 1. 12	n. 4. 12	DOMITIA.	n. 2. 1	n. 2. 5
CESTIA.	n. 5. 2	T. 1. n. 1. 1	FONTEIA.	n. 3. 10
n. 1. 15	n. 6. 1	n. 2. 1	n. 5. 1	n. 4. 2
n. 2. 15	T. 5. n. 1. 1	n. 3. 1	n. 6. 5	n. 5. 2
CIPIA.	n. 2. 5	n. 4. 1	n. 7. 3	n. 6. 10
n. 1. 1	n. 7. 1	n. 5. 1	FVRIA.	n. 7. 6
CLAVDIA.	T. 6. n. 1. 30	n. 7. 1	n. 2. 1	n. 8. 3
T. 1. n. 2. 3	n. 2. 30	n. 8. 3	GELLIA.	T. 6. n. 1. 3
n. 4. 1	n. 3. 10	T. 2. n. 2. 5	n. 2. 5	n. 2. 6
n. 7. 4	n. 4. 6	n. 3. 2	HIRTIA.	n. 3. 4
T. 2. n. 2. 5	n. 5. 4	n. 4. 1	n. 1. 7	n. 4. 4
n. 6. 1	n. 6. 5	DVRMIA.	HORATIA.	n. 5. 1
n. 7. 1	O. 1. 10	n. 1. 7	n. 1. 35	n. 6. 3
O. 1. 8	O. 2. 6	n. 2. 5	IVLIA.	n. 7. 7
COCCEIA.	CORNIFICIA.	n. 3. 5	T. 1. n. 6. 10	n. 8. 2
n. 1. 3	n. 1. 15	n. 4. 12	n. 8. 1	T. 7. n. 1. 5
COELIA.	n. 2. 15	O. 1. 9	T. 2. n. 1. 2	n. 4. 1
n. 1. 2	n. 3. 15	EGNATIA.	n. 2. 1	n. 5. 1
O. 1. 8	COSCONIA.	n. 1. 1	n. 3. 10	T. 8. n. 1. 3
COPONIA.	n. 1. 1	n. 2. 8	n. 4. 1	n. 2. 3
n. 1. 1	COSSVTIA.	n. 3. 1	n. 5. 2	n. 3. 2
CORNELIA.	n. 1. 2	n. 4. 2	n. 6. 3	O. 1. 20
T. 2. n. 3. 1	n. 2. 6	FABIA.	n. 7. 5	IVNIA.
n. 4. 1	CREPEREIA.	n. 8. 1	n. 8. 2	T. 1. n. 1. 1
n. 5. 4	n. 1. 3	FADIA.	T. 3. n. 1. 1	T. 2. n. 4. 30
n. 6. 5	n. 2. 3	O. 1. 1	n. 2. 7	n. 5. 3

n. 6. 4	LVRIA.	n. 2. 7	OPEIMIA.	T. 2. n. 1. 30
n. 7. 1	n. 1. 3	n. 3. 7	n. 2. 2	n. 2. 4
n. 8. 1	n. 3. 3	MINEIA.	OPPIA.	POBLICIA.
T. 3. n. 2. 1	MAECILIA.	n. 1. 3	n. 1. 1	n. 1. 1
n. 3. 1	O. 1. 5	MVNATIA.	n. 2. 2	n. 6. 1
n. 4. 1	MAMILIA.	n. 1. 12	PAPIA.	POMPEIA.
n. 5. 1	n. 2. 12	n. 2. 10	n. 4. 3	T. 1. n. 1. 2
n. 8. 1	n. 3. 1	MVSSIDIA.	n. 5. 6	n. 2. 1
T. 4. n. 1. 9	MANLIA.	T. 1. n. 1. 10	n. 6. 6	n. 3. 1
n. 2. 1	n. 1. 4	n. 4. 1	PAPIRIA.	n. 4. 10
n. 3. 1	MARCIA.	n. 5. 3	n. 3. 7	n. 5. 1
n. 4. 5	T. 1. n. 8. 1	n. 6. 2	n. 4. 7	n. 6. 30
LICINIA.	T. 2. n. 1. 1	T. 2. n. 1. 15	n. 5. 3	T. 2. n. 1. 1
T. 1. n. 5. 1	n. 2. 1	n. 2. 15	PEDANIA.	n. 2. 2
n. 6. 1	n. 7. 1	n. 3. 15	n. 1. 1	n. 3. 1
T. 3. n. 2. 10	MARIA.	n. 4. 3	n. 2. 1	n. 4. 2
n. 3. 8	n. 3. 3	NASIDIA.	PETRONIA.	n. 5. 3
n. 5. 7	n. 4. 3	n. 1. 1	T. 1. n. 1. 7	n. 6. 3
n. 6. 7	n. 5. 2	n. 2. 10	n. 2. 3	T. 3. n. 3. 2
n. 7. 7	n. 6. 9	NORBANA.	n. 3. 3	n. 4. 1
LIVIA.	n. 7. 27	T. 1. n. 1. 14	n. 4. 3	POMPONIA.
n. 1. 1	n. 8. 20	n. 3. 3	n. 5. 1	T. 1. n. 2. 1
LIVINEIA.	MESCINIA.	T. 2. n. 1. 14	n. 6. 2	n. 3. 3
T. 1. n. 6. 3	n. 1. 12	NVMIDIA.	T. 2. n. 1. 7	n. 4. 1
T. 2. n. 2. 5	n. 2. 3	n. 1. 1	n. 2. 1	n. 5. 1
LOLLIA.	n. 3. 15	NVMITORIA.	n. 3. 10	n. 6. 1
n. 1. 1	n. 4. 3	n. 1. 1	O. 1. 34	T. 2. n. 1. 1
n. 2. 2	METTIA.	n. 2. 1	PINARIA.	n. 2. 1
n. 3. 3	n. 1. 5	n. 3. 6	n. 4. 2	n. 3. 1
n. 4. 2	n. 2. 2	NVMONIA.	n. 5. 2	n. 4. 1
n. 5. 3	n. 3. 2	n. 1. 12	n. 6. 2	n. 5. 1
n. 6. 2	n. 4. 6	OGVLNIA.	PLAETORIA.	n. 6. 1
LVCRETIA.	MINATIA.	n. 1. 1	T. 1. n. 1. 15	T. 3. n. 1. 1
n. 3. 14	n. 1. 7		n. 2. 4	n. 2. 3

n.3.1	n.3.4	n.2.15	n.2.8	VIPSANIA.
n.4.1	SANQVINIA.	n.3.1	TERENTIA	n.1.15
PORCIA.	n.1.3	SESTIA.	n.4.1	n.2.5
n.1.1	n.2.1	n.1.1	n.5.5	n.3.10
POSTVMIA.	SEMPRONIA.	n.2.1	n.6.2	n.5.3
T.1. n.1.1	T.1. n.3.5	SICINIA.	VALERIA.	n.6.3
n.4.1	n.4.5	n.1.1	T.2. n.6.4	n.7.30
T.2. n.3.3	n.5.12	STATIA.	VETTIA.	n.8.30
PROCVLEIA.	T.2. n.2.12	n.1.30	n.1.4	VOCONIA.
n.1.2	n.3.2	STATILIA.	VETVRIA.	n.1.3
n.2.2	SENTIA.	n.4.4	n.2.12	n.2.3
QVINCTILIA.	n.3.2	SVLPICIA.	VIBIA.	INCERTA.
n.1.1	n.4.2	T.1. n.4.4	T.1. n.1.1	T.1. n.1.1
n.2.2	n.5.1	n.5.20	n.2.14	n.2.1
RABIRIA.	SEPVLLIA.	n.6.5	T.2. n.1.3	n.3.4
n.1.2	n.1.1	T.2. n.1.2	n.6.1	n.4.2
RVBRIA.	n.2.1	n.2.1	VINICIA.	n.5.3
n.4.12	n.3.1	n.4.4	n.1.2	n.8.1
n.8.2	n.4.12	n.5.10	n.2.7	T.2. n.1.1
O.1.12	SERVILIA.	n.6.4	n.3.12	n.4.1
SALVIA.	T.1. n.1.1	TARQVITIA.	n.4.6	n.5.1
n.1.1	T.2. n.1.6	n.1.1		n.6.1





Q. D. B. V.

NVMI GRAECI AVREI. ALEXANDRI MAGNI.



1. Caput Palladis galeatum promissa caesarie.

Victoria stans alata, dextra aliquid porrigit, iuxta, ut videtur, caput bouis.

Singularis elegantiae & raritatis aureus. Duc. 2 $\frac{1}{4}$



ureum hunc Alexandri M. rarissimum celeb. *Io. Iac. GESSNERVS* inter *regum Macedoniae numismata* tab. V. num. 16. primum vulgavit. Prouocamus ad *Cur-tium*, qui *Mineruam & Victoriam* ab Alexandro cultam haud vno testatur loco. *Caput bouis* Euboeorum fuit insigne, qui numum in Alexandri honorem cudisse videntur. Monarchiae tertiae conditoris Alexandri memoriam *Arrianus*, *Curtius*, *Plutarchus*, *Iustinus* & ipsae sacrae paginae, *Dan. VII. vers. VI. cap. VIII. vers. V. I Maccab. I. vers. I.* ad nostra usque tempora conseruarunt. Succinctius Alexandri, cui rerum gestarum gloria Magni nomen dedit, vitam, illustria facta & mor-

A tem

tem memoriae prodidit *Ludou. NONNIVS* in *comment. ad Hub. GOLTZII Graeciam* pag. 172. sqq. conf. cel. *Laurent. BEGERVS* in *thes. Brand.* tom. I. pag. 242. sqq. eruditiss. *Cbrist. Sigism. LIEBE* in *thes. Frideric.* pag. 4. sqq. cel. *GESSNERVS* in *numism. regum Maced.* pag. 12. & 17. Vnius *Iustini* de praeclaris Alexandri gestis nobis h. l. sufficiat testimonium: *cum nullo unquam*, inquit, *hostium congressus est, quem non vicerit; nullam urbem obsedit, quam non expugnauerit; nullam gentem adiit, quam non calcauerit.* vid. *Iustinus* lib. XII. cap. XVI. *edit. Graeu.* pag. 289.

LYSIMACHI.

2. Caput Lysimachi regis diadematum & cornutum.

ΒΑΣΙΛΕΩΣ ΑΤΣΙΜΑΧΟΥ. Pallas *μνησός* & sellae infidens, sinistra scuto innititur, ad pedes tridens cum quatuor delphinis, in area monogramma ΔΙ.

Optime conseruatus, qui tamen recentioris fabricae numus esse viderur. Duc. 2. $\frac{1}{8}$

Simile paene Lysimachi numisma adseruatur in numophylacio cel. *Io. Iac. GESSNERI*, vid. *eiusdem reg. Maced. numism.* tab. VI. num. 34. pag. 33. *Constant. LANDVS* in *select. numism.* pag. 22. sqq. commemorat, sese apud *Io. CAVINIVM*, nobilissimum quendam aurifabrum, similem Lysimachi aereum vidisse. Quumque l. c. inter alia *LANDVS* referat, *CAVINIVM* hunc tam praeclare veterum numismata expressisse, vt antiquos illos Graecorum & Romanorum artifices arte propemodum superauerit; hinc ferme crediderim elegantem hunc *SCHVLZIANVM*, vna cum *GESSNERIANO*, itidem ex eiusdem *CAVINII* officina prodiisse. *Iouis Ammonis*, cuius simulacrum cornibus arietinis ornatum frequenter occurrit, filium sese Alexander iactabat. *Ouidius*:

Quam qui *Cornigero* de *Ioue* natus erat.

Hinc Alexandri numismata eiusdem caput diadematum annexis cornibus arietinis passim ostendunt. Hoc Alexandri M. diadema, in insigni successoris eius Lysimachi numismate conspicuum, egre-

egregie illustrat *Iustinus*, dum p. m. 333. *Lysimachum*, inquit, *desiliens equo Alexander hastae cuspide ita in fronte vulneravit, ut sanguis aliter cludi non posset, quam diadema sibi demptum rex, alligandi vulneris causa, capiti eius imponeret. Quod auspiciū primum regalis maiestatis Lysimacho fuit.* Perillustris *Ezechiel SPANHEMIVS* de *praest. & usu numism.* tom. I. *dissert.* VII. proietam ceruicem & cornua ideo Alexandri successoribus usurpata fuisse docet, ut sese, & oris & habitus similitudine, eius quasi legitimos heredes probarent. Alexandri potius imaginem in aduersa numi pagina expressam esse cl. *Io. Georg. WACHTER*, illustris Lipsiensium antiquarius, antiquiores sequutus, existimat, dum: credibilius est, inquit, Lysimachum maluisse caput ipsius Alexandri numis suis praefigere, ad ostendendum, se legitimum eius in regno Thraciae successorem esse, quam proprium caput alienae diuinitatis symbolis exornare, quod nemo successorum Alexandri ausus est, vid. *WACHT. archaeologia numaria* pag. 67. In numismatibus Lysimachi passim signata est *Minerua* cum *Victoria*; nam, ut antea vidimus, *Curtio* teste, utraque ab Alexandro, & quod vero simile videtur, ab aliis Macedoniae regibus, culta fuit. Illud & propterea numis suis *Minerua* toties cum *Victoria* coniunxisse eruditi autumant, quoniam sapientissimus rex experientia perspectum habebat, Mineruae, vel sapientiae studiis cum labore coniunctis, magnam victoriae partem tribuendam esse. Alii tamen statuunt *fortitudinem* hoc symbolo pingi; unde in *actis soc. reg. inscript.* tom. VIII. pag. 242. *Pallas*, représentée sur la medaille, n'est qu'un symbole de la valeur des peuples, sur qui le Prince regnoit, conf. *GESSN. reg. Maced. numismata* pag. 32. Verum *tridens* ad victoriam quandam naualem spectet, an locum signati numismatis indigitet *BEGERVVS* dubitat. De *monogrammate*, quod areae partem occupat, audiamus celeb. *GESSNERVM*: non raro, in *proemio ad Maced. reg. numism.* inquit, cernuntur aliae litterae temporis & locorum indices, atque nexus litterarum sibi inuicem implicatarum, quos *monogramma-*

2a vocant, & cel. BEGERVS, GOLTZIVS, SPANHEMIVS, regiorum, vrbiumque initiales statuunt, in quibus numismata cusa fuerunt, vel epithetorum deorum, quorum imaginibus signata sunt, vel monetariorum: non pauca eorum exempla cernuntur, in regum Macedoniae descriptione, atque in indicibus inscriptionum Graecarum, quas GOLTZIVS *Siciliae* & cl. VAILLANTIVS *numis Graecis imperatorum* subiecerunt. De *monogrammatibus* paucis multa dicuntur in *Memoires de l'Academie des Inscriptions*: Les Monogrammes, sont ordinairement sur les medailles Greques des chiffres particuliers, ou à des certains coins de monoyes, ou à des villes, ou à des Peuples, ou meme aux Monetaires, & il est tres difficile d'en penetrer le sens. Les lettres qui les forment sont souvent, ou renversees, ou unies en semble; ou pour en tirer signification, il faut les decomposer & les arranger dans un ordre naturel. Lyfimachus Agathoclis filius, illustri Macedoniae loco natus, quondam inter Alexandri M. custodes fuit; quo extincto in Thracia ad regalem dignitatem adspiravit, *virtutis experimentis, Iustino teste, omni nobilitate clarior, quae tanta in illo fuit, ut animi magnitudine, philosophia ipsa, viriumque gloria, omnes per quos oriens domitus est, vicerit.* Idem historicus lib. XV. cap. III. p. m. 332. inter alia, quae de Alexandro, Lyfimacho & Callisthene commemorat, Lyfimachum Alexandri iussu ferocissimo leoni obiectum fuisse refert; haec fabulam redolere *Currius* quidem scribit, pro veris eadem autem narrat *Seneca* de ira III. De Lyfimachi vita, fama, fati & morte, praeter *Iustinum* aliosque antiquiores, vid. *Lud. NONNIVS* in supra laudato *commentario* pag. 192. sqq. BEGERVS in *thes. Brand.* tom. I. pag. 244. de WILDE in *select. numism. antiqu.* pag. 28. sqq.

3. Idem Lyfimachi & Mineruae typus, cum eadem epigrapha; insuper autem in auersae paginae area litt. C. & in sella B. conspiciuntur, in imo tridens cum duobus delphinis.

Eleganter signatus, probus. Duc. 2 $\frac{1}{4}$

Aureum hunc numum vna cum praecedente Alexandrino haud pridem ex Transsilvanorum Corona missos esse; cum cl. *L. ALBRICHI*, medicinae doctoris & Coronensium senatus assessoris amplissimi, litterae, tum illustris *SCHVLZII* schedae testantur. Aureorum istorum, peritissimi artificis manu depictorum, bigam tab. I. sistit. *Lyfimachi* ex auro purissimo fabricatos, & in gaza regis Dacorum Decebali repertos numos XI. possidet *SENATVS* Lipsiensis in splendidissimo suo apparatu numario. Ex tot aureis & argenteis *Lyfimachi* numis, quot adhuc reperiuntur, & ex historia reliquiarum gazae, a Decebalo quondam exstructae, saeculo demum XVI. in Transsilvania inuentarum colligitur, ingentem opulentissimum hunc regem & argenteorum & aureorum numorum vim cudendam curasse, vid. cel. *LIEBEVS* in *thes. Frideric.* pag. 7. conf. *allgemeines historisches lexicon* sub tit. *Siebenbürgen*, vbi tum de Decebali thesauris a Traiano Romanorum imperatore inuentis, paucis multa referuntur, tum generatim ad Transsilvanorum historiae ambitum spectantia notatu digniora commemorat illustris Transsilvanus *Martinus SCHMEIZELIVS* noster. Ad litteram B. quod attinet, vid. *Memoires de l'Academ. des inscript.* tom. VIII. pag. 240. On, trouve au revers des Medailles de *Lyfimaque*, dans la partie interieure du siege de Pallas, le monogramme, ou le commencement du nom des *Villes* ou elles ont été frappées, & plus souvent qu'aucun autre, celui de Byzance, qui étoit la capitale du Bosphore de Thrace, reliqua.

ARGENTEI.

PHILIPPI.

4. Iouis Olympii caput barbatum, & olea coronatum.

ΦΙΛΙΠΠΟΥ. Alexander gradienti Bucephalo insidens,

dens, dextra oleæ ramum praefert, inter anteriores equi pedes vasculum cernitur.

Numisma, quod tres drachmas praeponderat. Aduersae paginae effigiem *oleagina corona* cinctam esse, ex foliorum tenuitate coniicimus. *Olympicum louem* olea significat, cui, apud *Arrianum* lib. I. pag. m. 30. Alexander, in Macedoniam reuersus, sacra fecit. *Pausanias* in *Eliacorum* lib. I. edit. *Kuhnii* pag. 400. dum imaginem Iouis Olympici pluribus describit, testatur, eum oleaginam coronam gestasse. De *Bucephalo* CAMERARIUS in *opp. suis subscissis* cent. I. cap. XXI. p. m. 112. celebrantur, inquit, quoque sepulcra equorum, videlicet Cimonis & Alexandri Magni, cuius equus Bucephalus siue ab aspectu toruo, siue ab insigni, h. e. taurino capite armo impressi dictus, in dorso suo ornatus regiis phaleris, & bullis insidere nullum alium patiebatur; regem vero, quum vellet ascendere, sponte sua genua submittens, excipiebat, credebaturque sentire, quem veheret. Haec CAMERARIUS; conf. de WILDE *select. numism. antiqu.* pag. 12. Ortu Thessalus fuit, emptus XIII. talentis, h. e. septem millibus octingentis aureis, ut refert *Plinius* in *hist. nat.* lib. VIII. cap. XXXII. edit. HARDVINI tom. I. pag. 465. Philippus Macedo, Alexandri M. pater, inde potissimum celebratur, quod, oppressis caeteris Graeciae populis, prima monarchiae tertiae fundamenta posuit: quibus vero artibus id imperii & auctoritatis consequutus sit, illarum rerum studiosi non sine voluptate & fructu intelligunt ex cl. PUFFENDORFII *einleitung zur Staatshistorie* tom. I. pag. 15. sqq. & ex amplioribus *commentariis*, quos de vita, eiusque actis publicis & priuatis ex *Diodoro*, *Iustino* aliisque edidit Lud. NONNIUS ad GOLTZII *Graec.* tab. XXX. conf. cl. Io. Iac. GESSNERVS lib. laud. pag. 15.

5. Caput Iouis Olympici laureatum.

Eadem epigraphæ, idemque typus, insuper ramus & litt.
II. inter equi pedes conspiciuntur.

Numi-

Numisma, quod iidem tres drachmas pondere superat. Quem admodum in praecedenti numismate ex foliorum tenuitate olea coronatum Iouem vidimus; ita in hoc argenteo ex eorundem latitudine *corona laurea* Iouis eiusdem caput cinctum esse iudicamus. *Cel. Laur.* BEGERVS in *thes. Brand.* tom. I. pag. 236. ex amplissima Prussorum regis gaza simile produxit numima, eiusdemque aduersam de *Iouis Olympici cultu* explicat, auersam autem *victoriam Olympicam* celebrare existimat; *cons. NONNII comment. loc. cit.*

6. Idem caput Iouis barbatum & olea coronatum.

ΦΙΛΙΠΠΟΥ. Eques pileatus & armatus gradienti equo insidens, inter anteriores equi pedes stella, & sub eius pedibus cultri genus cernitur.

Numisma, quod identidem tres drachmas pondere superat, cuius typum, quod nos quidem scimus, haud aliquis antiquariorum exhibuit. De solemnibus ludorum Olympicorum certaminibus, quae ista numismata respiciunt, praeter *Pausaniam* in utroque *Eliacorum libro*, caeterosque antiquos scriptores, consulendus *cl. LIEBEVS* in *thes. Frideric.* pag. 474. sq. & alibi.

7. Caput Philippi laureatum.

ΦΙΛΙΠΠΟΥ. Vir bigis vectus equos agit baculo, sub equis tridens.

Eleganter signatus, cuius typum tab. II. num. I. contemplamur. Simillimum aureum ex thesauro regio tom. I. pag. 233. exhibuit BEGERVS. In memoriam expeditionis susceptae in Phocenses *laureatam Philippi imaginem* in aduersa numi pagina signatam esse *Lud. NONNIVS* autumat. Eo enim tempore Philippus omnes milites coronas laureas summere iussit, atque ita proelium commisit, & Phocenses superauit. *Cl. Laur.* BEGERVS l.c. non Phocensem tantum, verum, quum laurea victorum in genere symbolum

lum sit, Philippo autem, victoriarum compoti, insigne victoriarum insolitum non fuerit; hinc alias quoque Philippi victorias laurea- tam regis istius imaginem indigitare credidit. Quod aliquando *bigis in Olympicis viceffet* Philippus, hinc in auersa numi pagina bigas effictas esse idem NONNIVS asserit. Quam opinionem etiam *Plutarchi* testimonium confirmat: Καὶ τὰς ἐν Ὀλυμπία νίκας τῶν ἀγμάτων ἐτχαράττων τοῖς νομίσμασιν. Et *victoriis currum Olympicis suis numos signabat*, vid. *Plutarchus* in *Alexandro*, edit. optim. pag. 666. BEGERVS loco antea laudato auersae typum itidem latius patere, neque solum ad Olympicas, verum etiam ad Pythicas, Philippi victorias bigas illas referendas esse existimat. *Plutarchus* de Olympicis, vt vidimus, nominatim testatur, de Pythicis autem nullo auctore comitat. Ill. Io. Georg. WACHTERVS, celebris Lipsiensium antiquarius, paucis omnia antecedentia Macedoniae numismata egregie illustrat, dum: quam gratum, inquit, semper fuerit Macedonibus equorum & rei equestris studium, ex eorum numis liquet, in quibus equites cum hasta decurrentes, equites ex ludis cum frondibus & palmis reuertentes, equorum domitores & aurigae in bigis passim conspiciuntur. Omitto nomen Philippi, addit vir litteratissimus, in Macedonia frequentissimum, & ab amore equorum desumptum. Idque studium apud infanos illos tanta in aestimatione fuit, vt eum, qui equum ferocem domare posset, etiam regno gerendo parem esse iudicarent. Hinc Alexander, postquam ferociam Bucephali superauit, ab omnibus maximo adplausu, a patre prae gaudio lacrymante hisce verbis exceptus est: *quaere fili, par tibi regnum, siquidem Macedonia te non capit*; *Plutarch* in vita Alexandri, vid. cl. WACHTERI *archaeol. numaria* pag. 51. sqq. *Tridens*, quae in hoc Philippi numismate sub equo conspicitur, & apud GOLTZIUM desideratur, Neptuni equestris est insigne, cuius honori aequae vt Iouis Olympici, dicata erat ludorum Olympicorum celebritas. *Iustinus* quidem, quod probe obseruat celebris Lipsiensium antiquarius, Philippum quadrigis vicisse scribit, non bigis. Verum

Iusti-

Iustinum e numis corrigendum esse patet. Numus iste, huius victoriae index, ex eiusdem clarissimi viri sententia, tanto gravior & pretiosior possidentibus esse debet, quod eum eodem anno, quo Alexander natus est, a Philippo signatum esse certissimis indiciis cognoscatur. *Plutarch.* loc. cit. *Philippus capta modo Potidaea, eodem die tres accepit nuntios, fusos a Parmenione ingenti pugna Illyrios, alterum in Olympicis se equi pernecitate vicisse, tertium natum Alexandrum;* conf. *Iustinus* lib. XII. cap. XVI. p. m. 289.

ALEXANDRI MAGNI.

8. Alexandri Magni spoliis leonis exornata effigies.

ΑΛΕΞΑΝΔΡΟΥ. Iupiter *κρόνος* throno insidens, d. aquilam praetendit, s. hastam puram tenet.

In elegantissimo hoc Alexandri numo rex leonino spolio ornatus cernitur, & quidem haud dubie in Herculis memoriam, a quo Macedonum reges originem traxisse credi voluerunt, unde *Constant. PORPHYROGENNETA* lib. II. de *thematibus*: ideoque *Macedoniae reges*, inquit, *pro redimiculo & corona & purpura regia, leonini capitis exuviis se redimunt, atque hoc gestamen coronam & ornatum esse censent, eoque magis quam pretiosis lapillis & unionibus decorari putant: ac testis huius rei fide dignus est numus Alexandri Macedonis, eiusmodi figura insignitus.* Hinc ita de Auentino *Aen.* VII. vers. 666. canit *Virgilius*:

*Ipse pedes, tegimen torquens immane leonis,
Terribili impexum fera, cum dentibus albis
Indutus capiti, sic regia lecta subibat
Horridus, Herculeoque humeros innexus amictu.*

Vid. *NONNII comment.* in *GOLTZII Graec.* pag. 179. *BEGERVUS thes. Brand.* tom. I. pag. 231. sq. perillustr. *Ezech. SPANHEMIYS de praest. & usu numism.* tom. I. pag. 386. sq. Iouis sedentis imago admodum frequenter, ob cultum Ioui ab uniursa Graecia exhibitum, in Graecorum numis occurrit. Peculiariter autem eum ve-

nerati sunt reges Macedonum, in primis autem Alexander M. Non solum itaque quod eius filium passim sese praedicabat; verum etiam potissimum ob eximium Iouis cultum passim in Alexandri numis exprimitur Iupiter. *Aquila* itidem non tantum ad imperii maiestatem, & progeniem ex Ioue, declarandam exhibetur; sed etiam quia aquilae Alexandro saepius faustissimi ominis loco fuerunt. Plura huc pertinentia commemorant NONNIVS loc. cit. BEGERVS *thes. Brand.* tom. I. pag. 239. sq. cl. GESSNERVS *in reg. Maced. numism.* pag. 12. & 17. Aquilam Ioui in primis sacram, eamque diuinitatis, prouidentiae & imperii symbolum esse docet illustrissimus *Ezech. SPANHEMIVS de usu & praest. numism.* tom. I. pag. 170. sq.

9. Idem Alexandri M. numus, ex vtraque pagina detritus.

10. Caput virile itidem leonis exuuiis ornatum.

ΑΟΚ. ΜΑ. ΔΝ. aut ΔΤ. Iupiter sellae insidens, d. aquilam s. hastam tenens.

Hoc numisma, quod pondere quatuor drachmas superat, in antea ad antiquam illam elegantiam accedit, ex posticae autem typo & inscriptione recentioris fabricae argenteum hunc numum esse iudicamus: & hinc forte etiam differt hoc νόμισμα ab omnibus illis typis, quos cel. GESSNERVS in praeclaro, utinam perfecto, suo opere ex plerisque rei numariae scriptoribus collegit.

LYSIMACHI.

II. Caput regis Lysimachi cum diademate & cornu arietino.

ΒΑΣΙΛΕΩΣ ΑΥΞΙΜΑΧΟΥ. Pallas galeata sedens, d. victoriolam alatam praetendit, s. scuto Gorgonis capite insignito innititur, ad dextram fax accensa, in area monogramma ex Π. ΜΤ & Ρ. compositum.

Numisma pondere unciam dimidiam excedens, quod cl. Io. Andr. SCHMIDTS in *schediasm. de numis cathedraticis* probe delineatum exhibet. Cel. GESSNERI typi haud ex omni parte conueniunt cum
arche-

archetypo SCHVLZIANO. Ad elegantis numismatis huius interpretationem ea, quibus aureos Lyfimachi numos exposuimus, ytramque faciunt paginam.

METAPONTINORVM.

12. Caput deae Cereris spicis ornatum, cum inauribus.

ΜΕΤΑΠΟΝΤΙΩΝ. Spica, ex cuius culmo insidenti ramulo videtur insistere Cupido; certe puellus alatus.

Haud antiquariorum aliquis huic SCHVLZIANO simile vulgavit νόμισμα. Cum agrum admodum foecundum Metapontini possiderent, Apollini Delphico, teste *Strabone*, mēssē auream dono miserunt. Fertilitatem autem agri eorundem testantur numismata, quorum fere omnium auersae *spica triticea* signantur, in quibusdam, aequē vt in hoc SCHVLZIANO numismate, insuper & *Cereris caput* deprehenditur; vid. *comment.* in GOLTZII Metapontinorum numismata, & cl. *Laurent. BEGERVS* in *thes. Brand* tom. I. pag. 328. sq. De *Cupidine* iudicium paenes peritiores esse volumus.

MASSILIENSIVM.

13. Dianae pharetratae imago, cum monogramm. ex H. & E. composito.

ΜΑΣΣΑΛΙΗΤΩΝ. Leonis gradientis effigies, in area itidem monogr. ex H. & E.

Adseruantur in numophylacio SENATVS Lipsiensis quinque argentei, & aureus vnicus, omnes Dianae & leonis simulacris insigniti, qui characteribus quibusdam tam inter se quam a GOLTZIANIS discreti sunt. Elegantissimus iste SCHVLZIANVS itidem ab omnibus, quos vulgarunt eruditi, Massiliensium numis differt. *Dianam* tota Ionia magna veneratione colebat. Cumque Massilia colonia fuerit Phocaeorum, videlicet eorum, quin in Ionia fuerant; hinc facile patet, quid sibi velit Dianae imago. Massilia au-

tem tali occasione condita est. Cyrus Persarum rex quum Croesum Lydorum regem, opibus superbientem, armis edomisset, & in potestatem redactum regno spoliasset; maritimis Ioniae & Aeoliae regionibus Harpagum ducem praefecerat. Is quum superbe admodum & ex libidine dominaretur, metum Phocaeensibus incussit; quos ut tumultuari accepit, tanquam urbem obsessurus propius ad Phocaeam mouit. Phocaeenses vero, ut vim ab Harpago parari vident, noctu qui elabi poterant, conscensis cum familia nauibus, in Ephesum vela faciunt; idque ex omine quod forte nauigationis eiusdem gubernatori exciderat, consulendam videlicet esse Dianam, quo cursum oraculo suo dirigendum dea responderet. Nocte vero eadem qua Phocaeenses Ephesum appulsi fuerant, Aristarcha inter Ephesias matronas honestissima vidit Dianam in somno monentem, ut vna cum Phocaeensibus accepto secum quodam simulacro nauigaret. Italiam itaque ex deae oraculo petunt, & inde cum tota classe in Galliam Braccatam profecti, Massiliam Aristarchae monitu ad Rhodani ostia condiderunt, vrbeque moenibus cincta arcem exstruxere, templumque in arce Dianae Ephesiae splendissimum, ob oraculi memoriam, condiderunt. Aristarcham, quam summo in honore Phocaeenses habebant, eiusdem Dianae sacerdotem creatam fuisse memoriae proditum est. Consentit cum historiis elegantissimus iste numus. Massilienses, per Phocaeenses, a Phocensibus descenderunt. Cumque *leo* Phocensium insigne fuerit; hinc numi isti Massiliensium vtramque originem respicere videntur; utpote *deae simulacrum* proximam a Phocaeensibus, & *leonis* simulacrum remotiorem a Phocensibus innuit; vid. *Hub. GOLTZII Siciliae & magn. Graec. hist.* pag. 319. sq. BEGER. *thes. Brand.* tom. I. pag. 339. & pag. 361. cl. WACHTER in *archeol. numar.* pag. 78. sq.

11. Caput Florae deae frondibus arboreis redimitum.

ΜΑΣΣΑΛΗΤΩΝ. Idem gradientis leonis simulacrum.

Auersam paginam ad praecedentem Massiliensium numum exposui.

posuimus; ad aduersae interpretationem sufficiat vnus, nobilissimi Lipsiensium antiquarii, cl. WACHTERI sententia, dum loc. cit: condita, inquit, Massilia Ligures incrementis vrbs inuidentes Graecos assiduis bellis aut fatigabant ipsi, aut regulos Gallorum ad bellum illis inferendum instigabant. Caussas inuidiae narrat *Iustinus*. Narrat etiam structas insidias, iis circumstantiis, quae, quia alteram Massiliensium deam, quae tunc Graecae loquentibus *Chloris*, & postea corrupto vocabulo *Flora* dicta, eiusque cultum solemnem vrbi paene coaeuum, perspicue declarant, hic omitti non debent, praesertim cum verba *Iustini* numis Massiliensium miram lucem affundant, & ab illis vicissim accipiant. *His incitatus rex* (Segobrigiorum Comanus) *insidias Massiliensibus exstruxit. Itaque solemnem FLORALIORVM die multos fortes ac strenuos viros hospitii iure in urbem misit, plures sirpeis latentes frondibusque supertectos induci vehiculis iubet: Et ipse cum exercitu in proximis montibus delitescit, ut quum nocte a praedictis apertae portae forent, tempestive ad insidias adesset, urbemque somno & vino sepultam armatis inuaderet.* Infaustum insidiarum exitum nunc mittimus, id vnum obseruamus, quod caput Florae in Massiliensium numis satis frequens sit, & quidem haud corona florea, sed frondibus arboreis redimitum, ut recte clar. WACHTER contra HARDVINVM & BEGERVM monet.

15.

ΜΑΣΣΑΛΙΗΤΩΝ. Leonis gradientis imago mutato paullulum typo, in area monogr. M. in imo ΠΠΔ.

Vtriusque paginae typus quid indigiter iam nouimus; quara-
tione autem ambo haec auersae monogrammata suppleri debeant
nobis haud constat.

RHODIORVM.

16. Caput Solis aduersum.

Rosa, cuius calici capitulum insistit.

Affabre signatum numisma. Rhodiorum numi frequenter ex altera parte Solem, ab altera rosam exprimunt. *Solem* enim peculiariter Rhodii coluerunt, cuius honori celebrem illum, atque immensae magnitudinis, colossus consecrarunt. Erat autem Asiae minoris illustrissima haec insula Soli sacra, teste *Manilio III. Astro- nom. p. m. 103.*

Tuque domus vere Solis, cui tota sacrata es.


Eo enim tempore, quo Iupiter & caeteri dii vniuersum orbem inter se diuiderent, Rhodus sub aquis tecta latebat; Sole autem absente, cursumque suum conficiente, cum in diuisione ab omnibus praeteritus esset, Iupiter re cognita voluit nouam diuisionem inire, sed Sol hoc recusauit, & Rhodum emergentem e fundo maris, caeteris diis occultam, sibi vero perspectam, elegit; quod a Ioue reliquisque diis illi concessum fuit. Hinc *Plinio & Solino* testibus nulla dies est tam nubila, in qua Sol non oriatur in hac insula. His haud illepide *cel. BEGERVS* suam addit epierisin; dum: mirum, inquit, in tanta solis luce tam densas regnasse fabularum tenebras, ut & ipsi Rhodii non tantum Solis colossus, qui inter mundi miracula locum meruit, aedificauerint; sed & Solis se progeniem ambitiose iactauerint. Rhodus a rosis denominata creditur; & hinc *rosam* in numis Rhodiorum effictam esse eruditi existimant. Insulam non urbem a rosis etymon habere constat, indeque facilis coniectura est, Rhodum urbem deinceps non aliunde, quam ab insula, nomen petiisse; vid. illustriss. *SPANHEMIVS de usu & proest. numism. tom. I. pag. 315. sqq. NONN. in GOLTZII Graec. pag. 274. sqq. Lour. BEGERVS thes. Brand. tom. I. p. 410. sqq.*

THASIORVM.

17. Caput Bacchi capillo circa tempora collecto, cuius frontem diadema ornat, sinciput & occiput corona cingit hederacea.

ΘΑΣΙΩΝ ΗΡΑΚΛΕΟΥΣ ΣΩΤΗΡΟΣ. Hercules nudus stans, a cuius sinistro humero dependens leonis exuviae

I.



II.



III.



exuuiæ, dextra clauæ innititur, super humero sinistro eminet pharetra sagittis plena, in area monogramma ex M. & H. compositum.

Integerrimum hoc νόμισμα, quod quatuor nostrates drachmas notabiliter excedit pondere, illustri SCHVLZIO, ipsis Kal. Ianuariis anni c1o10ccxxxiiii, obtulit Samuel de DRAVTH Corona Transiluanus, tunc medicinae candidatus, postea doctor, Academiae naturæ curiosorum collega, & in patria practicus. Hoc donum, nil minus quam antiquos numos cogitantem, ad delicias has primum inuitauit & deduxit nuper beate defunctum huius κειμηλιαρχῆς possessorem dignissimum. Idem est cuius ἔκτυπον ill. SCHVLZIVS in tabula dissertationi de numis Thasiorum praemissa tertio loco exhibuit. Eadem illa tabula, inter reculas SCHVLZIANAS latitans, nuperrime forte in manus nobis incidit, quam in eorum gratiam, qui modo laudaram b. SCHVLZII dissertationem haud possident, denuo imprimendam duximus. Summos in medicina honores cl. de DRAVTH gratulaturus, ob numum hunc Thasiorum argenteum sequenti carmine Graeco simul gratias egit celeberrimus, vrinam adhuc noster, SCHVLZIVS.

Αγριον Ὑδρα πέλωρ Λέγνης, λυμῆνατο Αργῷ.

Πολλὰ Μυκηναίοις πῆματα λυγρὰ φέρον.

Αμφιτρωνιάδης ἀπαμῦναι ἀεικέα λοιγόν

Οὐδ' ἄορ κόλεοῦ ἤλυθ' ἐρυσσάμεν.

Τῷ σοβερῶς παίων κεφαλᾷ ταχὺ ἤλπετο δοῦναι,

Πάταις τμηθείσας, ἀνχέσιν ἐπταὶ φόνον.

Μαψίδιον δ' ἐνόησε πόνον καὶ ἔργον ἀλχηκτον,

Ἀντὶ δυσὶν ὀρώων τέσσαρα φύντα κάρα.

Οὐχ ἅλις ὥδε σιδήρῳ, ἔφη, σὺ δὲ βάσκι, ἴθι, φλώγα

Αἰθομένης δαδὸς, παῖ φίλε, ὥκα δίδου.

Τὼς διωτῇ φλωγὸς τε βίη κρατεροῦ τε σιδήρου

Νίκην, ΣΩΤΗΡΟΣ τ' ὄνομα, κῦδ' ἔχει.

Κοί μείζον νικῶντι τέρας, φίλε, κῦδος ὀπηδεῖ
 Οὔνομα σοι δίδομεν φέρτερον Ηρακλέους.
 Οὐχ ὕδραν κεφαλῶϊς βριαρὴν μόνον ἐπτά φόνευσας
 Μυρ' ἔχον δε κάρη, δις δὲ τοσοῦδα πόδας
 Χαῖρε πολὺ σέο δ' αἰὲν ἐγὼ, φίλε ΔΡΑΥΘΙΕ, μῆμιν
 Ἀσω τῆς Φιλίας. ΗΡΑΚΛΕΟΥΣ τε χάριν.

Accedimus iam ad numismatis singulas partes ordine describen-
 das. Nobilissimos antiquarios, & in primis illustrem SCHVLZI-
 VM, sequuti, pauca quaedam pro instituti ratione, tum ex alio-
 rum scriptis, tum ex praeclara illa dissertatione delibabimus. Si-
 stit autem aduersa numi pagina caput iuuenile, vultum decore pul-
 chrum praeferens, qui propius ad venustatem feminini sexus,
 quam ad virilis grauitatem accedit. *Lud. NONNIUS*, in *comment.*
 ad *GOLTZII Gr. & insul.* pag. 238. de hoc ipso numo agens, *Bacchi*
caput hic agnoscit. Eandem de Baccho sententiam sequitur *Laur.*
BEGERVUS thes. Brand. tom. I. pag. 423. eamque contra *KIRCHMAIE-*
*RV*M defendit, qui caput Alexandri M. hic inuenisse sibi visus erat.
 Ipsemet *Io. HARDVINVS*, qui non segnem se praestare solet in
 corrigendis aliorum sententiis, in *num. antiqu. pop. & urb.* illustra-
 tis, nihil hic vel monere vel mutare voluit: vt taceam alios com-
 plures, qui sese nihil de Bacchi imagine hic expressa dubitare o-
 stenderunt. Domesticas Thasii habuerunt rationes, cur se Baccho
 gratias habere declararent, quippe vini optimi largo & vario
 prouentu beati. Altera numi pagina *Herculus imaginem* exhibet,
 idque cum ex typo tum ex adiecta inscriptione facile colligi por-
 est. Thasii colebant olim Herculem illius gentis, a qua fuerunt
 deducti, hoc est Tyriorum, & ideo posticam simulacrum eius oc-
 cupat. Antequam autem in numophylacii SCHVLZIANI descri-
 ptione ad sequentes Thasiorum numos progrediar, ea saltem adii-
 ciam, quibus saepius laudatam de Thasiorum numis illustris SCHVL-
 ZIVS finiuit tractationem: nobis non licet, scribit vir incompara-
 bilis, omnia vetusti erroris deliramenta hic repetere, aut diu-
 dicare

dicare, quo maxime intuitu Herculi tantum honorem ipsi tribuerint. Scimus Herculem Soterem, nisi *σετοφισμένον μῦθον*, nihil esse. Precamur vnicum & verum *σωτήρα* nostrum, IESVM CHRIS-
TVM, vt saluos nos praestet, & ab omni calamitatum gene-
re liberet, quotquot nomen hoc vnicum, in quo salus nobis
datur, pia mente pioque obsequio venerantur: nam *οὐκ ἔστιν ἐν
ἄλλῳ οὐδενί ἢ σωτήρια, οὔτε γὰρ ὄνομά ἐστιν ἕτερον ὑπὸ τὸν οὐρα-
νόν, τὸ δεδομένον ἐν ἀνθρώποις, ἐν ᾧ δεῖ σωθῆναι ἡμᾶς*. Tandem
hoc loco haud praetereundum est cel. *Iul. Caroli* SCHLAEGERI
de erudita illustris SCHVLZII dissertatione iudicium. In *commen-
tatione de diis hominibusque seruatoribus* §. XIII. operi admoturis
manum, inquit vir omni mea laude superior, vt Thasiorum nu-
mismatis sensus, pro ingenii modulo a nobis inuestigatus, lecto-
ri proponeretur, adferebatur perpolitum *Io. Henr.* SCHVLZII,
medicae artis politiorumque litterarum peritissimi, vt qui ma-
xime, scriptum, in quo omnia Thasiorum, quotquot nancisci
potuit, numismata, Herculis Soteris imagine signata, scite atque
tanto eruditionis apparatu explicauit, vt, quod de reculis nostris
adderemus, haud inueniremus.

18. Idem Thasiorum *νόμισμα*, quod Herculem in primis pro-
be expressum sistit.

19. Idem probus & elegans, haud pridem in Transsilvania
effossus.

20. Idem, qui monogrammate saltim ab antecedentibus
differt.

21. Idem aliquantum mutilus.

22. Idem, quem cel. SCHVLZIVS cap. II. §. 14. *diff. de Tha-
sior. numis spurium* esse iudicat, quia, vtor illustris prae-
ceptoris mei verbis, arte caetera rudi elaboratus est, &
loco litterarum mera puncta, eodem tamen ductu li-
nearum, vt in genuinis esse solent, collocata habet.

Metalli quidem bonitate non cedit optimis, sed pondere de-
ficit. De horum numismatum grauitate, & argenti ex quo con-

flati sunt puritate consulendus est clar. SCHVLZIVS in supra laudata dissertatione.

CHALCIDENSIVM.

23. Caput muliebre Graecorum more eleganter contum, cum inauribus.

ΧΑΛΚΙΔΩΝ. Aquila cum serpente pugnans.

Rarius Chalcidensium occurrunt numismata; hinc cel. BEGERVS *thes. Brand* tom. I. pag. 428. similem quendam gazae Borussorum regiae numum *rariissimum* appellat. De aquilae cum serpente inimicitii & pugna, quae in auersa numi pagina exprimitur, ita scribit *Plinius*: *Nec unus hostis illi satis est; acrior est cum dracone pugna, multoque magis anceps, etiamsi in aëre. Qua hic consuetur aquilae ovidiote malefica: ad illa ob hoc rapit ubicunque visum; ille multiplici nexu alas ligat, se implicans, ut simul decidunt.* Haec de serpentibus, qui aquilae nidum spoliare solent, refert *Plinius*; vid. *Leonard. AVGVSTINI gemmae & sculpturae antiquae* part. I. imag. 197. Quumque Chalcidenses bellicosissimi quondam fuerint; hinc cel. BEGERVS l. c. fortitudinis huius gentis typum in auersa numi parte symbolice exprimi existimat. Chalcidis moenia, Troianis temporibus antiquiora, Athenienses condidisse *Strabo* auctor est. Chalcide, Euboeae oppido, philosophorum princeps versatus est, & ibi vita functus legitur. Nihil in vniuersa Euboea ipso Euripo magis memorandum esse, scriptores referunt. Hic enim septies, ut aiunt, nocte dieque refluit, quod *Pomp. Mela* breuiter sed eleganter describit: *Euboea angusto freto distat a litore, Euripon vocant, rapidum mare, & alterno cursu septies die, ac septies nocte fluctibus inuicem versis adeo immodice fluens, ut ventos etiam ac plenis velis nauigia frustretur*; vid. *Mela* lib. II. edit. GRONOV. pag. 64. Aristotelem in Euripum sese deiecissee fertur, quod huius reciprocationis causas inuestigare haud posset. *Suidas* autem eum Chalcide veneno, & *Diogenes Laertius* morbo, periisse tradunt. Plura de Chalcide qui scire cupit,

cupit, euoluat celeb. *Christoph. CELLARII geograph. antiquam* edit. optimae tom. I. pag. 1021. *Lud. NONN. comment. in GOLTZII Graec.* pag. 228.

DYRRACHIORVM.

24. ΜΕΝΙΣΚΟΣ. Vacca, quam exfugit vitulus, adstat persona.

ΔΤΡ. ΑΤΗΙΟΝΟΥ. Alcinoi quadrangularis hortus.

Dyrrachiorum iste denarius apprime conuenit cum typis, quos exhibuerunt cl. BEGERVS *thes. Brand.* tom. I. pag. 459. & cel. WACHTERVS in *archaeol. numar.* pag. 99. num. I.

25. Eadem epigraphē idemque typus, insuper autem victoria cum ferto de caelo aduolat, in imo Iouis fulmen.

ΔΤΡ. ΚΑΛΛΩΝΟΣ. Idem auersae typus.

Idem & iste denarius in thesauro Borussorum regio cernitur. Exefas Brandenburgici numi litteras restituit iste SCHVLZIANVS; vid. *thes. Brand.* tom. I. pag. 460. num. III.

26. Eadem epigr. Vacca fugente vitulo, in area fax accensa, in imo canis venaticus.

ΔΤΡ. ΦΙ...ΤΑ. Idem Alcinoi hortus.

27. Idem Dyrrachiensium numus.

Differunt ambo inscriptione & characteribus quibusdam minutis aliis, ab omnibus illis, quos vulgarunt GOLTZIUS, SPANHEMIVS, BEGERVS, de WILDE, WACHTERVS & ipse *Io. Iac. GESSNERVS*.

28. ΜΕΝΙΣΚΟΣ. Vacca cum vitulo, desuper aquila.

ΔΤΡ. ΔΙΟΝΤΚΟΤ. Idem Alcinoi quadrangularis horti typus.

Cel. *Laur.* BEGERVS in *thes. Brand.* tom. I. pag. 461. primo loco huius numi typum exhibet.

29. ΦΙΛΩΤΑ. Idem vaccae & vituli typus, ante quem tri-
pus, desuper corona hederacea.

ΔΤΡ...ΤΟΡΙΟΥ. Idem solitus Alcinoi horti typus.

Neque hunc denarium in nobilissimorum antiquariorum scriptis
deprehendes.

30. ΚΤΗΤΟΣ. Idem typus, ante vaccam spica, in imo vva.

ΔΤΡ. ΔΑΜΗΝΟΣ. Idem typus, quem praecedentes
omnes in aversa exhibent.

31. ΞΕΝΩΝ. Vacca lactans vitulum, in imo vva.

Eadem inscriptio, quae praecedentis erat, idemque
typus.

32. ΞΕΝΩΝ. Vacca ex cuius vberibus vitulus pendet, an-
te eandem fax accensa, pone spica, & desuper duo apia-
ria cernuntur.

ΔΤΡ. ΦΙΛΑΔΙΑ. Idem Alcinoi quadrangularis horti
typus.

33. Eadem aduersae epigraphe, idemque bouis & vituli ty-
pus, desuper aquila, infra canis venaticus.

ΔΤΡ. ΦΙΛΟΔΑΜΟΥ. Idem typus, quem in praee-
dentium aversa vidimus.

34. Eadem aduersae inscriptio, idemque solitus horum de-
narium anticae & posticae partis typus, in antica in-
super aquila expansis alis scepro insidens cernitur, po-
sticam ambit haec epigr. ΔΤΡ. ΧΑΡΟΠΙΝΟΥ.

35. Idem aduersae typus, eademque inscriptio, loco aquilae
corona cernitur.

... ΝΕΒΙΙΣ... Idem Alcinoi quadrangularis horti
typus.

36. ΞΕΝΩΝ. Ex vtraque pagina conuenit cum anteceden-
tium typis, posticae partis inscriptionem temporis in-
iuria prorsus exesam offendo.

37. ΚΕΡΔΩΝ. Solitus aduersae typus, pone vaccam palma.
 ΑΤΡ. ΜΠΙΣΤΗΝΟΣ. Regis Alcinoi hortus.

Elegantioris fabricae denarius, quem haud vulgatum deprehendes. Perillustr. SPANHEMIVS *de usu & praest. numism.* diff. VIII. tom. I. pag. 569. sqq. praeclare docet, solemniter antiquitus receptum fuisse, ut omnia sua decora ac praesidia ab originibus suis metropolibus, absumerent ac retinerent conditae sine deductae ab iis vrbes vel coloniae, & hinc eadem passim cum matribus suis, communia utrisque, numismatibus suis imprimerebant symbola vel insignia. Cuius rei, praeter luculenta apud antiquos auctores testimonia, clarissima insuper ac indubitatae fidei argumenta subministrant veteres, ac Graeci potissimum, numi. Huius rei fidem confirmant cum antecedentes Dyrrachiensium denarii, tum subsequens Apolloniatarum numus. Dyrrachium Corcyraeorum coloniam fuisse ex *Thucydide* constat, quod itidem similia a Corcyraeis apud GOLTZIVM procusa docent numismata; & hinc omnibus istis Dyrrachiensium numis coloniae originem adumbratam esse erudiri existimant. NONNIVS in *comment.* ad *Hub. GOLTZII Gr.* pag. 4. ingenue fatetur sese nescire quid altera numismatum pagina designet, οὐδὲν, inquit, ὁρίξω, *peritiores explicabunt.* BEGERVS NONNIO succurrit & ex antiquissimo scriptore *Homero* quadratam illam figuram ad Alcinoi hortos respicere primum docuit. Extra dubium pono, inquit, schema hoc hortum praefigurare posse; quis enim nescit, non tantum hodie, sed etiam vetustis temporibus, variatos & terrarum & plantarum ductus, horrorum planities distinguere solitos? quis nescit vel muris vel virgultis circumcirca solitos custodiri? Illud in numismatibus nostris interiores bisecti quadri lineolae adumbrare videntur, hoc exterius quadratum lineolis illis circumductum, intra quod & interior via includitur deambulationibus opportuna, praecipuo horrorum post fructus delectamento, caetera. Hactenus cl. BEGERVS. NONNIVS lib. persaepe laudato altera numi pagina agrorum felicitatem designari autumat, dum: numismata haec, inquit, bouem ha-

bent cum lactante vitulo; cui aliquando frumenti spica, aliquando etiam navis clauus, vuae botrus, aratrum, vel aluearia adfunt. Nihil aliud videntur designare, quam agriculturae illos studiosos fuisse: agrumque illis fuisse compascuum & fertilem, reliqua. Cel. WACHTERVS, nobilissimus Lipsiensium antiquarius, paucis vtramque horum numorum paginam ita explicat: numi, inquit, partim coloniam in genere, sub rei pecuniariae, quae omnis coloniae fundamentum est, imagine, partim antiquas insulae delicias, hortos inquam Alcinoi, qui sunt proprius illius insulae, in qua Alcinous regnavit, character, depingunt. Idem vir eruditissimus, NONNIUS & HARDEVINVS, addit, hisce imaginibus nihil aliud quam soli fertilitatem & studium agriculturae designari putant. Quo ipso supponunt, eandem rem in vtraque numi area, figuris saltem diuersis, expressam esse. Quod, quam alienum sit a consuetudine veterum, nescio quo pacto viros in re numaria summe peritos effugere potuerit, caetera; vid. WACHT. *archaeol. numar.* cap. VIII. §. 27. sq. Accedimus iam ad minutissimarum, in his Dyrrachiensium numis occurrentium, figurarum explicationem. *Personam* illam in prioris denarii aduersa vaccae assistentem colonum aut colonam esse cl. WACHT. loco modo allato asserit. *Fulmen, aquilam & sceptrum* ad Iouem, *facem & canem* ad Dianam, *tripodem* ad Apollinem, *coronam bedevaceam & vuas* ad Bacchum, *spicam* ad Cererem, *apiaria* denique ad Melissem Dyrrachii matrem respicere BEGERVS existimat; vid. *thes. Brand.* tom. I. pag. 455. sqq. Tandem ad Dyrrachiensium numorum inscriptiones quod attinet, Lud. NONNIUS Poletarum vel tribunorum vel etiam monetariorum nomina esse existimat. BEGERVS Poletas reiecit, quod vnus tantum & quidem annuus fuerit, reiecit & tribunos & praetores, recipit autem monetae praefectos. Nos in re tam dubia potius passim laudatum WACHTERVM sequimur, qui, loco antea excitato, has numorum inscriptiones magistratuum, sub quibus numi signati sunt, nomina innuere arbitratur.

APOLLONIATARVM.

38. ΑΓΙΑΣ. Vacca lactans vitulum.

ΑΠΟΛ. ΕΠΙΚΑΔΟΥ. Alcinoi quadrangularis hortus.

Ex splendidissimo SENATVS Lipsiensis *κειμηλιαρχεῖω* numum hunc optime delineatum exhibet cl. WACHTERVS. Apollonia itidem Corcyraeorum colonia idem & originis, & deductae coloniae, symbolum exhibet, quod Dyrrachienteses & Corcyraei ipsi in numis suis quondam expresse-
runt, idque ob antea in SPANHEMIO excitatam rationem; conf. illustrissimus *Ezech* SPANHEMIVS diff. III. tom. I. pag. 210. vtrumque, inter alia antiquariorum princeps inquit, symbolum, tum *vaccae cum lactante* vitulo, tum *quadrata areolae* cum fructibus, ab antiqua patria seu Corcyraeis, quorum erant coloniae Dyrrachium & Apollonia, iuxta notum coloniarum morem, est desumptum, caetera.

39. Caput Dianae, pone quod arcus & pharetra, ambiunt scuta Macedonica.

ΜΑΚΕΔΟΝΩΝ ΠΡΩΤΗΣ. Claua Herculis & tria monogrammata corona querneae cincta, cum Iouis fulmine.

Tetradrachmus. Idem istud numisma adseruatur in amplissimis Sereniss. Borussorum Regis thesauris; vid. BEGERVS l. c. tom. I. pag. 481. *Dianam pharetratam* aduersa numi pagina exhibet, quam Macedones peculiari cultu prosequiebantur, quod venationis e gregie studiosi essent. Altera numismatis facies *clauam Herculis*, cum Graeca inscriptione, *Macedonum primae*, sistit. Epigraphē in prima Macedoniae regione hunc signatum fuisse indicat, quippe quae in quatuor regiones a Paulo Aemilio diuisa fuit; *claua* autem, in honorem Herculis, a quo Macedoniae reges originem suam deducebant, in auersa numismatis pagina expressa cernitur. *Corona querceo* & *fulmen* Iouis sunt insignia. Macedoniam quidam a Macedone Osiridis filio, alii a Macedone Iouis filio, alii ab Aeo-
li filio Macedone, alii denique ab aliis hanc regionem Macedo-
niam

niam dictam fuisse volunt. Ab Aemilio deuicta in quatuor diuersas regiones diuisa fuit, de qua Macedoniae diuisione fusius egit *Liuius*. Eo tempore Aemilius haud in prouinciam redegit Macedoniam, verum liberam, & suis legibus vrentem eandem reliquit. Exactis autem viginti annis a Q. Caecilio Metello prouincia facta est. Latus haec prosequitur *Lud. NONNIUS in comment. ad GOLTZ. Graec. pag. 122. conf. illustr. SPANHEMIVS dissert. VIII. cl. Laur. BEGERVS thes. Brand. loc. cit.*

40. Idem Macedoniae numisma.

Id nuper ex dono fulgentissimi apud Cibirienfes in Transsilvania theologi cl. *Christiani ROTH*, numquam, mihi praesertim, nisi honoris causa nominandi, ad illustris SCHVLZII thesauros accessit.

ISTRIANORVM.

41. Duplex vultus, alter ad ortum, alter ad occasum conuersus.

ΙΣΤΡΙΑΝ. Haliaeetus, delphino & vngues & rostrum insignis.

Numisma, quod, ob singularem elegantiam & dissimilitudinem a typis haecenus vulgatis omnibus, delineandum curauimus; vid. tab. II. num. II. Sub *duplici vultu* Istrianorum vrbs, in Asiae Europaeque confiniis posita, situm sibi imaginatur BEGERVS. Auerfa numismatis pagina, ex eruditorum sententia, ad *navalem potentiam* refertur, tum quod haec vrbs mari vicina fuerit, tum quod *Plinio & Ammiano Marcellino* eius tractus pulcherrima & *potentissima* audiat. *Aquila* olim potentiae erat insigne, *delphinus* autem maris incola & rex; & hinc aquila delphino rostrum & vngues insignis potentiam & maris dominum sibi vindicat. Aquilam hanc ex earum genere videri obseruat BEGERVS, quae Graeco vocabulo *haliaeeti* vocabantur: de hac enim *Plinius* lib. X. cap. III. *superest*, inquit, *haliaeetus*, *clarissima oculorum acie*, *librans ex alto sese*, *visoque in mari pisce*, *praeceps in eum ruens*,

& discussis pectore aquis, rapiens; vid. *Lud. NONNIUS* in *comment. ad GOLTZII Graec.* pag. 161. BEGERI *thes. Brand.* tom. I. p. 488. sq.

A E R E I.

PHILIPPI.

42. Caput Philippi diadematum.

ΦΙΛΙΠΠΟΥ. Vir, qui Alexander M. statuitur, equo infidens.

Equitem certe numis imposuit rex Philippus, vel ut nominis exprimeret naturam, vel ut reuera amorem & studium circa equos ostenderet. *Iustinus* enim lib. VIII. cap. II. testatur, Scythis devictis eum viginti millia equarum in Macedoniam misisse. Macedoniae autem ut & Thessaliae pascua ad alendos equos laudatissima & nobilissima fuere; vid. de WILDE *select. numism. antiqu.* pag. 8. *Lud. NONNIUS* aliam auersae typi reddit rationem, nimirum in memoriam victoriae, quam equo in Olympicis obtinuit Philippus, numum hunc signatum esse asserit; NONN. in *GOLTZII Gr.* pag. 171. Cl. BEGERVS Alexandrum Bucephalo insidentem hic agnoscit, rationes, quibus hanc coniecturam stabilire conatur, occurrunt in *thes. Brand.* tom. I. pag. 238. Ad superiora Philippi argentea numismata fusius & de Philippo ipso, & de simili Philippi numo, egimus.

ALEXANDRI MAGNI.

43. ΑΛΕΞΑΝΔΡΟΣ. Alexandri galea ornatum caput, in qua effictus cernitur Neptunus, pone cassis Macedonica.

ΠΕΡΣΙΣ ΑΛΩΘΕΙΣΑ. Alexander currui quatuor elephantorum infidens, ante se habens manibus post terga reuinctis captivum, intrans portam urbis, vel arcum triumphalem, cuius in vno latere quadriga equorum, currum antecedunt tubicen alte elatam tubam inflans & persona signum militare, labaro simillimum gestans, victoria per aera volitat currumque respicit.

Primae magnitudinis numisma, quod, propter disconuenientiam cum illustr. CVPERI typis, tab. II. num. III. accurate delineatum sistimus. Celeberrimus CVPERVS, cuius in rem numariam summa merita dudum agnouerunt viri eruditissimi, simile paene νόμισμα recentioris fabricae esse existimat. Commemorabimus prius illustrissimi viri sententiam, deinde nostram itidem adiiciemus opinionem. Elephantorum curru, in *exercit. I. de elephantis in numis* pag. 47. scribit illustr. CVPERVS, Alexandrum triumphasse vel urbem ingressum esse numus nos docet, descriptus in *museo Cuspiniano*, cuius in vna area caput galea ornatum, in galea effictus Neptunus, & ΑΛΕΞΑΝΔΡΟΣ; in altera vero idem Alexander insidens currui IIII elephantorum ante se habens manibus post terga reuinctis captiuum, intrans arcum triumphalem, ante currum victoria volitans & tuba canens, milesque gerens ensē, ΠΕΡΣΙΣ ΑΛΘΕΙΣΑ. Sed bene habet, addit vir illustris, quod *Laurentius* LEGATVS, qui museum illud edidit & notis illustrauit, existimet hunc numum temporibus Alexandri adscribi non debere; veterem tamen eum facit. Si numum ipsum inspicere daretur, melius iudicare de illius vetustate possem; nescio enim quam suspiciosus eiusmodi in rebus sim; & crediderim potius vltimorum saeculorum haec commenta esse; maxime cum mihi similis plane sit ex aere maioris formae, quem mihi dono dedit mysteriorum diuinorum apud nos interpretes eruditus, ex cuius ectypo patebit scribendum in altero esse ΠΕΡΣΙΣ ΑΛΩΘΕΙΣΑ. *Persis capta*. Haec tenus illustr. CVPERVS. Cel. GESSNERVS in *reg. Macedoniae numism.* pag. 29. hanc illustr. CVPERI coniecturam repetit. Ex insigni hoc cel. SCHVLZII numismate bene multa possunt & debent emendari. Aduersa enim in ill. CVPERI & cel. GESSNERI typis, ex male conseruato archetypo forte, exhibet ornamentum aliquod fere campaniforme, quod male appenditur galeae. Noster, quam optime conseruatus, hic clarissime separatum illud corpus exhibet, quod nullus dubito esse cassidem Macedonicam in numis pluribus obuiam; vid. GOLTZIUS in *Graec. numism.* tab. XXII. num. I. qui

typus

typus apud GESSNERVM tab. XXXXI. num. 9. occurrit, conf. BE-
 GERVS *rhets. Brand.* tom. I. pag. 241. Galeam Macedoniae symbo-
 lum ficit de WILDE in *numism. antiqu.* num. 19. 20. & 21. In auer-
 sa huius numismatis facie clarissime legitur ΠΕΡΣΙΣ ΑΛΩΘΕΙ-
 ΣΑ. Antecedunt praeterea currum non miles ensẽ gerens, sed
 tubicen & persona quaedam signum militare gestans. Victoria
 volitans, currum respiciens, conspicua est; sed altera figura, victo-
 riae aduersa, haud apparet in eleganti hoc SCHVLZIANO. Tandem-
 que hoc νόμισμα cufum esse ex eo maxime colligo, quoniam vna
 parte crassius est altera; quod ob formae superioris, quam non sa-
 tis firmiter tenuisse videtur suppostor, maiori & fortiori impressio-
 ne factum suspicor; id quod in fuso non videtur potuisse aequè ac-
 cidere. Est autem insignis iste numus quarta minimum parte ma-
 ior illo, quem *Gisbert* CUPERVS exhibuit. Vt sit minor aetate
 Alexandri M. sane non potest esse recentissimi aevi, sed venerandam
 antiquitatem sustinet: quam determinare non ausim. De Alexan-
 dro M. plura ad argentea eiusdem numismata commemorauimus.

44. Caput Alexandri in exuviis leonis.

ΒΑΣΙΛΕΩΣ ΑΛΕΞΑΝΔΡΟΥ. Iupiter *αερό* *πάγος* sellae in-
 fidens, d. aquilam, s. hastae, seu potius scipioni nodoso in-
 nititur, in area monogramma ex Π. Α. & Ο. compositum.

Eleganter signatum secundae magnit. numismo, cuius vberiore
 supra ad primum Alexandri M. argenteum suppeditauius inter-
 pretationem. De *monogrammaribus*, quae persaepe vrbes, in qui-
 bus numi cufi sunt, non raro nomen magistratus, qui numorum
 curam gessit, denotant, supra itidem actum esse recordor.

45. ΑΛΕΞΑΝΔΡΟΥ. Caput Alexandri nudum.

ΚΟΙΝΟΝ ΜΑΚΕΔΟΝΩΝ Β. Νεωκόων. Mensa super
 quam duae vrnae insertis palmae ramis, sub mensa cer-
 nitur vasculum, quod praefericulum appellant.

Sec. magnit. numisma, cuius vtramque paginam optime expres-
 sit cel. Carol. PATINVS in *numis aet. imp. Roman.* pag. 10. & 12. In-

ter numos Alexandri, quos hodie terimus, reperiuntur etiam quidam post eiusdem obitum cusi. Ob insignem nempe illius herois, sequutis adhuc aetatibus, apud Macedonas suos cultum, renouatam fuisse subinde, neque in numis solum, sed in omni pretioso momentarum genere, tabulis, clypeis, statujs, annulis, eius effigiem nouimus; eaque ut plurimum adscripto solo herois nomine, ut omnes alios titulos longe supergresso, ΑΛΕΞΑΝΔΡΟΥ, deprehenditur. Ut autem constaret quorum iussu & auctoritate hi numi essent percussi; hinc in hoc numismate legitur: ΚΟΙΝΟΝ ΜΑΚΕΔΟΝΩΝ B. *Newmogwv*. Vocibus ΚΟΙΝΟΝ ΜΑΚΕΔΟΝΩΝ *communia Macedoniae certamina* significari statuit HARDVINVS, in libro de *numis antiqu popp. & urbium* pag. 309. & 93. Cl. Carol. PATINVS *lib. cit.* pag. II. has voces interpretatur de vniuerso conuentu Macedonum, qui honores publicos Alexandro M. gessit. Vox ΝΕΩΚΟΡΩΝ, quae initiali saltim littera in hoc numismate cernitur, ex BEGERI, HARDVINI, VAILLANTII, aliorumque sententia, *aediuos & sacrarum aedium curatores* designat. Plura de hac voce vid. in tom. I. *Hist. de l'Acad. des inscript.* conf. GESSN. *reg. Maced. numism.* pag. II. de WILDE *select. num.* pag. 19. Solemnnes agorum typi, utpote mensa in cuius medio urnae cum palmae ramis, qui in auersa numismatis facie conspiciuntur, inscriptioni multum lucis affundunt: *urnae*, PATINVS inquit, altaribus impositae, *palmis* exstantibus, indicant suffragia in ludis ferri solita, quibus victores palma donabantur. Perillustr. *Ezech. SPANHEMIVS* de *usu & praest. numism.* edit. optim. tom. I. pag. 382. simile ferme produxit numisma; quod vir illustrissimus primum ex Gallorum regis gaza vulgauit; quodque in singularis & anniuersarii illius certaminis memoriam signatum esse asserit.

DEMETRII POLIORCETAE.

46. Caput Demetrii diadematum, cum cornu taurino.

ΒΑΣΙΛΕΩΣ ΔΗΜΗΤΡΙΟΥ. Neptunus, pede dextro faxo imposito, sinistra tenet tridentem.

Sec.

Sec. magnitud. numisma, quod cel. *Sigbert.* HAVERCAMPVS fufum esse autumat. *Cornu taurino* caput ornari voluit Demetrius exemplo Liberi Patris, cuius morem & cultum aemulatum fuisse, *Diodorus & Plutarchus* tradiderunt; vid. illustr. SPANH. *lib. laud.* tom. I. pag. 399. GOLTZIVS perperam Demetrio Gonatae filio hoc numisma tribuit, quod itidem cl. NONNIVS pridem obseruauit, dum in laudato suo commentario ad GOLTZII *Graec.* pag. 202. *Suspicio*, inquit, *hos numos potius esse Demetrii Poliorcetae, siquidem ille egregias multas victorias nauales habuit*; conf. illustr. SPANHEMIVS *loc. cit.* cl. BEGERVS *thes. Brand.* tom. I. pag. 250. Demetrius Poliorcetes Antigoni filius, varia fortuna aduersus Ptolemaeum Lagi, Demetrium Phalereum, aliosque praeclaros belli duces bellum gerens, tandem regnum occupauit; *Iustinus* lib. XVI. cap. II. Vberius de vita & rebus gestis Demetrii Πολιορκήτης, praeter antiquiores, egit *Lud. NONNIVS lib. cit.* pag. 187. sqq.

ANTIOCHI II. VVLGO DEI.

47. Caput Apollinis laureatum.

ΒΑΣΙΛΕΩΣ ΑΝΤΙΟΧΟΥ. Tripus, ad cuius pedes ancora.

Perillustr. *Ezech* SPANHEMIVS aereum hunc Antiochi numum ex Gallorum regis thesauris primum vulgauit, eiusdemque typum tom. I. pag. 406. exhibuit. De Seleucidis Syriae regibus credebatur olim, illos Apollinem generis sui auctorem habuisse. Seleuco primo in hac serie regi, & imperii fundatori, mater ad bellum eunti, annulum ferreum dedit, quem antea concubitus proemium ab Apolline acceperat, cuiusque in gemma ancora insculpta erat, genitale Seleucidarum infigne; & hinc facile colligimus vtramque huius numismatis faciem Syriae regum originem respicere; vid. perillustr. SPANHEM. *de usu & praest. numism.* tom. I. pag. 404. sqq. BEGERVS *thes. Brand.* tom. I. pag. 165. & 251. *Laurus*, cithara & *tripus* Apollinis olim erant insignia. Tripodem machinam quandam, hiarui terrae, ex quo fatidicus spiritus prodibat, superpositam fuisse, cui insidens Pythia deum captabat, & vaticinia petentibus

tibus dabat, ex *Diodoro* BEGERVS docet. Quidam *tripodem* fuisse mensam, alii vas quoddam, plerique autem perforatum sedile, tradiderunt. Plura de Apolline & tripode commemorant *Lil. Gregor.* GYRALDVS in *hist. deorum* pag. 218. sqq. BEGERVS *lib. cit.* pag. 56. sqq. De Antiochi rebus praeclare gestis vid. VAILLANTIVS in *Seleucid. imp.* pag. 28. sqq.

PTOLEMAEI PRIMI REGIS AEGYPTI.

48. Caput dei Ammonis.

ΠΤΟΛΕΜΑΙΟΥ ΒΑΣΙΛΕΩΣ. Aquila stans fulmen Iouis vngulis tenet; inter vtrumque pedem monogramma, illi, quod christianis post multa saecula placuit ad nomen CHRISTI designandum, admodum simile; ante aquilam copiae cornu.

Primae magnitud. numisma, cuius ἑκτυπον tab. II. num. IIII. cernitur. Omnibus numeris absolutam numismatis huius interpretationem suppeditarunt ineditae illustris SCHVLZII observationes, ex quibus nos omnia ad hunc numum spectantia depromissemus ingenuè fateamur; ita autem ipsa cel. SCHVLZII verba sonant: numus, quem exhibeo, est integerrimus, & qui se antiquum & genuinum firma & nobili aerugine fusca cuius exploranti comprobabit. Magnitudinem totumque eius habitum delineatio accuratissima docebit. Non autem exhibeo illum tanquam nouum. Probe enim scio, multos de eo, & monogrammate, quod exhibet, sententiam dixisse: quos ante hos XXXXIII. annos singulari dissertatione complexus est vir celeberrimus & de omni litterarum republica optime meritus *Io. Burc. MENCKENIUS*, qui & iconem, ad nostram proxime accedentem, adiecit. Postea etiam *R. P. Io. HARDVINUS* ad *PLINIVM* lib. V. cap. XXXI. sect. 36. dedit ectypon numi auersa parte haud adeo dissimilis, & de eo haec disseruit: *est ex aere maximae molis numus eximius, qui Iouis vultum parte priore exhibet: altera titulum ΠΤΟΛΕΜΑΙΟΥ ΒΑΣΙΛΕΩΣ cum aquila, quae fulmini insistit, & inter aquilae pedes est monogramma, quod ibi arbitra-*

bitramur Χαλκός Ροδίων, aes Rhodiorum. Caput in aduersa parte MENCHENIANI meique numi est Iouis Ammonis, diademate & cornu a temporibus prominente conspicuum: simillimum, si diadema excipias, illi Mitylenaeorum, quod MORELLIVS *specim. tab. XXV.* exhibuit cum epigraphe ΘΕΟC ΑΜΜΩΝ. Sed HARDVINIANA delineatio Iouis Ammonis maximam notam, cornu, omittit: omninoque videtur ille numus aut alium Iouem exhibere, aut aduersam partem detritam vel aerugine exesam habuisse, quia reliqua etiam imago multum discrepat. Sed de Ioue Ammone nihil habeo, quod nunc addam toties iam dictis & ubique obuiis. In auersa pagina sistitur nobis aquila stans, alis demissis, quieta & otiosa, Iouis fulmen ungulis suis tenens. Quantum Ptolemaeis haec volucris placuerit, docent plurimi eorum numi, qui illam praeferunt. Sed videas in aliquibus eandem non quiescentem, verum alas ad volatum pendentem, quin omnino volantem. Tam diuersi habitus rationem aliquam subesse valde probabile videtur, & nisi me omnia fallunt, optime eam docet *Pyndarus*, quando eximiam suam citharam, Apollinis inuentum, quod iure communicationis Musae etiam possident, ita commendat.

Καὶ τὸν αἰχματῶν κεραυνὸν σβεννύεις
 Αεννάου πυρρός. Εὐ-
 δεῖ ἀνὰ σκάπτῳ Διὸς αἰετός, ὡ-
 κείαν πτέρυγ' ἀμφοτέρω-
 θεν χαλάζαις,
 ἀρχὸς οἰωνῶν, κελαινῶ-
 πιν δ' ἐπὶ οἱ νεφέλαν
 αἰγκύλῳ κρατὶ, βλεφάρων
 ἰδὺ κλαίεσθ' κατέχευας, ὃ δὲ κνώσων
 ὑγρὸν νῶτον αἰωρεῖ, τεαῖς
 ῥιπαῖσι καταχόμεν'.

Quae liberiori paraphrasi sic redduntur in Oxoniensi editione:
irifulci fulminis inextinctum ignem, Iouis iram placans, exstinguis,
 &

Et Iouis aui, aquilae oscinum principi super eius sceptro somnum concilias: quo fit ut remissis & laxatis verimque alis dormiat, quum nubem obscuram soporis super aduncum eius rostrum, qua suauiter clouduntur palpebrae, oculis affudisti. Tum vero illa dormiens diffusum facile & flexibile dorsum attollit, tamquam tuae harmoniae iaculis superata & oppressa. Apparet ex hac antiquarum rerum cal-
 lentissimi magistri institutione, quod aquila fulmini quidem, sed exstincto, insidens otiosa & quasi dormitans, signum sit Iouis placati & benigni. Accedit *Artemidorus onirocrit.* II. cap. 20. qui aquilam desiderantem fausta designare docet. Quumque Cyrenaei Ptolemaeum ipsum Iouis Ammonis habitu in numis exhibuerint; qualem ill. SPANHEMIVS proposuit tom. I. pag. 296. Ecquid aliud aquila ferias agens, fulmini tamen insistens, designabit, quam exercitum eius, ad propulsandas quidem & vindicandas iniurias continuo paratum, nunc autem, domi & cum vicinis pace parata, quietum & feriatum? Pacis porro bona, abundantiam omnium rerum, denotat cornu copiae ad latus aquilae positum. Atque haec videntur satis iam expedita. Superest autem nunc alia quaestio, saepius agitata iam a variis doctrina & laude praestantissimis viris: quid nempe sibi velit monogramma illud inter aquilae pedes & trifulcum fulmen positum? Equidem suo loco repositas, quae antea prolatae sunt, sententias doctorum virorum relinquo: pro ea autem libertate, quae ciuibz litteratae reipublicae permissa est, attingam pauculis, cur mihi aliqua videantur non satis probabilia: deinde, quid mihi in mentem venerit, subiungam. In HARDVINIANA quidem expositione illud merito desiderandum videtur, quod nullo argumento constet hunc numum ad Rhodios pertinere. Certe vir doctissimus nullum suppeditat: videturque totum fundamentum explicationis esse P. littera. Deinde placere non potest, quod in litterarum compendio latitare credit *χαλκός Ροδίων*, aes Rhodiorum. Quid, quaeso, opus erat homines monere, hoc, quod omnes sine dubio oculis suis credere poterant, aes esse. Neque enim licet cogitare de altero signifi-
 catu

catu vocis χαλκός, qua oboli octauam partem denotat: nam maximae molis numus hanc explicationem illico respuit. Sed forte hoc sensit HARDVINVS, numum conflatum esse ex aere Rhodiis domestico, & ex insulae fodinis eruto, non aliunde allato. Enimvero Rhodum non memini metallorum prouentu celebrari. Nam quod *Strabo* lib. XIII. scribit urbem Rhodum a Telchinibus conditam, qui primi dicantur ἐργάσασθαι σιδηρόν τε καὶ χαλκόν; non illico probat eos in hac vrbe aut insula haec metalla e terrae visceribus extraxisse. Nam praecedit ibi, venisse hos homines primum ex Creta in Cyprum, deinde in Rhodum. Scilicet in Cypro aes fustum & excoctum videtur, Rhodia autem fuisse artifices, qui ex ferro & aere varia ad vsum pararent. Sic Norimberga plurimos habet ciues ἐργαζομένους χαλκόν: sed propterea nullam libram aeris ipsi in sua regione effodiunt. Prostant sane antiqui numi, qui metallorum prouentu diuites tractus notant: quales sunt sub Traiano cusi, quibus MET. NOR. & METAL. DELM. inscribitur, pridem noti: quibus adiiciendus est, de quo doctissimus vir, & elegantiarum numismaticarum gnarissimus aestimator, in Hungaria me monuit, antea non descriptus, qui METAL. VLPIVM celebrat: de quo me spero alio tempore plenius scripturum, si, quam exspecto, numi accuratam iconem atque ipsius generosissimi possessoris explicationem nactus fuero. Sed ipsa laudatorum numorum perspicuitas, quae lectores plene instruit, dubitare nos facit de Rhodiis, elegantium & cultorum virorum copia semper adfluentibus, quod suae prudentiae conuenire putauerint, si patriae dinitias iactaturi, id facerent obscuro monogrammate. Ne dicam quam indecens videatur vrbi, quae regi honorare cupit, in eodem numo suam ostentare abundantiam. Aduersus illos, qui hic latitare initium alicuius epitheti, ad Ptolemaeum regem pertinentis, suspicati sunt, inuictum puto esse argumentum, quod doctissimus MENCKENIVS in dissertatione laudata attulit: nullum vnquam scriptorem meminisse vllius agnominis cuiusdam Ptolemaeo attributi, in quo litterae huius monogrammatis

initium faciant. Neque probari vlllo exemplo posse, quod huius generis adiiicialia verba litterarum compendio exhibita fuerint; praesertim in magnis numis, vbi abunde multum est spatii capiendis integris vocibus, quae regibus honorem afferunt. Dicam nunc, quid mihi videatur, sed ea conditione, vt magis exercitatorum iudicio liberrimo & aequissimo subiectas hasce suspensiones meas cupiam. Ipsemet locus, quo positum hoc monogramma videmus, non videtur permitttere, vt aliquid suspicemur, quod ad principis personam priuatim pertineat. Quis enim non putet indecens, si pedibus ministri sui subiiciendus aut admo- uendus esset princeps. Iam vero aquila, si ad Iouem refertur, est ipsius minister. Et vbi Iouis imagine principem aliquis exhibuit, aquila eidem adiuncta denotabit illum ordinem, per quem fulmina sua mittit in eos, qui se proterue gerendo indignationem suam concitarunt. Pedibus igitur aquilae tutantis & protegentis nomen suum merito adponunt, qui vel subiecti sunt imperio, vel socii, quorum securitas ab aquilae tutela dependet, quique ipsa subiectione se tutos a fulmine, quod in promptu est, sentiunt. Ita cogitantem confirmauerunt numi, quos inter Lysimachi nomen praefere- rentes non paucos inuenimus, vbi sellae, cui Pallas in auersa parte insidet, subscriptum inuenimus, prioribus saltem litteris suis, nomen vrbium. Tales sunt bini aurei in *commentariis Regiae Aca-*
demiae elegantiorum litterarum Parisiensis tom. IX. pag. 240. quibus Byzantini subscripserunt. Lysimacho autem Pallas non minus, quam aquila Prolemaeis, placuit: tanquam significare voluisset, sibi potius videri consilio, quam armata vi, tutari gentes subiectas. Quid, quod ipsi imperatores Romani Iouis, colossaea magnitudine exhibiti, pedibus se apponendos curauerunt. Insignes sunt numi aurei in *Arschorani* tab. XVI. num. 5. & tab. XVII. num. 9. quibus Traianum Augustum sub pallio Iouis & fulmine eius consistentem adspicimus: quorum priori circumscribitur, ne de sensu dubitemus, CONSERVATORI PATRIS PATRIAE. Quac-
 renti autem mihi vel urbem Aegyptiam, vel Aegypto salutis suae
 caussa

caussa sociatam gentem, quae in huius monogrammaticis ductibus
 contineatur, obuii fuerunt *Cyrenaei*, in quos omnia aptissime con-
 uenire arbitror. Tres priores litterae K. Y. P. plane conspicuae
 adsunt. Tanquam basis est P. cuius cruri a dextro latere adhaere-
 scunt illi in angulum coeuntes lineae, quae cum eo efficiunt K. Iam
 his Y. ita iungitur ut iaceat in huncce modum Y , atque crus eius
 decussat crus P , seque a dextris coniungat cum superiori illa li-
 nea, quae ad K denotandum iam aderat. Et sane in numo clarissi-
 me video illum ductum non valde obliquum, sed fere horizonta-
 lem. Sed & possumus litteras sibi implicatas alio modo, qui ad e-
 undem tamen sensum redit, extricare, ut manentibus omnibus,
 quae de P. & K. diximus, alteras duas in angulum coniunctas lineas,
 cruri P ad sinistram applicatas, pro K inuerso accipiamus, &
 pro Y illos binos in angulum coeuntes ductus, inter quos semicir-
 culus P ponitur. Sic K duplicatum habemus & scriptura in-
 tegra erit K. KYP. id est *Κοινὸν ΚΤΡηνναίων*. Duxit me ad hanc
 omnem coniecturam numus, quem illustris SPANHEMIVS publi-
 cavit, cuius altero latere imago regis Ptolemaei cornuta, ad exem-
 plum Iouis Ammonis, sistitur, cum epigrapha: ΠΤΟΛΕΜΑΙΟΥ
 ΒΑΣΙΛΕΥΣ: ex altera parte filphium exhibetur, cum litteris KYP.
 KOIN. qua inscriptione omnem pentapolin Cyrenaeorum com-
 prehendi existimo. Neque historia, spero equidem, mihi hic re-
 pugnat. Docet enim *Diodor. Siculus* libr. XVIII. ad quem modum,
 quoque tempore Cyrenae, vrbesque vicinae amissa libertate Pto-
 lemaico regno subiectae fuerint. Id vero quum primis statim ab
 Alexandri M. obitu annis acciderit: nullo sane negotio conficitur,
 numum hunc *subiectionem Cyrenaeicae gentis describentem*, referen-
 dum esse ad *Ptolemaeum primum*, conditorem Ptolemaicae gentis,
 quae imperium Aegypti usque ad illud tempus tenuit, quo Roma-
 nis tam nobile regnum, sub ipsa nascente monarchia, penitus sub-
 iectum fuit. Atque haec habui de monogrammate in numis Pto-
 lemaeo inscriptis occurrente. Nolim tamen contendere hanc ex-
 plicationem hisce numis accommodatam, caeteris monumentis

verustis, ante susceptam religionem christianam elaboratis, si qua certae fidei cum hoc monogrammate supersunt, debere applicari, eaque ad eundem sensum cogi. Sufficiat mihi, si idoneis arbitris visus fuero non improbabilia de his numis attulisse. Prostant etiam numi Ptolemaeorum, ubi in area visuntur litterae KI, quos manifestum est tibi non posse designare aeram aliquam, quum illa seorsim exstet. Videant, quibus manibus propriis tractare tales licet, an non forte pro I in illis exstet Y, quod in detritis & aeruginosis numis delineantium oculos fefellerit. De *cornu copiae* in hoc numo nihil volebam initio adiicere. Nolo tamen reticere me dubium esse, quid illud esse dicam, quod ipsi, tanquam fulcrum aut scala adiectum est. Consideravi multorum aliorum delineationes, quarum aliae videbantur taeniam aliquam, illud vincientem, exhibere, aliae potius aliquam machinam, qua sustentetur. Verum probe scio saepe accidere, ut talia pictores pro suo quisque sensu, studeant clariora delineando reddere. Haec ex illustribus SCHVLZII autographis observationibus, quae iidem splendidissimis *scientiarum Petropolitanae societatis commentariis* insertae sunt, prelo subiicimus. Tandem de numismatis huius imagine, tab. II. num. IIII. exhibita, testor, quod fidelissime curauerim exprimenda; nec quidquam ab archetypo diuersum in delineatione admissum est.

PTOLEMAEI PHILOMETORIS.

49. Idem Iouis Ammonis cornutum caput.

Ead. epigraphe; aquilae geminae fulmini insistentes, in in area copiae cornu.

Anna Mariae Iacobi de WILDE filia, quae parentis numos delineauit, tab. IIII. num. XXIII. insignis huius numismatis typum exhibet. De *Ioue Ammone* admodum apposite *Luconus*, VIII. *Pharsal.* 512.

Stat corniger illic

*Iuppiter, ut memorant, sed non aut fulmina vibrans,
Aut similis nostro, sed tortis cornibus Ammon.*

Nomen

Nomen habet ab *ἀμμή*, *arena*; quod delubrum eius in Lybiae parte arenosa conditum erat. Per *cornua* regiam potentiam denotant Phoenices, Chaldaei & Hebraei, prout praeclaro *Dantelis* loco cap. VII. vers. XXIII, apud ill. SPANHEMIVM demonstratur. De *aquilis*, quae auersam numi paginam occupant, videantur ea, quae ad praecedentem Ptolemaei I. numum enarrata sunt; conf. BEGERVS *thes. Brand.* tom. I. pag. 148. sq. Cui autem Ptolemaeo, inter tot eiusdem nominis reges, solo titulo distinctos, aereus iste numus iure tribuendus sit ignoraremus; nisi de *Ptolemaeo Philometori*, Epiphanis filio, Aegyptiorum regi quinto, ex *Iosephi* testimonio constaret, eundem quondam duo gestasse diademata, Asiae nempe & Aegypti. Huic opinioni utique favere videntur *geminae* illae *aquillae*, coniunctae potentiae egregium symbolum; vid. *Iosephi antiqu. iudaic.* lib. XIII. cap. VIII. *Copiae cornu* felicitatem & omnium rerum abundantiam, sub Ptolemaeorum placido regimine significat; conf. de WILDE *select. numism. antiq.* pag. 29. sqq. 50.

——— Aquila insistit fulmini.

Cum in hoc aereo Ptolemaei nomen recurrat, nullum autem cognomen adiectum sit, nullaue prorsus nota appareat, qua hic Ptolemaei numus a caeteris discerni possit; hinc haud aliquis docebit, ad quem horum regum merito referendus sit elegans iste numus. De Ioue *Ammon* & *aquila* ad praecedentes Ptolemaeorum numos, & alibi passim, egimus.

PTOLEMAEI PHILADELPHI.

51. Ptolemaei laureatum caput, cum pectoris parte lorica squamigera ornata.

ΠΤΟΛΕΜΑΙΟΥ ΒΑΣΙΛΕΩΣ. Aquila Iovis fulmen ungulis tenens, pone copiae cornu.

Eruditissimus thesauri Brandenburgici interpres tom. I. pag. 262. accuratam huius numi delineationem suppeditavit. Ptolemaeos auream quondam gestasse lorica ex *Iulio Capitolino* docet BEGE-

RVS. *Laurea* non tam regiam dignitatem, quam victorias designat; & hinc sub *aquila* *νεβωνοφόρῳ* & imperii vires & opem diuinam, quibus victoriae obtinentur; sub *cornu copiae* autem rerum abundantiam, & felicitatem intellexerim, quae victoriis & promouentur & firmanentur; vid. cel. BEGERVS l. c.

52. Caput barbatum, leonis exuuiis ornatum.

ΠΤΟΛΕΜΑΙΟΥ ΒΑΣΙΛΕΩΣ. Aquila superbe respiciens.

Quamuis auersae numismatis paginae inscriptio paullulum exesa sit; tamen ex eiusdem partis typo ad Ptolemaeum quendam aereum hunc referendum esse suspicor. De *leonis exuuiis* supra pag. 9. ad Alexandri argenteos egimus. Et quemadmodum Alexandri M. successores, extincto rege, simillimo diademate vsi sunt, quod ex supra dictis apparet; ita Ptolemaeum hunc, cuius effigiem spoliis leonis tectam aduersa pagina exhibet, singulari hoc ornatu, identidem Alexandrum M. respicere arbor.

HIERONIS I. DINOMENIS F.

53. Caput Hieronis imberbe diadematum.

ΝΗΝΙΟΥ ΙΕΡΩΝΟΣ. Hieronis galeati & hastati statua equestris.

Sec. magn. numisma, cuius imaginem BEGERVS in *thes. Brand.* tom. I. pag. 291. sistit. Hieronem, nominis huius primum Siciliae regem, bellicis artibus illustrem *equestrium certaminum victorem* exstitisse fidem abunde praestant, praeter luculentos earum victoriarum praecones, plerique eiusdem numi. *Diadema* regem demonstrat. Eques armatus, hastam in numo torquens, regiaque chlamyde insignis, statuas equestres Hieronis, in Elide, teste Pausania, positas, respicit. Plura, quae huic numismati lucem affundunt, reperiuntur apud illustr. SPANHEMIVM de *praeft. & v. su numism.* tom. I. pag. 547. sqq. conf. BEGERVS l. c. PARVTA in *Sicil. numism.* Chrysof. HANTHALER in *exercit. de numis veterum* pag. 23.

54. Idem, eiusdem paene magnitudinis, numisma.

55. Idem νόμισμα mutato paullulum typo.

56. Pro-

56. Proserpinae aut Cereris coronata effigies, pone litterae ΙΩΝ.

Bigae aurigante personae equos agens baculo; desuper stella.

Numisma. Quamquam nec Hieronis Siciliae regis effigiem, nec eiusdem nomen numus praeseferat; tamen ex typi istius similitudine cum plerisque eiusdem regis, pietatem celebrantibus, numis conicimus, hoc νόμισμα itidem ad Hieronis I. pertinere numismata. *Pietatem* regis cernis in simulacro siue *Cereris* siue *Proserpinae*. Hae enim non tantum Syracusis & in vniuersa Sicilia, verum etiam Hieroni ipsi tanta superstitione colebantur, ut non dedignatus fuerit sacrorum earum antistitem se ferre; vid. BEGERI *thes. Brand.* tom. I. pag. 294. sq. Aversae numismatis typo *currulis Hieronis studii* memoriam exhiberi loco allato BEGERVS asserit.

AGATHOCLIS.

57. ΑΓΑΘΟΚΛΕΩΣ ΒΑΣΙΛΕΩΣ. Fulmen alatum.

ΣΩΤΕΙΡΑ. Caput Dianae eleganter comtum; pone pharetra.

Elegantioris fabricae, & nobiliori aerugine conspicuum numisma, quod a Syracusanis, sed amissa libertate, sub Agathoclis violenta dominatione viventibus, signatum esse praeclare docet cel. *Iul. Carol. SCHLAEGERVVS* in pereleganti *comment. de diis hominibusque servatoribus* §. 10. Aversae *fulmen* tyrannidis est insigne. Ob hostes *Dianae Servatricis* opera fusos atque fugatos graeco sermone loquentes populi eandem venerabantur, quod *Pausanias* in *Atticis* cap. XXXX. comprobatur. Syracusani autem non habebant, cur toties se insolentiusque iactarent Diana Servatrice, quippe quae sub Agathoclis iugo cultores suos gemere patiebatur. Ita etiam alias tantum abfuit, ut pro huius ciuitatis salute Diana excubauerit, ut potius die festo, in eius honorem acto, Syracusae in Romanorum potestatem venerint; quemadmodum ex fide priscorum narrat *Hub. GOLTZIUS*; vid. cel. *SCHLAEGERVVS* loc. laud. conf.

conf. BEGERVS *thes. Brand.* tom. I. pag. 297. HANTHALER in *exercit. de numis veterum* pag. 24. Agathocles patre figulo natus figulinis vasis vsus est, pristinae vt memor esset fortunae. Tyranni istius memoriam posteris prodidit *Hub. GOLTZIUS in Sic. & magn. Graec. hist. ex antiqu. numis* pag. 171. sqq.

HIERONIS II. HIEROCLIS F.

58. Caput virile barbatum & diademate cinctum.

ΙΕΡΩΝΩ. Tridens cum duobus delphinis, in area litt. N.

Diadema, plerumque potestatis regiae insigne, Hieronis effigiem in aduersa expressam indigitat. *Tridentem* aut Neptunum ipsum, aut eiusdem regni locum quendam, i. e. maritimum, respicere indubium est; & hinc facile patet, *tridentem* simul vrbs cuiusdam Hieronis imperio subiectae symbolum esse, quanquam etiam ad copias Hieronis nauales omnino referri possit. Praeclara huius regis gesta in GOLTZII *Sic. & magn. Graec.* pag. 187. sqq. commemorantur. Cl. Io. Iac. GESSNERVS in *num. reg. Sicil.* tab. V. num. III. ex PARVTAE *Sicil. numism.* desumptum, SCHVLZIANO archetypo simillimum, typum exhibuit.

AETOLORVM.

59. Caput Oenei imperbe singulari galea ornatum.

ΑΙΤΩΛΩΝ. Apri dentes, desuper venabulum, in area vva.

Tert. magnit. numus, cuius typus in *thes. Brand.* tom. I. pag. 464. conspicitur. *Oenei* simulacrum in antica numi facie expressum cernimus, quem Calydone regnasse, & viris plantam primum a Dionysio accepisse, aiunt; quod ad *vuam* in auersa effictam facit. *Venabulum*, quo aprum Calydonium Meleager excipiens confecit, & *apri dentes* totam decantatae illius venationis historiam, aut potius fabulam, respiciunt. Cum quondam Oeneus primitias frugum diis omnibus, vna tantum neglecta Diana, obtulisset; irata dea inusitatae magnitudinis.

*Miste aprum, quanto maiores herbida tauros
Non habet Epirus.*

Qui

Qui cum agros passim vastaret, pecora & agricolas tolleret, Oenei filius Meleager, damnis commotus, strenuissimos Graecorum principum conuocat, vt feram persequantur, cuius pellis pulcherrimi facinoris proemium erat. Meleager aprum confecit, pellemque Atalantae virgini donauit. Apri autem Calydonii dentes, vt inusitatae magnitudinis, ad Augusti vsque tempora Calydone seruati fuerunt; qui Romam illos transtulit, quorum alter in Bacchi templum in hortos imperatorios, alter in forum Augusti, collocabatur: longitudine dimidiam vltam adaequabant; vid. *Laur. BEGERI observationes in numismata quaedam antiqua* p. 1. sqq. & annexas huic operi illustr. *SPANHEMII & BEGERI epistolas*; conf. *Lud. NONNII comment. in Hub. GOLTZII Graec. pag. 27. sqq. BEG. thes. Brand. tom. I. pag. 467.*

BRVTIORVM.

60. Martis barbatus & galea ornatum simulacrum.

BPETTIQN. Victoria d. tropoeum coronat, s. rannum gerit.

Sec. magn. numisma, cuius typus, a numo, quem BEGERVS in thes. Brand. tom. I. pag. 340. vulgauit, paullulum differt. Ad Bruttiorum fortitudinem referendum esse hoc νόμισμα vtriusque paginae typus suadet. Vix etenim aliud quidquam Mars & Victoria in numis indigitare solent. De Bruttiorum fortitudine & praeclare gestis vid. Hub. GOLTZ. in Sicil. numism. pag. 252.

61. Idem eiusdem magnitudinis numus, qui ab antecedente differt. Nam ante victoriam tropoeum exornantem copiae cornu, & pone eandem malleolus obseruantur.

62. Idem Martis galeatum caput.

BPETTIQN. Bellona hastata fugiens ingens ambabus comprehendit scutum; in area litt. Φ.

Optime conseruatum sec. mod. numisma, quod proxime accedit ad typum, quem in Prosperi PARISII variorib. magn. Graec. numis tab. I. num. 2. cernimus. Ex antiquariorum sententia & istud Brut-

F tiorum

tiorum νόμισμα bellicas populi huius virtutes respicit. Littera Φ. incerti nominis index est.

63. Caput Iouis barbatum; pone fulmen.

Ead. epigraphe; vir galeatus nudus, d. hastam f. scutum fulmine insignitum gerens, ad proelium tendit; in area caput bouis.

Numisma. Caput Iouis, a quo Hercules ex Alcmena genitus fingitur, *fulminis* indicio agnoscitur. *Virum pugilem* in aversa expressum Bretton Herculis filium, ceu urbis & populi auctorem, respicere NONNIUS existimat. Huic viri cl. sententiae haud subscribit BEGERVS; verum ex Mamertinorum numis probat, *Mortem* in postica numismatis facie agnoscendum esse. Hic enim cum *bovis capite* aut bellum contra *Thurios*, aut gentis huius a Sabinis originem indigitat; vid. GOLTZII *Sicil.* pag. 252. sqq. HANTHALER *lib. laud.* pag. 63. sq. BEGERVS in *thes. Brand.* tom. I. pag. 342. sqq.

64. Caput Mineruae galea cristata ornatum, galeae Sphinx insculpta cernitur.

Aquila superbe respiciens, ad volatum alas pandens, insistit fulmini.

Exesa utriusque paginae inscriptione dubius omnino essem, vtrum hoc numisma iure in hunc locum sit referendum, nisi typus ad Bruttios me remitteret. Similia ferme in Borassorum Regis thesauro adseruantur numismata, quae certiores hac de re nos reddere videntur. *Prudentiam & fortitudinem* Bruttiorum cum *vigilantia militari* coniunctam, quam *aquila* indigitat, numismatis typus respicit. *Sphinx* & noctua Mineruae quondam erant symbola. *Sphingem* autem simul doctrinae symbolicae, ab Aegyptiis iuuentae, insigne fuisse aiunt. Hoc scientiae genus, quod ante inuentas litteras vnicum & gratissimum Graecorum erat studium, a Minerua ex Aegypto in alias regiones illatum esse ferrur; & hinc Palladis galeam plerumque Sphinge ornata offendimus; vid. cl. WACHTERI *archaeol. numar.* pag. 85.

GELENSIVM.

65. ΓΕΛΩΙΩΝ. Caput Iouis diademate cinctum.

Herculis barbatum caput, leonis spoliis tectum.

66. Idem paullo minor elegantissimus.

Accuratissimam horum numorum delineationem & praeclaram eorundem, a cl. SCHVLZIO elaboratam, interpretationem nuperrime tandem reperi, cum iam anxie antiquariorum scripta perperam peruoluisssem. Eandem illam numorum imaginem artificii caelendorum numismatum peritiori aeri incidendam tradidi, cuius opera typos prototypis simillimos in tab. II. num. V. & VI. effictos exhibemus. Ita autem reperta horum numorum sonat interpretatio. Venerunt iu manus meas, scribit illustr. SCHVLZIVS, duo numi in vrbe Siciliae nominatissima Gela ambo percussi, ex aere pallidius flauesciente: quos ob singularem elegantiam & integritatem vtique valde aestimo. Tanto autem maioris facio binos, bona fortuna acceptos; quoniam vterque ad antiqui scriptoris illustrationem, forte etiam emendationem facit: alter autem alterius fidem confirmat. Est vterque quidem moduli exigui: verum ita discrepant mole, vt maior ex his alterum crassitie dupla superet: minimus ad denarii Romani solitam crassitiem accedat. Capitum figurae in vtroque tam nitide eminent, tamque elegantii artificio, praecipue in minori, elaboratae sunt, vt cum praestantissimis antiqui operis certare de praerogatiua posse videantur. Idem fere est vtriusque typus, quem a perito pictore, seruata iusta magnitudine, delineatum exhibeo. Aduersa facies caput Iouis praefert, in maiori diadematum, in minori apertius laureatum. Alteri subscriptum est: ΓΕΛΩΙΩΝ: alteri linea faciei opposita, totidem litteris adscriptum idem nomen. Aduersa pagina vtroque sistit Herculis caput, leoninis exuviis tectum, sub maxillis in nodum quasi constrictis. Istud tamen discrepat, quod maior faciem aperte barbatam exhibet: minor autem omnino imberbem, iuuenilem, glabram. Nihil esse singulare in capitibus

numinum, quae hi numi ostendunt, facile largior: neque quidquam habeo, quod de ipsis afferam, noui. Id autem credo nondum esse proutritum, quod hinc licet discere τὸ ἐθνικόν, seu formam adiectiui nominis, quo ciues Gelae se ipsos antiquissimo aevo signauerunt. Vnquamne aliquis antea similes numos aeri incisos dederit aut descripserit, equidem nec certo negare audeo, nec affirmare valeo. Certe apud GOLTZIUM & *Prosp.* PARISIUM eos non deprehendo: neque *Io.* HAVDVINVS, qui numos populorum & urbium ex instituto illustrauit, eos vel ipse vidit, vel apud PARVTAM, quem ego frustra requisiiui, ille se inspexisse testatur, inuenit. Vero enim est simile illum non fuisse neglecturum, quod suae sententiae repugnans in ipsis aperte cognouisset. Etiam *cl. Io. Iac.* GESSNERVS in *numism Graec. popul. & urbium*, quae nouissime prodierunt, nullum adfert, qui nostris sit similis: quin nec vnicum habet, in quo nomen gentile inueniatur. Scilicet iam pridem docti viri animaduenterunt, fieri non posse, ut integer iudicetur locus *Stephani Byzantini*, quando in voce ΓΕΛΑ sic scribitur: τὸ ἐθνικόν ΓΕΛΑΙΟΣ, ὃν Γελῶ. Nam quum tot classici auctores graeci, & inter hos antiquissimi, *Herodotus* ac *Thucydides* illo Γελῶ semper vsi sint; quod hic grammaticus improbare videtur: pridem adducti sunt, ut transposita verba agnoscerent, eademque sic ordinanda: τὸ ἐθνικόν Γελῶ, ὃν Γελαῖ. Ita statuentibus *Luc.* HOLSTENIVS non quidem repugnat: sed aliam tamen & mitiorem medicinam videtur suadere, quando vnica syllaba mutata sic legendum existimat: τὸ ἐθνικόν Γελῶ, καὶ (vel ἢ) Γελῶ. Fateor mihi valde arridere hanc sententiam doctissimi viri: quippe cui sequentia optime quadrant. Subiicit enim: ὡς Ἀβρων καὶ ἡ συνήθεια. Quibus innuit sibi non esse ignotum, quod Abronis auctoritate, atque vsu tyranno, nitatur illa denominatio, qua ciues huius urbis Geloi solent appellari. Mirum autem videri possit, quid in mentem venerit *Scephano*, cur Γελαῖ, quod forte in nullo superstite monumento legitur, quam Γελῶ, maluerit formare gentile nomen. Forte incolae urbis Gelae

Gelae posterioribus temporibus auersari coeperunt τὸ Γελῶν aut
 Γελῶν, quod *ridiculum* denotat: sibi que potius aptauerunt no-
 men gentile Γελῶν, cui nihil ambigui sensus subest. Sic Hal-
 lenses nostri, quando vernaculo sermone scribunt, non facile ad-
 hibent adiectiuum *hällisch*, sed satis constanter ponunt *ballisch*:
 quamquam illud prius vicinorum plurimis vulgatissimo vsu tritum
 est; cui maleuoli quidam, diphthongo leuiter mutata, odiosam
 significationem subiiciunt. Id suspicantibus non leui adiumento
 est *Cicero*, rerum Siciliae, si quisquam alius, probe gnarus, quip-
 pe, cum quaestor esset, in ea versatus: eiusdemque prouinciae
 in accusatione *C. Verris* patronus. Hic abstinet se a Geloorum
 nomine, & quoties eo vtendum fuisset, potius Gelenenses vocat.
 Enimuero quicquid ab hoc praesidii speratur, eripere videtur
Diodorus Siculus, rerum patriae suae non minus gnarus, apud
 quem semper Geloos inuenimus. *Plinius* Gelanos appellat: si
 non omnino Gelaeos scripsit, & librariorum vitio N. pro E. sur-
 repit. Fatendum tamen est, fuisse omnino tempus, quo haec
 ciuitas non refugiebat nomen gentile Geloorum ab euentu siue
 fabuloso, vt BOCHARTO credimus, siue vero, quondam impo-
 situm: sed propriis monumentis suis inscripsit ad omnem posterit-
 atem propagandum. FAZELLVS, quem in notis ad *Stephanum*
 video laudatum, citat numismata cum oppidanorum inscriptione
 ΓΕΛΩΝΝ. Si recte & acute vidit, oportet illos esse a nostris
 diuersos, in quibus perspicue legitur ΓΕΛΩΝΙΩΝ. Quanquam
 fatendum est, eodem rem redire siue prius Ω nudum exister, siue
 iota ei subiungatur, siue subscribatur. Est enim hic grammatico-
 rum dissensus; quorum aliis hoc, illud aliis videtur: quem qui no-
 scere cupit, adeat *Etymologum*, *Eustathium*, *Theod. Gazam*, alios,
 qui ipsum opinionibus suis explebunt, inque partes trahent. An-
 tiquius puto ΓΕΛΩΝΙΩΝ; & antiqui moris crebra sunt exempla,
 vt πατρώϊος, ἡρώϊος, ὀλοφώϊος, pluraque eiusdem generis, poetis
 praecipue familiaria. Oportet autem antiquissimos esse hos nu-
 mos & bis mille annorum aetatem forte satis longe superare. Do-

cent enim vetustissima monumenta Gelam sui iuris esse pridem defuisse, quum Gelonem, tyrannum potentissimum, iam varios dominos antea experta, acciperet: hoc autem Syracusis iam potito, Hieroni, fratri eius, tradita fuerit. Vero autem simile, & exemplis multis consentaneum est, numis, qui a ciuitatibus sub vnus imperium redactis cusi fuerunt, nomina principum fuisse sola inscripta, aut vna cum populi mentione. Sic apud GOLTZIUM tab. XI. prostant duo, in quibus praeter ΓΕΛΑΣ nihil legitur: hisque Hieronis & Gelae mentionem facientes sex subiunguntur: cum solo autem Hieronis nomine tab. XIII. quatuor visuntur. Puto autem illos omnes, in quibus tantum ΓΕΛΑΣ, ΓΕΛΩΙΩΝ aut ΓΕΛΩΩΝ mentio fit, ante Gelonis Hieronisque imperium fuisse procusos. Quum vero ante Salaminiam pugnam Gelo iam Syracusis potitus esset: illa autem iam celebris pugna, EXPETAVII calculo, ante initium aerae christianae annis CCCCLXXX. acciderit: erunt ex hac hypothese certissime maiores aetate XXII. saeculorum. Incertum autem relinquo, quantum ultra id tempus excurrant: quum ante Gelonem iam commemorentur tyranni Gelsenium. Vnquamne postea plenam libertatem, cum pristino flore, recuperauerit Gela; haud expeditum est dicere. Inuenio sane Gelsenfes aliquid virium exseruisse Agathoclis temporibus, Atheniensium ope subnixos. Videtur autem hic tyrannus omnium grauissime Gelam deiecisse, eamque deinceps sub Poenis nunquam conualuisse. Horum autem rebus primo statim bello Punico tantum attritis, vt Siciliam Romanis permittere deberent: non est vero simile ab illo tempore numos ibi fuisse conflatos. Vnde si minimam aetatem computemus, duo annorum milia iam effluxerunt ad nostra tempora. Sub Romanis vero Gela numquam magnopere fulsit. Strabo miseram eius conditionem describit: οὔτε γὰρ ἱμέραν ἐν συναικουμένην ἴσμεν, οὔτε Γέλαν. Subiit scilicet sortem plurium in eadem insula olim florentissimarum urbium, quae pleraeque tunc erant pastorum domicilia; quum montes & campestres regiones equorum bouumque greges pascentibus

Roma.

Romani tradidissent. Mirum quam inique Siculorum, olim tam potentium, rebus consuluerunt: vnde numi coloniarum & vrbi-um, in Augustorum honorem cusi, de Siculis minimum trahunt, &, si recte memini, vna tantum Panormus in illa serie, nec frequens, conspicitur. Quod tanto magis admirandum videtur, si Hispaniarum, Asiae, Aegypti, Thraciae, Moesiae, Ponti aliarumque remotissimarum vrbi-um sortem feliciorum cogitamus: quarum multae tam obscurae sunt, & historicorum monumentis praeteritae, vt nunquam in orbe fuisse noscerentur, nisi vilibus metallis Augustorum vultus & nomina, vna cum suis nominibus & insignioribus fati, commisissent; quae memoriam earum quotidie renouant, & ad omnem, quae litteras amatura & cultura est, posteritatem propagant.

THESSALORVM.

67. ΜΗΤΡΟΔΩΡΟΥ. Caput Iouis olea coronatum.

ΘΕΣΣΑΛΩΝ. Pallas armata gradiens, d. hastam vibrat, f. clypeum gerit; in area ΠΙΣ cernitur.

Natiua aevagine insigne numisma, cuius imagines GOLTZIUS & BEGERVS exhibent. Aduersae autem inscriptio & auersae syllaba Graeca ΠΙΣ SCHVLZIANVM hoc νόμισμα, ab omnibus typis, quos cl. GESSNERVS collegit & vulgavit, distinguunt. Thessalorum *Iupiter* & *Minerva* oculis nostris se sistunt. Non multum habet numus, quod explicationem requirat. *Pallas* bellicosissimum populum Thessalos quondam fuisse indicat. In *Minervae* habitu probe notanda est chlamys cum angulis vtrinque dependentibus. Hi enim esse videntur, qui Θεσσαλαὶ πτέρυγες *alae Thessalicae* vocabantur. Magno cultu Thessali quondam colebant *Iouem Larissaeum*; in primis tamen *Itoniam* venerabantur *Minervam*, ita dictam ab Itonio oppido. Hinc cl. de WILDE in *select. num. auriq.* pag. 93. Palladem, inquit, a bellicosa hac gente praesertim veneratam fuisse non est adeo mirum, cum bellis quoque praesit, quae non minus consilio quam viribus geruntur. Sic *Virgilius*

gilius Latinas matres hisce verbis eam implorantes, XI. Aen. 483. vers. inducit:

*Armipotens belli praeses, Tritonia virgo,
Frangere manu telum Phrygii praedonis.*

Vid. *Lud. NONNIUS* in *GOLTZII Graec.* pag. 104. sqq. de *WILDE* l. c. *Laur. BEGERVS* in *thes. Brand.* tom. I. pag. 480. sq.

THESSALONICENSIVM.

68. Iouis olea coronati caput.

ΘΕΣΣΑΛΟΝΙΚΗ. Aquila fulmini trisulco insistens.

Numismatis huius typum cl. de *WILDE* in *select. numism. antiqu.* tab. XII. num. 70. sistit. Thessalonica, vrbs Macedoniae valida, literis diui *Paulli*, gentium doctoris, christianis quoque probe nota, prius *Tberme* dicta, a Cassandro autem restaurata est; & hinc ab eius vxore, Philippi filia, *Thessalonices* nomen sortita: hodie, corrupti nominis vestigia seruans, *Solonichi* appellatur. De *Ioue & olea* ipsius *Olympia* supra ad argentea Philippi numismata egimus: aquilam expansis alis *fulmini insistentem* itidem paullo ante ad Prolemaeorum numismata luculenter expositam esse recordor; vid. de *WILDE* loc. cit. *Laur. BEGERVS* in *thes. Brand.* tom. I. pag. 483. sqq. Vberiore Thessalonicae descriptionem suppeditat *NONNIUS* in *GOLTZII Graec.* pag. 127. sqq.

CALENORVM.

69. Galeata Mineruae effigies.

CALENO Gallus erectus cum sidere atergo.

Cl. *WACHTERVS* simillimum Calenorum aereum ex amplissimi Lipsiensium *SENATVS* thesauro vulgavit; cui sequentem subiungit interpretationem. Necessario, vir eleganter doctus inquit, numus iste vel cultum Mineruae communem, eius scil. cui *gallus* sacer fuit, vel (quod ab ill. *MAFFEO* ingeniose excogitatum) summam earum ciuitatum erga Pythagorae placita reuerentiam indicat. Vtraque coniectura, mox addit antiquarius, idoneo testimonio se tuetur. Illa *Pausaniae*, qui gallum gallinaceum *auem Miner-*

nae Erganae sacram vocat: haec *Iamblichi*, qui inter praecepta Pythagorae etiam hoc refert, *gallum non esse immolandum*, quod *Soli & Lunae sacer esset*. Puta ob cantum, quo horas nocturnas, & solis aduentum nunciat. Quod si haec coniectura alteri praeferatur, necesse est, hos numos ab aetate Pythagorae non longe remotos esse; vid. WACHT. *archaeol. numar.* p. 105. Plura de Calenorum numis scire gestientibus consulendi cel. *Sigebert.* HAVERCAMP *comment.* in *thes. Morell.* pag. 262. BEGERI *thes. Brand* tom. I. pag. 353. *seqq.* GOLTZII *Sicil. & magn. Graec. hist. ex numis.* pag. 232.

70. Idem Calenorum numisma paulo mutato typo.

CENTVRIPINORVM.

71. Apollinis laureatum caput.

KENTOPHINON. Tripus.

PARVTAM in Centuripinorum numis simile quoddam Apollinis simulacro & tripode insignitum *ῥόμσμα* produxisse BEGERVS & cl. GESSNERVS docent. Quum autem & in publicis FRIDERICIANAE & priuatis celeberrimorum virorum bibliothecis frustra auctorem hunc quaesuerimus; hinc nobis neque facultas fuit, quidquam, praeter vulgarem de Apolline & tripode eruditorum sententiam, ad numismatis istius dilucidationem addere; vid. BEGERI *thes. Brand.* tom. I. pag. 392. cl. GESSNERVS in *pop. & urb. num.* tab. XXXII. conf. ea, quibus supra num. 47. Antiochi II. aereum exposuimus.

MAMERTINORVM.

72. Caput Iouis laureatum, pone fulmen.

MAMEPTINON. Mars nudus ad pugnam tendens, d. hastam, f. scutum gerit, in area lit. II.

Nariua & nobili aerugine conspicuum numisma, quod proxime accedit ad GOLTZII delineationem in *Sicil. & magni Gr. hist.* tab. XXVII. num. 3. exhibitam. De Mamertinis in commentario ad GOLTZII modo citata numismata pag. 271. haec inuenio: Mamertinis nomen a Mamerte, i. e. *Marte* factum fuisse constat, siue ob

gentis illius in rebus gerendis fortitudinem, siue ob armorum peritiam, siue quod originem ab eo deo repeterent; quod, praeter veterum auctoritatem, numismata etiam ipsorum Mamertinorum testari videntur, in quibus Martis simulacrum vultu gestuque vario saepius adparet, Mamertinos certe sumo studio Martem & armorum studium excoluisse etiam priscorum monumenta testantur, reliqua. Idem de Mamertinis asserit cel. BEGERVS *lib. laud.* pag. 344. dum: a Sabinis, inquit, Marte consecratis Samnites, & ab his Lucanos & Bruttios descendere, ex *Strabone* discimus. Et hinc constat, cur vocem *Mamers Festus* Oscorum, *Varro* autem Sabinorum lingua *Martem* significare scripserint: constat cur Martem signauerint, non Mamertini tantum, sed & Bruttii; ideo scil. quod a Samnitibus Marti consecratis descendissent. Plura de Mamertinis loco antea allato, & alibi passim, commemorat in GOLTZII numismata commentator eruditissimus.

MASSILIENSIVM.

73. Caput deae Veneris laureatum, pone pomum.

ΜΑΣΣΑΛΙΗΤΩΝ. Taurus ferociens.

Fabula de iudicio Paridis notior est, quam vt pluribus recenferi operae pretium sit. Cum in nuptiis Pelei malum Discordia misisset, inscriptum: *detur pulcherrimae!* eiusque potiundi gratia Iuno, Minerua & Venus contenderent, arbitrium, aiunt, iussu Iouis ad Paridem pastorem, Priami regis filium, in Ida monte pecora pascentem, esse remissum, iussumque Mercurium, & pomum perferre, & deas iudicium subituras, deducere: eoque facto Paridem, cum vniuscuiusque & merita & promissa audiisset, sprete Iunonis potentia, neglectaque Palladis sapientia, Veneri mulierum in Graecia pulcherrimam amplexibus eius pollicitae, pomum porrexisset. Cumque, *Strabone* teste, olim promontorium Pyrenae & *Venerium* & *Massiliense* dictum fuerit; hinc procul dubio Massilienses Paridis iudicium respicientes *Veneris effigiem* cum *Eridis pomo* numis suis impresserunt; vid. *thes. Brand.* tom. I. pag. 361. sq. conf.

Caroli

Carolus PATINVS in epist. de iudicio-Paridis. Taurum in numis coloniae symbolum esse passim antiquarii asserunt. In eleganti hoc numismate *taurus*, ex cl. BEGERI sententia, ad Tauroentum, Massiliensium coloniam, refertur; vid. BEGERVS *loc.cit.* conf. GOLTZII *Sicil. & magn. Graec. hist.* p. 319. sqq.

MELITENSIVM.

74. Caput venerabile diadematum &, quantum iudicare valeo, occiput velo tegens.

Medio stat simulacrum capite, vt iudico, bouino, ad dextram eius persona facie belluina, super caput eminente aliquo fastigiato instar modii; ad sinistram adstantia ob aeruginem non satis distincte video.

Prim magn. numisma, duo huic similia numismata GESSNERVS exhibuit, quorum alterum Melitensium, alterum obscuris Graecorum, numis adnumerat; vid. *eiusd Gr. urb. & pop. numism.* tab. XXXV. num. 7. & tab. LXXXIII. num. 15. Haec numismata abinuicem in eo saltem differunt, vt in altero aduersae partis imago dextram in altero sinistram versus respiciat. Cum autem SCHVLZIANVM hoc νόμισμα hac ratione proxime ad Melitensium numum accedat; hinc nos itidem, donec quis contrarium doceat, hunc locum SCHVLZIANO numismati tribuimus.

NEAPOLITARVM.

75. ΝΕΟΠΟΛΙΤΟΝ. Caput iuuenile laureatum.

Minotaurus, supra quem rosa & litt. II, infra monogr. litteras AP exhibens.

Rarissimus, cuius effigiem aeri incisam tab. II. num. VII. sistimus. Inter affecta incomparabilis SCHVLZII scripta, viri omnium suffragio eruditissimi, pro dolor! orbi litterato, familiae & bonis omnibus, nimis mature erepti, pleniorum rarissimi huius numismatis explicationem deprehendi, quam statim subiungam. Ita autem ad hunc numum scribit Philologus & Medicus dum viueret & post fata famigeratissimus. Hic *praestantissimus & nobili aeru-*

gine viridescente totus obrectus, beneficio, viri maxime reuerendi & eleganter docti theologi Regiomontani, *Michaelis* LILIEN-THALII ad me peruenit: inuentus autem fuit c1010ccvii Tierenbergae in Porussiae regno, tractus autem Sambienfis praefectura Fischhausenfi. Illum quum ante complures annos vidisset vir de omni antiqua doctrina praeclarissime meritis *Theophilus* *Sigefridus* BAYERVS, ratus fuit illum Rhodiis deberi, suamque de hac re sententiam exposuit singulari dissertatione, quam nobilissimo & antiquitatum studiosissimo viro *Nicolaus* KEDERO c1010ccxxiii inscripsit. Inserta haec commentatio deinde fuit *Actor. Porussic. vol. II. sect. V.* quod indicandum censui, vt facilius inuenire explicationem antea datam, a qua mihi discedendum putauit, vnusquisque possit. Vtar autem illa moderatione, vt simpliciter exponam in quo meae rationes diffideant ab illis, quae viro optimo, cuius tranquillos manes veneros, vero visae fuerunt similes: quod vbi fecerò, arbitrium totius causae peritis lectoribus permittam. Primo omnium me mouet adscriptum nomen ΝΕΟΡΟΛΙΤΩΝ, ex quo tres priores litterae omnino integrae exstant, duae autem postremae satis conspicuae sunt. Certe Ω dimidia sui parte, Ν. autem integrum nudo oculo, tanto autem certius armato, cognoscitur. Quartum in hoc nomine elementum maiori sui parte quoque apparet. Intermedias non satisclare recepit metalli haud exquisitè rotundi defectus. Quum haec oculis meis arbitratus essem, euolui auctores qui ectypa numorum dederunt. Primum adibam *Laur. BEGERVM*, qui *Vol. I pag. 350. num. 2.* exhibet aereum meo per omnia, quoad aduersam partem, tam similem, vt est ouum ouo. Caput enim lineamentis posituque iisdem videas, capillos coronamque similes, ipsamque scripturam loco tractuque simillimam. Vnica littera T quae est in ectypo BEGERIANO pone caput solitaria, quod ad rem parum facit, in nostro deest. Eiusdem auctoris alius est *pag. 352. num. 4.* qui aequè similis videtur, si hoc vnum excipias, quod vultus in dextram partem conuersus, ei que inscriptio obiecta est. Postquam haec ita apud BEGERVM vide-

videram, adibam *GOETZIVM* atque *GESSNERVM*, qui similes aut ex prioribus repositos debant. Iunabat me haec considerasse, quum apud eosdem auctores per Rhodiorum numos accurate irem, omninoque nullum caput illi, quod in nostro est, simile, &, quod maius, nullum quod *Apollinis* caput habet, non radiarum, nullum quoque vlla littera inscriptum cognoscerem. Iam si totus habitus vnus eiusdemque ciuitatis aliquid valet ad eos cognoscendos & discernendos; eoque argumento summi in re numaria auctores potissimum vruntur: quam haec omnia vehementer faciant ad hunc nostrum Neapolitanis vindicandum, & a Rhodiis renocandum, omnes, ni fallor, cognoscunt. Poterant haec sufficere ad omnem hanc causam diiudicandum: sed vtile puto etiam de reliquis dicere, quae meam sententiam penitus confirmant. In altera scilicet numi parte est *minotaurus*, quo nomine vocant animal cetera tauro simile, sed facie virili barbata. Non repetam fabulam omnibus notissimam: neque nunc sollicitabo eorum assertum, qui ciuitates hoc animal signare solitas eodem ipso vltimam originem a Creten-sibus denotare asserunt. Iam vero inter tot numos Rhodiorum indubios neque vnicus visus vel adductus est, in quo minotaurus conspiceretur: inter triginta Neapolitarum numismata, quae *cl. GESSNERVS* collegit, tria & viginti videas, in quorum postica vel integer vel dimidiatus ille exhibetur. De Rhodiis autem ipsemet ille vir doctus, a quo dissentire me profiteor, sufficienter probat, quod omnium, qui in Asia confederunt, maxime genuinum genus Doricum fuerint, neque promiscuam externorum populorum communionem vmquam admiserint. Atque hoc argumentum tanti apud ipsum fuit ponderis, vt tandem non auderet Rhodiis in insula habitantibus hunc numum tribuere, sed Cauniis, qui in continente insulae obiecta habitabant & Rhodiis parebant, eum maluerit tribuere. Qui cum essent Rhodiorum subiecti, atque, vt *Strabone* docente scimus, a Creten-sibus originem duxissent, numum hunc ita signauerint, vt figura primaria ostenderent suos proavos, *rosa* autem Rhodia faterentur dominos, quorum

praetorem aduersae parti adscripsissent. Putat enim illud nomen forte legendum esse ΝΕΟΠΙΟΛΕΜΟΕ. Apparet quam parum suae explicationi fides sit vir doctus: laudandaque est genuina insoles, quae dubium non suppressit. Iam vero si Cauniorum est numus, ut supponit; quo iure in titulo adscribebatur Rhodiis? mirum, qui potuerit Cauniis, libertate non gaudentibus, sed obnoxiiis, ius numos cudendi tam facile concedere: quum nulla exstet probatio id ullis tali conditione viventibus licuisse. Quid itaque superest, quod argumento sit, Rhodiis hunc numum debere aut posse adscribi? Rosa est, minotauro superposita, illi similis, quae in plerisque Rhodiorum numis alteram paginam exornat. Ita autem exstans est in illis rosa, ut aream fere omnem sola impleat: si qua autem alia figura, ut navis, aquila, serpens, caduceus, athleta, botrus, delphinus, insuper adiecta sit, illa minutissima exhibeatur. Cuius quidem contrarium est in nostro, ubi minotarus aream implet, rosula superponitur. Ex quo consequitur, quod hic numus non sit Rhodiorum, quoniam ex parte confitentem habemus doctissimum virum: verba de hoc argumento plura non faciam. Quoniam autem inter Neapolitarum viginti numos GESSNERIANVS, qui minotaurum integrum in auersa parte exhibent, neque vnicus est nostri similis; omnesque isti victoriam superuolitantem & coronam animali imponentem exhibent: ex eo sane apparet *eximia nostri numi raritas & singularitas*. Nam quod rosam, aliaque Rhodiorum insignia consueta, Neapolitae exhibent, minus mihi admirandum videtur, quam cur non in pluribus hodie obtingant visenda. Rhodii enim, quod *Strabo* aperte prodit *libr. XIV. ἐντισαν ἐν τοῖς Ὀπικοῖς τὴν Παρθενόπην*. Parthenopen, Rhodiorum vetustum opus, postea ex Chalcidensibus, Pithecusaeis, Atheniensibusque, imo sero tandem Campanis superadditi prioribus noui incolae auxerunt: ex quo tempore Neapoleos nomine celebrari coepit: ut eodem *Strabone* docente nouimus. Horum postremos inuitis prioribus admitti debuisse, certum est: quam volentes susceperint ceteros, equidem non reperiō. Sed

Athe-

Atheniensium in noua vrbe regenda & constituenda voluntatem in primis valuisse, multa persuadent: praecipue quod Apollinem atque Dianam conseruatores, (Ὀυλλίους,) Athenarum antiquissima numina, praecipuo cultu in numis suis prosequantur. Videntur autem facile inter se consensisse ex Euboea adducti Chalcidenses atque Athenienses in *taurum* numis suis imprimendum; quoniam isti patrium in eo morem sequebantur, quippe Euboeae numi bouis caput exhibent: hi autem Cretensium tyrannidis atque excussi eorum imperii, quod beneficio Dianae ac Apollinis tribuebant, admonebantur. Hinc *minotaurum* apud Neapolitas, & forte apud plures ciuitates, non existimo memoriam originis Creticae renouare, sed contumeliarum & iniuriae ab illis acceptarum aliquando monumentum esse. Sed & aliam causam huius symboli facile inuenient, qui obseruauerint ad ostia magnorum fluuiorum sitas vrbes complures, praesertim illas quae portus & naualia habuerunt, bouem vario modo posituque exhibuisse: ex quo factum puto in Sicilia & magna Graecia vt nihil sit minotauro frequentius. Neque tamen propterea desierunt etiam Rhodi meminisse, praecipue illi magistratus, qui genus ex illa insula ducebant. Hinc factum est vt in nostro numo rosa Rhodia minotauro imponeretur: in alio apud BEGERVM pag. 350. solis imaginem post caput Deae in aduersa parte collocatam notamus. Veroque simile est factum hoc fuisse posterioribus temporibus aliquanto rarius, quum familiae antiquissimae, e Rhodo huc primum deductae, tandem ad paucitatem redigerentur. Quare existimo inde deducendam esse eximiam raritatem numorum Neapolitanorum cum rosa vel sole: quum illorum, in quibus minotaurus est cum victoria superuolitante, crebriorem notemus occursum. Posset alia videri causa, eaque non ex Rhodo petita sed plane domestica, cur rosam Neapolitae numis suis imprefferint. Scilicet iactare voluerunt vrbis tractusque sui praerogatiuum in praestantissimis rosis progignendis. Legatur de eo PLINIVS *hist. nat.* libr. XXI. cap. 4. & res satis erit confecta. *Genera, inquit, eius nostri*
fecerunt.

fecere celeberrima Praenestinam & Campanam. Est genus etiam, mox addit, quam centifoliam dicunt, quae est in Campania Italiae. Quae autem de Campanis rosis in genere dicuntur, eadem omnia ad Neapolitanas iure eodem referri, non potest ulli dubium videri. Enimvero quemadmodum de Campanis rosis nullum potest esse dubium: ita de rosa Rhodia videtur res nimis dubia & controuersa, quam ut de ea olim scripta ad nostras rosas illico transferamus. Aliqui enim ab isto genere, quod ob floris elegantissimam fragrantiam hodie celebramus, Rhodiam longe disiungunt, quam balaustii seu mali Punicae florem existimant, tingendisque lanis adhibitam docent: dum alii certant eminentem aliquam rosae adoratae & coronariae speciem illam fuisse, atque in hanc rem allegant DIDVMI ALEXANDRINI testimonium ex geoponicis, quae scribenti non ad manus sunt, quo rosis diuinius natura vindicatur: quod vtrum de illis, quae in Rhodiorum insula nascebantur, seorsim dictum, an de praestantissimis omnibus intelligendum sit, diiudicare nunc non possum. Quum vero PLINIUS Alabandicas rosas inter praestantissimas recenset, quarum patria est in Caria Rhodo obiecta: nondum audeo accipere illorum sententiam, qui rosas Rhodiorum in punicae mali florem transformant. Certe pictura in numis obuia talis videtur ut ad rosas nostras florem non pleno facilius trahi posse videatur, quam ad Punicae florem. Maxime quidem offendet botanicum ille apud BEGERVM vnicus pag. 412. num. I. vbi aperte sistitur flos hexapetalus; quum omnium consensu rosa sit pentapetala. Sed quisquis in talibus praestabit antiquissimorum pictorum & sculptorum accuratissimam diligentiam? Et si nihil illi defecerunt: puto in gentium ac regnorum insignibus aliquidtribuendum esse antiquitati; quam sequuntur posteriores, etiam vbi vident priores potuisse accuratius pingere. Sic lilia Francici regni quis ausit nunc ad botanicas leges reformare? quis infinita alia in re heraldica? scilicet alia est lex in horto & agris nascentium florum, alia in scriptorum nominibus regum. Quanta sit aetas huius numi, quoniam indubiis nul-

lis signis cognoscitur, coniectando eruere vix quisquam audebit aut valebit. Illud mihi satis certum videtur, cūsum eum esse felicissimis temporibus vrbis libertate sua adhuc gaudentis. Nam postquam semel magnae Graeciae vrbes Romanis subiectae fuerunt, suis vti numis desierunt. Ipse typus elegantissima arte elaboratus de vrbis felicitate, & adiectum integrum nomen de libertate testimonium dicunt. Neminem me reprehensurum existimo, si dixerō *aetatem bis mille annorum* posse eum sustinere, immo aliquantum maiorem potius, quam minorem. Quo pacto in Porussiam deferri potuerit, non minori industria, quam doctrinae apparatu, disputat cl. BAYERVS. Equidem ita cum iucunditate illa me legisse profiteor, vt optauerim posse reddi certa. Illa sane coniectura de succinaria negotiatione fabulam antiquissimam de Phaetonte & sorore eius Electryone ad historiam satis probabiliter reuocat. Enimvero quicquid praesidii haec explicatio habere debet ab eo, quod numus Rhodius in Porussia inuentus sit; id nunc valde vacillat, postquam apparet numum non esse Rhodium, sed Neapolitarum. Adeo igitur mutabimus vrbes, atque Neapoleos incolas nauigasse vel pedestri itinere huc profectos dicemus. Equidem non ausim id vel negare vel affirmare: quum quotidie videamus ad fora profectos mercatores omnis generis & commatis numos secum ferre: nec adstringi possint vel soleant, vt suae quisque patriae propriis nundinetur. Superesset nunc, vt dicerem de litteris in postica parte obuiis. Sed quum non habeam certum, quod adferam: ipsi beneuolo lectori & spectatori diiudicandum permittam, debeatne II, quod super minotaurum clare intelligitur, coniungi cum litteris AP, quae sub eodem visuntur, an superiori adiungendae, ad integram vocem eliciendam, videantur quaedam litterae: Tò AP autem initium alius vocabuli habendum sit. Equidem in vilo Neapolitarum numo adhuc edito non potui conspiciere hominis cuiusdam integrum nomen. In multis singularem aliquam litteram, aut binas vel ternas video pedibus minotauri interpositas. Complures capiti femi-
 H no,

no, in anteriori facie numi expresso, subiiciunt APT. vel plene APTEMIS: cuius exemp^a apud GOLTZIUM videantur. Quid si accipiamus τὸ Π pro Πρύτανις, aut pluratiuo numero Πρυτάνεις, ut denotet praefectum vel praefectos sacrorum in honorem AP-τέμιδος faciundorum? Sed nihil determino, quum me maxime retineat, quod non Dianae, sed Apollinis caput in aduersa conspici-
tur. Insuper etiam me detinet, quod deae tam honoratae nomen minotauri, qui vrbis symbolum est, subiicere pedibus, semperque virginem ad tauri virilia collocare nimis indecens fuisset.

76. VIRGILIUS MARO. Caput laureatum.

Solis caput radiatum.

Etsi argenteum hunc Virgilii simulacro insignitum numum rectius in alium locum conferendum esse probe norim; tamen, quum illustr. SCHVLZIVS praecedentis explicationi continuo huius numi interpretationem subiunxerit, eidem inter vetustissima haec antiquitatis λείψανα locum hunc haud invidebimus. *Numi imaginem tab. II. num. VIII.* exhibet. Audiamus itaque celeberrimi viri sententiam. Quum beneuolum lectorem, inquit, haecenus Neapoli detinuerim, antequam illinc discedamus, subiiciam eius oculis numulum argenteum: de quo ipsemet edoceri vehementer vellem, annon Neapoli sit tribuendus. Exstat in altera parte caput laurea circumdatum, cum litteris VIRGILIUS MARO. Sub capite floriger ramus rosae, ut videtur, expressus fuit: sed temporis iniuria hac potissimum parte detritus est. Alteram faciem totam implet solis caput ample radiatum. Ambitum delineatio accurate sistit: est autem minime crassus & appendit grana, medicorum quidem ponderis, decem. Neapolin spirat solis imago, quam alibi in numis huius vrbis conspici antea dicebam. Eodem conspirat rosa sub capite Virgilii, ut mihi quidem plane videtur, iacens. In hac autem vrbe sepultum esse magnum hunc vatem, monumentumque habuisse, sunt magni multique, qui affirmant, testes, quibus fidem nemo derogat, praeter Io. HARDVINUM, & quibus ille persuadere potuit. Equidem nolim contendere

dere hunc numum esse publica auctoritate, & vel viuo vel nuper mortuo Virgilio cufum: neque audeo tamen ipsum nuperis numorum antiquorum fabris illico tribuere. Iudicent liberrime eruditi. Mihi propterea visum fuit illum proferre, quoniam video in nupera collectione Tigurina illum non comparere, quum tamen in illis tabulis, vbi illustrium ac celebrium personarum nummi proponuntur, etiam ficti quidam non omnino repudiati sint. Ex quo plane adducor, vt credam, meum hunc numquam fuisse in lucem protractum, qua non indignus mihi videtur, quoniam certe aliquam non inuenusti saeculi aut inficeti magistri significationem praebet. Tanto autem libentius adieci Neapolitano indubio & antiquissimo hunc, quam Neapolitanum, sed incertioris aevi, existimo, quoniam ab eodem celeberrimo LILIENTHALIO, cui me priorem debere professus sum, hunc etiam accepi eodem tempore: adeoque ipsi gratias me debere publice profitendi occasionem non putavi dimittendam. Quum haec pridem scripsssem, ipsumque numum amicis ad me venientibus identidem ostendissem, allatus ad me fuit a curioso numorum inuestigatore aliquis Mantuanus aereus admodum recens, cuius alteram faciem sol illustrat & circumscriptum CAR. IMP. DVX. MAN. 1731. in altera legitur SOLDI DI MANTOVA. Hoc indicio excitatus coepi de huius principatus numis amplius dispicere, facileque cognoui exstare vnciales etiam, seu, vt loqui solent, scutatos a Mantuae ducibus cufos, in quorum parte auersa sol impressus est. Fateor me nescire, a quam longo tempore Mantua solis emblemate in suis numis vtatur. Sed quod Mantuani ciuem suum recensere solent magnum Maronem; non video cur improbabile ducam alicui Mantuano venisse in animum cogitare quam aequum sit tam honorifico vrbis suae ciui aliquod monumentum condere. Quanto itaque iustius ad Neapolitanos, quam ad Mantuanos hic numus pertineat, & an omnino ad alterutram vrbem referri debeat; quo tempore, quoque consilio, & quibus auspiciis sit cufus; & quae sunt alia ad notitiam eius plenam scitu necessaria, si quis cum pu-

blico communicare velit, efficiet ne quem forte post longius tempus ille vel suspensum teneat, vel in errorem deducat.

OENIADARVM.

77. ΟΙΝΙΑΔΑΝ. Caput Minotauri.

Caput Iouis barbatum, laurea coronatum.

Numisma, aerugine, quam nobilem dicunt, obductum. Differt hic numus ab illo, quem cel. *Cbrist. Sigism.* LIEBEVS ex thesauris Fridericianis amplissimis vulgavit. Ea etenim numismatis parte, quam monogramma sibi in Fridericiano, vindicat, ea, inquam, parte, neglecto prorsus monogrammate, in SCHVLZIANO epigrapha cernitur. *Minotauri* effigies Cretenfes Oeniadarum prodit origines. Audiamus ea de re illustr. *Ez. SPANHEMIVM.* De Minotauro, inquit, qui praeter commemoratas Siculas aliquot vrbes, quae Cretensem inde earum originem arguunt, idem quoque in aliis Graecarum vrbiū aut populorum numis, vt dictorum modo *Ambraciotarum, Acarnanum* & magnae Graeciae *Neapolitarum*, aliisque signatus, Cretenfium coloniis, etiamfi id aliunde non constaret, frequentata eadem loca omnino comprobant. Plura huc pertinentia pag. 189. sq. commemorat Fridericiani thesauri interpres eruditissimus. Eruditorum de *Iouis laureata effigie* sententiam supra ad Philippi numismata p. 6 sq. exposuimus.

PANORMITANORVM.

78. ΔΙΔΟ. Caput muliebre eleganter comitum.

Equus libere stans caput superbe reflectit.

Prim. magn. νόμισμα, cuius aduersae inscriptionem recentiori aeuo insculptam esse existimo. In cl. *Io. Gerh. RICHTERI*, eleganter docti Lipsiensium iurisperiti, politiorumque litterarum peritissimi, refertissimo *κειμηλιαρχίω* me nuperrime simillimum Panormitanorum numisma vidisse recorder. *Aduersa* horum numismatum imago, illi, quam BEGERVS in *thes. Brand.* tom. I. pag. 218 Didoni tribuit, similis esse videtur. *Equum* plerumque in numis libertatis esse symbolum notum est; & hinc Panormitanorum

rum felicitatis testes haec esse numismata existimamus. PARV-
TAM, quem ex instituto de his aeque vt aliis Siciliae numis scri-
pisse aiunt, frustra requisuimus. Panormi uberio-rem descrip-
tionem suppeditat GOLTZIVS in *Sicil. & magn. Gr. hist. pag. 98 sqq.*

79—101. Cereris spicis & taurino cornu ornata effigies; in
auersa idem typus cernitur, quem in praecedentis altera
pagina vidimus.

Duo & viginti eodem hoc typo insigniti valde inter se con-
uenientes Panormitanorum numi sequuntur, quos, quoniam sibi
inuicem paene sunt simillimi, haud figillatim perensebimus.
Perill. SPANHEMIVS *de usu & praest. numism.* tom. I. pag. 393, vbi
de numis cornutis agit, *cornu taurinum* antiquitus poculi loco
fuisse adhibitum ex *Homeri* scholiaste, aliorumque fide dignissimo-
rum testimonio, nos edocet, simulque *Cererem* & *Liberam*, *Libe-*
ri patris exemplo, cum cornu taurino e temporibus erumpente
passim signari, ex variis Siculorum numis obseruat. Quid *Ceres*,
vbertatis dea, quidque *equus*, solitum libertatis symbolum, signifi-
cent, ex subsequenti Rhodiorum, & praecedentis Panormitano-
rum numismatis explicatione patet.

102. Idem Cereris & equi typus; insuper autem iuxta e-
quum fructifera palma cernitur.

Proxime accedit aereus iste ad typum, quem illust. *Ez.* SPAN-
HEMIVS *de usu & praest. num.* tom. I. pag. 394. exhibuit. Vberior
huius & subsequenti Panormitanorum numismatum interpre-
tatio ex PARVTAE *Sic numism.* petenda est.

103. Cereris spicis coronatum caput cum inauribus; in a-
uersa idem equi & palmae typus.

104. Idem Cereris simulacrum; posticam equi libere stantis
imago occupat.

105. Caput deae taurinis cornibus ornatum.

Equus desultorius libere gradiens, iuxta excelsa adstat
palma. *Sec. magn. numism.*

106. Cereris spicis ornata imago; idem equi typus, palmae locum caduceus sibi vindicat.
107. Deae taurinis cornibus ornata effigies, cum inauribus; auersam equi libere stantis imago & palmae fructiferae typus occupant.
108. Idem, ex vtraque pagina detritus.
109. Caput Cereris spicis coronatum; in auersa cancer marinus cernitur.

Cancer ex communi antiquariorum sententia urbis seu orae maritimae symbolum est. Quem vero maritimum locum numus iste respiciat, subdubitarem; nisi me aduersae paginae effigies ad hanc urbem remitteret. Quamvis itaque, exesa penitus inscriptione, auersa haud multum differat a Lipariorum numis; tamen, propter maiorem, immo summam, aduersae typi conuenientiam, cum praecedentibus Cereris imaginibus, Panormitanis hunc aereum adiudicamus.

110. Caput deae eleganter comtum.

Caput equinum.

Numismatis huius typum cl. GESSNERVS in *pop. & urb. num. tab. LXXXIII. n. 38. ex PARVTAE Sic. numism. desumptum exhibet.*

- III. Palma fructifera; in auersa caput equinum.

Vtriusque paginae typus conuenit cum imagine, quam apud GESSNERVM in eadem tabula num. 40. cernimus.

POSIDONIATARVM.

112. Neptunus gradiens elatis manibus tridentem vibrat; in auersa prostratus taurus cernitur.

Esti aetate prorsus exesa sit inscriptio, nullaque in hoc aereo litterarum vestigia appareant: tamen ad Posidoniae urbis numos, *Neptuni & tauri* imaginibus plerumque insignitos, hunc itidem referendum esse nullus dubito; potissimum quum apud GESSNERVM typi archetypo isti occurrant simillimi. *Neptunus* Graece Ποσειδών

σείδων

πεῖδων dicitur, a quo *Posidonia* vocatur, vti a Neptuno *Neptunia Pa-terculo*. Hunc paganorum deum Tarentinis tutelarem fuisse fer-
rur: cumque Posidoniatae Tarentinorum colonia fuerint; haud
difficile euincitur, qua de causa idoli imaginem in aduersam nu-
mi partem collocauerint. *Taurus* Neptuno sacer perhibetur.
Hinc ita canit Virgilius:

Taurum Neptuno, taurum tibi, pulcher Apollo.

Vid. *thes. Brand.* tom. I. pag. 347. *sqq.* Commentator in GOLTZII
Sicil. & magn. Graec. pag. 247. *sqq.* simili ratione vtramque numi
paginam interpretatur.

RHEGINORVM.

113. Capita iugata, quorum alterum laureatum Apollinis, al-
terum Dianae esse videtur.

ΡΗΓΙΝΩΝ. Tripus.

Sec. magn. numisma, cuius imaginem probe expressit GOLTZIVS
in *Sic. & magn. Gr. hist.* tab. XXV. Duos populos concordi nexu
in ciuitatem concretos *Apollo & Diana* respiciunt. Quumque
Rhegini & Chalcidensium & Messeniorum coloni fuerint, quorum
hi Dianae obtemperabant, illi autem, si *Straboni* fides habenda, A-
pollini; patet hinc quid sibi velint iugata aduersae deorum capita.
Non procul a Rhegio Dianae templum fuisse *Thucydides* comme-
morat: hinc itidem colligitur Messenios coluisse Dianam. *Tri-
podem*, solitum Apollinis symbolum, ex Apollinis oraculo dedu-
ctam Chalcidensium coloniam innuere existimamus; vid. *Laur.
BEGER. lib. laud.* tom. I. pag. 338. *Hubert. GOLTZII Sicil. & magn.
Gr. hist.* pag. 255. *sqq.*

RHODIORVM.

114. Caput deae spicis exornatum, cum pectoris parte.

ΡΟΔΙΩΝ. Rosa cauliculata.

Etsi GOLTZIVS, SPANHEMIVS, BEGERVS, alii & ipse denique
GESSNERVS haud pauca Rhodiorum vulgauerint numismata; ne-
minem tamen eorum elegantissimi huius aerei typum exhibuisse
restor.

restor. Omnes isti antiquariorum duces auersam de pulcherrimis Rhodiorum rosetis interpretantur, vt ex supra dictis patet; vid. pag. 14. Deam, cuius imago aduersam sibi vindicat, *Cerere* esse ex spicis colligimus. Quumque spicis exornata dea frugifera plerumque Cereris numeribus plena loca venditer; hinc quis est tam ignarus, qui non videat, eandem in hoc Rhodiorum numulo itidem frugum vbertatem indigitare.

115. Idem, aetate detritus, iisdem tamen, quantum iudico, imaginibus signatus.

SERIPHIORVM.

116. Bacchii corona hederacea ornata emigies.

Aquila euolans, in area littera Σ, initialis forte nominis insulae, cernitur.

Corinthios Bacchum praecipue quondam coluisse ex *Pausania* docet BEGERVS. Seriphii, pariter vt Parii, Corinthiorum erant coloni; hinc procul dubio, ad indigitandam hanc suam a Corinthiis originem, *Bacchi effigiem* numis suis imprefferunt. De *aquila*, quam in auersa cernimus, BEGERVS aliique silent; NONNIUS ingenue fatetur se prorsus ignorare; vid. *thes. Brand.* tom. I. pag. 436. sq. NONNII *comment.* in GOLTZII *Graec* pag. 266.

SMYRNAEORVM.

117. Caput turratum matris deorum Sipylenae.

ΣΜΤΡΝΑΙΟΝ ΔΗΜΗΤΡΙ... Isis regina stat habitu stolata, caput calathio ornata, dextra vestis laciniam attollit, laeua cippo innititur, cui infans, vt iudico, instat, qui ipsi sceptrum porrigit.

Huius aerei typus proxime accedit ad numisma, quod illustr. *Rich. MEAD*, eruditissimus Londinensium medicus, in praeclara illa dissertatione *de numis a Smyrnaeis in medicorum honorem percussis* tab. I. n. III. vulgavit. Inscriptione autem noster, ab omnibus hactenus vulgatis Smyrnaeorum numis, differt. *Sipylena* tutelare huius urbis erat numen, cuius effigiem in aduersa numi parte expref-

expresserunt Smyrnaei. Isis, quia focium cum magna matre honorem, eandem ac Aesculapius potentiam & celebrem in vrbe Smyrna cultum sortita erat, alteram numi faciem occupat. *Demetrium*, cuius nomen inscriptio exhibet, medicum & deae Ifidis, sanitatis praesidis, sacerdotem fuisse existimo; vid. modo laudata cel. MEADII dissert. pag. 42. *sqq.* conf. BEGERVS tom. I. p. 496. *sq.* de WILDE *select. num. antiqu.* pag. 192. *sq.*

SYRACVSANORVM.

118. ΉΤΣ ΕΛΕΤΘΕΡΙΟΣ. Iouis Liberatoris effigies.
ΣΤΡΑΚΟΣΙΩΝ. Fulmen & aquila.

Aerugine conspicuum numisma, cuius aduersam BEGERVS in *thes. Brand.* tom. I. pag. 383, auersam autem GOLTZIVS in *Sic. numis.* tab. III. num. III. optime expresserunt. Syracusani, quo se a Thrasybulo tyrannide liberarent, auxilia ab Agrigentinis, Gelsenibus, aliisque populis petunt, quorum auxiliis adiuti aliquoties cum Thrasybulo manus, sed dubio Marte, conseruere; extremo tandem praelio victores Thrasybulum expellunt, qui, Sicilia excedens desperato reditu, reliquum aetatis Locris priuatus transegit. Ab eo tempore Syracusani per annos sexaginta, vsque ad Dionysii tyrannidem libertate vsi, *Ioui Eleutherio*, siue Liberatori, colosseam statuam erigunt: hinc itaque numismatis typum facile interpretaberis. *Fulmine & aquila* Syracusanos summam Iouis sui Liberatoris potestatem & prouidentiam indicare voluisse eruditi existimant; vid. GOLTZIVS *lib. cit.* pag. 24.

119. Caput Mineruae galeatum; pone monogr. ex A. & Γ.
ΣΩτὴρ ΣΤΡΑΚΟΣΙΩΝ. Diana venatricis habitu arcum tendens, cum cane venatico.

Elegantioris fabricae numisma. Siciliam venationibus olim aptam fuisse, veterum scripta & numismata indignant. Ad *Palladem* autem in hoc numo *Dianae* iunctam non aliam BEGERVS adducit rationem, quam *Tullii* verba, dum: *in insula*, inquit, *sunt aedes sacrae complures, sed duae, quae longe caeteris antecellunt, Dia-*

nae una, & altera, quae fuit ante istius (scil. Verris) aduentum ornatissima, Minervae. Cum Marcellus Syracusas obsideret, tempus idoneum captandum censuit; differt itaque negotium in proximum Dianae festum, quo, ciuibus epulis vinoque sepultis, nocte, cum altior somnus ebrios ac curis solutos occuparet, scalas proferri iubet, ac mille expeditos ex omni numero delectos, summo cum silentio muros transcendere iubet, caetera. Haec ex GOLTZII *Siciliae descriptione* in eum finem ad hanc pagelliam conieci, ut eo facilius appareret, Dianam, perpetua virginitate celebrem deam, apud Syracusanos, quorum bene multa in hunc usque diem perdurant vetusti aevi *Λεψάνα*, summo honore cultam fuisse.

120. ΣΤΡΑΚΟΣΙΩΝ. Caput Arethusae piscibus circumdatum.

Vir bigas agit, superuolitante victoria.

Probe conseruatum sec. mod. numisma. Arethusam fontem ita describit Tullius: *In hac, inquit, insula extrema, est fons aquae dulcis, cui nomen Arethusa, incredibile magnitudine, plenissimus piscium.* Et, si Diodoro credimus, fontis huius a Nymphis in Dianae honorem excitati pisces sacri fuere. In auersa numi parte, ex mente BEGERI, *bigae*, quibus Syracusarum ciues in Olympicis vicerunt, cernuntur. GOLTZIUS in *Syracusarum descriptione*: Arethusa, inquit, aquas habuit crassas salioresque, & proinde porui insuaues, plenissimas tamen piscium, quos, quod Dianae sacri essent, religio erat violare; atque hinc varia numismata cum Arethusae capite piscibus circumdato inter Syracusana spectari credibile est. Prodit Diodorus obseruatum etiam illos, qui belli tempore eos pisces comedere ausi fuissent, variis calamitatibus oppressos infelicem habuisse exitum; vid. GOLTZIUS *lib. laud.* pag. 18. BEGERVS in *thes. Brand.* tom. I. pag. 384.

121. Idem Arethusae piscibus sacris cinctum simulacrum.

Caput equinum.

Quum eleganter signati numismatis huius typum apud omnes
rei

rei numariae scriptores, qui ad meam peruenerunt notitiam, frustra requisierim; hinc omnino neminem me reprehensurum arbitror, si ex rariorum numorum ordine SCHVLZIANVM hunc esse dixerim. Ex *Aerebusae simulacro* Syracusanorum id esse νόμισμα coniiicimus. *Caput equinum* Carthaginiensium olim erat symbolum, quippe quod in fundamentis eius id inuentum sit; & hinc Syracusanorum hunc numum sub Poenorum dominatione cunctum esse existimamus.

122. Herculis leonis rictu contextum caput.

ΣΤΡΑΚΟΣΙΩΝ. Pallas armata gradiens, dextra iaculum vibrat, sinistra scutum gestat.

Sec. magn. numisma, cuius typum cel. *Laur. BEGERVS* in *thes. Brand.* p. 384. exhibet. Cum antiquitatis fatum sit, ut non semper demonstrationibus effulgeat, sed interdum coniecturis saltem acquiescat; hinc utique dubius sum, utrum aduersa numismatis facies Syracusanorum ex Hercule originem, an potius eiusdem apud Syracusanos cultum, certe haud ignobilem, indigiter. Quae antea ex *Tullio* de Mineruae apud Siculos templo dicta sunt, ea h. l. itidem in censum veniunt. *GOLTZIVS* ex fide dignissimis scriptoribus commemorat Syracusis duas aedes sacras fuisse, quarum altera Dianae dicata erat, altera Mineruae, in cuius vertice *scutum* Palladis ex aere inauratum fulgebat, ita ut eminens a nauigantibus ex mari conspiceretur; vid. *GOLTZIVS lib. laud.* pag. 19.

123. Apollinis lauro coronatum caput.

Aquila alas pandens, in area Solis typus.

Sec. magn. numisma. *Apollinem*, cuius memoriam apud *GESSNERVM* haud pauca Syracusanorum numismata conseruant, laurea & Solis imago produnt. *Homero* Sicilia Solis insula vocatur; quae insulae appellatio non caret ratione. Solem enim Syracusis singulis diebus cerni, ex *Plinio* & *Solino* constat. Vtrum aquila, aequae ut in priore Syracusanorum numismate, itidem Iouem Liberatorem respiciat, an potius ad Apollinem, aut aliud quod-

dam paganorum idolum, referenda sit, peritiores determinabunt. GOLTZIUS enim, quamvis tab. III. in *Sicil. & magn. Gr. hist.* simile producat numisma, filer, & PARVTAM perperam haftenus requisiuimus.

124. Caput Iouis Olympici laurea cinctum.

ΣΤΡΑΚΟΣΙΩΝ. Bigae aurigante victoria.

Sec. mod. aerugine nobil. obductum numisma. Certaminum & victoriarum Olympicarum testes esse hunc & sequentes Syracusanorum numos nemo facile dubitabit. Quam anxie Syracusani eam gloriam venati sint, vel inde constat, quod ciues Olympionicas etiam pecunia emerint; vid. BEGERVS tom. I. pag. 385.

125. Idem, cuius inscriptionis litterae ob aeruginem non adeo a se inuicem distingui possunt. *Numisma.*

126. Idem, in cuius auersa quadrigae conspiciuntur. *Numisma.*

CHIORVM.

127. Sphinx alata residens.

ΧΙΟΣ ΚΑΤΚ. Amphora diota, iuxta quam sagitta aut nauis gubernaculum.

Elegantissimi huius aerei typum itidem perperam apud bene multos rei numariae auctores quaesiuius. *Sphingem* hanc *Thebanam* ab Aegyptiaca probe distinguendam esse eruditi iubent. Vtraque ex marmore rubro, quod *πρὸς Φωγίτης* dicitur, conseruatur in amplissimo Serenissimi Borussorum regis thesauro; vid. BEGERVS in *thes. Brand.* tom. III. pag. 369. sq. Ante hos duos annos, dum Germaniam versus iter instituerem, Viennae Austriae inter alia splendidissima venerandae antiquitatis monumenta me itidem Aegyptiacam, Prussorum paene similem, Sphingem vidisse non sine voluptate recordor. Quae de Sphingibus istis antiquariorum principis perillustr. *Ezech.* SPANHEMII sit sententia, paucis adicieamus. Sphingem, inquit, inter Aegyptiorum iuuenta antiquarii vulgo referunt; quod tamen ab *Agatharchidis* apud *Phorium*, *Diodori*, *Strabonis*, *Plinii*, aliorumque constanti relatione alienum; qui

eas

eas inter veras simias recensent, & ex Aethiopia in Aegyptum deferri contendunt. His accedit recentior, & oculatus quidam testis *Philostorgius*, qui ubi varia simiarum genera, capris nempe, ursis, leonibus, aut canibus similium enarrasset, in illo ipso terrarum tractu familiarium; in eandem etiam simiarum classem refert Sphingem a se visam, ad muliebrem formam accedentem; vid. *PHILOSTORGII hist. ecclesiast. comp. edit. Gothofred. lib. II. cap. II.* Idem scriptor addit in sequentibus, Graecanicam de hac Sphinge narrationem inde natam, quod Thebas ab Aegypto delatum hoc animal, ferum inprimis & ab Oedipo interfectum, fabulae locum dederit, alasque ob motus celeritatem eidem tributas; muliebri pectus, ob similitudinem; & leoninum corpus, propter innatam feritatem; sermonem vero illius animalis ad humauum accedentem, sed sono obscuro, ad aenigmaticum detortum. Neque mirum id esse, nam & multa alia Graecis morem esse in fabulam vertere. Haec ex aliorum testimonio commemorat *SPANHEMIVS*, & mox suam addit epicrisin, dum: in eo iraque, inquit, discrimen statuendum, quod fabulosae omnino illae fuerint Graecorum Spinges, quae faciem mulieris, pedes & pectus leonis, ac pennas avis habuisse dicuntur; seu qualis iuxta *Ausoniam* descriptionem *vulcris pennis, pedibus leo, ore puella*, in obuiis cum Augusti, & Chiorum numis; tum in aliis simulacris Dianae Ephesinae, aut in galea Palladis, vulgo occurrit: quum Aegyptias Sphinges ab iis diuersas, ac *ἀπτεγες sine alis*, cum ex auctoritate veterum, tum ex monumentis in Vrbe passim adhuc obuiis, ac insuper ex numis etiam aliquot liceat obseruare. His accedit Aegyptii, & quidem luculenti scriptoris, *Clementis* nempe testimonium; qui nullas vti-que alas Sphingibus, sed totum corpus leonis, faciem autem hominis tribuit; vid. *CLEM. ALEX. Stromat lib. V. pag. 567.* Ita ut hinc errare pateat, tum qui non alias nisi alatas Sphinges credere; tum qui inde omne hoc animantium genus continuo fabulosum statuunt. Haecenus illustr. *SPANHEMIVS*, qui plura de hoc argumento addit in eruditissimo suo de *usu & praest. numism. ope-*

re tom. I. pag. 241. *sqq.* Cl. *Io. Georg.* WACHTERVS Spingem haud veri nominis animal e simiarum genere, verum primum Nili symbolum, & postea omnis symbolicae artis imaginem, olim fuisse asserit; vid. *eiufd. archaeol. numar.* pag. 85. *sq.* Sed reuertamur ad Chiorum Spingem, quae simillima illi deprehenditur, quam in binis Chiorum numis Homeri memoriae dicatis BEGERVS in *thes. Brand* vol. I. pag. 419. & 420. exhibet. Septem olim vrbes,

Smyrna, Rhodos, Colophon, Salamin, Chios, Argos, Athenae, de Homeri natiuitate certarunt. Inter eas, in vindicanda ea gloria non exigua fuit Chiorum ambitio. Et hinc Spingem propter Homerici carminis sapientiam in aduersa numi pagina cernimus. Non quod Homerus allegoriarum pater fuerit, aut allegoria cum Homero in insula Chio nata sit, verum quod in genere scribendi allegorico summus artifex fuerit; vid. BEGERVS & cl. WACHTERVS locis antea allatis. Perillustr. Ez SPANHEMIVS etiam ad fortitudinem & industriam, immo & oraculis allegoriisque inuolutam sapientiam, Sphingem refert, idque non tantum ob Homerum, sed etiam, quod Chii in vniuersum iis celebres olim fuerint. Cel. *Sigebert* HAVERCAMPVS *diozom* figulina, quae in Chio fiebant optima, respicere existimat. Cl. de WILDE amphoram hanc praestantissimi vini, quod Aruissium nominant auctores, indicium esse arbitratur: *Ludou* NONNIVS vtrumque statuit; vid. HAVERCAMPI *comment. in thes. Morell.* pag. 364. de WILDE *select numism. antiqua* pag. 64. NONNIVS in *GOLTZII Graec.* pag. 252. *Temonem* aut Neptuno, aut Fortunae, aut denique Prouidentiae adsignant. Sed quoniam vrbs ista, vt ex Thucydide aliisque constat, non solum rei maritimae studuit, verum etiam magno illo Asiae motu, quo Ionia a rege Dario desciiuit, soli Chii centum triremes in aciem eduxerunt & fortissime omnium pugnarunt; facile patet nauis gubernaculum, in auersa numi parte effictum, Chiorum maritimae potentiae esse symbolum. Quatuor illas litteras KATK initiales esse nominis eius magistratus, qui eo tempore, quo numus signatus est, opulentissimae Chiorum vrbi praefuit, existimamus.





NVMI GRAECI INCERTI ET IGNOTI.

128. CEPATP. AOTAHMI. Caput singulari corona ornatum, cum pectoris parte gemmis distincta.

MOIOICEKTI APΘENVAOC. Persona nuda gradiens, dextra grano simile quid praefert, pone arista.

Mediae magnitud. numisma, satis crassum & apprime conseruatum, sed Minerva rudi elaboratum.

129 Numus an tessera? cuius altera pagina prorsus est vacua & laevis; alterius medio exiguus typus ovalis impressus cernitur, caput senile barbatum sistens, cum literis CAT an CMT, vt sit CMTena, an CATλος. Sed forte latinae sunt litterae CHY.

130. Caput eleganter ornatum, vt videtur, spicis coronatum. KBTI in corona querneae.

Eleganter signatus, nativae aerugine conspicuus, tert. magnit. numus, cuius typum apud GOLTZIVM, PARISIVM, BEGERVM, SPANHEMIVM, HARDVINVM, GESSNERVM, aliosque haud deprehendes. Quum nuper aereum hunc viro in omni antiquitate versatissimo explorandum exiberem; valde quidem mirabatur eius elegantiam, locum autem ubi signatus sit, etli magnis confectis itineribus multa millia viderit numismata, sese indem ignorare ingenue fatebatur.

131. Tert. magn. numus, in cuius altera pagina equus prostratus cernitur; alteram idolum, dextro humero hastam in summo incuruatam gerens, occupat.

132. 133. Duo aerei sibi invicem similes, in quorum aduersa parte equus solutis habentis gradiens cernitur; auersa vtrobiue quadrangularem ignotam figuram sistit.

134. Caput muliebre; in auersa auis, spica & litt... AB.
Crassus, minoris moduli.

135. 136. Duo tert. mod. numi, ignotis ex vtraque pagina figuris signati.

137. Ca-

137. Caput Apollinis laureatum.

Minotaurus gradiens, desuper litt. ΔΝ..

Caput *Apollinis* & *Minotaurus* in Sicularum, Neapolitanorum, Sueffanorum, Calenorum, aliorumque numis occurrunt. Quum autem ex inscriptione, vnico illo subsidio ad discernendos a se invicem eius generis numos, qui respectu typi conveniunt, prorsus nihil certi elici possit; incertis aereum hunc annumerare cogimur.

138. Caput deae, vt videtur, Dianae.

Copiae cornu; inscriptio, praeter ultimam syllabam ΩΝ, ob aeruginem haud legi potest.

139. Caput deae eleganter ornatum in antica cernitur; posticam prorsus detritam offendo.

140. Numus crassus quidem, ita tamen aerugine obiectus, vt eius imagines, nobis saltem, obscurae sint.

NVMI FAMILIAR. ROM. ARGENTEI.

ACCOLEIA.

141. *Publius* ACCOLEIVS LARISCOLVS. Caput femininum simplici tegumento ornatum.

Sine epigr. Tres Nymphae, quae in larices arbores mutantur.

Asper, subaeratus. Accoleia gens, quam ab accolendo ita dictam volunt, *plebeia* fuit. Huius gentis nulla, nisi in duabus antiquis inscriptionibus, fit mentio, vbi scribitur Acculeius pro Accoleius, vti antiquitus Agricula, Pobicula, pro Agricola & Pobicola; vid. *Pulu. vrsinus in fam. Rom.* edit. Rom. p. 2. conf. cl. VAILLANTII *numi famil. Rom.* tom. I. pag. 4. Cel. *Sigeb* HAVERCAMPVS in *comment. ad thes. Morell.* pag. 2. denarium hunc ex eorum genere esse asserit, quibus ad nominis sui originem maiorumque alludebant illi, quorum opera cudebantur. P. Accoleius itaque ad agnomen suum, quod a *larice* arbore fuit desumptum, alluisse videtur, dum *Pboë-*

rontis

tonis sorores, quas in larices arbores mutatas fuisse aiunt, cum matre earundem *Clymene* hoc numo exhibet; vid. BEGERVS in *thes. Brand* tom. II. pag. 529. *Christoph. WOLTERECK* in *elect. rei numariae* pag. 53. Lariscolus iste a Iul. Caesare ciuitate donatus triumuir monetalis constitutus fuisse creditur.

ACILIA.



142. SALVTIS. Caput deae Salutis laureatum, cum inauri. *MANIVS ACILIVS III. VIR. VALET VDO.* Hygea stans, d. serpentem ori admouens, s. columnae innititur.

Tabulam illustr. SCHVLZII compendio hist. medicinae praemissam denus exhibemus. Vides duos huius gentis numos sibi respectu auesae simillimos, quorum priorem hunc in locum coniecimus, posteriorem rarissimum autem alteri numorum consularium ordini adnumerabimus. Aciliam gentem plebeiam fuisse ex veterum scriptorum auctoritate constat. ONVPHRIUS in descriptione ciuitatis Romanae lib. II. p. m. 284. nouum ex hoc numo, & apud scriptores antiquos & marmora incognitum, magistratum protulit, dum l.c. Huius magistratus, inquit, nulla apud veteres auctores, quod sciam, mentio est; in antiquo vero argenteo numo scriptum est: M. ACILIVS III. VIR. VALET V. Hi nostra aetate pestis causa creari solent, atque Domini Sanitatis vocantur, quibus, temporibus de morbo suspectis, magna potestas concedi solet. Numi vero verba sic ego interpretor: M.

Acilius III. vir valetudinis tuendae. Valetudo autem dea Romanis erat, cui *serpens* pro symbolo, vt patri Aesculapio, tribuitur. Ex ONVPHRII itaque sententia Acilius iste fuit *triumvir valetudinis*; quem deinde plures alii sunt sequuti, prout in hac interpretatione quieuit ipse VAILLANTIVS. Hos, & omnes, qui istis calculum adiiciunt, cel. HAVERCAMPVS impugnat, dum cum BEGERO consentit, qui *caput deae Salutis & simulacrum Valetudinis* hic rectius agnoscit; vid. BEGERVS in *thes. Brand* p. 530. vbi inter alia vir famigeratissimus: neque enim, inquit, placet, quod ill. PATINVS de III. viris valetudinariis excogitauit. Excogitauit vero, his cel. HAVERCAMPVS *lib. laud.* pag. 5. addit, ONVPHRIVS, probauit PATINVS; vid. *Iac. OISELII thes. num. antiqu.* pag. 423. *Const LANDI numism. select.* 148. WOLTERECK *lib. cit.* pag. 29. sq. *Rich. MEAD in diff. de numis a Smyrnaeis in medicorum honor. percussis* tab. II. NIEVPOORTII *antiqu. Rom. sect. II. cap. VII. §. V.*

A E L I A.

143. LAMIA SILIVS ANNIVS. Dextrae iunctae tenentes caduceum.

III. VIRI *Auro Argento Aere Flando Feriundo*, in area s. c.

Aereus. Aeliam siue Ailiam gentem, eandem cum Allia, (ex quorundam sententia a cultu alliorum ita dicta) *plebeiam*, sed antiquam, maximisque gestis magistratibus quondam fuisse nobilem, ex VRSINO legimus. *Aduersae typus*, ex mente cl. VAILLANTII & cel. HAVERCAMPI, pacem firmatam sub Augusto, eiusque cum senatu concordiam indigitar. *Triumvirorum monetaliū nomina* in auersa continentur. Solebant enim vel vnum vel duo vel tria horum triumvirorum nomina in hisce numis exprimi. Notus est, in elegantissimo suo opere ill. HAVERCAMPVS inquit, triumvirorum monetaliū sub Augusto magistratus, vnus videlicet ex minoribus, qui quidem a Iulio numero erat auctus, ita vt III. viri essent monetales, sed ab Augusto ad triumuiros redactus. Hima-
gistratus ex senatus consulto, quod passim per S. C. exprimitur,
aereos

aereos numos percutiebant. Hoc enim ius quoque inter imaginariae libertatis iura, Augustus eiusque successores senatui reliquerunt, usque ad Gallieni tempora; unde tot numi aerei, qui litteras S.C. exhibent; conf. NIEVPOORTIVS in *antiqu. Rom. comp.* sect. II. cap. VII. §. V. p. m. III.

A E M I L I A.



Gründler, v. Hala.

144. *Marcus SCAVRVS AEDILIS CVRVLIS*, in imo REX ARETAS, pertransuersum in area ex s. c. Rex Aretas genuflexus, laeuam camelum stantem, coronam radiatam in gibbo portantem, capistro retinet, dextra ramum oleae cum dependente vitta praefert.

Publius HYPSAEVS AEDILIS CVRVLIS. Cato HYPSAEO consule PREIVERNUM CAPTUM. Iupiter in lentis quadrigis, palliolo humeros tectus, caetera nudus, dextra fulmen, laeuam equorum habenas regens; sub equorum pedibus scorpio cernitur.

Rarissimus, de cuius imagine, quam sestimus, restamur, quod seruata iusta magnitudine fidelissime curauerimus exprimenda, nec quidquam ob archetypo diuersum in delineatione admissum esse. Aemiliam gentem nobilissimis atque antiquissimis *patriciis* Romanorum familiis Antiquarii adnumerant. Distincta fuit in plura cognomina; ex quibus in numis occurrunt *Scauri, Lepidi, Paulli*, caetera.

Vir de re numaria meritissimus *Andr. MORELLIVS* in epistola ad cel. *Iacob. PERIZONIVM* asserit, se nunquam in aduersa huius numi pagina *coronam radiatam*, dorso cameli impositam, obseruasse, sed saltem tegumentum quoddam ad vehenda onera aptum, etiam si ultra centum eiusmodi numos viderit; oporatque scire, vtrum re vera talis numus vnquam repertus sit. Nullam etenim, inquit vir celebris, perspicere possum rationem, cur haec corona radiata esse possit: nam rex Aretas, aliique reges diademate, non eiusmodi corona vsi sunt, & apud Romanos illo tempore mortis erat signum, quippe qua Diuorum capita radiabant; vid. *Christoph. WOLTERECKII electa rei numariae* p. 47. Cel. *Sigeb. HAVERCAMPVS* in eadem manet sententia, coronam hanc radiatam itidem in dubium vocat, & eapropter in cl. *Laurent. BEGERVM* acerbius inuehitur, dum: BEGERVS, inquit, in *thes. Brand. II.* pag. 531. pro clitellis coronam radiatam nobis effingit, gibbum hirsutum, Iouem vestitum toto corpore; quae omnia sunt contra denariorum fidem, quos plures habeo, integerrimos, in quibus clare agnoscuntur clitellae. Camelo enim vectus rex clitellis insedit, a quibus delapsus, & in alterum procumbens genu, ramum oliuae praefert, dependentibus vittis, quas ex fide quoque denariorum expressit *Morellius*, neglexerunt vero temere *VR SINVS*, *GORLAEVS*, *PATINVS* & ipse BEGERVS; vid. cel. *HAVERCAMPI comment. in thes. Morell.* pag. 8. Facile quidem largior, haud accurate satis Aemiliae gentis numos apud BEGERVM, loco antea allato, delineatos esse. Hinc tamen haud aliquem conclusurum arbitror, quod corona radiata, de qua nobis h. l. sermo est, bini argentei careant, qui in amplissimis SERENISSIMI BORVSSORVM REGIS thesauris adseruantur. Videant quibus manibus propriis tractare illos licet, an non propius ad hanc, quam exhibuimus, SCHVLZIANI numi delineationem, quam ad Begerianam accedant. Idem de numis istis a cel. BEGERO vulgatis nobiscum sentit cl. *GALLANDVS*, dum in epistola ad *Andr. MORELLIVM*: ut itaque, inquit, ex voto tuo cognoscas, quod eiusmodi numus corona conspicuus, qualem

qualem BEGERVS exhibuit, vere existat, ectypon numismatis Focaltini te huius rei certiore reddere poterit, tibi que persuadere, cl. BEGERVM minime illulisse lectoribus, quando numum a se visum descripsit; vid. *Christoph. WOLTERECK. lib. laud. pag. 77.* Cum itaque hic argenteus Aemiliae gentis numus, a tantis rei numariae sideribus in dubium vocatus, certissime existet in numophylacio SCHVLZIANO: apparet quo iure eruditissimus HAVERCAM-PVS, a cel. BEGERO coronam hanc effectam esse, contendat; certissimi insuper est indicii, hunc corona insignitum *eximiae raritatis* numum esse, de quo GALLANDVS iam pridem edocuit MORELLIVM; vid. *WOLTERECK loc. cit.* Duarum gentium decora in eleganti hoc denario adumbrantur, Aemiliae in aduersa, Plautiae vero in auersa numi pagina. Priorem itaque saltim denarii partem h. l. exponemus, de posteriori infra suo loco acturi. M. Scaurus, qui hunc percussit numum, M. Scauri principis senatus filius, aedilis curulis cum Plautio Hypsaero A. V. C. IOCLXXXXV. fuit, atque hoc typo res, quas in oriente contra Arabas A. V. IOCLXXXXII gesserat, celebrauit. Hic enim Areram Arabiae regem, quum a Pompeio, cui proquaestore in Mithridatico bello aderat, rebus ibi gerendis praefectus esset, coegit bellum deprecari, atque trecenta talenta dare, ut ipse exercitum ex Arabia deduceret. In cuius rei memoriam Rex Areras, supplicis instar, in dextrum genu prolapsus in hoc numo cernitur. Plura de rege Arera commemorant *Iosephus & Appianus.* *Scorpio* nota monetarii est; vid. *Fulv. VRSINVS* in aureo illo *famil. Rom. opere*, edit. Romanae pag. 5. *VAILLANTIVS* in *numis famil. Rom.* tom. I. pag. 49. cel. HAVERCAM-PVS *loc. cit.* conf. *Iac. OISELIVS* in *thesauro numismatum antiq.* pag. 87. *Constant. LANDVS* in *numism. select.* pag. 50. sqq.

145. Idem numus absque corona.

Huius denarii imaginem propterea praecedentis typo adiunximus, ut eo luculentius differentia inter Begerianum & Morellianum appareret. Quemadmodum enim antecedens rarissimus

procul dubio regio est simillimus; ita iste itidem apprime convenit cum typo Morelliano. In eo autem, ni fallor, potissimum hi numi discrepant, ut in illo coronam videas, in hoc clitellae, & praeter easdem cingulus, quo camelus infra ventrem reuinctus est, appareant. *Vnius thaleri pretium huic denario constituunt Anti-quarii. Quoniam duas respicit familias.*

146. ROMA. Caput Veneris laureatum, cum denarii nota.

MANIO AEMILIO LEPIDO. Litterae tres LEP. totidem fornicibus pontis includuntur, in quo statua est equestris, d. hastam praelongam tenens.

Bene conservatus. Lepidi pontem, qui initio *sublicius* fuit, ita dictus quod ex ligno esset, a sublicibus scilicet, in auersa numi pagina expressum esse eruditi existimant. Lapidem fecit Aemilius quidam, quem quaestorem appellat *Plutarchus* in *Numa* edit. opt. tom. I. pag. 66. ἡ δὲ λιθίνη πολλοῖς ὕστερον ἐξεργάσθη χρόνοις ὑπὸ Αἰμυλίου ταμιεύοντος. κ. τ. λ. Vnde postea modo *pons Aemilius* nōuo, modo veteri *sublicius* dictus fuit. Fuit hic Manius Aemilius Lepidus consul cum L. Volcatio Tullo eo tempore, quo Cicero praetura functus fuit, & Catilinae coniuratio semina sparsit. Vtrum autem ad hunc Lepidum, an ad Ancum Marcium, an ad alium quendam statua equestris supra pontem erecta pertineat, quaeritur. VRSINVS dubitat: VAILLANTIVS ex inscriptione ad hunc Aemilium Lepidum eandem pertinere existimat. *Cel. Sigeb.* HAVERCAMPVS in eruditissimo ad thesaurum Morellianum commentario adductis rationibus id negat, quod VAILLANTIVS affirmat, statuatque hanc potius Anco Marcio Romanorum regi tribuit: ego non puto, inquit, Romanos permissoiros fuisse, ut quaestori tantus honos haberetur; neque aliquis ex maioribus eius statua equestri honoratus legitur, ideoque incerta admodum & improbabilis illa coniectura est. Crediderim potius ad Ancum Marcium, quartum Romanorum regem, esse referendam, idque duabus magnis de causis. Prior est, quod pontem sublicium ipse ille Ancus Marcius exstruxerit, qui sublicio isto ponte Ianiculum

niculum montem, vltra Tiberim, ne aliquando arx hostium foret, vrbi iunxit; adeoque vt insignis eiusdem ampliatur & defensor, in isto potissimum ponte equestrem merebatur statuat. Altera, quod statuam itidem equestrem illi erectam cernimus super Aquaeductum Marcium in denariis familiae Marciae (operis Morelliani) tab. I. num. I. & 2.; vid. *comment. in rhes. Morell.* pag. 9. VAILLANTIVS in *famil. Rom. numis* pag. 35. VRSINVS per PATINVM auctus pag. 8. BEGERVS in *rhes. Brand.* tom. II. pag. 53t. Vox *Roma* in vrbe hunc denarium signatum esse indicat.

147. Caput Veneris victricis, retro palmae ramus.

Marcus LEPIDVS ANorum XV. Praetextatus Hestem Occidit Ciuem Seruauit. Statua equestris, quae dextra manu super humeros tropaeum gerit terrestre simul & nauale, quod indicat prora thoraci in tropaeo supposita.

Huic denario duorum thalerorum pretium Antiquarii statuunt. Marci Lepidi triumphari & pontificis maximi temporibus hunc cuspem esse, atque eum hoc numo Lepidi istius, qui maximum decus familiae adtulerat, honores celebrasse, cel. HAVERCAMPVS nos edocet. Fuit is, mox addit vir doctissimus, M. Lepidus, qui bis consul exstitit; pontifex maximus; censor cum M. Fulvio Nobiliore; quique missus in Aegyptum est ad tutelam Ptolemaei, regis Aegypti; princeps senatus; qui praetextatus coronam ciuicam meruit, vir factus, de Gallis Liguribusque triumphauit. In hoc denario statua eius est equestris, ipsi erecta, quum de Liguribus & Gallis triumphasset; ad Gallos tropaeum terrestre spectat; ad Ligures, vrpote qui littora accolebant, tropaeum nauale; quae duo connectuntur in longo conto, qui in parte inferiore ferratas duas habet cuspides, vt terrae infigi possit. Huius Lepidi meminit *Valer. Maxim.* lib. III. cap. I. p. m. 80 iisdem fere verbis, quibus denarii inscriptio exarata est, nisi quod pro *interemisse* in denario occurrat litt. o, quam rei numariae periti interpretantur *occidit.* *Palmae ramus* ex ill. HAVERCAMPI sententia haud factum Lepidi, cum adhuc esset praetextatus, respicit, quo ciuicam meruit;

ruit; neque ad victoriam de Gallis & Liguribus referri potest, qua lauream. Pertinet itaque ad legationem, quam suscepit in Aegyptum, vbi tutor regis constitutus est, tempore quo Aegypti regno inhians, & in primis Coelesyriae & Phoeniciae prouinciis Antiochus, Syriae rex, iam magnam istarum regionum partem occupauerat, immo ipsam Sidonem ceperat. Symbolum vero Phoeniciae & Sidonis est *palmae ramus*; vid. HAVERCAMPI *comment. in thes. Morell.* pag. 9. sq. *Veneris Victricis* imaginem itidem has Lepidi victorias indigitare VAILLANTIVS existimat; vid. *eiusd. famil. Rom. num.* pag. 30.

148. CONCORDIA. Cap. deae Concordiae velatum, pone inscriptio PAVLLVS LEPIDVS.

TER PAVLLVS. Paullus consul tropaeum dedicat de Perse rege Macedoniae, qui illi ex aduerso adstat manibus post terga reuinctis. Adstant itidem duo regis filii, qui vna cum patre in triumphum ducti fuerunt.

Optime conseruatus, elegantioris fabricae numus, cuius typum tab. III. n. I. sistimus. Deam Concordiam propterea, procul dubio, Paullus Lepidus selegit, vt concordiam suam cum fratre adoptiuo M. Lepido denotaret. Nam Paullus Lepidum populi Romani hostem iudicauit, & Lepidus tandem, triumuir rei publicae constituendae factus, eum proscripsit, quem milites seruauere honoris causa, & passi sunt eum ad Brutum in Asiam confugere, hunc Octavius Caesar postea reuocauit; vid. VAILLANTIVS *lib. cit. tom. I.* pag. 27. *Tropaeum* L. Aemilii de Perse Macedoniae rege auersa numi pagina exhibet. *Tropaea* erant corpora trunca cum spoliis hostium eo in loco, vbi hostes in fugam conuersi, sed eminentiore prouinciae aut regni bello subacti, ad aeternam memoriam erecta. Ei dextram apponit victor, quasi illud posuerit; victori ex aduerso adstat Perses cum liberis Philippo & Alexandro, ad indicandum, quod rege capto, & filiis Romam in triumpho adductis, Macedoniae regnum non amplius eius potestati subiaceat; sed imperio Romano tributarium sit. L. Aemilium ter triumphasse vo-

cula

cula TER indigitat; vid. VRSINVS per PATINVM auctus pag. 9. VAILLANT. l.c. pag. 26. *Const. LANDI select. numism.* pag. 44. sqq. *Iac. OVZELII thesaur. numism. antiquor.* pag. 432. *Erasm. FROELII CHII, S.I. quatuor tentamina in re numar. vet.* pag. 13. Quae de huius denarii sensu inter se differuerunt MORELLIUS & PERIZONIUS, ea deprehendes in cel. HAVERCAMP *comment. ad numos Goltzianos* pag. 494. conf. p. 488; ubi ipsa doctissimorum virorum verba inserta inueniuntur. PERIZONIUS Aemilium hunc ter triumphasse negat; quod MORELLIUS affirmat. Quumque MORELLIUS PERIZONIUM haud in suas partes trahere posset; non illepide: L. Paullo, inquit, constantissime denegas triumphum tertium, etiamsi lapides illum concedere videantur. Si ergo & alios tibi in hoc adurgere videam, TER tibi gratulabor, quod victor triumphum, ob triumphum denegationem, adeptus sis; conf. WOLTERECK *in elect. rei numar.* pag. 46. Tandem ex istis eruditae antiquitatis monumentis veteres vocem *Paullus* duplici intermedia consona exarasse patet.

A N N I A.

149. *Caius ANNIVS TITI Filius, TITI nepos* PROCONSULE. EX SENATU CONSULTO. Caput Iunonis Monetae, cum monili, inauribus & galero.

Quintus TARQVITIUS Publii Filius Quaestor. Bigae cum Victoria palmifera.

Subaeratus, erosus, quem, quia & ad Tarquitiam gentem spectat, Ioachimico coëmunt periti. Gens haec fuit *plebeia*, uti ex tribunatu plebis patet, quem Annius quidam, proavus Annii istius, qui hos signavit denarios A.V.C. IXXVII, gessit. Hic Caius Annius patrem proficitur Titum, qui post tribunatum plebis aliosque honores tandem consulatum cum Q. Fulvio Nobiliore adeptus est. Avum suum itidem Titum scribit, qui tr. quoque pl. fuit A. V. CLXXIII, patremque habuit cognominem eodem illo honore functum A. V. CLXXVII. Noster C. Annius in re publica Sullae partes

sequutus, post tribunatum pl. & praeturam, cum proconsulari imperio contra Sertorium in Hispanias a Sulla missus fuit, ubi magnas res gessit, atque occiso Liuiio Salinatore resistente sibi in Pyrenaeis, nondum confirmatum in Hispania Sertorium, eo quidem tempore, prouincia expulit. Vtramque vero Hispaniam, vltiorem & citeriorem, proconsulari imperio rexisse demonstrant quam plurimi eius denarii, a duobus, ob duplicem prouinciam, quaestoribus cusi, Quinto videlicet Tarquitio bigati, & Lucio Fabio quadrigati denarii. Ex *thes. numismatico Morelliano* pag. 15.

150. *Eod. epigraphae.* Caput idem Iunonis, hinc inde caduceus & bilanx.

LUCIUS FABIVS LVCII FILIVS HISPANIENSIS QVAESTOR. Quadrigae, aurigante victoria, dextra tenente palmam.

*Bene conseruatus, cuius pretium, aequae ut praecedentis, quia ad duas familias spectat, vnius est imperialis. Caduceus & bilanx aequitatis & iustitiae sunt symbola. Lanx ante caput, inquit VAILLANTIVS, monetae symbolum est, quia ut illa valeat, iusti debet esse ponderis; caduceus felicitatis typus est, sic qui moneta abundat, felicitatem consequutus fuisse putatur. Praeter Q. Tarquitium, alterum Quaestorem quoque habuit C. Annivs Lucium Fabium Hispaniensem: quamvis pater eius Lucius item Fabius, partibus Sertorianis, vna cum illo proscriptus adhaereret, uti ex postremo eiusdem Sertorii conuiuio patere potest, quod describitur inter fragmenta Sallustiana; vid. HAVERCAMPI *comment. in thes. Morell.* pag. 16. Bigae, trigae & quadrigae, quae creberrime in familiarum numis occurrunt, non pertinent ad honorem triumphi; vid. in *hist. de l'Acad. des inscript.* tom. I. pag. 294.*

151. ANNIVS LAMIA SILIVS. Dextrae caduceum tenentes.

IIIVIRI AVO ARGENTO AERE FLANDO FERIUNDO. in area S. C.

Aereus min. mod. Annivs hic triumuir monetalis fuit sub Augusto, vna cum Silio & Lamia, cuius Aelii Lamiae hunc numum iam num. 143. in gente Aelia vidimus.

ANTE.

A N T E S T I A.

152. GRACCHUS. Caput Romae galeatum, cum denarii nota.

LUCIUS ANTESTIUS. ROMA. Iupiter Vltor, d. fulmen, f. sceptrum tenens, in quadrigis.

Gens haec itidem tribunatum pl. gessit; & hinc colligitur eandem fuisse *plebeiam*: quod etiam *Liuius* Lib. VI. dec. I. testatur. Anrestii & Antistii VRSINO, PATINO & VAILLANTIO ex vna gente fuisse videntur. HAVERCAMPVS diuersos illos fuisse asserit. Vox ROMA Romae hunc denarium signatum esse indicat. Cl. VALENS in explicatione huius numi inter alia: *Iupiter* Fulminator, inquit, in quadrigis pro victoria apponebatur, dum Romani bellum gerebant contra foedifragos, vt tunc contra Hannibalem in secundo bello Punico; quia in eius templo, scil. Capitolino, foederum aeneae tabulae cum regibus, populis & ciuitatibus initorum, custodiebantur. Haec VAILLANTIUS in *famil. Rom. num.* tom. I. pag. 71. Cusus est itaque hic numus, quum periuriam Poenorum creparent Romani, atque etiam in denariis Iouem illis vltorem imminere disseminarent; vid. *Liuius* lib. XXX. cap. 37. Huc spectat & memorabile illud legati Carthaginienfis, Asdrubalis Haedi, dictum, lib. eod. cap. 42, qui, quum senator ex Romanis vnus, perfidiae Carthaginienfium infestus, succlamasset: *Per quos deos foedus ictu-ri essent, quum eos, per quos ante ictum esset, fefellissent? Per eosdem*, promte respondit, *qui tam infesti sunt foedera violantibus*. Ex voce dimidia, quam aduersa exhibet, VAILLANTIUS autumat, hunc numum ad L. Anrestium M. F. M. N. qui tribunus pl. fuit A. V. cIxxxI. cum Sempronio Graccho, spectare, atque in hoc magistratu eundem signatum esse arbitratur. Cel. HAVERCAMPVS hos potius triumuiros monetales fuisse existimat; de quo Romanorum magistratu ad num. 143. in Aelia gente egimus.

153. CAIUS ANTESTIUS. Caput Romae galeat. & alatum.

ROMA. Dioscuri in equis, subtrus canis currens.

Caput Romae vt & Castoris & Pollucis in equis decurrentium ima-

gines solita antiquissimorum denariorum fuisse symbola, in eo consentiunt antiquarii. Cusi enim fuere hi numi in memoria apparitionis ad lacum Regillensem, & victoriae ibidem Dioscurorum opera adquisitae. Typum hunc exprimere solebant, qui origine Latini erant, quod foedus hac occasione hi cum Romanis pepigerant. *Canis* iste, vbi de hoc numo agit VAILLANTIVS, inquit, pertinet ad aliquam familiae historiam, quam *Dio* commemorat, quum ille Antestium quendam seruauit, per fenestram latrans, vnde Antestia gens semper in sigillo habuit canem; vid. VAILLANTIVS l.c.

A N T O N I A.

154. *MARCUS ANTONIVS* *MARCI FILIUS MARCI NEPOS AVGVRI IMPERATOR* TER. & ab altera parte *CONSUL DESIGNATUS ITERUM ET* TER. *TIVM* *III VIR REI PUBLICAE CONSTITUENDAE.* Caput Solis radium ex hac parte; ex altera exhibetur ipse Antonius gradiens, togatus & velato capite, baculum auguralem incuruum, quem *lituum* dicebant, dextra ferens.

In aduersa paullulum exesa est inscriptio. Fuit, in prooemio ad Antoniam gentem VAILLANTIVS inquit, vetus fama, ducere ab Hercule Antonios genus, atque ab Antone Herculis filio esse prognatos. Inter familias *nobilissimas*, quae a primis senatoribus sub Romulo patriciae maiorum gentium appellatae sunt, reperitur & Antonia gens; sed haec sub cognomine Merenda extincta, reliqua processione temporis ad plebem, vt pluribus nobilibus accidit, videtur transiisse. Hinc est, addit HAVERCAMPVS, quod in historiis, inscriptionibus & numis, nulli Antonii, nisi iam plebei cognoscuntur. Quum aequae vt ad explicationem omnium consularium plurimum valeant cl. VAILLANTIVS & cel. HAVERCAMPVS, ita & h.l. omne ferant punctum: hinc tantorum, de re numaria meritissimorum, virorum sententiam, vt passim, ita & ad huius denarii interpretationem, inferendam esse duximus. *Antonius*, inquit VAILLANTIVS, *augurali habitu* in hoc denario non sine causa exhibetur, & quidem *velatus*, *lituum* dextra tenens, tanquam

quam augurium captaturus hoc baculo, quo caeli regiones describebant, & designabant augures: at quum in auersa parte *Caput Solis radiati* expressum est, & in sequente denario idem caput in templo visitur, liceat mihi etiam augurari Antonium pro loco inquirendo ad delubrum idoneo, quod illi sub Solis imagine Aegyptii exstruere volebant, auspicia captare. Numus quum *imperatorem tertio* Antonium appellet, & *consul tantum designatus iterum*, annum **IOCCXVIII.** denotat, quo illum titulum ob deuictam Armeniam accepit, antequam consulatum secundum iniret, Kal. Ian. an. **IOCCXVIII.** Ita hunc numum cl. VALENS explicat. Cel. HAVERCAMPVS ad eundem hunc denarium: A. V. C. **IOCCXVIII.**, inquit, illato Parthis bello Antonius in principio ad blandientem habuit fortunam, sed mox eadem aduersante, in iniqua compulsus loca, ne sibi, quod olim Crasso, accideret, metuens, turpiter, multis amissis militibus, fugit. Voluit tamen videri victor Parthorum; immo quum in Syriam profugisset, ibi incredibili quadam mentis vecordia, ferociorem aliquando factum esse tradit *Florus* III. 10, quasi vicisset, qui aegre euaserat: hinc, vt Orientis domitor videretur, in pluribus denariis *Solis caput*, symbolum Orientis expressisse. Cui templum quoque condidisse testatur sequens denarius; ipse vero Antonius, vt augur, augurali habitu in ipso opere hic exhibetur, renens videlicet dextra *lituum*, id est, vt definit Seruius ad *Virg. Aen.* VII. 187. *incuruum augurum baculum, quo utebantur ad designanda caeli spatia; nam manu non licebat.* Condendi templi locus antea a diis petendus atque adprobatus erat, in quem ipse Antonius hic exhibetur inquirens, atque lituo suo caeli regiones describens. Haec HAVERCAMPVS; vid. *thes. Morell.* tom. II. pag. 20. conf. *eiusdem operis praefatio.*

155. MARCUS ANTONIUS IMPERATOR. Caput M. Antonii nudum. *IIIVIR rei publicae constituendae.* Templum cum duabus columnis, in cuius medio clypeus, in quo caput aduersum Solis radiati.

Quatuor thalerorum pretium huic denario harum deliciarum gnari constituunt. Antonius Alexandrum primogenitum, quem e Cleopatra susceperat, Solem cognominavit; apud *Plutarchum* in eius vita ἐπικλησιν δὲ Ἀλέξανδρον τὸν μὲν Ἥλιον. A quo Antonii filio maximè lucem capit iste numus. Cernitur enim in auersa numi pagina *clypeus cum imagine Solis.* Vnde HAVERCAMPO in templo Soli erecto dedicasse videntur Antonius & Cleopatra imaginem filii sui, quem Solem vocabant, Alexandri clypeo insculptam, ut solebant per illa tempora tales clypei dedicari & in templis suspendi; vid. *thes. Morell. loc. cit.* conf. *VAILLANT. fam. Rom. num.* tom. I. pag. 109. sq.

156. *MARCUS ANTONIUS IMPERATOR AVGVRI III. VIR R. P. C. MARCUS BARBATUS quaestor Prouincialis.* Caput M. Antonii.

CAESAR IMP. PONTIFEX III VIR R. P. C. Caput Caesaris.

Elegantioris fabricae denarius, cuius typum tab. III. n. II. exhibet. MORELLIVS *quatuor Iochimicorum pretium huic numo constituit.* Eo tempore, quo triumviratum primum rei publicae Romanae eueriores inuaserunt, hunc signatum esse, vtriusque paginae typus suadet. Hinc enim Antonii inde Caesaris faciem cernis. Quod vero denarii, qui Lepidi faciem coniunctam cum Caesaris aut Antonii imaginibus exhibent, rarissime occurrant, imminuta per Caesarem Lepidi potestas fecit, atque reconciliatio cum Antonio, accedente etiam vinculo cognationis, quum A. V. C. ICCCXIII ducta sorore Octavia cum Caesare pacem fecisset Antonius. M. *Barbatus* quaestor prouincialis ad communem vtriusque potentiam arguendam hunc signauit denarium; vid. *VAILL.* in *gentis Antoniae numis*, num. XVIII. & XVIII. conf. *thes. Morell.* pag. 23.

157. *MARCUS ANTONIUS CONSUL III. IMPERATOR IIII.* Caput Iouis Ammonis, cum cornu arietino.

SCARPVS IMPERATOR ANTONIO AVGVRI. Victoria gradiens, dextra corollam, laeua portat palmam super humeros.

Secun-

Secundum Morellianam consularium numerum aestimationem denarii istius pretium duorum est scutatorum. Antonius tertium consulatum nunquam gessit; quia pop. Rom. hostis declaratus fuerat. Nec Imper. IIII titulum vnquam meruit; victus enim in pugna Actiaca, non victor fuit. Quia tamen denarius hos honoris titulos Antonio tribuit; hinc opinatur VAILLANTIVS, Antonium post fugam Actiacam simulasse victoriam, quam quoque Cleopatra, vt tutius fugeret, mentita fuerat, mentitum etiam fuisse III sibi consulatum delatum; atque ideo Paraetoni Marmoricae vrbe, vbi adpulit Antonius, hosce denarios cudisse Scarpum, qui *Iouis Ammonis effigiem gerunt*, quod illa vrbs *Ammonia* quoque vocaretur. Iratum deinde Scarpum, quod se deceptum vidisset, absente Antonio, cum legionibus suis ad Caesarem defecisse: vid. VAILL. *famil. Rom. num.* tom. I. p. 112 sq. Aliam cel. HAVERCAMPVS, & forte vero similiorem suppeditat interpretationem, dum: Profecturus, inquit, contra Caesarem Antonius tantis ipse copiis navalibus & terrestribus instructus erat; vt facilem ipse & Cleopatra sperarent victoriam, vnde noluit vela nauium bellicarum agubernatoribus in terra relinqui, verum in naues imponi, addens, *faciendum ne quis hostium fuga euadat.* Hac & simili vesania actus, Alexandriae III. ineuns consulatum, potuit hunc & similes denarios cum victoria praeuia, praeoccupato imp. IIII. titulo cudere; immo mentiri hanc ipsam victoriam ab ipso Ioue Ammone promissam & praedictam; vid. *thes. Morell.* tom. I. pag. 23. sq.

158. Caput Victoriae cum humeris alatis.

LVGVDVNI A. XL. Leo gradiens.

Quinarius, qui, quamuis exiguus sit, thaleri tamen pretium sustinet. Lugduni in Galliis anno cuiusdam aerae XL, sub triumuiratu M. Antonii, haud dubie, cusus est elegans iste *quinarius*. Praeclaram cel. VAILLANTIVS huius numi suppeditauit interpretationem, cuius summa hucredit. Cisalpina Gallia A. V. C. Iocxxxiii Romana facta fuit prouincia. Lugdunum autem municipium Romanum

manum factum fuit sub M. Antonio Cretico, M. Antonii triumui-
ri patre, M. Antonii Oratoris filio. A Claudio tandem impera-
tore, qui per matrem Antoniam adtingebat Antonios, iure ciuita-
tis Romanae donatum est. Lugdunum vero municipium Roma-
num factum sub M. Antonio Cretico, quaestore prouinciali, inde
aeram suam numerare coepit; in triumuiratus autem diuisione Le-
pido Hispania ac Gallia Narbonensis obuinit, Antonio reliqua
Gallia, videlicet Cisalpina & Transalpina, in qua quum esset Lug-
dunum, in qua vrbe grata patris Antonii Cretici adhuc erat me-
moria, hosce Antonio triumuiro quinarior cuderunt Lugdunen-
ses, illi gratulantes victoriam Parthicam, suaeque vrbis insigne,
leonem, triumuiro ex Hercule origini adplicuerunt; vid. VAILL.
famil. Rom. num. tom. I. p. 90 sqq. conf. *thes. Morell.* tom. II. p. 26 sq.

159. *Marcus ANTONIUS IMPERATOR.* Lituus, guttus & gallus gal-
linaceus.

Sine epigr. Victoria coronam imponens tropaeo.

Quinarius. De lituo ad primum Antoniae gentis denarium num.
154 egimus; conf. BEGERI *Florus* pag. 34. *Guttus* siue *guttum* erat
genus vasis, quo Romani utebantur ad oleum in balneis guttatim
fundendum, quo post lauacionem in vnctuario ab vnctore vnge-
bantur. Erat etiam in sacra supellectile, ex fago; vid. *Samuel. PI-*
TISCVS in antiquit. Rom. lexico. De gallo gallinaceo vid. BEGERVS
loc. cit. & pag. 240; conf. NIEVPOORTIVS in *antiqu. Rom. comp.*
edit. Gesner. p. 254. Erant haec apud Romanos auguratus insignia.
Apud GOLTZIUM occurrit numus, cum nota prorogati triumui-
ratus, qui similem typum in auersa, atque M. Antonii caput in ad-
uersa, sistit; vnde videtur quinarium hunc ad Parthicam Antonii
victoriam referendum esse, post ruptam cum Pompeio pacem,
atque prorogatum triumuiratum; vid. VAILL. *famil. Rom.* tom. I.
p. 98. HAVERC. in *thes. Morell.* p. 27.

160. *ANTONIUS AVGUR III. VIR REI PUBL. constit.* Nauis praetoria.
COHORTIVM PRAETORIARVM. Aquila legionaria inter
duo signa militaria. *Aesti-*

Aestimatio Morelliana huic denario itidem duorum tbalerarum pretium constituit. Huius numi typum tab. III. n. III. exhibemus. Idem typus utrimque sex sequentes occupat denarios, de quibus fuse & erudite scripsit VAILLANTIVS. Quae sensum breuiter significant, quaeque inde non ita pridem cel. HAVERCAMPVS excerpfit; ea paucis adiciemus. *Cobors* dicebatur a cohortando, decemque legiones cohortem constituiebant. *Praetaria cobors* dicebatur illa, quae ad praetorium imperatoris stabat, atque a praetore non discedebat; inuenta, vt creditur, a Scipione Africano, qui fortissimum quemque ad custodiam corporis delegit; accipiebant praetoriani sesquiduplex stipendium. Laudantur itaque hic pedestres & nauales Antonii valentissimae copiae, quas, ex tot legionum numero, fuisse maximas apparet. *Praetoria nauis* custodiam imperatoris in mari iacet, *praetorianae cohortes* salutem Antonii in terra sibi commissam gloriantur; vid. VAILL. *fam. Rom. num.* tom. I. p. 121. conf. *thes. Morell.* tom. II. pag. 28.

161.

LEGIO II. Aquila legionaria (vt in praecedenti & subsequentibus) inter duo signa militaria.

Legiones plurimae in Antonii denariis inueniuntur, quos ille cum signis & inscriptionibus legionum cudi curauit, vt militum gratiam aucuparetur, simulque terrestres & nauales ostentaret copias. Obseruandum h. l. legionis primae denarium nondum repertum esse. Primum PATINVS protulit legionem XXIII, qui numus docet legionum numerum eousque fuisse multiplicatum. Cl. VAILLANTIVS: exercitus Romanus, inter alia inquit, constabat ex legionibus suis & auxiliis sociorum. Legionum autem numerus vt & militum equitumue, qui eam constituiebant, non semper idem fuit: primis enim temporibus ad quatuor millia hominum aucta est legio, duas quisque consul ad bellum profecturus fortiebatur; C. Marius eas auxit ad sex millia peditum, legioni additi erant trecenti equites. Cum vero nobis h. l. de Antonii legionibus sermo sit, quot habuerit inquirendum. Appianus,

M

quem

quem legionum numerum Antonius & Caesar tunc conscripserint non refert; numi Antonii viginti quatuor illum confecisse nos edocent. Quanta itaque lux historiae ex numis effulgeat, hinc facile adparet; vbi enim illa deficit, haec saepe in subsidium venit; vid. VAILL. *lib. laud.* tom. I. p. 116 sqq. conf. *thes. Morell.* tom. I. p. 28.

162. _____

LEGIO X. _____

163. _____

LEGIO XVI. _____

164. _____

LEGIO XVIII LYBICAE. _____

Hic argenteus secundum aestimationem Morellianam solidum imperialem valet. Dubium non est, quin haec legio a regione, ex qua aut in qua conscripti essent milites, nuncupata sit.

165. _____

LEG. XIX. _____

166. _____

LEG. XX. _____

167. s. c. Caput Iouis laureatum.

Quintus ANTONIUS BALBUS praetor. Victoria in quadrigis, d. tenet palmam, l. coronam; in area litt. r.

Asper, serratus. Eos, qui in hoc denario dei Triumphi (qui imberbis exprimi solet) imaginem depingi crediderunt, deceptos esse docet VAILLANTIVS. *Victoria in quadrigis* solemne est denariorum symbolum: vnde illi *quadrigati* sunt dicti. E decreto senatus Balbum hunc, in praetura Sardiniae, denarios hosce cudisse, *litterae* s. c. denotant. Littera vero, quam in area cernimus, monetalis est; vid. HAVERC. *loc. cit.*

A P R O N I A.

168. MESSALA SISENNA III. VIR. Incus.

GALVS APRONIVS Aere Argento auro flando feriundo, in area s. c.

Aureus,

Aereus, qui nec cum VRSINI, nec VALENTIS, nec GOLTZII, neque denique cum MORELLII typis conuenit; Et hinc detritas primi aduersae nominis litteras ex coniectura saltem adieci. In numis adhuc vulgatis nomina propria alio collocantur ordine, procul dubio, ratione officinae monetalis, in qua signati sunt. Tribunatus plebis, quem, teste Liuius, statim ubi abrogati essent decemuires, gessit C. Apronius, *plebeiam* hanc fuisse gentem indigitat. *Instrumentum monetale* & inscriptio docent, triumuiros auro, argento, aere flando feriundo hic designari. Haud leuis interim cura torquet antiquarios, quod in his numis quatuor legantur nomina; tres vero scribantur monetae curandae praefecti. Hinc VRSINVS & PATINVS cognomen Gali fuisse Apronio existimant; quod improbat VAILLANTIVS, quoniam (vt inquit) *cognomen ante Apronii nomen scriptum huic refragatur.* Vnde a quatuor uiris monetilibus cūsum existimat, quorum vnus extra ordinem, ob aliquam monetae cudendae necessitatem, fuerit adscitus, retento tamen numero ternario; sicut in multis Augusti numis duo triumuirosum scribuntur nomina, adposita tamen nota III. VIR. Quae contra hanc nouam VALENTIS sententiam opponi possunt; ea in *thes. Morell.* tom. II. pag. 31 sq. deprehendes; conf. *VAILL. in fam. Rom. num.* tom. I. pag. 127 sqq.

A R R I A.

169. *Marcus* ARRIVS SECVNDVS. Caput virile nudum.

Sine epigraphe. Hasta pura inter lauream & clathrum, in cuius summo flammula emicat.

Integerrimus cuius εκτυπον tab. III. n. IIII. cernimus. Morellius longe elegantissimo huic denario pretium duodecim thalerorum constituit. Ex Q. Arrio clamoso illo in foro oratore, qui A. V. IOCLXXVII tribunus pl. fuit, Arria gens *plebeia* cognoscitur. PERIZONIUS & VAILLANTIVS in auersa aram ignitam exhiberi existimant. *Clathra*, quae Graeci κλέθρα dicunt, ligna erant, quibus transuersis castrorum portae muniebantur. *Fulu.* VRSINVS in-

signe aliquod alicuius Arrii Secundi factum alteram numi paginam respicere autumat. *Hosta* enim & *corona* Arrium illum, quod forte castrorum portam ab hostium irruptione fortiter fuerit tutatus, donatum fuisse existimat. Quis vero fuerit M. ille Arrius Secundus sibi haud constare ingenue fatetur. In incerto sunt omnes antiquarii ob scriptorum penuriam, cui hunc numum addicant. Fortitudinem tamen alicuius Arrii celebrari existimant: quare Arrii eius, iam mortui, vultum signare filium voluisse autumant. Ad ulteriorem huius numi disquisitionem, quae quondam fuit inter PERIZONIVM & MORELLIVM, pertinent ea, quae per eximium HAVERCAMPVS *commentario suo in thesaurum Morellianum* pag. 35. inseruit; quo L. B. remittimus.

A V R E L I A.

170. Caput Vulcani pileo laureato tectum, in laurea, cum forcipe & astro.

Aquila, itidem in laurea, respiciens & alas expandens fulmini insistit, subtus legitur *Lucius cotta*.

Serratus, bene conservatus. Aureliam gentem *plebeiam* fuisse, summis tamen in re publica gestis inclaruisse, constat. Apud *Varronem* lib. III. *de lingu. lat.* L. Aurelius Cotta aedilis dictus est, qui aedes sacras aequae ut priuatas curaret, in quo magistratu restaurandi Vulcani templi curam habuisse videtur. Nam aedilium curulium erat officium, ut templa & alia aedificia publica magnificis opibus reficerentur; vid. NIEVPOORTIVS in *antiqu. Roman. comp.* sect. II. cap. V. p. m. 94. sqq. Quare L. Cotta Vulcanum in denario ad eius templi restorationis memoriam signauit. *Eusebius in praep. Euang.* ignis virtutem Vulcanum appellatam dicit, & in forma hominis ei simulacrum constitutum, in cuius capite *pileus* esset *caeruleus*, caelestis symbolum volutionis: ideo *astrum* pone illum additur, ad indicandum ignem e caelis delapsum. *Forceps*, quia faber credebatur; quare in auersa parte *fulmen*, quod Ioui ille cuderet; & ideo *aquila*, quum illa huic deo id subministraret.

Law.

Laurea videtur adposita, quod fulmen non timeat; vid. VAILLANT. in *fam. Rom. num.* tom. I. pag. 162. sq.

B A E B I A.

171. TAMPILUS. Caput Romae galeat. cum litt. x. denarii signo. ROMA. MARCUS BAEBIUS *Quinti filius*. Apollo in citis quadrigis, d. tenens ramum, l. arcum & sagittam.

Cum apud antiquos rerum romanarum scriptores, tum in vetustissimis lapidum monumentis Baebiae gentis *plebeiae* frequens est mentio. Cl. VALENS nomen huius gentis a balatu ouium *bae bae* deriuatum esse existimat. Illum M. Baebium Tampilum in hoc denario designari VRSINVS autumat, qui procos. A.V. 101XXIII. triumphauit de Liguribus, quique triumphus, ex viri eruditissimi sententia, in altera numi pagina expressus cernitur. Cel. HAVERCAMPVS aliam denarii huius suppeditat explicationem, atque hunc numum potius ob morbum pestiferum, quia tum tertium iam annum per omnem grassaretur Italiam, quam ob triumphum Baebio a senatu decretum, cufum esse arbitratur. Quoniamque auersa denarii pagina *Apollinem quadrigis insistentem, laeua sagittam pestiferam & arcum*, dextra vero *ramum lustralem* tenentem exhibet; hinc cessante iam morbo vota diis & praecipue Apollini a consule facta, hunc numum indigitare credidit vir acutissimus. Cl. VALENS verumque statuit; vid. VRSINI *fam. Rom. edit. Paris.* pag. 45. *Thes. Morell.* tom. II. pag. 43. VAILLANT. *fam. Rom. num.* tom. I. pag. 174. sq.

C A E C I L I A.

172. ROMA. Caput Romae galeatum cum denarii nota. MARCUS METELLVS *Quinti filius*. Caput elephantis in umbo clypei Macedonici, qui laurea inclusus est.

Asper. Caeciliorum nomen alii a Caeculo Vulcani filio, cui nomen id a paruitate oculorum inditum esse aiunt; alii a Caecade Troiano Aeneae comite deriuant. Metellis in primis, qui maximos

in re publica honores gesserunt, & passim viri fuerunt praestantissimi, *plebeia* gens Caecilia multum nobilitata fuit. Ad M. Caecilium Metellum, Quinti Caecilii Metelli Macedonici filium tertium, pertinet hic denarius. Hic vero A. V. C. Iocxxiii. quaestor fuit, & proquaestor Iocxxiiii, quo tempore hunc aliosque maiorum suorum decora referentes cudisse videtur denarios. Auus enim Q. Caecilius Metellus, quum Pseudophilippum vicisset, atque in triumpho duxisset victum, Macedonici cognomen meruit; vnde Macedoniae insigne *clipeus* in hocce denario. Pater huius Q. Metelli Macedonici, vir pariter illustris, dictator, magister equitum, consul & pontifex fuit secundo bello Punico. Auus omnium celebratissimus, foris bello egregius, domi pietate inclitus fuit; ardente enim Vestae templo, ipse pontifex maximus Metellus, sacra ex incendio rapuit, & quum laesa ab igne esset oculorum acies, quod nulli alii, concessum est, vt quoties in senatum iret, curru veheretur. De Poenis idem iste pulcherrimum egit triumphum, ducibus hostium tredecim ante currum ductis, atque agmine CXX. elephantorum vbique vias complentium; vnde *caput elephantinum* in hoc aliisque denariis; vid. *thes. Morell.* tom. II. pag. 47. conf. illustr. *Gisberti* CUPERI *de elephantis in numis obuiis* exercit. II. cap. II. pag. 117. *VAILL. lib. laud.* tom. I. pag. 184.

173. ROMA. Romae caput galeat. & alatum, rostro in galea eminente.

Caius METELLVS. Figura virilis, in bigis elephantorum, cui aduolans Victoria fertum porrigit.

Qui denarium hunc signauit C. Metellus dicitur, qui fuit nepos Q. Caecilii Macedonici, Q. Caecilii dictatoris pronepos, & insignis illius Lucii, qui de Poenis triumphauit, abnepos. Caius iste Metellus quaestor prouincialis A. V. Iocliiii. hunc numum in honorem gentis suae percussit, qui *elephantorum bigis* Lucii Caecilii Metelli de Poenis triumphum respicit; vid. *thes. Morell.* tom. II. *loc. cit.* conf. *Gisbert.* CUPERI *exercit.* II. pag. 115. sq. Cl. VALENS Caium hunc

hunc aut Q. Caecilii Macedonici memoriam hoc numo renouare voluisse existimat; vid. *eiufd. fam. Rom. num.* tom. I. pag. 190.

174. *Quintus METELLUS.* Romae galea alata ornatum caput, cum denarii nota.

ROMA. Iupiter in lentis quadrigis, d. lauri ramum, l. fulmen & equorum habenas.

Optime conseruatus. GOLTZIUS in Fastis ad Q. Caeci Metellum hunc refert denarium, Lucii, qui Poenos vicit, filium, Macedonici vero patrem. Quoniam autem Quintus iste numquam triumphauit, sed filius eius, qui egregium de Macedonibus & Pseudophilippo bis superatis egit triumphum: recte hinc GOLTZIUM reprehendit VAILLANTIVS. Quare in *quadrigis* his *triumphalibus* signatur Iupiter Capitolinus non sceptrum, vt quidam putarunt, & vt in quadrigatis nihil significantibus nisi monetae typum depingitur, sed lauri ramum dextra gerit, in victoriae monumentum, laeua vero pro more fulmen; vid. *VAILL. fam. Rom. num.* tom. I. p. 180. conf. *ibef. Morell.* tom. II. pag. 47.

175. ROMA. Caput Romae galeat. & alat. cum denarii nota.

MARCUS CALIDIUS. *Quintus METELLUS.* CNEUS FOVLVIUS. Victoria in citis bigis.

Triumuirorum monetarum nomina auersa exhibet; & hinc ad tres diuersas Romanorum familias bigatus iste pertinet. Quis vero Q. Metellus fuerit, qui ad hanc gentem nos reuocat, VAILLANTIVS ignorat; vid. *eiufd. fam. Rom. num.* tom. I. pag. 195. Cel. HAVERC. iridem dubitat, vtrum ad Q. Caecilium Metellum Celerem, an ad illum, qui post alios in re publica honores tandem cum P. Lentulo Spinthere consulatum gessit, referendus sit iste denarius; vid. *ibef. Morell.* tom. II. pag. 48.

176. *Lucius METELLUS.* AULUS ALBINUS *spurii* filius. Caput iuuenile, imberbe, laureatum, subrus stella aut nota denarii.

COTUS MALLEOLUS. ROMA. Fig. muliebris tribus insidens clypeis,

clypeis, d. hastam tenens, coronatur a Victoria stante a tergo.

Denarium hunc Ioachimicum valere ipse MORELLIVS docet. Tria in eodem diuersarum gentium occurrunt nomina; & hinc antiquarii hunc numum ad tres familias referunt. Cl. VALENS a Metello & collegis, vt triumuiris aedibus sacris reficiendis, quia Honoris templum vetustate collabens refici curassent, hunc signatum esse autumat: ac perinde statuit caput illud imberbe Honoris esse, figuramque clypeis insidentem & a victoria coronatam pariter Honoris censerī debere; vid. *eiusd. fam. Rom. num.* tom. I. pag. 196. Cel. *Sigeb.* HAVERCAMPVS, cuius merita maximi faciunt viri eruditissimi, aduersae caput iuuenile Apollini vindicat, in auersa Romam triumphantem agnoscit, & in vtraque denarii parte triumvirorum monetarum nomina adscripta esse existimat. Statuo, inter alia inquit vir doctissimus, nominatos in hoc denario magistratus tres fuisse triumuiros monetales, qui Romam triumphantem de cunctis, quas sol adspicit, gentibus, denariis suis insculpserrunt; vid. *thes. Morell.* tom. II. pag. 48. sq. Cumque ius cudendae monetae non fuerit paenes triumuiros aedibus sacris reficiendis institutos, praeterea nullum prorsus adsit fundamentum, quod hinc Honoris caput inde eiusdem dei statua appareret; facile patet nobilissimi huius Antiquarii sententiam VALENTIS coniecturae merito esse anteponendam.

177. Caput Pietatis, ante quod ciconia.

Quintus caecilius metellus pius imperator. Elephas.

Eleganter signatus. Publius Cornelius Scipio Nasica, qui postea focer Pompeii Magni exstitit, testamento adoptatus a Q. Metello Pio, pontifice maximo, Metelli Numidici filio, omnia patris adoptiui suscepit nomina, retento tamen in gentis suae memoriam cognomine Scipionis. Huic itaque VRSINVS hunc & sequentem adsignat denarios. VAILLANTIVS dubitat, vtrum primus hic iure filio Metelli adoptiuo adsignetur, & non potius ipsius sit Metelli,

vt in quem cuncta numi symbola conuenire itidem possint; & quod Scipionis, quod in sequenti inuenitur nomen, in hoc desit; vid. VRSIN. *per* PATIN. *auctus* pag. 51. conf. VAILL. in *fam. Rom. num.* tom. I. pag. 191. VRSINI tamen sententiam ipse HAVERCAM-
PVS amplectitur. Denariorum enim, inquit, artificium vnum est idemque, praeterea Caecilii numquam integrum elephantem in numis suis solum expresserunt, sed caput tantum; cognomen vero Scipionis modo adpositum, modo omissum, filio adoptiuo denarium non abrogat, quum talia pro lubitu fuerint posita; denique nusquam Caecilios, vt satis noti, sese vocant in numis Metelli, at qui recens transierat in istam gentem Scipio, necessariam putauit gentile nomen quoque exprimere. Signauit itaque *Pietatis deae caput & ciconiam* pietatis symbolum Scipio Metellus, vt probaret transiisse se in familiam Metelli illius, cui a pietate cognomen erat inditum, & cuius omnia nomina, suis neglectis, in altera denarii parte expressit; vid. *thes. Morell.* tom. II. pag. 50. conf. *Gisberri CVPERI exercit. de elephant.* pag. 118.

178 *Quintus* METELLUS PIVS. Caput senile laureatum.
SCIPIO IMPERATOR. Elephas.

Optime conseruatus. Neptunum barba promissa ornatum in aduersa huius numi parte depictum esse antiquarii statuunt. Scipionem, qui complures contra Caesarem comparauerat classes, Neptuni imaginem propter naualem suam potentiam in his denariis adhibuisse eruditi existimant; vid. *Hirtius de bello Afric.* cap. I. *Quum praesertim ab incolis - - classesque esse complures.* Ab altera denarii parte *elephas* additur, tum quia erat Africae symbolum, tum quia id animal in exercitu Scipionis contra Caesarem ducebatur, tum denique etiam quia Scipio haec bruta ad pugnam intrepide ineundam adfuefecerat; vid. cap. XXVII. *Scipio interim elephantos - - conuerterent aduersum hostem.* Quae ad vltiorem huius denarii dilucidationem faciunt, ea occurrunt in *thes. Mo-*

N. *rell.*

rell. loco modo allato; conf. Gifb. CVPERVS loc. cit. VAILL. in feni Rom. num. tom. I. pag. 192.

179. Caput Pietatis cum ciconia.

IMPERATOR. Vrceus & lituus in corona laurea fructifera.

Vtrum hic denarius ad patrem Q. Metellum Pium, qui itidem pontifex maximus fuit, an ad filium adoptivum Scipionem referendus sit, VAILLANTIVS dubitat; vid. *eiusd. fam. Rom. num. tom. I. loc. exci.* Ambiguus, vir clar. inquit, est etiam hic denarius, qui ad patrem Caecilium Pium, vel ad Caecilium Pium Scipionem, ab eodem adoptatum, referri potest; corona autem ex lauro ambobus convenit, si vterque *imperator* adpellatus. *Vrceolus & lituus*, signa pontificalia, dubium non tollunt; nam Metellus Pius pater pontifex fuit maximus, cui successit Iulius Caesar; ex *Dione* lib. XXXVII. Metellus Scipio, ex *Sueton. in Tiberio* cap. IIII. itidem pontifex renuntiatur. *Pater Tiberii*, inquit, *pontifex in locum P. Scipionis constitutus*. Scipioni tamen hunc numum HAVERCAMPVS tribuit. Pro Scipione, inquit, omnino mihi videtur stare consensus omnium denariorum, qui Metellum Scipionem *imperatorem* inscribunt typis suis. Neque illud, mox addit vir celeberrimus, toties in numis hisce repetitum imperatoris nomen accipiendum videtur de solo titulo honoris, quo Scipionem decoravit Cato, quoque milites duces suos salutare consueverant post egregia belli patrata facinora; verum amplius quid insuper denotat, in oppositione videlicet Caesaris, qui violenter omnia iura oppreserat, seque ipsum dictatorem paullo ante fecerat; hunc Metellum Scipionem verum illum & unicum esse imperatorem, qui, sublato iam statore illo libertatis & senatus columine Pompeio Magno, dignus illi successor, iura liberae rei publicae tueretur. Illustrat hoc dictum illud Confidii apud *Hirtium de bello Afric.* cap. IIII. *Vnus est Scipio imperator hoc tempore populi Romani*. Qui itaque in hoc denario solo *imperatoris* titulo decoratur, facile agnoscitur esse Scipio ille Metellus, qui in Caeciliam gentem transferat per adoptio-

adoptionem Metelli Pii, *pietatis symbolo* adumbratam; quique vi-
ctoriam, *laurea corona* designatam, rei publicae Romanae sponde-
re videbatur; caetera; ex *thes. Morell.* tom. II. pag. 51. sq.

CAECINA.

180. Caput Iani bifrontis barbatum & laureatum, cum remo
inter tempora.

Aulus CAECINA. Nauis prora, ad latus littera I. longior
ac densior per obliquum posita; subrus est ROMA.

Aereum, aeruginosum prim. magn. numisma, quod, si MOREL-
LIO *fides habenda, vix pro thalero comparatur.* Caecinae appella-
tio quibusdam nomen gentilitium, aliis vero cognomen habetur.
Apud scriptores complures inueniuntur Caecinae, qui sub primis
praesertim Romanorum imperatoribus claruerunt. Quod autem
insignis iste aereus non eo tempore, quo imperauit Caesar, verum
mox finito bello Punico secundo cusus sit; & typus & moles nu-
mismatis suadent. Hannibalis enim tempore asses vnicales signa-
ri coeperunt, & paullo post lege Papiria semunciales percussi sunt.
Quum autem SCHVLZIANVS iste numus paene vnciam appendeat;
hinc colligimus, breui post bellum Punicum secundum eundem ef-
se signatum: idque itidem & Iani bifrontis simulacro indicari
videtur. Nam abolita iam aerea illa moneta in qua Iani effigies
conspiciebatur, post diuisionem prouinciarum inter Augustum &
senatum nulla moneta aerea ex antiquo illo genere cudebatur; sed
cum imperatoris effigie & S. C. subscriptione; vid. *Fulu. VRSINVS,*
Corol. PATINVS, Io. VAILL. & ccl. HAVERC. in Caecina gente.

CALIDIA.

181. ROMA. Romae galeatum caput, cum denarii nota.

MARCUS CALIDIUS. QUINTUS METELLUS. CNEUS FOVLVIUS. Vi-
ctoria cum corolla in citis bigis.

Tribunatus plebis, quem honorem plures Calidii adepti sunt,
plebeiam hanc fuisse gentem docet. Ob Metellum ad Caeciliam,

ob Fouluium ad Fuluiam, & propter Calidium ad hanc familiam pertinet iste denarius; vid. quae ad num. 175. dicta sunt. Fuerunt nimirum isti simul triumviri monetales. Hic M. Calidius filius fuit Q. Calidii tr. pl. A. V. C. IOCLIII, & ipse tribunatum plebis gefit anno IOCLXXII. Praetor fuit, A. V. C. IOCLXXXVI, cui Cicero gratias agit in *oratione post reditum in senatu*, his verbis: *M. autem Calidius statim designatus, sententia sua, quam esset cara sibi mea salus, declaravit, & orator oratori favit*; nam Calidius inter eos disertus fuit, qui, teste eodem Cicerone, *non fuit vnus ex multis, potius inter multos prope singularis*. *Quintilianus* auctor est, lib. X. cap. I. M. Calidum tunc quoque pro domo *Ciceronis* dixisse, & orationem conscripisse. Hinc facili negotio conficitur, *Ciceronis* tempore bigatum hunc signatum esse; vid. *VAIL. in fam. Rom. num. rom. I. pag. 205.*

C A L P V R N I A.

182. Caput Apollinis laureat. pone tridens, sub mento litt. N.
LUCIUS PISO FRUGI. Eques desultor palmam gerens citato equo decurrit, desuper caduceus, infra litt. R.

Bene conseruatus, cuius typum inter haecenus vulgatos huius gentis denarios baud deprehendes. *Plebeia* quidem fuit haec familia, summae tamen antiquitatis. Originem enim a Calpo regis Numa filio repetit; vid. *Plutarch. in Numa*. Hinc canit Ovidius:

*Nam quid memorare necesse est,
 Ut domus a Calpo nomen Calpurnia ducat?*

In *Apollinarium ludorum memoriam* hosce cufos esse denarios eruditi consentiunt. Ad vrbani praetorem horum ludorum cura pertinebat; vid. *NIEVPOORTIUS in antiqu. Rom. comp. sect. III. cap. V. §. VIII. p. m 340.* Hinc omnes hi denarii cum Lucii Pisonis nomine tribuuntur Lucio Pisoni Frugi, Lucii Calpurnii Pisonis Frugi filio. Pater hic Lucius post quaesturam tribunus pl. factus est, aeditatem deinde obtinuit, & tandem praetor vrbani constitutus est. Apollinares hosce ludos A. V. C. IOCXXXXI. edidisse *VAIL.*

LANTIO videtur, atque varia decursionum genera iisdem addidisse, sicut ex plerisque Lucii filii denariis patet. Anus fuit Caius Piso praetor vrbanus A.V. 1500000, sub cuius praetura accidit, vt ludi Apollinares antea votiui & incerti, statis temporibus & in perpetuum vouerentur & celebrarentur. *Ludi Apollinares & priore anno fuerant, & eo anno vt fierent, referente Calpurnio praetore, senatus decreuit vt in perpetuum vouerentur*; vid. *Liuius* XXVI. 23. Instituti videlicet erant iam ante proximo anno 1500000. coſſ. Q. Fulvio Flacco & Appio Claudio Pulchro, teste *Liuius* lib. XXV. cap. 12. & *Macrobio* lib. I. *Saturnal.* cap. 17. qui copiose rationem institutionis reddunt. De ludis istis equestribus consulendus per ill. *Ezech. SPANHEMIVS de usu & praest. numism.* tom. II. pag. 131. sq. Notae monetales, quae in huius gentis numis passim occurrunt, ad diuersitatem officinarum monetaliū referendae videntur, de quibus quoniam nihil adhucdum statuerunt eruditi, maxima quae in his numis occurrit diuersitas docere forsā possit, a singulis diis vel deabus nomen sortitas easdem officinas, inde aliquod quoque symbolum numini suo conueniens in denariis expressisse. *Tridens* itaque a parte capitis Apollinei, denarium hunc ad monetalem Neptuni officinam reuocare videtur; posset *caduceus* in auersa potius ad Mercurium nos ducere; is vero forte ad indicandam celeritatem in his ludis adpositus est; vid. *chesh. Morell.* tom. II. pag. 61. sq. *VAILL. in fam. Rom. num.* tom. I. pag. 210. sq. conf. cel. *Christ. LIEBEI Gottha numoria* pag. 222. sq.

183. CAESAR AVGVSTVS TRIBVNICIA POTESTATE. Caput Augusti nudum.

CNEVS PISO Cnei filius III. VIR. Auro Argento Aere Flando feriundo in area senatus consulto.

Aereus sec. mod. numus. Qui hunc percussit numum, Cneus Calpurnius Piso, is ipse est, qui praestantissimum illum Germanicum veneno sustulit, Tiberio magis quam conscientiae suae & pristinis maiorum virtutibus obsecutus. Vnde Nemesis vltā viri scelus est.

Tractus enim in ius Piso, dissimulante, quae iusserat ipse, Tiberio, damnationem spontanea praeuenit morte; vid. *thes. Morell.* tom. II. pag. 66. Augustus, victo ad Actium Antonio, re publica sibi subiecta, & tribunicia recepta & passim continuata potestate, vim quidem omnem sibi retinuit, multa tamen imaginariae potestatis nomina senatui reliquit, inter quae fuit quoque signandi aeris potestas, & ut triumviri isti rei a senatu constituerentur; & hinc litt. s. c. quae ex senatus consulto cusos eosdem indicant, passim adponuntur; mos iste, ut supra ad num. 143. observauimus, ad Galienum usque durauit. In hac vero noua rerum administratione non amplius Iano bifronte aut Ioue, vel aliorum deorum imaginibus; sed sola Augusti imagine, vel illius nomine, numi insigniri solebant; vid. *VAILL. in fam. Rom. num.* tom. I. pag. 215. sq. conf. ea, quae antea ad aerei Caecinae gentis numi illustrationem prolata sunt.

C A R I S I A.

184. *senatus consulto.* Victoria humeris allatis.

Titus CARISIUS. Victoria in quadrigis, d. fertum porrigit, l. regit equorum habenas.

Carisiae gentis nullum veterum scriptorum, praeter *Dionem*, *Orosium* & *Florum*, mentionem fecisse pridem obseruarunt eruditi. Numos, qui pertinent ad Carisios, vltimis rei publicae temporibus, ut & Iulii Caesaris & Augusti signatos esse notum est. Ad *quadrigatos*, ob quadrigas in iis signatas ita dictos, pertinet iste denarius. Quoniamque isti liberae saltem rei publicae temporibus cusi sunt: hinc colligimus hunc numum itidem ante rei publicae Romanae occasum signatum esse; vid. *HAVERC. comment. in thes. Morell.* pag. 72. conf. *VAILL. in famil. Rom. numis*, tom. I. pag. 229.

185. Caput Sybillae Phrygiae.

Titus CARISIVS III. VIR. Sphinx alata sedens.

Cl. WACHTERVS in archaeol. numar. p. 86. exemplissimo *SENATVS* Lipfienfis thesauro simillimum probe delineatum exhibet denarium.

marium. Augusti monetales vtriusque paginae imaginibus ipsum Augustum respicere VAILLANTIVS existimat. Augustum enim, supra duo millia librorum inutilium & fatidicorum cremasse ac solos retinuisse Sibyllinos, hos quoque saltim praestantiores, *Suetonius* commemorat. In cuius rei memoriam T. Carisius *Sibyllae simulacrum* expressit, & vt indicaret illam esse Phrygiam, addidit & *Sphingem*: quam etiam ad sigillum, quo imperii initio vsus est Augustus, adludere quidam existimant. Cel. *Sigeb.* HAVERCAM. pvs Sibyllae & Sphingis typum potius ad antiquum numisma Gerarithiorum in Troade respicere, ex loco quodam Phlegontis apud Stephanum, iam pridem a SPANHEMIO excitato, docet; vid. *thes. Morell.* tom. II pag. 72. conf. ea, quae supra pag. 68. ad Chiorum numum prolata sunt.

186. ROMA. Caput Romae galeatum.

Titus CARISIUS. Globus cum decempeda, cornu copiae & temone in laurea.

Asper. Quum huius denarii auersa eadem plane symbola, quae Muffidius in Iulii Caesaris honorem exhibuit, proferat; adpareret, tum hunc denarium Caesaris tempore signatum esse, tum etiam symbola ista itidem ad eiusdem pertinere laudem. Per *globum* etenim denotat terrarum orbem; per *temonem* maritimum Caesaris imperium; per *copiae cornu* omnium rerum abundantiam; per *decempedam*, veteranis agrorum diuisionem: haec omnia in *laurea*, i. e. per Iulii Caesaris victorias parata; vid. VAILL. in gente Carisia. conf. *thes. Morell. loc. cit.*

C A R V I L I A.

187. Caput Iani barbati geminum & laureatum.

CARVILIUS. OGVLNIUS. VERGILIUS. Prora navis.

Aereum sec. magn. νόμισμα, cuius paullulum exesum offendimus inscriptionem. Haud alii cuidam editorum numorum typo, quod nos quidam sciamus, similior est iste aereus, quam illi, quem cel.

HAVER-

HAVERCAMPVS in Caruilia gente ad litt. F. descripsit. Et quamvis auersa huius numi pagina duas priores saltem inscriptionis litteras exhibeat, pondere insuper numus iste haud conueniat cum simili aereo, quem VAILLANTIUS ex Galliarum regis thesauro descriptum exhibuit; tamen eundem Caruiliae genti adsignandum esse non dubitamus. Ipse enim cl. VALENS a Caruilio quodam & semunciales aereos cufos esse asserit. Quumque aereus isti itidem quatuor drachmas appendeat; hinc ab eodem Sp. Caruilio, a quo VALENTIS numus cufus est, SCHVLZIANVM hunc itidem signatum esse existimamus; vid. *thes. Morell.* tom. II. pag. 76. VAILL. *famil. Rom. num.* tom. I. pag. 237.

C A S S I A.

188. VESTA. *Quintus* CASSIVS. Caput Vestae velatum.

Templum Vestae rotundum, cum statua eiusdem deae in summo fastigio, in medio templi sella curulis; a lateribus hinc & inde vrna, & tabella inscripta A. C.

Optime conseruatus, cuius typum tab. III. num. V. sistimus. Cassiae gentis nomen a *cassi*, id est galea, VAILLANTIO desumptum esse videtur. Hanc quondam in duas diuisam fuisse familias dudum obseruarunt eruditi, *patriciam* alteram, alteram *Longorum & Longinorum plebeiam*, qui Cassiae gentis superstites percusserunt denarios. Patriciam huius gentis stirpem post poenam Sp. Cassii Becilini, qui ter consul, bis triumphalis, damnatus & interfectus fuit, quod, popularem quaerens gratiam, regnum adfectare videretur, defecisse autumat HAVERCAMPVS. Duo in hoc denario L. Cassii Longini, cuius hoc typo celebratur memoria, expressa videntur monumenta: alterum quoniam Vestae templum damnatis virginibus incestis purgauit, ut abunde refert *Ascon. Paed. ad orat. Tullii pro Milone* cap. XII; alterum quod tribunus plebis tabellariam tulit legem, cuius meminit *Cicero & Asconius* in diuinatione, his verbis: *in diuinatione, & in aliis causis maioribus vniuersi iudices in eisdem tabulas simul coniciebant suas, easque insculptos*

proas litteras habentes A. absolutionis: C. condemnationis: cum de alicuius capite agebatur. N. L. non liquet ampliacionis. His enim litteris significabant Non Liquere. De forma templi Vestae quod rotunda fuerit, ita canit Ouid. Fast. lib. III.

*Et quantum a summis tantum secessit ab imo
Terra, quod ut fiat, forma rotunda facit.*

Par facies templi, nullus procurrit in illo

Angulus, caetera.

Cassius iste vir tantae fuit seueritatis, ut *scopulus reorum* diceretur, & *Cassiana iudicia* de acerbioribus inde in proverbiū abierint. Iocandi hinc occasionem nactus *Cicero Cassianum iudicem* a Verre appellatum ait quendam ex cohorte sua Papyrium Potamonem. *Deae itaque caput, & eiusdem templum, sellaque in eodem curulis*, ut iudici posita L. Cassio, incorruptam ipsi seueritatem vindicant. Ad latera templi Vestae *urna, & tabella litteris A. C. insignita* conspiciuntur. Urna longior, in summo amplior, & circa orificia anfulas habens. Erat haec recipiendis suffragiorum tabellis, quam *Tullius in orat. pro Cornelio sicellam* nuncupat. Ab altera templi parte tabellam cernimus, qua, ut antea dictum est, ad legem tabellariam, a L. Cassio trib. pleb. latam respicitur. Hac lege populo Rom. in omnibus ferme iudiciis linguae parcere licebat atque periculo, quod ex loquendi libertate oriebatur, & per tabellas, adeoque tacita suffragia, sensus animi pronunciare. Optimatum potentiam hac lege fractam esse, & nimium licentiae datum vulgi libidini adserit *Cicero lib. III. de legib. cap. XV. Quis autem non sentit*, ait orator, *auctoritatem omnem optimatum tabellariam legem abstulisse? quam populus liber nunquam desideravit*, caetera. *Non latebra*, mox subiungit *Cicero*, *danda populo, in qua, bonis ignorantibus, quid quisque sentiret, tabella vitiosum occultaret suffragium.* Ex alio loco idem *Tullius: Sequuta biennio post*, inquit, *Cassia est, de populi iudicio. Ea a nobili homine lata est, L. Cassio, sed, pace familiae dixerim, dissidente a bonis, atque omni rumusculos populares ratione aucupante.* Hinc nihil in tabellae latebra inuentum, quod

condemnare Appium Pulchrum posset, gratulatur illi *Cicero epist. fam. lib. III. 12. Ego vero vehementer gratulor . . . pridem admiratus magis.* Quis vero fuerit Q. hic Cassius, qui hunc percussit denarium, VRSINO incertum est; ex liberratis tamen imagine, quae in quibusdam, retento huius auersae typo, in aduersa exprimitur, suspicatur, fratrem fuisse C. Cassii eius, qui Caesarem sustulit; vid. *rhets. Morell. tom. II. pag. 76. VAILLANT. in famil. Rom. num. tom. I. pag. 244. sqq. VRSINVS per PATIN. auct. pag. 67. sq.*

189. Caput Vestae velatum, pone lampas, ante litt. L.

LONGINUS III. VIR. Vir togatus, d. tabellam tenet, cui litt. V. inscripta cernitur; adstat cista coram, cui tabella iniicienda est.

Optime conseruatus, elegantioris fabricae denarius, quem tab. III. num. VI. depictum cernis. Lampas ignis perpetui est symbolum, cuius cura Vestalibus erat demandata. Cum de caetero celeb. HAVERCAMPVS omnes in hoc numo occurrentes notas altius indagauerit: ipsa eruditissimi viri verba hoc loco exscribenda operae pretium esse duximus. Omnes, inquit vir litteratissimus, qui ante VAILLANTIUM fuerunt, antiquarii crediderunt litteram A. tabellae esse insculptam, atque de absolutionis suffragio, ut in numo praecedenti, interpretati sunt. Id secus se habere, recte pertendit VAILLANTIVS. Habeo enim & ipse integerrimos, & multo plures manibus versaui; in quibus omnibus constanter V. & non A. legitur. Censet vero praestans idem antiquarius pag. 241. per litt. V. hic indicari plures per eundem hunc Cassium lasas leges, quae quoniam omnes (ut ille quidem statuit) per vocem VTI vel VTIQVE inciperent, hinc primam eius vocis litteram in hac tabella legis exprimi. Non potuit arridere haec sententia illustr. SPANHEMIO, qui hanc opinionem ad examen reuocauit tom. II. pag. 199. atque putat male in dubium vocari fidem VRSINI atque PATINI, qui A. litteram exprimi crediderint; ipse vero existimat monetarii incuria factum ut littera A. fuerit forma inuersa in moneta expressa, quae videlicet litteram

V. re-

V. referat. Quod pace eminentissimae eius eruditionis dictum sit, fallitur longissime, & saepius in numerum typis fallitur, quod alienis plerumque oculis credere debuerit, & stanneis aliisque ectypis obscurioribus rem gerere, a supellectile numaria omni destitutus ipse, quam si ipse copiosam possedisset, consumasset eruditionem, qua plurimis praeluxit. Certus sit lector V. non A. exprimi; quod insuper ex SCHVLZIANI huius denarii typo archetypo per omnia simillimo omnino patet. Neque enim in omnibus V. pro A. exstaret, vel certe si littera inuersa esset, linea intermedia agnosceretur, quae clarissime quidem in praecedenti SCHVLZIANO aliisque cernitur; in hoc autem non exprimitur, si haec exprimeretur linea, talis esset figura V, non ut nunc est V. Reiicimus itaque nouam eiusdem coniecturam, qua ANTIQVO format ex littera A. ut putat inuersa, legisque antiquationem innui putat. Neque tamen in VAILLANTII sententiam toti concedimus. Omnes enim leges per VTI vel VTIQVE incipere, difficulter admodum (quod & SPANHEMIVS vidit) probari a VAILLANTIO posset. Credimus itaque, sicut vnum verbum ABSOLVO per litteram A. vnum verbum CONDEMNO per litteram C. in praecedenti denario exprimitur, ita in hoc litteram V. significare VETO, quod familiare erat tribunorum plebis verbum, qui quum intercederent, solemni suo VETO id facere solebant, iam inde viam hanc monstrante tribuno plebis L. Sextio apud Liu. lib. VI. cap. 35. *Bene habet, inquit Sextius, quandoquidem tantum intercessionem pollere placet, isto ipso telo tutabimur plebem.* Agredum, comitia iudicite patres tribunis militum creandis; faxo, ne tuuet vox ista, VETO, qua nunc concinentes collegas nostros tam laeti auditis. Poterat autem intercedi & vetari, si nondum perlata lex esset, & quamdiu in eius ferendae apparatu populus versaretur. Copiose Tullius in orat. pro Cornelio. *Est v. rique ius vetandi, cum ea feratur, quamdiu non perfertur: quamdiu qui suffragii ferendi causa conueniunt, huc & illuc transferuntur, dum priuari dicunt: dum tabellae diribentur: dum stipella deferretur: dum aequantur sortes: dum sortitio fit: & si qua sunt bu-*

ius generis alia. Hinc cel. HAVERCAMPVS existimat L. Cassium; tribunum pl. satis violentem, circa illud ius vetandi aliquam tulisse legem inter plures alias, quae illi eo tempore tribunatus latae adscribuntur. Quae utique vetandi potestas, tribunis propria, & in qua L. Cassius noster L. Sextio illi apud *Liutium* nequaquam cessit; dum vterque optimatum omnibus modis imminuit potentiam, merebatur exprimi in denariis, & ad famam nominis tanti viri, vna cum aliis eiusdem rebus gestis, celebrari a nepotibus. Ex *thes. Morell.* tom. II. pag. 77. sq. Cl. VALENS a L. Longino triumuiro monetali, L. Longini Rauillae eius scil. filio, qui leges istas omnes in tribunatu pl. tulerit, denarium hunc cusum esse existimat; vid. *eiusd. fam. Rom. num.* tom. I. pag. 241. Hunc aequè vt alios plerisque VALENTIS errores erudite sane detexit HAVERCAMPVS. Huius erroris ansam, *loc. cit.* addit vir clarissimus, VAILLANTIO prae-buit GOLTZIUS, qui eundem hunc denarium male proferens ad A. V. C. ICCCCLXIII. contra omnium denariorum fidem Lucii praenomen addidit, scribens L. LONGINVS III. VIR. Debuerat hunc detegere errorem VAILLANTIVS ex tot eiusdem exempli denariis, quos illi plures quam cuiquam alii videre forsan contigit. Sed dum GOLTZIUM nimis confidenter sequitur, praeceps plus semel in errorem lapsus est. Ego, mox subiungit HAVERCAMPVS, Longinum triumvirem cudendae monetae & Quintum Cassium eundem esse puto, vt ita Quintus Cassius Longinus triumvir monetalis exstiterit. Id fabrica & typus huius denarii conuenientes cum praecedenti docere videntur; idemque vir, qui Q. Cassii nomine cenferi volebat in priori denario, in hoc, cognomine & magistratu agnosci voluit; vid. HAVERC. *comment. in thes. Morell. loc. cit.* conf. cl. *Christ. Sigism. Liebei Gorba numaria* pag. 224. sq.

190. CAECICIANVS. Caput Cereris spicis coronat. desuper litt. A;
LUCIUS CASSIUS. Iugum bouum, in area litt. X.

Asper. In *Cic. epist.* ad Attic. lib. VIII. ep. II. & 13. C. Caecii cuiusdam fit mentio. Ab hoc Caecio L. Cassium adoptatum credit

dit VRSINVS, & propterea Caecianum dictum; vid. *eiusd. fam. Rom.* pag 56. Quam vero sententiam reiiciunt eruditi, tunc enim Cassianus foret dicendus. Nam ipse adoptatus nomen suum pristinum producebat; L. Cassius itaque rectius Caecium adoptauit, quod in adoptionis gratiam prolongatum nomen Caecianus docet; vt Aemilius, in Corneliā adoptatus, dictus est Cornelius Aemilianus. *Caput Cereris* & praesertim *iugum boum* respicere videntur ad agrorum diuisionem, ex lege, quam Iul. Caesar in consulatu suo cum M. Bibulo tulit A. V. 15 CLXXXIII, nempe vt ager Campanus plebi diuideretur. Duumvirum coloniae deducendae Cassium hunc Caecianum fuisse denarii typus indicat. *Ceres* enim, ad indicandum Campaniam frumento, cui praest illa dea, abundare aduersam nummi paginam occupat: iugum boum, deductae coloniae symbolum, viginti circiter millia ciuium ex lege Iulii Caesaris illuc traducta esse significat; confer. *VAILL. famil. Rom. num. rom. I. p. 243 sq.* Litt. A. ad monetales matricum notas refertur.

191. Caput Romae galea alata ornatum, pone quod vrna & solita denarii nota.

caius CASSIUS. ROMA. Dea Libertas in quadrigis, d. pileum, f. virgam.

Asper, subaeratus, elegans. Virga & pileus, quem dextra tenet dea triumphans, libertatis sunt symbola. Quamuis libertatis hic praeclarus adsit typus, recte tamen plerique statuunt antiquarii, quod non ad percussorem C. Caesaris C. Cassium hic denarius referendus sit, sed ad Cassium antiquiorem. Vt enim ex sequentibus numis claret, *IMPERATORIS* titulus famoso illi libertatis Romanae vindici atque tyrannicidae additur. *Vrna* siue *sirella* ad capienda suffragia probe est obseruanda. Nam ad Cassii huius, qui signauit denarium, patris tabellariam legem respicit; vid. *Fulu. VRSIN.* pag. 54. Cl. PERIZONIVS ad Cassium, qui Caesarem sustulit, hunc numum refert, dum inter alia: *Octauum*, inquit, *tab. I. gentis Cassiae numum ipse habeo, ipsumque retulerim ad C. Cassium, percusso-*

caesarem Caesaris, qui Syriam tenuit, & rem ibi feliciter gessit; unde & imperator solenniter a militibus fuit dictus. A Longini, qui rr. pl. celeberrimam illam tabellariam tulit legem, de qua antea egimus, filio, C. Cassio, Romae hunc denarium signatum esse cel. HAVERC. existimat. Qui apud Romanos manu mittebatur raso capite pileum gestabat. Virga seu vindicta capiti imposita praetor eum liberum esse, more Quiritum, dicebat; vid. NIEVPOORT. de ritib. Rom. pag. 440.

192. CAESAR AVGVSTVS TRIBVNICIA POTESTATE. Caput Augusti nudum.

caius CASSIVS CELER III. VIR AERE ARGENTO AUR0 FLANDO REVIUNDO in area S. C.

Sec. mod. aereus. De Cassio Celere nihil apud antiquos. Erat triumviratus monetalis inter minores magistratus & gradus ad maiores. Cassius Celer, procul dubio, ex triumviris monetabilibus fuit, a senatu Romano Augusti tempore electis.

CIPIA.

193. MARCUS CIPIVS MARCI FILIVS. Caput Romae galea alata ornatum cum denarii nota.

ROMA. Victoria bigas agens, infra naus gubernaculum.

Eleganter signatus denarius, quem MORELLIVS numum vncialem valere indicat. Cipia gens eadem cum Cispia, fuit plebeia; cuius nomen a Cispio monte, altero nempe Esquiliarum iugo, in quo habitabat, derivatum esse cl. VALENS existimat, Festumque in partes vocat. Debuerat dicere, ut rectius docet HAVERCAMPVS, iugum illud collis Esquilini a quodam Cispio nomen Cispii accepisse. Id enim Festus in loco a VALENTE excitato docet, dum: *Cispivs, inquit, mons in vrbe, Esquilinae regionis, de nomine cuiusdam hominis dictus.* Hic M. Cipius siue Cispivs A. V. C. Ioc LXXXI. in quaestura sua cum solitis denariorum Romanorum typis, nempe Romae capite & bigis, (vnde *bigari* dicti) hunc signavit

gnauit numum, in vsum forte rei naualis, quod *temo nauis*, qui in postica sub equorum pedibus cernitur, indicat. Idem ist M. Cippius A.V. IocLXXXVI. ad tribunatum plebis peruenit, & quum *Ciceronis* reuocationi impense faueret, a Clodianis VIII. Kal. Febr. vi foro depulsus est; vid. VRSINVS, VALENS & HAVERCAMPVS in gente Cipia.

194. Eadem aduersae inscript. idemque typus; auersae eadem incusa videntur, quae in aduersa efficta sunt.

Asper. Huius generis numos rara obseruari constat inter omnes.

C L A V D I A.

195. MARCELLINVS. Cap. Claudii Marcelli, pone illud triquetra Siciliae symbolum.

MARCELLVS consul *quinquies*. Marcellus togatus trophaeum in templum Iouis Feretrii tetrastylum infert.

Optime conseruatus. In duas Claudia gens, e Sabinis orta, olim diuidebatur familias, *patriciam* alteram minorum gentium, alteram Marcellorum *plebeiam*, quae clarior fuit. Accium Claudium Claudia gens generis sui habuit auctorem. Is, quum Sabini eius de pace improbarent consilia, magna comitatus clientum manu, Romam commigravit. Ibi sexto fere post reges exactos anno, teste *Suetonio*, a patribus inter patricios adscriptus Appius Claudius vocari coepit. Hic innatam nobilibus superbiam per genus suum propagauit: vniuersi enim (excepto Clodio, *Ciceronis* & *Milonis* inimico) plebi fuerunt infestissimi. Claruit haec gens consulibus XXVIII, dictaturis V, censuris VII, triumphis VI, ouationibus II. Clarissimus omnium Marcellorum M. Marcellus in hoc denario expressus est, qui *quinquies consul*, Siciliaeque domitor fuit. Hic Syracusas coepit, ipsumque Hannibalem vinci posse docuit; qui sua manu caeso Gallorum Insuubrium rege Viridomaro de Galleis Insuubris & Germaneis triumphauit, & *spolia opima Iouis Feretrii templo intulit*; cuius praeclari

& heroici facti memoria in altera denarii parte diligenter est expressa. De Iouis Feretrii templo, deque spoliis opimis eo relatis consulendi sunt *Liuius & Propertius*, qui totam hanc de opimis spoliis historiam, multo quam alii accuratius, attigerunt. *Tria crura* in antica propterea expressa videntur, quia Marcellus de Syracusanis in monte Albano secundum & tertium egit triumphum; vid. *Fulu. VRSINVS* per *PATINVM* auctus pag. 72. sq. *VAILL. fam. Rom. num. tom. I. pag. 278. HAVERCAMPVS in comment. ad thes. Morell. pag. 89.*

196. Caput Romae galea alata ornatum, pone illud modius; ante consueta denarii nota aut stella.

MARCUS MARCELLUS. ROMA. Victoria in citis bigis, in imo duae spicae.

Magni illius Marcelli quinquies consulis nepos fuit Marcus iste Marcellus; & quoniam ipse post decursos honores minores ter consularum gessit, statuas sibi, patri & auo posuisse dicitur, cum inscriptione *Hi Marcelli nouies consules*; ipse enim ter, pater semel, auus quinquies consul fuerat. A.V. 101xxxv idem M. Claudius Marcellus cum Cn. Domitio Ahenobarbo aedilis curulis factus, quum in hoc magistratu annonae copiam procurassent, hunc & similes denarios cudi curauit. *Modius & spicae* curam annonae diligenter habitam demonstrant, *bigae* simplicitatem denariorum antiquorum, qui *bigati* inde dicti sunt, ostendunt. *Laur. BEGERVS* in *thes. Brand. vol. II. pag. 547.* bigatum hunc Marcelli quinquies consulis de Syracusanis & Sicilia triumphum respicere autumat. Indigno fato M. ille Marcellus, vir tantus tantisque honoribus functus, morte ingloria in mari periit, dum legatus ad Masinissam proficisceretur, vt *Liuius* in *epit. lib. L. commemorat: Ex tribus legatis, qui ad Masinissam missi fuerant, Claudius Marcellus, coorta tempestate, fluctibus obrutus est*; vid. *VAILLANTIVS* in *fam. Rom. num. vol. I. pag. 275. thes. Morell. tom. II. pag. 91.*

197. Caput Romae more solito galeatum.

APPIUS CLAUDIUS TITUS MANLIUS Quaeſtores VRBANI. VICTORIA in trigis.

Recte obſervat MORELLIVS ex argento & aere reperiri hunc numum, quod intelligendum eſt de *ſubaeratis*, qui, ubi argentum amiſerunt laminam, aeri fiunt; qualis infra in altera conſularium ſerie huic argenteo ſimillimus occurrit denarius. Cel. HAVERCAMPVS ſeſe pleroſque huius generis numos ex conſularibus, imperatoriis, immo & ex Graecis regibus aliſque ſtudioſe collegiſſe refert. Idem vir doctiſſimus vt paſſim alibi ita & hoc loco paullo ſeruentius cl. VAILLANTIVM reprehendit, dum ei inſultat, quod tum archetypo diſſimilem vulgauerit typum, tum hypothetarum inexcusaibili vitio repletam exhibuerit denarii interpretationem. Quae tam miſere deformata verba, inter alia inquit, ſeu feſtinatione nimia ſcriptoris, ſeu inexcusaibili hypothetarum vitio, quum lego, mirari ſubit VAILLANTII oſcitantium, qui Q. VR. legit & explicat, pro Q. MAR. quum tamen paullo ante, typi & inſcriptionis reddens rationem, poſuerit haec verba: *Caput Romae galeatum: in auerſa parte* AP. CL. T. MANL. Q. VR. & tamen ſubdiderit ſtatim: *Appius Claudius, Titus Manlius, Quintus Marcius. Victoria in trigis.* Eadem aberrans ratione, addit HAVERCAMPVS, ad eundem hunc denarium in gente Manlia ſimiliter Q. VR. pro Q. MAR. legit, ſomniatque quaeſtores hos vrbanos ideo trigas pro bigis & quadrigis ſignaſſe, quod hoc anno curſus in Circenſibus trigis inuectus ſit. Erroris cauſſam praeſtuit illi GOLTZIVS, qui litterarum compendio deceptus Q. VR. pro Q. MAR. expreſſerat. Aliter vero, mox ſubiungit, ſenſiſſet VAILLANTIVS, ſi ipſos hoſce inſpexiſſet denarios, qui tanto paſſim numero occurrunt, vt vix vlli ſint frequentiores. Nonne miramur iure hanc viri in re numiſmatica verſatiſſimi inconstantiam? quam ego certe mirarer magis, niſi ſcirem feſtinatam omnibus modis illam fuiſſe VAILLANTII familiarum editionem, vt accuratiſſimum MORELLII noſtri laborem praeueniret atque eluderet. Ne ipſos quidem

P

dena-

denarios itaque inspicere dignatus fuit, qui constanter omnes habent Q. MAR. litteris gentis Marciae per compendium scribendi in v. num conflatis, tantaque sunt frequentia vt quotidie conflandi argenti fabris tradantur. Haec sunt fere illa, quibus munitus cel. HAVERCAMPVS famigeratissimum Antiquarium adoritur. Quod autem liberius atque audacius h. l. in cel. VAILLANTIVM inuectus sit, bini indubiae antiquitatis denarii, qui in numophylacio SCHVLZIANO adseruantur, clamant atque testantur. Hi enim propius ad VAILLANTII, quam ad Morellianam delineationem accedunt, & in postica parte litteras AP. CL. T. MANL. Q. VR. sistunt. CL. PATINVM potius in numi huius delineatione peccasse constat; quadrigas enim contra denariorum fidem in alteram denarii paginam collocat; VALENTEM vero accuratam satis numi exhibuisse imaginem firmissime asseueramus. Illos, quorum nomina in auersa denarii parte leguntur, haud triumuiros monetales, vt quidam crediderunt, verum quaestores vrbanos fuisse ex denarii inscriptione patet; vid. VRSINVS per PATIN. auctus, pag. 72. VAILL. in *fam. Rom.* tom. I. pag. 269. *Thes. Morell. tom.* II. pag. 91.

198. *senatus consulto.* Caput Dianae cum arcu & pharetra ad humeros.

Tiberius CLAVDIUS Tiberii filius Appii nepos. Victoria in citis bigis, d. tenens corollam, l. palmam & habenas; sub equis cernuntur notae numerales A. LII.

Serratus. Hunc notae numerales distinguunt ob omnibus illis denariis, quos cel. HAVERCAMPVS vulgavit. Ad Tiberium Claudium, Tiberii filium, Appii Claudii Caeci nepotem hunc denarium referendum esse inter eruditos conuenit. Quum A. V. 1511. consules male contra Carthaginenses pugnassent, & P. Claudius Pulcher, contra auspicia pugnans, victus esset, L. Iunius Pullus naufragio classem amisisset, damnationemque voluntaria morte praeuenisset; eo tempore Tiberius Claudus, Siciliae quaestor, ex S. C. magnam denariorum vim cudit, quibus res perditae reparari possent.

sent. Hi quoniam extra urbem in prouincia cusi sunt, *Dianae* (quae dea Siciliae tutelaris erat, vt supra pag. 65. num. 119. vidimus) *venatricis caput* in antica exhibent, & victoriae consuetum omen in postica. Notas numerales LXXIIII. quae in quibusdam denariis obseruantur, designare, cufos eosdem ex tributo regis Hieronis pondo argenti LXXIIII. PIGHIUS suspicatur: hanc coniecturam VAILL. repetit, quam cel. HAVERCAMPVS reiecit; vid. VAILL. *famil. Rom.* tom. I. pag. 257. *Thes. Morell.* tom. II. pag. 92.

199. Caput Solis seu Apollinis radiatum, pone quod ramus.
Publius CLODIUS marci filius. Luna crescens inter quinque stellas.

Ramus, quem aduersa sistit, in denariis a cel. HAVERCAMPO descriptis, baud comparet. Numos *Apollinis radiatum caput & lunam bicornem cum stellis* circumferentes, ad ludos Apollinares, qui Romae singulis annis acti fuerunt, spectare antiquarii statuunt. Publius Clodius, ex VALENTIS sententia, aedilis curulis fuit, qui A. V. C. ICCCVIII. absente Caesare ludos hos celebrauit. *Dio* enim lib. XXXXIII. commemorat, eo tempore duos aediles thesauris publicis praefuisse, quorum alter Caesaris sumptibus ludos Apollinares fecerit; ex his Dionis verbis & hoc denario VAILLANTIO P. Clodium aedilem illum curulem fuisse videtur; vid. *eiusd. fam. Rom. num.* tom. I. pag. 283. conf. *thes. Morell. loc. cit.*

200. Caput Apollinis laureat. & comatum, pone quod lyra.
Publius CLODIUS marci filius. Diana stans vtraque manu facem tenens, in humeris arcum & pharetram gestans.

Eleganter signatus. Ex inscriptione patet ad eundem P. Clodium hunc itidem pertinere denarium, quin & eosdem denotari ludos Apollinares docent hinc Apollinis inde Dianae symbola. VAILLANTIUS ludos Cereales ab eodem Clodio editos ex huius denarii imaginibus effingit, dum loc. cit. Hic numus, inquit, Cereales eundem hunc Clodium edidisse demonstrat, quod Ceres accensis

facibus denotat. *Cicero* lib. V. *act. II. Verr.* Nunc sum, ait, designatus aedilis, habeo rationem quid a populo Romano acceperim, mihi ludos sanctissimos maxima cum ceremonia *Cereri*, caetera. Haec Dea gerit faces ex Aetna accensas, quibus quum *Proserpinam* a *Plutone* raptam quaereret, orbem circuisse dicitur. Ludiautem Cereales a pridie Idus Aprilis per octo dies in Circo, proximo post Circenses die celebrabantur. In his, addit Antiquarius, repraesentabatur a matronis luctus *Cereri* ob raptam *Proserpinam*, & eius peregrinatio cum face quaeritantis filiam. Caput *Apollinis* ad indicandum etiam ab eodem *Clodio* fuisse celebratos expressum est: non capite quidem radiato ut dei Solis, quum *Dianae* symbola non adessent; sed iuuenis & muliebri facie; ut cui & *Baccho* perpetua esset iuuentus, teste *Ouidio*:

Solis perpetua est Phoebo, Bacchoque iuuentus.

Lyra *Apollinis* symbolum est. Haec sunt ea, quibus cl. VALENS suam de Cerealibus stabilire conatur opinionem. Arcu, pharetra & facibus, quae in elegantius cuso nostro denario clarissime oculis sese sistunt, cel. HAVERCAMPVS penitus evertit VALENTIS sententiam. Totum, inquit, cadit VAILLANTII commentum, per arcum & pharetram, quae utraque symbola in meo nitidissimo deprehendere licet, recteque effinxit MORELLIVS. Faces autem, mox subiungit, manu gestare *Dianam*, quid mirum, quum illa nocturnum praestet lumen sicut frater diurnum, unde duo ex *Callimacho* & *Sophocle* notavit loca VRSINVS. Vocat enim *Φαεσφόρη* *Callimachus* hymno in *Dianam* vers. II. & *Φαεσφόρον* versu 104. Locus autem *Sophoclis*, cui *ἀμφίπυρρον* vocatur, extat in *Trachin.* vers. 218. quam vocem interpretes graecus ita declarat, *παρ' ὅτον ἀμφότεραις χεῖρσι δαδὲχῃ*, quod utraque manu facem gerat. His cel. HAVERCAMPVS addit *Aristophanem* in *Ranis* vers. 1406. Qui plura desiderat, adeat doctissimos & vberimos SPANHEMII ad *Callimachum* commentarios; vid. *Fulu.* VRSINVS edit. *Parif.* pag. 75. VAILL. loc. cit. HAVERCAMPVS in *eruditissimo* ad *ibef. Morell. commentario* loco antea cit.

201. Romae galea alata ornatum caput.

caius PVLCHER. Victoria agens bigas.

C. Claudio Pulchro, Appii filio, Publii illius, qui primus Pulcher est dictus, nepoti, *bigatum* hunc eruditi tribuunt; eundemque in Pulchri quaestura prouinciali A. V. IOLXVI. signatum esse credunt. Hic A. V. C. IOLXXVI. ad consulatum quoque peruenit, de Histris & Liguribus triumphauit, atque tandem cum T. Sempromio Graccho, quem & in consulatu habuerat collegam, A. V. IOLXXXIIII. censor factus est. Asperam eius fuisse censuram, periculumque ipsi inde a tr. pl. Rutilio postea creatum, scriptores narrant, in primis *Valerius Maximus*, addens, quo pacto collegae Gracchi magnanimitate euaserit, lib. VI. cap. V. p. m. 221. *Cum T. Gracchus, & C. Claudius . . . tribunus Rutilius remisit*; vid. VA-ILL. in *fam. Rom. num.* tom. I. pag. 265. *Thes. Morell.* tom. II. p. 94.

CLOVIA.

202. CAESAR DICTATOR TERTIUM. Caput Veneris Victricis aut Victoriae humeris alatis.

caius CLOVIUS PRAEFECTUS. Minerua Victrix gradicens, d. tropaeum super humeros ferens, l. clypeum cum capite Medusae; a cubito sub inferiore clypei parte dependet lacinia, ante pedes serpens egregie cristatus.

Integerrimum & nobili aerugine conspicuum sec. mod. numisma, quod itidem varioribus familiarum Romanarum numis periti adnumerant. Clouia seu Cluuius gens (utroque enim modo in antiquis monumentis scripta reperitur) ex Cluuiis Saxulis, fratribus, qui trib. plebis fuerunt, *plebeia* fuisse colligitur. C. Clouius, cuius nomen auersa numismatis pagina exhibet, Iulii Caesaris temporibus vixit, ut ex aduersae inscriptione adparet. Eruditis idem esse videtur, qui a Caesare in Gallias missus est, & cum imperio Cisalpinæ Galliae praefuit. Priusquam in hanc proficisceretur prouinciam, non neglexit Ciceronem inuifere, ut familiarem & ami-

cum. Patet id ex Ciceronis epistola ad eundem, ex qua itidem liquet, quanta huius Clouii apud Caesarem fuerit auctoritas. Verba *Ciceronis*, quae vtrumque indicant, exstant *epist. lib. XIII. ep. 7. Cum in Galliam proficiscens facturum esse arbitror.* Scripta est haec epistola, ut praeclare docet HAVERCAMPVS Q. Fabio Maximo & C. Trebonio cons. adeoque A. V. MDCCVIII & quidem post expeditionem Iulii Caesaris in Hispanias contra Pompeii liberos, & post usum hoc numisma, honoremque praefecturae, quem inscriptio praefert. Fuit itaque C. Clouius cum imperio in Galliam Cisalpinam missus a Caesare, postquam ipsi de fide eius constitisset; in nauata scil. opera custodiae urbis Romae, cuius illum cum quibusdam aliis, uti passim infra visuri sumus, praefectum reliquerat sub Lepido, equitum magistro. In ista itaque praefectura hunc percussit numum, cuius aduersam ornat Victoriae bustum, in quibusdam cum solis astro vel stellae Veneris (quae in hoc aereo abest) quam impense colebat Caesar, ut generis sui matrem, unde & armatam Venerem annulo insculptam gestasse, atque in rebus summis saepius pro tessera dedisse, *Dio lib. XXXIII. pag. 266. commemorat.* In auersa numismatis parte *Minervae Victricis & tropaeophorae* est effigies, quod non minus prudentia sua quam fortitudine praeclaram illam victoriam Caesar esset consecutus; quam victoriam non aliam posse intelligi quam Hispanicam, omniumque victoriarum Caesaris ultimam atque laboriosissimam, ostendunt *gaesa illa Hispanica*, quae post clypeum Minervae eminent, atque a cel. HAVERCAMPO primum observata sunt. Idem vir acutissimus probe observat, picturam Morellianam omniumque reliquorum minus exactam esse, uti li- quido patebit accuratiorem SCHVLZIANI huius *numismatis imaginem*, quam *tab. III. num. VIII. sistimus*, cum vulgatis antiquario- rum typis conferentibus. Non enim, vir clar. ait, velut quatuor rubae sunt, quae sub clypeo conspiciuntur, sed prima figura inferius longior est, superius in spiculum acuminatum desinit, tres se- quentes laciniam efficiunt, quales in numis Syracusanis aliisque Grae- cis

cis Latinisque saepissime a brachio deae dependent; numi minus integri quasi striatas lineas exhibent. Haec HAVERCAMPVS; vid. eiusd. *comment. in thes. Morell.* pag. 97. sq. conf. VAILL. *famil. Rom.* tom. I. pag. 285. *Fulu.* VRSINVS per PATINVM *auctus* p. 76.

CLOVLIA.

203. Caput Iouis laureatum.

Titus CLOVLIVS Quaestor. Victoria, palmam l. super humeros gerens, d. tropaeum coronat, in cuius imo sedet captivus manibus in tergum reuinctis.

Ex consulatu, quem anno XII. post exactos reges T. Cloelius Siculus gessit, colligitur, Clouliam siue Cloeliam gentem *patriciam* fuisse. Illo enim tempore nondum alter tantum consul ex patriciis eligebatur. In aduersa huius quinarum pagina PIGHIVS & cl. VAILLANTIVS Iouis Feretrii imaginem agnoscunt, quam cel. HAVERCAMPVS Iouem Capitolinum respicere existimat. In anteriore parte, VAILLANTIVS ait, laurea redimitum exhibetur caput Iouis, quem littera F. Feretrium esse denotat, ille diuersus est a Capitolino, nam habet capillos non ita amplos, & barbam non adeo prolixam, templumque habebat, etsi proximum, tamen ab altero diuersum in VIII. regione, in quod Fabius consul tropaeum illud in victoriae suae memoriam tulit, & ipsi consecrauit. Haec VAILL. in *famil. Rom. num.* tom. I. p. 287. Quibus haud illepide cel. HAVERCAMPVS: Verum ego, addit, fateor mihi non tantam cum Iouibus istis esse familiaritatem, ut Capitolinum vel Feretrium ex barba & capillis dignoscam. In numo gentis Aciliae num. V. tab. pr. sese symbolo suo, id est, spoliis quae praefert, agnoscendum praebet; in hisce non possum a Capitolino discernere; nec erat cur Fabius in templum Iouis Feretrii spolia inferret, quod fecerat Marcellus, occiso sua manu hostium rege Viridomaro, defractisque ipsi spoliis opimis; quale quid de Fabio nequaquam legitur, adeoque egregie mentiti fuissent *Virgilius & Florus*, ille quidem *Aen.* VI. 869.

Adspi-

*Adspice, ut insignis spoliis Marcellus opimis
 Ingreditur, victorque viros supereminet omnes.
 Hic rem Romanam, magno turbante tumultu,
 Sistet eques, sternet Poenos, Gallumque rebellem,
 Tertiaque arma Patri suspendet capra Quirino.*

Hic vero diserte tradit Romuli hanc primam fuisse laudem, Cossi secundam, tertiam Marcelli, *lib. II. cap. IIII. Occiso enim rege, Marcellus tertia post Romulum patrem Feretrio Ioui arma suspendit*; vid. *Florus* BEGERI pag. 254. sq. Iam vero ante illud Marcelli factum, quod contigit A. V. IOXXXI. consul Fabius victoriam Siculam de Poenis fuit adeptus, videlicet A. V. C. IOVI. vnde sequeretur quarta Marcello, tertia Fabio spolia haec Iouis Feretrii templo illata convenire. Sed & PIGHIVM & VAILLANTIVM in errorem induxit littera F, quam illi de Feretrio Ioue sunt interpretati; & sic littera K. de Cretensi, A. de Argiuo, E. de Eleutherio, si modo Romae culti fuissent, capi possent; quum tamen nihil aliud sint quam litterae alphabeticae, quales in plurium familiarum innumeris observantur numis; in quo excusari non potest VAILLANTIVS, quum hi quinarii tanto adhuc numero supersint, ut necesse sit, illum plures vidisse, sed praecipitantia editionis non observasse litterarum discrimen. Haecenus cel. HAVERCAMPVS; vid. *thes. Morell.* tom. II. pag. 99. sq. Quid a Fabio consule in Sicilia actum sit, in altera quinarii pagina exprimitur. Hic enim Hamilcari ad Panormum oppositus victoriam erat adeptus, & Drepanum obsederat, hinc *tropaeum*, dictum ἀπὸ τῆς τροπῆς, id est, *conuersione* hostis & fuga. Nam ab eo quod hostem quis fugasset, merebatur tropaeum, quod occidisset, triumphum. Plenae enim victoriae triumphus debetur, semiplenae tropaeum, quia nondum plenam consequutus est victoriam. *Tropaeum* ex duobus lignis in crucis signum compositis constitit; quibus arma, & hostium spolia, adpendebantur; & si aliquando barbari essent debellati, Victoria ipsa ex variis eorundem armis tropaeum adornans in numis exprimebatur. *Captivus* ad imum tropaei, captivos denotat in ea pugna factos,

factos, quorum permutationem hoc anno cum Poenis factam ex *Liuiano compendio* colligitur. Quamuis denique in hoc numulo Romae non adfit nota, ibi tamen eundem cufum esse HAVERCAM-
PVS autumat; quoniam in plerisque Romae signatis abesse nonnun-
quam solet.

C O C C E I A.

204. *Cocceius* NERVA. . . . Caput senile barbatum & laureat.
SALVS. Dea Salus in cathedra sedens, d. aliquid porrigit.

Quum nec a Francisco MEDIOBARBO *inter impp. Rom. numisma-
ta, nec a cel. HAVERCAMPO in thesauro Morelliano, denarii huius
ulla facta sit mentio; adparet hunc indubitatae antiquitatis numum
haud tritum esse atque vulgarem.* Cocceia gens, quae Neruae cog-
nomen habet, illustris pluribus fuit consulatibus, maxime tamen
Nerua imperatore, qui Traianum bono publico adoptauit. Ner-
uam senectute confectum traditis Traiano imperii gubernaculis
priuatum in vrbe vixisse tradunt scriptores. Cumque aduersa
Neruae senile simulacrum demto imperatoris titulo exhibeat;
hinc iam sub Traiani optimi principis imperio, in Cocceiae gen-
tis honorem, quippe quae insignem illum Romanorum impera-
torem produxerat, hunc argenteum signatum esse auguramur,
& propterea eundem potius ad Cocceiae gentis, quam ad impera-
toris Neruae numismata referendum esse duximus. *Salutis deae*
typo salutem & omnigenam felicitatem, occiso Domitiano (sub
quo saeuissimae tyrannidis iugo premebatur s. p. q. r.) rei publi-
cae Romanae imperante Nerua restitutam esse innui videtur. Fu-
sius de Neruae imperatoris virtutibus *parte II.* ad argentea & ae-
rea impp. numismata agetur.

C O E L I A.

205. *Caius* COELIUS CALDVS consul. Caput Caldi nudum, po-
ne tabella litteris L. D. insignita.

CALDVS III. VIR. Caput Apollinis coma sparsa, coro-
na radiata ornatum, inter clypeum & parmam.

Q

Eximiae

Eximiae conseruationis & elegantiae numus. Caeliae gentis plebsiae apud scriptores frequentius fit mentio. Summam huic genti nonnulli vindicant antiquitatem, ab Etrusco videlicet Coelio, qui Romulo contra Sabinos cum suis opitulatum venit; quod illi non videtur competere, quum huius gentis viros *nouos homines* adpellet *Cicero*. Coelii istius res Romae gestas, antequam ad consularem perueniret dignitatem, denarii typus respicit. Hic enim tribunus plebis A. P. V. C. I Oxxxxvi. factus nobilium inimicitiiis inclaruit. Quum etenim in Gallia male a Romanis pugnatum esset, altero ex legatis consularibus L. Pisone interfecto; alter, qui supererat, C. Popillius, ne omnes perirent, cum hostium ducibus colloquio habito, impedimentorum iactura exercitus incolumitatem redemit, vti testatur scriptor Rhetoricorum ad C. Herennium. Reuerso diem dixit tribunus plebis, & quo facilius adfligeret Popillium, quartam legem tabellariam, omnium atrocissimam & inuidiosissimam introduxit. Omnes hasce enumerat *Cicero lib. III. de legib. cap. 16. edit. Gronou. pag. 1308. Itaque isti rationi neque lator quisquam est inuentus, - - - ut opprimeret C. Popillum, nocuisse & rei publicae.* Egregium huius legis hic ipse denarius est monumentum. Et quemadmodum legis Cassiae tabellariae A. C. absolutionis condemnationisque notas fuisse supra num. 188. ex numis demonstrauius; ita ex huius tabellae litteris L. B. h. e. LIBERO DAMNO itidem vota populi Romani contraria indicari veneranda docet antiquitas. Hac enim lege maiori numero vel liberabatur vel condemnabatur reus. Iniquitatem vero iudicii, haud expectata sententia, effugit Popillius, vltro in exilium profectus, vti testatur *Orosius lib. V. cap. 15*, illum tamen in editis male *Caium Publium* dici pridem obseruarunt critici. Hac lege Caelius populi iura mirum in modum auxisse visus, in petitione postea consulatus, tam gratus apud plebem fuit, vt ex competitoribus alter ne descendere quidem ad comitia voluerit, alter contendere ausus, sit superatus, teste *Cic. de per. consul. cap. III. p. m. 1392. Quanto melior tibi fortuna petitionis data est, quam nuper homini nouo* C. Coe-

C. Coelio? - - - - *superior nulla re, paene superavit.* HAVERCAMPVS illud *paene* delendum putat, vel reponendum *plane superavit.* In hisce *Tullius nouum hominem* appellat Coelium, atque nobilibus & antiquo stemmate ortis opponit; neque hic tantum, verum etiam in *oratione pro L. Murena* cap. VIII. p. m. 475. *Quamquam ego iam putabam,* - - - - *Coelitis commemorandis iacebant.* Quum itaque homo nouus, ignobilis, recens a *Cicerone* appellatur, cui tamen cum Coelia familia magna erat amicitia, quis credat ab antiquo illo Coelio genus traxisse? a quo scil. Coelius mons nomen receperit iuxta *Varronem* de L. L. lib. III. In *Suburbanae regionis* - - - - *is deus Etruriae.* In altera denarii parte Solis siue *Apollinis simulacrum* inter *scutum oblongum, fulmine* insignitum, & *parmam.* PITISCVS in *antiqu. Rom. Lexico* parmam scutum forma rotunda fuisse ex *Polybio* docet. Parmae, *Henr. KIRPINGIVS* in *antiquit. Rom.* lib. II. cap. II. p. m. 433. inquit, ligneae erant, corio superinductae; conf. *NIEVPOORTIVS* sect. V. cap. III. p. m. 358. sqq. Et scutum & parmam ad Hispanorum arma referunt antiquarii, peditum scil. & equitum. Spectant haec ad victorias, quas proconsul Coelius fuso equitatu & deletis pedestribus hostium copiis de Hispanis retulit. Littera S. in quibusdam saltem scuto superposita cernitur, in aliis autem, aequae vt in integerrimo hoc *SCHVLZIANO*, abest; hinc eandem litteram merito ad monetariorum notas referendam esse apparet. Caput Solis Coelio nomini & cognomini Caldo (quod sol in caelo videatur, & caldus sit) adludere *VAILLANTIO* videtur. Cel. HAVERCAMPVS ex Hispanorum numis, qui Solis cultum in illis regionibus confirmant, docet Coelium hunc itidem Apollinis imagine eiusdem dei cultum in Hispania innuere voluisse; vid. *thes. Morell.* tom. II. pag. 104. sq. conf. *VAILL. in fam. Rom. num.* tom. I. pag. 291. sq. *Longe pulcherrimum hunc denarium ex praeclara illustr. SCHVLZII familiarum Romanarum in numis collectione* tab. III. num. VIII. conspiciendum exhibemus.

206. Caput Romae alata galea ornatum.

caius coilius caldus. Bigae aurigante victoria, desuper litt. N.

Cl. VALENS C. Coelio Caldo consulari *bigatum* hunc tribuit, eundemque ex vestigalibus Hispaniae signatum esse credidit. Quum autem littera illa H., in qua *Hispaniensem* pecuniam se inuenisse VALLANTIVS existimat, potius aequae ut littera N. monetalis matricum nota sit; adparet valde dubiam esse eruditi antiquarii sententiam. Cel. HAVERCAMPVS ex typo & auersae scriptura ad antiquiorem Coelium, tunc Coilium dictum, denarium hunc respicere autumat; & hinc eundem non reuocat ad C. Coelium consulem vel consularem; sed ad patrem eius C. Coelium Caldum, eundemque hos denarios in quaestura signasse credidit; vid. VAILL. in *fam. Rom. num.* tom. I. pag. 293. conf. *thes. Morell.* tom. II. pag. 105.

C O N S I D I A.

207. Caput deae Libertatis laureatum, retro littera A.

caii CONSIDII PAETI. Sella curulis cum laurea.

Bene conseruatus. Ex L. Confidio tribuno plebis, qui olim agrariam promulgauit legem, *plebeiam* hanc fuisse gentem colligitur. Cognomen Paeti ab oculorum vitio est. Ad illum Confidium, qui ab aliis, librorum errore, perperam Longus dicitur, quique Africae vrbes, post victum Pompeium, magnis conatibus turtus est, hunc celebriores antiquarii referunt denarium. Conferri meretur *Hirrius*, qui in lib. suo *de bello Africano* haud pauca de illo commemorat. Acerrimus Confidius iste quondam Romanae libertatis fuit defensor, qui, procul dubio, ea de causa hinc *Libertatis deae* simulacrum, inde vero *sellam curulem*, magistratus sui insigne expressit. Confidium hunc parricidii quaestorem fuisse, & ideo sellam curulem signasse VRSINVS autumat; vid. *eiusd. fam. Rom.* p. 67. sq. Quum autem teste *Tullio pro Cluent.* cap. XXXVIII. p. m. 418. nobilis is parricidii quaestor, Quintus, non Caius dictus fuerit; adparet h. l. haud satis sibi constare *Fulvium* VRSINVM.

Idem

Idem nobilis antiquarius deinde mutat sententiam, atque rectius existimat, eundem esse cum C. Confidio, cuius meminit *Cic.* cap. I. *orat. pro Ligario* p. m. 642.; vid. VAILL. & HAVERC. in Confidia gente.

C O R D I A.

208. RVFVS III. VIR. Dioscurorum capita cum pileis diademate reuinctis & stellis desuper.

MANIUS CORDIVS. Figura muliebris stans, d. tenet bilancem, l. hastam puram transuersam; humeris insidet noctua.

Asper. Cordia gens *plebeia* fuisse videtur, cuius admodum tenuis apud scriptores mentio est. Vix enim vnus L. Cordi nomen apud *Cic.* lib. III. in *Verr.* cap. XX. p. m. 348. legitur. Productum est a *cordus*, seu *chordus*, qua voce Latini significabant, quidquid serius nasceretur, vnde maturis opponit *Varro* de L. L. pag. 62. Triumvir hic monetalis Manius Cordus, temporis ratione Lucii illius filius fuisse videtur. Per deos *Penates* Lanuvinam Cordiorum originem denotari credidit VAILLANTIVS. *Deam Monetam* in auersa numi pagina effictam munus triumviri monetalis respicere eruditi existimant. *Bilanz* pecuniam iusto pondere designatam esse demonstrat; vnde Iustitiam vel Aequitatem eodem habitu depingunt pictores. *Transuersa diuinitatis hasta* sine dubio *Monetam* pro dea quondam cultam esse demonstrat. De *noctua*, quam VRSINVS & VAILLANTIVS temere neglexerunt, in explicatione tertii Cordiae gentis denarii agatur; vid. VAILL. in *fam. Rom. num.* tom. I. pag. 300. conf. *thes. Morell.* pag. 112. *Fulu.* VRSINVS per PAT. auctus pag. 83.

209. RVFVS. senatus consulto. Caput Veneris cum inauribus.

MANIUS CORDIVS. Cupido delphino insidens, quem regit habenis.

In Iulii Caesaris gratiam a Cordio triumuiro monetali ex S. C. hunc signatum esse denarium docuit *Fulu.* VRSINVS, crediderunt

PATINVS, VAILLANTIUS & ipse cel. HAVERCAMPVS: quod etiam exiguus thesauri Fridericiani numulus pag. 228. confirmat. Caesari itaque ille adulari voluit, quum post Pharsalicam pugnam debellatis hostibus victor Romam rediret; ideo ex altera parte *Veneris* effigiem, quam Caesar sui generis ferebat auctorem, ex altera vero *Cupidinem* Veneris filiolum delphino gaudentem Cordius iussu senatus Romani expressit. *Delphinus*, nisi me omnia fallunt, tum maritimum Caesaris imperium, tum Veneris ex mari ortum respicit; vid. *Fulu. VRSINVS*, PATINVS, VAILLANTIUS & cl. HAVERCAMPVS locis antea excitatis.

210. RVFVS. Noctua cristatae galeae insistens.

MANIUS CORDIVS. Aegis Mineruae, cuius ambitum connexis anguibus ornatum cernas, in medio caput Medusae.

Exquisite conservacionis denarius. Quemadmodum senatus Romanus praecedentem in Iulii Caesaris gratiam cudi curauerat; ita nullum esse videtur dubium, quin Cordius triumphum monetalis iridem & huius numi typo blandiatur Iulio. Hoc enim numo eius civiles simul & militares collaudat artes, prudentiam quidem & doctrinam per *Mineruae voluerem*, fortitudinem per eiusdem *deae arma*; utraque hinc denariorum parte Palladis expressit insignia, ut omnia huius deae in Caesarem quadrare dona significaret.

CORNELIA.

211. CNEUS BLASIO CNEI FILIUS. Caput galea cono & crista insigni ornatum, pone spica, superne asteriscus.

Tres figurae, quarum media virilis, nuda stans, dextra thyrsus, laeva quid ramosum tenens, quod in quatuor filamenta diuiditur, dependente a brachio strophio. Adstat a dextris mulier, d. hastam gerens, l. vestis attollens laciniam; a sinistris conspicitur mulier galeata, quae intermediam coronat figuram, in area palma, in imo aquila inter ROMA.

Patri-

Patricia gens *Cornelia* in varias diuisa fuit familias. Passim enim *Blasiones*, *Lentuli*, *Sullae*, *Scipiones*, *Sisennae*, *Cinnae*, *Cethegi*, *Cossi*, *Balbi*, *Lupi*, *Dolabellae*, quanta nomina! in nobilissimae huius gentis numis occurrunt. *Fulu. vrsinus* huius denarii typum refert ad victoriam *Blasionis* patris, a filio celebratam. *Pig-hius* ab eodem quidem, sed quaestore A. V. C. 1091, hunc denarium signatum esse existimat, atque numi typum *Lutatii Catuli* consulis insignem illam de *Poenis* victoriam innuere autumat. Cui opinioni plura minora similium denariorum symbola fauere videntur. Similes enim in thesauro *Morelliano* vulgari denarii modo tridentem, modo naus proram, modo spicam, modo alios typos minores exhibent; quae omnia facili negotio ad naualem eandem de *Carthaginien-sibus* victoriam referri possunt. Eoque respectu videri posset ipse *Neptunus* hic a *Roma*, cui tam propitius fuerat, coronari, inuidente ab altera parte *Iunone* hanc illi felicitatem, vt *Poenorum* faulrice; *Neptuni* vero dextram hasta, laeuam tridens, exempto ligneo hastili, ornaret. Verum hanc sententiam haud amplectendam esse *cel. HAVERCAMPVS* suadet, quoniam *Neptuno* hoc simulacrum non conuenit, qui barbatus semper effingi solet, quum hoc sit iuuenile & sine barba. Sym-bola vero illa siue typos minores, ad varias officinas pertinere docet idem vir eruditissimus. *VAILLANTIVS* depingi in hoc numo festum, quod *Liberalia* appellabant *Romani* autumat. Figuram enim illam intermediam *Bacchum* esse existimat, aridi cinamomi fruticem laeua tenentem, qui, ex ci. viri sententia, corona hederacea coronatur a *Roma* adstante. Fufius haec persequitur in *famil. Rom. rom. I. p. 336* sqq. Praeclare *cel. HAVERCAMPVS* hanc *VALENTIS* emendauit sententiam, aliamque paullo immutatam adiecit explicationem. Necesse est, inter alia inquit, vt statuamus a *Cn. Blafione* quaestura aliqua iam ante cufos hosce denarios fufcto, & quidem in honorem *Liberi Patris*, & victoriarum eiusdem atque expeditionum testimonium, denarium hunc signatum esse. Hic vero deus dextra quidem thyrsus tenet, sibi proprium

prium ornamentum, laeua vero simpliciter ramum, symbolum pacis, quae victoriarum finis esse solet. Ex duabus autem mulieribus, quae a dextro & sinistro latere Bacchi observantur, altera cultu suo bellico proditur Minerva esse, altera Iunonem exprimere mihi videtur, quae pro nouercali odio, quo Semeles prosequeretur prolem, gradum ab illo retorquet, hastam (diuinitatis symbolum) dextra tenens. Bacchus interim, prudentia & virtute praeditus, victoriarum & famae gaudet claritudine, ideoque a Minerva coronari fingitur; vid. *thes. Morell.* tom. II. p. 113.

212. Caput Martis galeatum, hasta ad humeros exstante.
CNEUS LENTVLVS. Victoria in citis bigis, d. corollam porrigit.

Elegantioris fabricae numus. Conueniunt in eo antiquarii, hunc denarium esse referendum ad Cneum Cornelium Lentulum, qui ex Hispania citeriore ouans anno 10LVII urbem ingressus est, auri & argenti rudis & signati maximam prae se tulit copiam. De qua *Liuius*: *Lentulus*, inquit, *tulit argenti viginti millia pondo, signati denarios triginta quatuor millia, & quingentos quinquaginta.* *Mars*, qui pro solito Romae capite in aduersa cernitur, Romuli pater credebatur, & sic urbis conditor & imperii parens, quem magna religione, vario ritu & pompa colebant Romani: nihil igitur mirum si Cn. Lentulus in denariis bigatis eum expresserit. In Hispaniis hunc & huic similes cufos esse HAVERCAMPO videtur, rudioris enim, ait, sunt fabricae & vox ROMA adest, quae solet indicare Romae cufos esse. Quum autem in bene multis Romae signatis denariis, eodem HAVERCAMPO teste, urbis nomen haud expressum sit, numus insuper iste SCHVLZIANVS elegantia plerisque, in quibus vox ROMA legitur, suo iure palmam praeripiat: hinc ex nostra quidem sententia haud in Hispania verum Romae signatus est iste denarius; vid. *Fulu. VRSINVS edit. Patin.* pag. 84. *VAILL. lib. laud. rom. I.* pag. 324. *HAVERC. in comment. ad thes. Morell.* pag. 114.

213. *Genius Populi Romani*. Caput Genii populi Romani diadematum, pone sceptrum, sub mento littera A.

CNEUS LENTULUS quaestor ex senatus consulto. Sceptrum, cui laurea corona iuncta est, globus & temo.

Subocratus, asper. Diversas eruditi in huius numi interpretatione fouent sententias. *Sebastianus ERIZZO* in *explic. num. antiqu.* pag. 160. denarii huius mentionem faciens refert ad A. V. C. IOCLVI, & consulatum Cnei Cornelii Lentuli atque P. Licinii Crassi; quorum consulum meminit *Plinius* lib. XXX. Hanc nullo modo procedere posse opinionem ex addito quaesturae titulo patet. Vnde *Fulu. VRSINVS* ad quaesturam Cn. Lentuli istius refert, qui consul postea fuit A. V. IOCVII, vel antiquioris alicuius; vid. *VRSINVS edit. Parin.* pag. 85. Cl. VAILLANTIVS hunc denarium potius ad eundem Cn. Cornelium Lentulum reuocat, qui, ex clariss. viri sententia, A. V. C. IOCCIII. Romae quaesturam urbanam gessit; cui sententiae, quod attinet ad Lentuli istius personam, ipse cel. HAVERCAMPVS subscribit, probe interim obseruat, quaesturam illam, & tempus cusi denarii ad annum IOCLXXXIII. reuocanda esse. Omnium rerum gignendarum vim conferebat *Genio* superstitiosa antiquitas. Populusque Romanus Genium suum pro deo coluit, ipsique templum in vrbe exstruxit, cuius *Dio* meminit lib. XXXXVII. & L. Per hunc Genium iurare solebant: vnde *Horat.* ep. VII. lib. I.

*Quod te per Genium, dextramque, pioque Penates
Obsecro, & obtestor.*

Sceptrum a parte capitis, &, addita laurea corona, repetitum ab altera parte, potentiam & imperium populi Romani denorat terra marique, additis earum rerum symbolis *globo & temone*; vid. VAILL. in *famil. Rom. num.* tom. I. pag. 325. sq. conf. *thes. Morell.* tom. II. pag. 115.

214. MARCELLINVS. Caput Claudii Marcelli consulis, pone illud est signum Siciliae, tria crura.

MARCELLVS *consul* *qvinquies*. Claudius Marcellus
spolia opima Iouis Feretrii templo inferens.

*Asper, quem soleris chalcographi peritia dexteritateque eleganter
& nixide aeri impressum tab. III. num. VII. sistimus.* Quamuis iste
denarius iam num. 195. in Claudia gente locum suum ob Marcel-
lum adeptus sit; reperitur tamen & hic propter Marcellinum, qui
hunc in gentis suae honorem signavit denarium. Cn. Marcellinus
quum esset ex gente Claudia, adoptione transiit in gentem Corne-
liam, at ob Marcelli familiam & nomen pristinum, producto eo-
dem nomine Marcellinus dictus est, ex more Romanis vsitato, vn-
de Octavius post adoptionem Octavianus, Aemilius Aemilianus di-
cti sunt; vid. eruditissimi pariter ac felicissimi pecuniae antiquae
omnisque litteraturae cultioris interpretis, *Sigb. HAVERCAMP*
comment. in thes. Morellianum pag. 120.

215. Medusae caput alatum inter tria crura cum totidem spicis.

LENTULUS MARCELLUS *consules*. Statua colosseae Iouis Liber-
ratoris, d. fulmen, l. aquilam tenentis, sub aquila falx
messoria.

Consuetum Siciliae symbolum in antica expressum, in insula si-
gnatum hunc esse denarium denotat. *Tria crura* tria eius insulae
denotant promontoria, Pelorum, Pachynum & Lilybaeum; non
vero recte extenduntur crura pedesque, sed eleuatum genu pro-
monteriorum altitudinem demonstrat, proiecti pedes, eadem
proicere sese in mare longius atque extendere docent promonto-
ria. *Medusae caput*, quod in medio trium crurum est, respicit
originem Corinthiacam, ad quam significandam saepius Pegasus
in Syracusanorum numis cernitur, nonnunquam tamen Medusae
etiam caput, vt apud PARVTAM tab. XXXV. num. 27. Corinthia-
cam inde notat originem, quod fabulae dicant ex cruore Medusae,
quum a Perseo ablatum virginis est caput, Pegasus equum fuisse
natum. Libenter illud in moneta sua receperunt Syracusani, atque
in meditullio trium crurum posuerunt, prudentia & consilio res
omnes

omnes geri debere docentes. *Tres spicae* summam omnis Siciliae denotant fertilitatem, quam *messoria* itidem *fals* in altera denarii pagina exprimit; ex *ibid* Morell. tom. II. pag. 121. Falcem hanc, quam exhibet elegans iste denarius, exprefferunt VRSINVS, PATINVS & VAILLANTIVS. Haud exstitisse falcem in denario, quem depinxit MORELLIVS, adeoque eandem in typis Morellianis non temere omissam esse cel. HAVERCAMPVS testatur: neque enim, loc. cit. inquit, negligentia omissam fuisse falcem meus testatur, a quo itidem falcis figura abest. Cum itaque nec MORELLIVS, nec cel. HAVERCAMPVS vnquam huic SCHVLZIANO per omnia similem viderint numum; facili negotio conficitur, nostrum *varioribus* familiarum Rom. denariis adnumerandum esse. *Iouis Eleutherii* siue *Liberatoris* ab altera parte *statua* cernitur, cuius caput barbatum est, qui Olympius Syracusis, vbi cusus est denarius, appellabatur; huic Hiero II. Siciliae rex magnificum olim exstruxit templum. *Fulmen* Ioui contra gigantes hostes suos, in consulum gratiam exhibetur, quasi eo esset contra Caesarem auxiliaturus: *aquila* additur, quae illi deo ministraret; vid. VAILL. in *fam. Rom. numis* tom. I. pag. 331. conf. *Fulu.* VRSINVS *edit. Rom.* pag. 75.

216. RVFVS consul. *Quintus Pompeius RVFI filius.* Caput nudum Pompeii Rufi consulis.

SVLLA consul. Caput L. Corneli Sullae consulis & dictatoris nudum.

Altera huius denarii pagina ad Pompeiam gentem pertinet, altera, quae Sullae consulis & dictatoris effigiem sistit, hanc respicit familiam; hinc auersam saltem hoc loco exponemus, de Pompeio Rufo, & tempore signati numi infra suo loco agetur fusius. Q. Pompeius Rufus auorum in consularu A. V. IOCLXV. collegarum vultus hoc denario exhibet. L. Corn. Sullae consulis & dictatoris, vxores iuxta *Plutarchum* quinque fuerunt, Ilia, adolescenti adhuc iuncta, dein Aelia, Coelia, Caecilia Metella, & postremo Valeria, Messalae filia, oratoris Hortensii soror. Reliquit liberos Faustum &

Faustam vno partu a Metella editos; & filiam quam post mortem eius Valeria peperit & Posthumam adpellavit. Fausta Q. Pompeio Rufo nupta primum fuit, ex quo Rufum illum sustulit, qui hunc signavit denarium, deinde C. Memmio, & tandem T. Annio Miloni, pro quo *Cicero* dixit. Impudica fuit femina, plures enim simul moechos habebat; vnde lepidum Fausti fratris iocum refert *Macrobius Saturnal.* II, 2. *Faustus, Sullae filius, cum soror eius eodem tempore duos moechos haberet, Fulvium Fullonis filium & Pompeium Maculam: Miror (inquit) sororem meam habere maculam, quum fullonem habeat.* Vxorem Faustus Sulla habuit Pompeii Magni filiam Pompeiam. Ex Fausto Sulla & Pompeia nata fuit Cornelia, nupta Aemilio, ex quibus nati, vir virtute & meritis illustris, Manius Aemilius Lepidus, & Aemilia Lepida, Augusti Caesaris nurus. De Sulla dictatore diligenter omnia scripsit *Plutarchus*, apud quem hominis iracundi & crudelis, atque potentissimi & felicissimi in re publica dominatoris, occurrit vita. Iungitur vero illi in denarii altera parte Quintus Pompeius Rufus, qui consul fuit vna cum Sulla & in ipso magistratu occisus est fraude Pompeii Strabonis, cui successor missus erat. Filius, qui Faustam Sullae filiam vxorem habuit, pariter periit alio tempore, vi illata a Sulpicianis satellitibus; ex *thes. Morelliani commentario* pag. 122. conf. *Fulu. vrsini fam. Rom.* pag. 74. *VAILL. in fam. Rom. num.* tom. I. pag. 356. *Iac. OISELII thes. antiqu. numism.* pag. 552.

217. FAVSTVS. Caput Dianae cum luna bicorni in fronte, pone lituus.

FELIX. Sullae togato in substructione sedenti Bocchus Maurus, imberbis adhuc, ingeniculatus, oliuae rimum porrigit; ab altera parte in alterum genu prolapsum Iugurtha, bene barbatus & paludamento indutus, manus post terga reuinctas habet, vt in triumpho ducendus.

Subaeratus elegans, cuius iustam atque curatius aeri incisam tab.

IIII.

IIII. num. 1. deprehendes imaginem. Non diuites genio suo indulgentes, sed viri iusti & aequi hunc numum quatuor vncialibus valere iudicant. Dianae simulacrum, quod aduersam numi paginam occupat, in Sicilia hunc cūsum esse docet; vid. ea, quae antea ad num. 198. de eadem dea prolata sunt. *Liruum* ad Fausti auguratum spectare eruditi existimant. Huius Fausti nomen in antica, aequē ut patris Sullae cognomen in postica exprimitur. *Io.* HARDVINI finistram, quam in *Plinio* suo tom. I. pag. 398. exhibet, huius numi interpretationem, cel. HAVERCAMPVS absurdam prorsus appellat sententiam. Idque haud iniuria. Excitato enim loco. *Hinc* FAVSTVS, HARDVINVS inquit, *inde* FELIX hanc habet sententiam: *Fecit Africam Vectigalem Senatui Ter Victor Sulla Felix*, an ergo, his HAVERCAMPVS addit, Africam vectigalem etiam senatui fecerunt consules Lentulus & Marcellus? eodem enim iure, more HARDVINI, legere possum supra num. VIII. tab. III. *Fecerunt Africam Vectigalem Senatui Ter Victores Summi* LENTULUS MARCELLUS consules. Et hic & ibi idem Faustus intelligitur. FELIX vero, mox subiungit vir clarissimus, non scribitur per geminum E. ad maiorem emphasin, siue ad distinguendum a nomine adiectiuo cognomen, ut dicit ibidem HARDVINVS, sed ex culpa monetarii; in denariis enim VRSINI, VAILLANTII, MORELLII, BEGERI & meis exstat FELIX, pro quo in eo quem vidit HARDVINVS scriptura FEELIX incuriam monetarii ostendit. Haecenus cel. HAVERCAMPVS. *Felicitis* cognomen ab hostibus expressum, ab adulatoribus laudatum, cupide recepit Sulla, videbatur enim inuidiam, quae virtutis comes esse solet, cognomine illo amoliri posse, ut praeclare ex *Plutarcho* cel. HAVERC. docet; vid. *Plutarch. in vita Sullae* pag. 452. *Sulla autem multis . . . diuinitus oblatam agnosceat.* Conf. tom. II. pag. 318. *de fortuna Romanorum.* *Sulla quaque inuidiam . . . seipsum proficisci existimant.* Ob hanc eandem felicitatem se tanquam Veneris iactauit nepotulum; cui videlicet nunquam in alea atque lusu humanae vitae damnosum canes, sed felix semper & lucrosa cecidisset Venus; sic enim iactus

feliciſſimus ab aleatoribus appellabatur. Ex *thef. Morell* tom. II. pag. 124. ſq. Superest vt illuſtrem auerſae typum ex eruditorum ſcriptis explicemus. Breuibꝯ VRSINVS hanc interpretatur paginam, cuiꝯ typum ex Sullae annulo a Fauſto deſumptum eſſe aiunt. In altera denarii parte, inquit, Iugurtha, qui vinctis poſt tergum manibus a Boccho rege Sullae in ſolio ſedenti traditur, ſignatus eſt; quam quidem traditionem in annulo Sullam expreſſiſſe ſcribit *Plutarchus* in *eius vita*, & in *Mario*, caetera. Metuendus itaque ille populi Romani hoſtis Iugurtha, vinctus & a Boccho ſocero proditus in poſtica parte exprimitur, Bocchus vero ipſe ſupplex pacem petit & populi Romani adorat potentiam. *Salluſtius* in libro de bello Iugurthino, *Plutarchus*, *Florus*, & alii, hanc narrant hiftoriam; vid. *VAILL. fam. Rom. num.* tom. I. pag. 337. conf. *OISELII theſ. antiqu. numiſm.* pag. 227. ſq. Auverſae denarii partis inſcriptio docet, Romanos vocabulum *felix* ſimplici E ſcripſiſſe. Vnde perperam nonnulli diphthongum in hac voce adhibent; vid. *cel. Io. Gottl. HEINECCII ſili cultioris fundamenta*, & ill. *Cbriſtoph. CELLARII orthograph.*

218. *Lucius MANLIUS PRO Quaefor.* Romae galea alata ornatum caput.

Lucius SYLLA Imperator. Sulla, ſtans in quadrigis triumphalibus, d. caduceum gerit, l. tenet equorum habenas, aduolat ſuperne victoria cum corolla.

Eleganter ſignatus, aſper, quem vnciali numo periti coemere ſolent. Quamuis numi conſtanter nomen *Sullae* per V. habeant; tamen rectius ſcribi *Sylla* per Y. aſſerit *VAILLANTIVS*. Hi enim, inquit, antequam *Syllae* dicerentur, *Rufi* appellabantur; illud vero cognomen inditum P. Cornelio Ruſo decemuירו, quod illo ſuadente, bello punico ſecundo, ludi Apollinares ex libris Sibyllinis primum ſunt inſtituti, vnde *Sibylla* dictus eſt, deinde corrupto nomine *Sylla*, caetera. *Iſaacus CASAVBONVS* in *commentario ad Suet.* Non praetermittam, inquit, antiquitatis ſtudioſos monere nomen dicta.

dictatoris huius *Sylla* per Y. semper scribi in Memmiano siue Turonensi optinae notae codice: quam scripturam, *Ciceronis* praefertim auctoritate expressa confirmatam, aduersus Verrium Flaccum & Fastos Capitolinos iure defendit *Aldus Manutius*, vir eruditissimus, in *orthographia sua*; vid. *Suetonius in vita Iul. Caes.* cap. I. edit. GRAEVII pag. 3. Rectiusne cum VALENTE, CASAVBONO, aliisque, *Syllae* an *Sulla* scribatur, disquirit BERNEGGERVS ad *Suet. Caes. disp. I. coroll. I.* Amplissimum *Sullanum* de Asia & rege Mithridate *triumphum* hic cernis, cuius ad haec vsque tempora, elegantissimum istud praeae antiquitatis monumentum conseruauit memoriam. Triumphum in vita Sullae describit *Plutarchus*; & quoniam ipse per dictaturam suam videri volebat pacem populo Romano reddidisse, *caduceum* manu tenet, non scipionem eburneum. De L. Manlio eius proquaestore infra in gente Manlia agendum erit; vid. *thes. Morell.* tom. II. pag. 127.

219. CAIUS CAESAR III. VIR REI PUBLICAE CONSTITUENDAE. Caput nudum adolescentis Caesaris.

BALBUS PRO PRAETORE. Claua Herculis erecta.

Subaeratus, qui vero argenteam amisit laminam; eius praerium constituit MORELLIVS *sex tribalerorum.* L. Balbum L. F. ex Gadibus Hispaniae vrbe oriundum, cum fratre Publio, in bello Sertoriano ciuitate donauit Pompeius Magnus. Bello ciuili inter Caesarem & Pompeium armis abstinuit. Post varios honores tandem anno ICCCXIII. cum P. Canidio Crasso consul suffectus fuit. Hic primus extra Italiam natus consulatum adeptus est, vnde illud inter felicitatis exempla enumerat *Plinius VII. 43. Fuit & Balbus Cornelius maior consul, sed accusatus, atque de iure virgarum in eum, iudicum in consilium missus; primus externorum, atque etiam in Oceano genitorum vsus illo honore, quem maiores Latia quoque negauerunt.* Maiorem appellat, propter nepotem cognominem ex fratre Publio, item L. Cornelium dictum, & qui pariter ad summos peruenit honores. Peregrinitatis vero accusatus, a Pompeio,

peio, Craſſo, & Tullio defendi meruit; extat hinc pro eo praeclara *Ciceronis* oratio, qua illius defendit ciuitatem. *Hercules clauam* ad indicandam ſuam originem expreſſit. Gadibus enim Hercules Tyrius inſigni religione colebatur; vide, quae de Gadibus inſula, & templo in honorem Herculis ibi quondam exſtructo narrat *Strabo* lib. III. Cudit vero denarium hunc pro praetore in provinciam proſectus A. V. 1000 XII; vid. *Fulu. VRſINVS edit. Rom.* pag. 77. VAILL. tom. I. pag. 363. HAVERCAMPVS in *comment. ad theſ. Morell.* pag. 137.

C O S C O N I A.

220. *Lucius cosconius marci filius.* Caput Romae galeatum cum denarii nota.

Lucius Licinius. Cneus Domitius. Mars in citis bigis, d. haſtam vibrans, l. parmam tenet & lituum militare.

Vnius thaleri pretium huic denario conſtituit ipſe peritiſſimus MORELLIVS. Vtrum Coſconia gens patricia an plebeia fuerit VRſINO incertum eſt: cel. HAVERCAMPVS eandem *plebeiam* fuiſſe autumat. Occurrit numus iſte & in Domitia & Licinia gente. Fuit L. Coſconius triumuir monetalis ſine dubio ſub cenſura Cn. Domitii Ahenobarbi & L. Licinii Craſſi, quorum nomina ſub bigis ſcribuntur, quum nomen triumviri monetalis ad Romae caput in aduerſa inueniatur. Ahenobarbus hic atavus Neronis imperatoris fuit, de quo Craſſus, vir facetus & mire promptus, dixiſſe fertur: *Non eſſe mirandum, quod barbam haberet abeneam, cui os ferreum, & cor plumbeum eſſet*, vt in *vita Neronis* cap. II. p. m. 524. teſtatur *Suetonius*. Cenſuram hi non ſine iurgiis & rixis plurimis geſſerunt, vtpote ingenio admodum diſpares. Bonas tamen res multas ſanxerunt, & circa pecuniam quoque aliquid ſtatuiſſe videntur, vnde nomen eorum in denariis notatum legitur. Cenſuram vna inierunt A. V. C. 1000 LXI. atque per quatuor annos geſſerunt, vnde plures triumviri monetales eorum ſimul ſignarunt nomina. L. Coſconium hunc M. Coſconii filium facit HAVERCAMPVS, illius ſcil.

scil. qui A.V. Iocxviii. praetor in Macedoniam missus, prospere in Illyrico cum Scordiscis, Thraciae populis, pugnavit, vt *Liuii epitome* docet lib. LIII. Ex *thes. Morell.* tom. II. pag. 144. conf. VAILL. & *Fulu.* VRSINVS in hac gente.

C R E P V S I A.

221. *Lucius CENSORINUS.* Caput Iunonis Monetae comtum & velatum.

caius LIMETANUS. publius CREPVSIUS. Dea eadem vtraque manu tenens habenas, celeres agit bigas, desuper J. XVI.

*Has numerales auersae novae haud observarunt eruditi. A vulgari igitur passim laudatorum antiquariorum numis nostrum esse diversum coniecimus. Quum qd tres diversas familias denarius isse pertineat; apparet eiusdem minimum unius Iacobinici esse pretium. Crepusiae gentis nusquam in historiis fieri mentionem iam pridem observavit Fulvius; vnde eam haud patriciam fuisse antiquarii opinantur. Obscurae huius familiae nomen a crepusculo, seu luce obscuriore derivatum videtur. Hosce tres, quorum nomina numus exhibet, simul triumviros fuisse monetales eruditi iudicant; collegarum familiae, Marcia, ex qua Censorinus, Mamilia, ex qua Limetanus, notiores quam Crepusia haec, ex qua Publius monetalis, fuerunt. Quum hic denarius, vbi nulla res illustrior suppetebat, solum triumviris monetalibus conveniat; Iunonem Moneatam ab vtraque parte depingi cum HAVERCAMPO credimus. VAILLANTIVS Libertatis deae potius, quam Iunonis Monetae, typum hic exhiberi auguratur, quod, sicut in Cassiae gentis denario, quem supra num. 191. exhibuimus, pileum altera manu figura muliebris in bigis teneat, ita hic quoque pileum se vidisse in numo crediderit. Verum secus est tum in VRSINI, MORELLII aliorumque typis, tum in eleganti denario, quem ex instructissimo celeberrimi quondam Antiquarii κρηνηλιαρχεω desumptum nunc describimus; vid. VAILL. in *famil. Rom. num.* vol. I. pag.*

374. CONF. HAVERCAMPVS *in elegantissimo suo ad thes. Morell. comment.* pag. 146.

222. Caput Veiovis laureatum inter fulmen & sceptrum, pone litt. K.

Publius CREPVSIVS. Eques dextra vibrat iaculum; desuper notae numerales C C C C I.

VRVINVS statuam hanc equestrem in alicuius Crepusiorum honorem fuisse erectam autumat, cuius memoriam renouare voluerit P. Crepusius iste, qui idem est cum praecedente; vid. *eiusd. fam. l. Rom.* pag. 81. sq. Eadem *Fulvii* opinione ducitur etiam cl. VAILLANTIVS, & hosce denarios ab eodem in quaestura cufos fuisse credit, non quum triumvir monetalis esset, quoniam collegarum nomina non exprimuntur; vid. VAILL. *loc. cit.* Iupiter Auxur, id est, sine nouacula, seu imberbis in Campania cultus, ad indicandam forte Crepusiorum originem priorem numi paginam occupat. At vero, cel. HAVERCAMPVS l. c. inquit, sicuti Campanum proprie numen fuit Iupiter Auxur, ita Crepusium credo ex Campanis originem traxisse, atque ab altera parte numen patrum & religionem monstrasse, ab altera vero virtutem bellicam antiquorum Campanorum praedicare voluisse. Fuere vero Campani, mox subiungit, equites insignes, quod vel vnus ille *Liuii* locus demonstrat, vbi docet ad ferociam eorum (dum Capua obsidebatur) comprimendam, primum excogitatum a Romanis fuisse, vt velites in legionibus essent. *Liuii* lib. XXVI. cap. IIII. *Ceterum in multis certaminibus - - - ei apud imperatorem fuisse.*

C V R I A T I A.

223. TRIGEMINUS. Caput Romae solita galea ornatum.

Caius CVRIATIVS. ROMA. Figura muliebris in citis quadrigis, d. equorum tenet habenas, l. scipionem eburneum cum aquila insidente; adstat a tergo Victoria, quae eandem coronat.

Curia-

Curiatiam gentem fuisse *plebeiam* patet ex C. Curiatio, impudentissimo illo tribuno plebis, qui A.V. Iocxv. Brutum & P. Scipionem Nasicam consules in vincula duci iusserat. In postico huius numi typo VRSINVS, PATINVS, VAILLANTIVS, aliique figurae in quadrigis facem tribuunt. MORELLIVS distincte scipionem pinxit, in cuius summo aquila cernitur: Io. HARDVINVS itidem scipionem & in eius apice aquilam Romanam agnoscit, quamvis in denarii delineatione eius pictor facem exhibuerit. Cel. Sigeb. HAVERCAMPVS: in hac diuersitate, inquit, quum meum quoque consuluissem museum, detritiorem in summa parte denarium inueni, quam ut dignosci a face altera figura possit. Etsi autem SCHVLZIANVS iste pariter paululum detritus sit; aquilam tamen a flammula nudo oculo, tanto autem certius armato in hoc denario probe distinguas. Credimus itaque Romam victricem deae habitu in eo expressam esse; Diana enim Lucifera, quam depingi putat VAILLANTIVS, passim in bigis non in quadrigis cernitur. Curiatiae gentis familia fuit Trigeminorum, ex qua ortus est C. Curiatius is, qui hunc signauit denarium. Aberrantes VAILLANTII, & ipsius Io. HARDVINI de hoc numo coniecturas haud leuiter perstrinxit cel. HAVERCAMPVS; de qua eruditissimorum virorum lite consulendi sunt doctissimi in *thesaurum Morellianum commentarii*.

C V R T I A.

224. *Quintus CVRTIUS*. Caput Romae galeat. cum denarii nota. *MARCUS SILANUS*. ROMA. Iupiter in citis quadrigis, d. fulmen, f. sceptrum & habenas, desuper elephanti caput cum proboscide.

Elephantinum caput nec in PATINI, nec VAILLANTII, nec ipsius denique MORELLII typis deprehendes. Cel. Iul. Carol. SCHLAEGERS in simili Curtiae gentis denario primum obseruauit lituum; vid. numophylac. Burckbardian. part I. pag. 34. Quinti Curtii illius, cuius numi ex hac gente supersunt, tribunatus plebis *plebeiam* hanc fuisse gentem docet. Duo hic tantum triumuiroi monetales memo-

rantur, sicuti tres in plerisque. Experientia enim docet in numis ex ternario illo numero modo duos, aliquando vnum, saepe tres simul inscribi; conf. ea, quibus supra num. 143. Aeliae gentis numum exposuimus. De *Romae capite & Ioue in quadrigis*, vnde *quadrigati* nomen acceperunt, sicut *bigati* a bigis, supra ad num. 152. 174. & alibi passim egimus, conf. num. 149. 150. *Caput elephantis*, Metellorum insigne, indicat forte, tertium triumvirorum monetarium ex Caecilia gente fuisse.

D I D I A.

225. CONCORDIA. *publius* FONTEIVS CAPITO III. VIR. Caput deae Concordiae velatum.

Villa publica. titus didius imperator Aedificium villae publicae duplici columnarum ordine sustentum.

Integerrimus. Propter legem sumtuariam, a Didio (tribuno, ut creditur plebis) laram, Didia gens *plebeia* eruditis videtur. Gessit haec gens & alios in re publica honores atque ad consulatum peruenit. *Villa publica* amplum & insigne quondam fuit aedificium; cuius mentionem facit *Liuius* III. 22. *Eo anno C. Furius Pacilus, & M. Geganius Macerinus censes villam publicam in Campo Martio probauerunt.* Hostium legati, forsitan & alii, quos tutum non aestimabant in urbem intromittere, audiebantur ibi atque excipiebantur. *Liu* XXXIII. 9. *Macedones deducti extra urbem in villam publicam, ibique illis locus & lautitia praebita.* Necessesse vero erat, ut nonnunquam aedificaretur, tempore prolapsa. Hinc *VAILLANTIVS*: Et si vera nostra est coniectura, inquit, de manubiis Celtriberorum restaurata est labens villa publica, in cuius memoriam P. Fonteius Capito triumphum hunc denarium cum nomine T. Didii, adiuncto imperatoris titulo, percussit, ut eius victoriis villam publicam fuisse resectam denotaret. *Ciceroni* postea idem munus obuenit, ut patet ex *epist. ad Attic.* III. 16. *edit. Gronov.* pag. 896. *Efficiamus rem gloriosissimam, - - - - - laboramus res Romanas? Concordiae velatum caput, deae Concordiae sacram fuisse villam publicam*

blicam denotat; aptum enim numen est rei in vsum publicum exstructae. *Imperatoris titulum* T. Didio *Sallustius* apud *Gellium* lib. II. cap. XXVII. p. m. 117. attribuit; vid. *thes. Morell.* tom. II. pag. 153. *VAILL. famil. Rom.* tom. I. pag. 385. *Fulu. VRSIN. famil. Rom.* pag. 85.

DOMITIA.

126. *Lucius cosconius marci filius.* Caput Romae galeatum cum denarii nota.

L. Licinius Cneus Domitius. Vir nudus in bigis, d. hastam vibrans, l. parmam tenet & baculum, qui in caput asinum definit.

Servatus. Domitia gens in duas quondam diuidebatur familias, quarum altera Caluinorum, altera Ahenobarborum cognomine vsa fuit. *Fulu. VRSINO* & *cl. VAILLANTIO plebeia* dicitur: *cel. HAVERCAMPVS* Ahenobarbos inter patricios referendos esse ex *Suetonio* docet. Verba, quae in suas partes vocat vir doctissimus, sunt in *Neronis vita* cap. I. p. m. 523. *Ex gente Domitia duae familiae - - - - - tum Lucios, tum Cneos.* Domitium hunc inter maiores Neronis memorandum, atauum fuisse imperatoris istius, supra in *Cosconia* gente diximus. Gesta huius Domitii non admodum probauit populus Romanus teste *Val. Maxim.* VIII. 3. p. m. 332. *Cn. autem Domitium summi generis - - - - - custodiae causa relegauit.* Sub censura, quam *L. Licinius Crassus* & *Cn. Domitius* quatuor gesserunt annis, plures & varii fuerunt triumviri monetales, ex gente Aurelia, Aemilia, Publicia, Pomponia, Porcia, & *L. Cosconius* iste ex familia *Cosconia*, propterea *Cosconii* huius nomen, aequae ut reliquorum sub hac censura triumvirorum monetarium, inaduersa Romae galeatae simulacro iungitur. A.V.C. IOCLXII. *Lucius Valerius Flaccus* prospere contra Hispanos pugnavit, huius victoriae monumentum monetae suae impresserunt eiusdem anni triumviri monetales; initio vero anni proximi, tres novi triumviri monetales, eundem typum, ut rei publicae glo-

riofum repetierunt. Typum hunc referentes numos omnes fer-
ratos effe obferuauit HAVERCAMPVS; vid. *eiufd. comment. in rhes.*
Morell. pag. 42. 153. & paffim.

227. ROMA. Caput Romae galeatum cum denarii nota.
CNEVS DOMITIUS. Iupiter in lentis quadrigis, d. ramum
gerens, l. fulmen & equorum habenas.

Vtrum in auerfa huius numi pagina triumphus Cn. Domitii A-
henobarbi, qui A.V. 1000000. proconfule ex Hispania triumphauit,
an illius Cn. Domitii, qui anno 1000000. de Gallis Auernis triumphauit,
expreflus fit, Fulv. VRSINVS dubitat. GOLTZIUS
prioris Domitii triumphum hic depingi autumat. Quoniam au-
tem ille Domitius, vt praeclare HAVERCAMPVS obferuat, infcribi-
tur cum cognomine familiae fuae Ahenobarbus; hinc rectius a
VAILLANTIO ad antiquiorem Domitium, qui de Auernis trium-
phauit & Gallorum regem Bitultum anno 1000000. ante cur-
rum duxit, denarius ifte refertur. In eo autem, iudice pereru-
dito HAVERCAMPO, errat VAILLANTIVS, quod GOLTZII pictu-
ram fequutus imperatorem togatum in curru expreflerit, fcipio-
nem confularem laeua tenentem & palmae ramum dextra. Id con-
tra denariorum fidem effe afferit vir doctiffimus. Minus recte de-
pingeri fcipionem apud VAILLANTIVM facile largior. Quoad o-
ram autem noster adeo detritus eff, vt vix rami vefigia inuenias,
multo minus palmam hic ab oleae ramo dignofcas: hinc ego
nec illud HAVERCAMPO affentiri valeo, nec certe negare audeo;
vid. *rhes. Morell. tom. II. pag. 155. VAILL. in fam. Rom. tom. I. pag.*
389. Fulv. VRSINVS edit. Patin. pag. 101.

D V R M I A.

228. CAESAR AVGVSTVS. Caput Aug. querneae corona infigne.
MARCUS DVMIVS III. VIR. Pagurus papilionem volan-
tem acetabulis comprehendens.

Duodecim rhaetorum hunc MORELLIVS aestimat; quem tab. IIII.
num.

num. II. exhibemus conspiciendum. Neque gentis huius nouae, quae procul dubio sub Augusto Romae inclaruit, neque huius M. Durmii, qui triumuir monetae cudendae hunc signauit denarium, vlla apud scriptores reperitur mentio. Ex supra dictis patet, Augustum aereae monetae cudendae facultatem senatui reliquisse, aureae vero & argenteae sibi sumsisse. Inde triumuiroi monetales, qui in aereis leguntur numis, ad senatum spectant; qui vero exstant in aureis atque argenteis, agnoscuntur esse triumuiroi monetales Caesaris. Inter illos triumuiros monetales fuit M. Durmius. Celebre illud Augusti dictum *ὁρῶντε βραδέως, festina lente*, hoc adumbrari symbolo dudum eruditi obseruarunt. *Corona* vero *quernea* hic Augusti caput coronat propter ciues seruatos, cuius rei gratia infra in Gallia gente adparebit cum rei ipsius significatione; vid. *Fulu. VRSINVS per PATINVM auctus* pag. 102. conf. *Io. VAILLANTIVS in famil. Rom. num. tom. I. p. 401. sqq. Iac. OISELIUS in thes. antiqu. numism. pag. 357.*

229. *MARCO DURMIO.* Caput Honoris diadematum cum claua Herculis & exuviis leonis circa humeros.

CAESAR AVGVSTVS SIGNIS RECEPTIS. Parthus genuflexus signa reddens.

Fulvius VRSINVS & cl. Carolus PATINVS huius denarii prorsus nullam faciunt mentionem. Io. VAILLANTII & ipseus MORELLII typi quoad auersam nostrae sunt simillimi, verum in illorum aduersa neque Herculis clauam, neque leonis exuias offendimus; perraris itaque hunc, quem tab. III. cum III. probe delineatum sistimus, merito adnumerandum esse oppido constat. Honoris caput ad restitutam ab Augusto Honoris aedem respicere antiquarii existimant. Ego vero ex hac *Herculis claua & leonis spoliis*, fortitudinis symbolis, paene colligerem, Durmium Augusti honorem fortitudine adquisitum aduersae huius numi typo indicare studisse. Memoriam Parthicae expeditionis celebrat auersa denarii pagina; quum enim A.V.C. lcccxxxiiii. in Syriam venisset Augustus, rex Parthorum

thorum Phraates bellicum eius metuens adparatum, ultro & captiuos omnes, paucis demptis, qui se pudore morti interemerant, aut occulte remanserant, & *signa militaria* Crasso erepta restituit, hanc itaque historiam Durmius hoc typo memoriae prodidit; vid. *Dio* lib. LIIII. conf. *VAILL.* in *famil. Rom. num. loc. cit.* HAVERCAMPVS in *comment. ad thes. Morell.* pag. 34. & l. c.

E G N A T V L E I A.

230. *caius* EGNATVLEIUS *cai filius* *quaestor.* Caput Apollinis laureatum.

ROMA. Victoria componens tropaeum, & clypeo eidem appenso inscribens, in area litt. Q.

Familiae Egnatuleiae *plebeiae*, vt eruditis videtur, mentionem faciunt *Tullius*, qui in *Philipp.* III. p. m. 672. L. Egnatuleium quaestorem & ducem quartae legionis plurimum collaudat, & *Spartianus* in *Seuero*, a quo imperatore occisum commemorat Egnatuleium Honoratum *cap.* XIII. quem inter complures nobiles senatores enumerat, quos occidit *Seuerus*. Alios ex lapidibus profert *VR SINVS*; vid. *cel. HAVERCAMPVS* in *prooemio ad hanc gentem*. Ad L. Egnatuleii patrem, qui *Caesaris* & postea *Octauii* partes sequutus est, de quo *Cicero* in *Philippicis orat.* III. *loc. cit.* & *cap. ultimo*, & *orat.* V. *cap.* 19. p. m. 679. meminit, quinarium hunc retulit *VR SINVS*. Litteram Q. quae in altera quinarium pagina cernitur, alii *Quaestorem*, alii *Quinarium* designare autumant. His autem *cl. VAILLANTVS* pag. 409. obicit, quinarium notam esse V. ad indicandum quinque asses illum valere, prouti scilicet X. denarium denotare solet; vnde concludit ipse, litteram Q. notam esse monetarii. At vero, *cel. HAVERCAMPVS* addit, scire harum deliciarum studiosos velim, litteram Q. maxime propriam esse numis in *Sicilia* & quidem *Syraculis* signatis, in cuius urbis innumeris argenteis numismatis, quae plerumque *Pegasus* exhibent, inueniuntur. Indicat vero *Corinthicam* eius urbis originem, & litterae K vicem obtinet; caetera. Quare auguror, paullo post subiungit

vir doctissimus, quinarium hunc in Sicilia fuisse cufum a quaestore Caesaris Octauiani C. Egnatuleio, & quidem postquam vniuersa Sicilia expulsus esset Sextus Pompeius, reliqua. *Tropaeum* eadem quinarii parte conspicimus, in quo *clypeus* observatur, cui Victoria inscribit; & quid? nisi hunc vel similem titulum, quem eodem fere tempore, redeunte ex Sicilia Caesare, statuae eiusdem auratae pro rostris inscripsit senatus: ὅτι τὴν εἰρήνην ἐσασιζομένην ἐκ πολλῆς συνέστησε κατὰ τε γῆν καὶ θάλασσαν. *Ob pacem post diuturna bella terra marique redditam.* In ipsa quinarii pictura VAILLANTIVM recte increpat eruditissimus *Christ. Sigism. LIEBEVS*, quod vitiosam potius eorum qui ante se idem fecerant, delineationem repetierit, quam ex fide ipsorum quinariorum, qui, ex cel. HAVERCAMPII sententia, sane vulgares & vbiuis obuii sunt, fecerit; quod in opere VAILLANTII de *numis consularibus* siue *familiarum* nouum non est, quum in eo omnia praecipitanter egerit, VI MORELLIVM, simile opus edere molientem, praeueniret. Velum enim a VAILLANTIO aliisque ponitur pro lituo militari, qui in omnibus eiusmodi quinariis ad alteram tropaei partem (sicut & in nostris integerrimis) exprimitur. Obscurior vero & detrita magis fuisse videtur in numis VRSINI atque PATINI, ita ut velum depingi crediderint. Haec inter alia ad hunc Egnatuleiae gentis quinarium HAVERCAMPVS commemorat; conf. *Christ. Sigism. LIEBEI Gottha numaria*, qui pag. 230. ex refertissimis gazis Fridericianis probe observata iusta magnitudine elegantissimo huic SCHVLZIANO simillimum exhibuit quinarium.

F A B I A.

231. LABEO. ROMA. Caput Romae galeatum cum nota denarii. *quintus FABIVS*. Iupiter in quadrigis, d. fulmen tenens, l. sceptrum & equorum habenas, sub equis naus prora cernitur.

Asper. Fabia gens, *Plutarcho* teste, a Fabio Herculis filio orta, *patricia* maiorum gentium fuit. Alii a fossis, quibus huius gentis
T prin-

principes feras capiebant, alii ex fabarum cultura, alii denique aliunde gentem hanc nomen sortitam esse autumant. Haec gens in plurimas distincta familias, varia accepit cognomina. In numis occurrunt Labeones, Maximi, Pictores, Adriani, Hispanienses. *Iupiter in quadrigis* decurrentibus, ut supra passim monuimus, non triumphi, sed denariorum quadrigatorum est symbolum. Q. Fabii Labeonis, cuius in hoc denario nomen occurrit, filius forte fuit is, quem laudat *Tullius in Bruto* cap. XX. p. m. 152, quemque ibi confert cum Ser. Fabio Pictore. Pater vero Q. Fabius, in hoc denario Labeo inscriptus, A.V.C. 101XIII. praetor classi praefectus fuit. Hinc apud *Liuium* lib. XXXVII. 50. p. m. 973. *Praetores deinde sortiti sunt Q. Fabius Labeo classem*; caetera. Sed ubi cum classe in Asiam venit Fabius, pax iam Antiocho concessa erat, res tamen ab eo in Creta insula atque alibi gestas, & naualem inde triumphum eiusdem commemorat *Liuius* in extremo libri XXXVII. p. m. 980. *Eodem fere tempore, & Cn. Monlius . . . eae ciuitates essent.* Egregie exiguum hunc *navis prorae* typum, quem sub anterioribus equorum pedibus cernis, ab HAVERCAMPO excitatus iste *Liuii* locus illustrat. *Valer. Maximus* lib. VII. cap. III. 4. p. m. 249. commemorat. *Eundem, quum a rege Antiocho, quem bello superauerat, ex foedere icto dimidiam partem nauium accipere deberet, medias omnes secuisse, ut eum tota classe priuaret.* Haec tamen (ut itidem vir summus, saepius iam laudatus monet) in omnibus non conueniunt cum *Liuii* de eadem re verbis; vid. *Liuii* lib. XXXVIII. cap. 39. *edit. Gruter* pag 1006. *Q. Fabio Labeoni, qui classi praeerat, scripsit, ut Pazara extemplo proficisceretur: quaeque ibi naues regiae essent concideret cremaretque. Profectus ab Epheso quinquaginta rectas naues aut concidit, aut incendit.* Ex conditione enim foederis cap. ibid. 38. regi decem naues auctuariae relinqui debebant. Eundem hunc Labeonem Telmessum eadem expeditione (territis subito aduentu classis oppidanis) recepisse, eodem loco *Liuius* commemorat. Ex his omnibus patet, recte *navis prorae* in eleganti hoc denario poni; omnis enim

Q. Fa.

Q. Fabii Labeonis potestas naualis fuerat, & classem Antiochi adfligendo Romanas vires auxerat; vid. *thes. numismaticus* Morell. tom. II. pag. 165. sq. conf. *VAILL. fam. Rom.* tom. I. pag. 414. sq. *Fulu. VRSINVS per PATIN. auctus* pag. 107. Romae hunc denarium signatum esse adiecta vox ROMA denotat.

232. *Quintus Maximus. ROMA.* Caput Romae galeatum cum denarii nota.

Copiae cornu, cum fulmine per transuersum, coronae ex lauru, glandibus, & spicis contextae inclusum.

Integerrimus, quo eleganter doctus apud Cibirienfes in Transilvania medicus, Io. Samuel HVEBER cimelia SCHVLZIANA adauxit. Denarium hunc Romae signatum esse constat. Quo vero anno, & a quonam eorum, quibus in Fabia gente Maximi cognomen & praenomen Quinti fuit, cusus sit, vix diuinare licebit. Hinc merito diffidunt sibi eruditi, cui ex tot Fabiis hunc numum adsignent. *Fulu. VRSINVS* eundem Q. Fabio Maximo tribuit, qui A. V. 1000CVIII cum C. Trebonio consul in magistratu mortuus est, cuique Caninius Rebilus in vnum diem suffectus fuit, de quo *Cicero* apud *Macrobius*: *Vigilantem habemus, inquit, consulem, qui toto suo consulatu somnum non vidit*; vid. *VRSINVS per PATIN. auctus* pag. 108. *VAILLANTIVS* ad Q. Fabium Maximum, cognomine Eburneum ob candorem dictum, refert, cui puero in cunis fulmine natis icta fuit, vnde & pullus Iouis audiit. In cuius casus memoriam sub *figura fulminis* Iouem, a quo in cunis conseruatus fuerat, hic exhiberi idem *VAILLANT.* credidit, & hunc denarium in aedilitate eiusdem cuseum fuisse, & propterea vbertatis habere symbola. Aliter sentit *cel. HAVERCAMPVS*, dum: Credo, inquit, singularem quandam vbertatem eius anni, quo cusa fuerint haec numismata, indicari, quo videlicet caliditate aëris, cuius *fulmen* symbolum est, sub Ioue videlicet placido, maximus frugum fuerit prouentus; vnde non tantum *cornu copiae* frugibus plenum exprimitur, verum additur *corona* typum ambiens *ex foliis, floribus, glandibus, & spicis*

T 2

con-

contextra; docens hominibus & animalibus vberem istum annum fuisse & summa fertilitate beatum. Romae cusi sunt denarii a quaestore urbano Q. Fabio Maximo, a quo, & quo anno, difficile est definire. Haec cel. HAVERCAMPVS; vid. *eiusd. comment. in thes. Morell.* pag. 166. VAILL. in *famil. Rom. num.* pag. 424.

233. Caput muliebre turritum & velatum, cum litt. EX. A. P. V. *caius FABIVS caivtilius*. Victoria in citis bigis; sub anterioribus equorum pedibus avis cernitur; in area litt. G.

Asper. Quum in singularis huius denarii explicatione antiquarios valde inter se dissentire animaduertentem; operae pretium me facturum esse arbitrabar, si celeberrimorum in re numaria ducum diuersas de huius numi typo sigillarim percenterem sententias. *Fulvius VRSINVS* non dubitat, quin ad C. Fabium C. F. Pictorem pertineat, qui A. V. CCCCLXXXIII. cum Q. Ogulnio Gallo consul fuit, quo quidem anno argento signato populus Romanus ex S. C. primum uti coepit; ea propter litteras EX. A. P. V. explicat EX ARGENTO PVBlico. Auem, quam altera numi pagina exhibet, buteonem esse credidit, Fabiis Buteonibus, a *buteone* teste *Plinio* nomen sortitis, magis conuenientem, vnde miratur *VRSINVS*, qua de causa in hoc numo buteonem exprefferit, quum C. hic Fabius ex Pictorum familia fuerit. Hanc *Fulvii* dubitationem tolli posse cl. *PATINVS* existimat, quod nota haec in hoc denario non sit perpetua, sed ciconia etiam occurrat, cuius figura multum a buteone, qui accipitris quaedam species est, distat; non itaque, vir clar. inquit, video, cur hoc nobis vllam dubitationem asserre possit. Cel. *Sigeb.* HAVERCAMPVS, qui se plerosque huius generis denarios contulisse refert, neque buteonem neque ciconiam esse affirmat, sed in omnibus auem struthiocamelum exprimi; quam eruditissimi viri sententiam bini, qui in numophylacio SCHVLZIANO adseruantur, denarii confirmant. *VRSINO* calculum adiicit *GOLTZIVS*, at male, HAVERCAMPO iudice, ciconiam auem depinxit, sicut ibi VAILLANTIUS. *Sebastianus ERIZZVS* itidem ambabus illorum

lorum amplectitur sententiam, qui praeterea *turritum & velatum* aduersae numi paginae *caput*, de quo altum apud VRSINVM & PATINVM est silentium, deae Cybeles effigiem esse autumat; insuper etiam credidit C. Fabium hunc Buteonem quoque fuisse appellatum, ideoque ad nomen suum alludentem buteonis typum in hac moneta exhibuisse. - Verum diuersae ex gente Fabia Buteonum & Pictorum fuerunt familiae. Cl. Io. VAILLANTIVS eidem C. Fabio Pictori, C. Fabii ex Pictoribus primi, quiaedem Salutis apud *Plinium* depinxit, filio, hunc tribuit denarium: aduersae autem typum Alexandream Aegypti urbem, quae scilicet ita in gente Aemilia depingatur, respicere contendit: idque confirmat ibis, inquit, in auersa parte, peculiare Aegypti, ut omnes norunt, symbolum. Illud vero caput, mox addit, in denario signavit C. Fabius, ut legationem suam, cum fratre Numerio, ad potentissimum Aegypti regem Ptolemaeum Philadelphum, ante triennium initam, posteris commendaret. Nam quum rex, ad petendam senatus populique Romani amicitiam, per legatos misisset, anno cccclxxx. scribit *Zonaras, lib. Ann. II.* Romanos ea regis comitate delectatos, vicissim legatos ad regem misisse. Eorum nomina profert *Val. Max. lib. III. cap. 3. Q. Fabius Gurges, C. Numerius Pictor, & Ogulnius Legati ad Ptolemaeum missi.* Haec cl. VAILLANTIVS. Speciosa, haec fateor, (ita huic VALENTIS opinioni cel. HAVERKAMPVS responder) rei antiquariae etiam non ignaris, videri possunt, verum inani coniecturae primum ornamenta detrahimus, deinde sublato fulcro totam prouamus. Caput illud non est urbis Alexandriae, quia simile illi, prout credidit VAILLANTIVS, nequaquam est; qui mecum dignetur inspicere ipsos denarios elegantissime fabricae, qui Aemilii Lep. honores celebrant, & caput Alexandriae exhibent, reperiet plane sic in ipso exstare denario, uti MORELLII exacta manus depinxit; caput quidem esse turritum, sed nequaquam velatum, ut hoc, neque etiam dependente ad ceruicem velo, uti considerauit OISELIUS pag. 149. verum ut reginae urbium diademate regali cinctum,

quod sub turrata corona caput & frontem cingens lemniscos ad collum ita sparfos & fluitantes habet, vt solent capita regum Syriae in numis eorundem. Deinde, paullo post vir summus subiungit, ibis non est illa auis, cuius picturam abunde docent Hadriani imperatoris numismata, quae Aegyptum prouinciam non vno modo cum ista auis repraesentant, habet enim longum rostrum, quod illi a VAILLANTII sculptore adpingi potuit, sed praeter denariorum fidem, qui omnes iuxta MORELLII picturam breue illi rostrum faciunt. Deinde ibis, caputque Alexandriae, & vniuersa legatio ad Ptolemaeum regem, nituntur falso fundamento, verbis videlicet *Valerii Maximi* male lectis & peius intellectis. Docuimus ad praecedentem denarium in quibusdam *Valerii* codicibus male legi *Q. Fabius Gurges*, *C. N. Fabii Pictores*, *Q. Ogulnius*, caet. vnde nasci poterat error de duobus fratribus ad Ptolemaeum missis Caio & Numerio Pictoribus, & vna cum iis *Q. Fabium Gurgem*; verum opinio falsa ita VAILLANTII obnubilauit cogitationes, vt citans etiam verba *Valerii Maximi*, prout in melioribus sese habent editionibus, non viderit suo se refutari testimonio. Haec sunt fere illa, quibus passim laudatus cel. HAVERCAM-PVS acerrime impugnata penitus euertit VALENTIS coniecturam. Proferam iam & vero similiorem doctissimi thesauri Morelliani interpretis sententiam. Auem itaque, vir summus inquit, primum considerari volumus, ita vt in ipsis denariis sese habet; rostro breuiore est, neque figura stantis, vt passim ibis in Hadriani numis, & ciconia in denariis Caecilia & Antoniae gentis, sed cum impetu & nisu currentis, quod prae magnitudine corporis volare nequeat, expressa. Illa natura est struthiocamelorum. *Plinius* lib. X. cap. I. *Sequitur natura auium, quarum grandissimi & fere bestiarum generis, struthiocameli Africi vel Aethiopici, altitudinem equitis insidentis equo excedunt, celeritatem vincunt: ad hoc demum datis pennis, vt currentem adiuuent: caetero non sunt volucres, nec a terra tolluntur.* Ad Africam itaque nos ablegant *Plinius* & struthiocamelus, vbi si *C. Fabium* inueniamus, actum de reli-

reliquorum coniecturis erit. Ingentem itaque antiquitatem & praerogatiuam dum huic denario detrahimus, plus veritas quam studium valeat. Creditum fuit semper, hosce denarios fuisse primos, qui Romae ex argento signati sint, adeoque relati sunt ad A. V. C. CCCCLXXXIII, quo signato argento vri inceperunt Romani. Ego vero ducentos fere annos iisdem abrogo, censeo enim cufos fuisse in Africa, A. P. V. C. ICLXVIII. consulibus L. Cornelio Cinna III. & Cn. Papirio Carbone; & quidem a C. Fabio, quem ex denario discimus Caii fuisse filium, quique Adriani nomen apud scriptores obtinet. Noscitur vero iste C. Fabius Adrianus ex *Liui*, *Cicerone*, *Valerio Maximo* & *Orosio*. *Liuius in epitome lib. LXXXIII. Q. Metellus Pius, . . . ubique exercitus dimitterentur. Idem in epitome lib. LXXXVI. Quum C. Marius, . . . viuus exustus est. Valer. Maxim. lib. VIII. cap. 29. ex. 2. Illam vero ultionem . . . querela versata est. Orosius lib. V. cap. 20. Fabius vero Adrianus . . . viuus incensus est.* Ciceronis locus, in quo huic Adriano Verrem comparat, de sarmentis item loquitur, quamuis enim longiora eiusdem sint verba, adducam tamen, ut poena Adriani ex periculo Verris tanto magis elucescat. Conatus fuerat Verres Philodami, Lampfacenorum principis, filiam vi rapere. Vim vi repulerat Philodamus, factaque res manifesta erat; itaque (verba sunt *Ciceronis lib. I. in Verrem cap. 27. edit. Gronou. pag. 279.*) *Postridie mane homines in concionem veniunt, . . . illa flamma periculoque euolauit.* Nominat eundem hunc Adrianum rursus *Cicero*, & simile item Verris periculum, quod per avaritiam eius atque socordiam praedones duce Heraclione pulcherrimam classem Romanam ad Pelorum incendissent, *lib. V. in Verrem cap. 36 p. m 371. Excipitur ab omnibus . . . dignissimus existimetur.* Ad priorem *Ciceronis* locum hanc adnotationem profert *Asconius*, qua docet, quo tempore Adrianus ille vixerit: *Cinnanis temporibus cum C. Fabius Adrianus, ut alii aiunt, legatus, ut alii putant, propraeore, vel praetor, prouinciam obtineret Africam, Vitae in praetorio suo viuus ustus est; quod*

corru-

corrupto seruitio ciuitatis illius de principum nece conspirasse diceretur. Sed opportune Tullius causam facit illatae necis in Adriano, & inultam eius mortem ostendit: quem dicit oratorie non in hospitio, sed domi suae viuum crematum; & ille sic dixit, ut de notissimo videretur loqui. At C. Fabius Adrianus praetor in prouinciam Africam a Cinnanis missus est, Cinna & Papirio Carbone consulibus A. V. C. IOCLXVIII. quo anno Q. Caecilium Metellum Pium, qui pro re publica Africam quoque obtinebat proconsule prorogato imperio, eamque armis retinere conabatur, vi expulit. Anno sequenti IOCLXX. Scipione & Norbano consulibus, quum pro lato imperio eandem obtineret prouinciam propraeatore, foede illam vexauit & diripuit, vnde anno tercio V. C. IOCLXXI. C. Mario iuniore & Papirio Carbone III. adhuc in imperio versans, ciuili tum maxime furente bello, debitas scelerum poenas persoluit, viuus cum suis exustus. Fuitque Vticensibus hoc facinus impunitum, tum propter ipsius Fabii nequitiam, tum quod contraria mox factio, Sullana videlicet, rerum potiretur, quae Cinnanos & Carbonianos omnes vndique ad supplicium conquirebat. Iam vero Fabius Adrianus missus in Africam est eo tempore quo rerum potiebatur Cinna & Carbo, tum consules per vim facti; hi iusserunt Fabium, ut pro retinenda commissa sibi prouincia contra Metellum Pium ibidem pecuniam signaret, omniaque quae e re viderentur ageret. Vnde, ut auctoritate publica contra Metellum, & qui partes eius sequebantur, munitum se ostenderet Fabius, in quibusdam denariis suis adponi has litteras iussit EX. A. P. V. quae non debent explicari. EX ARGENTO PVBlico, vel EX ARGENTO PVRO, sed EX AUCTORITATE PVBlica. Eo enim more docuit cl. LIEBIUS in thes. Frideric. pag. 392. in antiquis Romanorum ponderibus saepe legi EX. A. Q. I. R. P. V. i. e. EX. AUCTORITATE QUINTI IUNII RUSTICI PRAETORIS VRBANI. itemque EX A. D. C. A. i. e. EX AUCTORITATE DIUI CAESARIS AUGUSTI. Superest iam sola facies illa muliebris, quae velo & turrita corona exornatur; hanc ego neque Cybeles neque Alexandriae caput esse existimo, sed Caelestis, quae dea peculiariter apud Afros culta fuit,

fuit, ab Assyriis, vt videtur, recepto numine. Et sic struthiocamelus inter aues Africae est symbolum, vt ibis Aegypti; dea Caelestis Afris propria, C. Fabius C. F. Adrianus ille, qui bello ciuili Sullano viuus ad Vticam exustus est, & litterae alphabeticae modo Latinae, modo Graecae, matricum & monetariorum notae sunt; cusi vero danarii sunt ex auctoritate publica, quam sibi arrogabant Cinna & Carbo, suaeque factionis ducibus largiebantur. Hactenus eruditissimus & felicissimus monetae antiquae interpres cel. HAVERCAMPVS; vid. VRSINVS *per PATINVM auctus* pag. 107. sq. GOLTZIUS *in Fastis* pag. 82. *Sebast. ERIZZVS* pag. 5. VAILL. tom. I. pag. 427. sq. *Thef. Morell.* tom. II. pag. 170. sqq.

234. *caius ANNIUS titi filius tiri nepos* PROCONSULE. EX *senatus consulto*. Caput Iunonis Monetae, inter caduceum & bilancem.

Lucius FABIVS Lucii filius HISPANIENSIS *quaestore*. Victoria citas quadrigas agens d. palmam tenet, l. equorum habenas.

Asper, de cuius valore, & vtriusque paginae typo supra ad num. 150. & de C. Annio proconsule ad num. 149. in Annia gente egimus. De Fabio itaque altero C. Annii quaestore potissimum hoc loco agendum erit. Fabius hic Lucius dicitur, Lucii filius, cognomine Hispaniensis, vel filius (vt statuit VAILLANTIVS) vel adfinis L. Fabii Hispaniensis, qui, vnus e proscriptis, Sertorio adhaesit, extremaeque eius coenae inter coniuratos adfuit, vti testatur *Sallustius apud Sernium ad Virg. Aeneid. lib. I. vers. 702. Igitur discubere: Sertorius inferior in medio; super eum L. Fabius Hispaniensis senator ex proscriptis: in summo Antonius; & infra scriba Sertorii Versius: & alter scriba Maecenas in imo, medius inter Tarquirium & dominum Perpennam.* In hoc conuiuio Sertorius a Perpenna occisus est. Tempus quo cusus est iste denarius ex *Plutarcho* colligi potest, qui T. Annii expeditionem contra Sertorianos commemorat in *vita Sertorii edit. optimae* pag. 571. vbi fugam Sertorii

in Hispaniam describit: *Postquam Sullam allatum est potiri vrbe,*
non ad robur fabricatas naues. Tempestate disiecta clas-
 se fugit inde in Hispaniam Sertorius. Acciderunt itaque haec sub-
 lata Carbonis & Marii factione paullo post A.V.C. I^oCLXXI. quo
 duo illi consules perierunt; missusque dux Annii quaestores ha-
 buit Tarquitium & hunc Fabium, a quibus ingens vis pecuniae fi-
 gnata est, qua vterentur ad bellum tam graue, quod sibi cum for-
 tissimo & callidissimo Romanorum ducum Sertorio fore facile prae-
 uidebat Sulla. Victoriā in quadrigis pro felici omine expresse-
 runt, vel post occupata Pyrenaei iuga pulsumque ex locis natura
 munitis Sertorium. VRSINVS putat eundem hunc esse Fabium cum
 eo qui Sertorianis partibus studuit, quod fieri non potuit, nisi sta-
 tuatur hic idem Fabius Sullae postea partes reliquisse, atque ad
 Sertorium transfugisse, & propterea a Sulla proscriptus fuisse; et-
 iam Romae multos fuisse, qui tacite fauerint Sertorio, patere
 potest ex scrinio illo epistolarum, quod a Perpenna sibi traditum
 generose combussit Pompeius Magnus, vt *Plutarchus* pag. 582. &
 alii testantur. *Ex thes. Morell. tom. II. p. 173. sq. conf. VAILL. in fam.*
Rom. numis tom. I. pag. 414. VRSINVS edit. Patin. loc. cit.

FANNIA.

235. ROMA. Caput Romae galeat. cum solita denarii nota.

MARCUS FANNIUS CAII FILIUS. Victoria in citis quadrigis.

A Fano, duplicata consonante media, Fanniae gentis nomen
 deriuat VAILLANTIVS. *Fulu. VRSINVS plebeiam* eandem fuisse do-
 cet ex vno *Tullii* testimonio, ad *Attic. lib. XVI. ep. 13. edit. Gronou*
pag. 1016. Vox ROMA a M. quodam Fannio C. F. tunc quaestore
 urbano, hunc signatum esse denarium innuit. Cui vero M. Fannio
 C. F. ex tribus illis, quorum apud scriptores mentio fit, numus
 iste assignandus sit, non liquet; vid. *VAILL. in fam. Rom. num.*
tom. I. pag. 435. conf. thes. Morell. tom. II. pag. 177. Fulu. VRSIN.
edit. Patin. pag. 109.

FARVS.

F A R S V L E I A.

236. Caput Romae galeatum cum denarii signo.

Lucius FARSVLEIUS. Bigae aurigante figura militari, quae laeua hastam tenet, dextram vero porrigit figurae togatae in bigas a parte posteriore ascendenti.

In omnibus adhuc divulgatis Farsuleiae gentis denariis auersae typo, pariter ut in subsequenti, Libertatis deae caput in aduersa iungitur, non Roma galea exornata; unde hunc numum, nec a MORELIO neque ab ipso HAVERCAMPO unquam visum, haud obuiis familiarum Romanarum denariis adnumerandum esse censeo. Adeo obscura est Farsuleia gens, ut praeter duo marmora, quae L. Farsuleii Rufi & Q. Farsuleii Vesperis memoriam conseruant, haud aliquis veterum illius meminerit. Mensoris vero, quem sequens agnoscit denarius, numi tantum mentionem faciunt. De auersae huius denarii typis mox agetur vberius.

237. MENSOR. Caput deae Libertatis, pone pileus.

Lucius FARSVLEIUS. Figura militaris galeata bigis insitit, laeua hastam tenens & equorum habenas, dextram vero porrigit figurae togatae in bigas, antiquo more, a parte posteriori ascendenti.

Quoniam in antiqua quadam a *Fulvio* prolata inscriptione L. Farsuleius Rufus ex colonia Iulia Sutrina esse dicitur, censet VAILLANTIVS hanc gentem inde oriundam venisse Romam, atque hunc L. Farsuleium Mensem, ubi ad quaesturam urbanam peruenit, vel potius (HAVERCAMPO iudice) triumviratum monetalem, significare hoc typo voluisse, sibi aditum ad honores patuisse per legem Iuliam, qua ciuitas data est Latinis siue sociis populi Romani, ad bellum sociale finiendum. Nihil commodius, consentiente ipso HAVERCAMPO, ipsi denarii huius typi innuere possunt, quam ciuitatem a Roma victrice Italiae datam. Ideo Roma (ita VALENTIS sententiam HAVERCAMPVVS corroborat) tan-

quam bellatrix dea fingitur stans in curru; Italia togato ciue Romano exprimitur, vt quae ius omne ciuitatis iam adipisceretur; illam in bigas recipit porrecta dextra Roma, vt solebant bellatores amicitia sua dignos secum in currum aliquando recipere, cuius & plura exempla apud *Homerum* aliosque prostant, tum in sacris, II Reg. X. 15. vbi porrecta manu Ionadabum Rechobi filium in currum suum Iehu recipit. Credimus itaque isto tempore & in gratiam eius reconciliationis Romanorum & Italici nominis populi ius eos denarios fuisse, L. Farsuleio hunc quaeftore urbano, vel triumuiro monetali, qui a priore numi parte *caput deae Libertatis* expressit, quod vere iam libertas populi Romani constituta videretur, sociis Italici nominis in idem ius togae & magistratuum gerendorum honorem receptis; vid. VAILLANTIVS, VRSINVS & cel. HAVERCAMPVS in gente Farsuleia.

FLAMINIA.

238. ROMA. Roma galeata cum litt. x. solita denarii nota.

LUCIUS FLAMINIUS CILO. Victoria in citis bigis.

Flaminia gens *plebeia* fuit. Ad *bigatos*; ob bigas in iis signatas ita dictos, pertinet iste denarius; conf. ea, quae supra pag. 110. num. 193. & pag. 112. num. 196. de istius denarii typo dicta sunt. Cl. VAILLANTIVS auersae figuram Venerem Victricem esse existimat, quae coronam gerat in bigis decurrentibus, signatae in Caesaris, qui a Venere genus repetebat, gratiam. Falsae huic viri clar. coniecturae reclamant SCHVLZIANVS iste denarius, in quo clare alata agnoscitur Victoria. Hunc aliosque VALENTIS & PIGHII in bigati huius explicatione subreptitios errores loco antea citato erudite detexit atque emendauit HAVERCAMPVS.

FONTEIA.

239. Caput Iani geminum, laurea coronatum, sed imberbe; inter litteram v. & x. solitum denarii signum.

CAIUS FONTEIUS. ROMA. Triremis, cum remigantibus

bus & stante ad puppim gubernatore, diadema regale
dependet a puppi.

Fonteam gentem *plebeiam* fuisse ex nefario illo Ciceronis inimico Clodio intelligimus, qui, ut tribunus plebis fieret & Tullium vrbe expelleret, P. Fonteio plebeio homini, vix viginti annos nato, adoptandum se dedit. Gentis huius nomen alii a fontibus defluxisse, alii a Fonto Iani filio originem habuisse existimant. Hinc sine dubio *Ionus* in hoc denario ad indicandam Fonteiorum originem expressus est; conf. *Arnobii aduersus gentes lib. III. edit. Elmenhorst.* pag. 69. *Coroni* ornatur, quia coronarum inuentorem Ianum fuisse pagani crediderunt. Hic olim barbatus, quum tonderentur Romani, tonsus etiam, siue *imberbis* exhiberi coepit: hinc *Ouidius* ita canit.

Sic apud insonsos nomen habebat auos.

Littera V. matricum nota est. *Diadema regale* iuxta acrostolium fluctuans, in *VR SINI*, *PATINI*, *VALENTIS*, aliorumque picturis perperam neglectum, a *GORLAE*O autem & diligentissimo *MORELLIO*, probe obseruatum, omnino notari debet. Cum enim tale diadema nec in sequentibus Fonteii denariis, nec in aliis familiarum Romanarum numis occurrat: haud temere in hoc, quem interpretamur, expressum esse claret. Credit itaque *cel. HAVERCAMPVS* propterea illud additum esse, quod hac expeditione, quam triremis indicat, ultum irent Romani regum iniurias, mortemque cruentam Hiempsalis & crudelem Atherbalis interitum, contra mortalium sceleratissimum Iugurtham; conf. *Sallustius de bello Iugurth. cap. XVI.* Sub finem A. V. C. *Iocxxxxi.* quaestore tum urbano hoc C. Fonteio, quum iam omnia praepararet populus Romanus, ut validum Iugurthae bellum inferret, propter occisum fratrem Atherbalem & spretam Romanorum legationem, indicto iam hac de causa bello. Oportebat itaque, ut numerosa compararetur classis, qua tantae transveherentur in Africam copiae; ad huius impensas magnam denariorum vim cudit C. Fonteius, tum tempo-

ris quaestor vrbanus, vt adscripta vox ROMA testatur, quae docet, non in prouincia sed Romae pecuniam hanc signatam fuisse; vid. *thes. Morell.* tom. II. pag. 180. sq. *VAILLANT.* tom. I. pag. 449. sq. *Fulu. VRSINVS per PATIN. auctus* pag. 114.

240. Capita deorum Penatium laureata & iugata, cum stellis & denarii nota.

MANIUS FONTEIUS. Triremis; adest gubernator sedens ad puppim, remum torquens, in imo littera T.

Fulu. VRSINVS & cl. *VAILLANTIVS* in antica Castoris & Pollucis, qui tutelares nauigationis dii ab antiquis habebantur, iugata capita expressa esse crediderunt, tanto magis, quod in postica triremis cernatur. Penatium potius has esse imagines *HAVERCAMPVS* statuit, idque tribus probat argumentis. Primum suppeditat denarius, quem exhibuit *MORELLIVS*, quique nostro per omnia similis est, nisi quod iuxta capita scribatur P. P. i. e. *Penates* vel *Penates Patrii*. Secundum, similes plane familiarum Antiae & Sulpiciae denarii: in Antia enim gente capita Penatium pariter sunt iugata, sed diademata, & adscribitur DEI PENATES: in Sulpicia itidem iugata sunt & laureata, quibus adscribitur D. P. P. i. e. *Dei Penates Patrii*, sicut infra visuri sumus. Tertium denique argumentum *HAVERCAMPVS* ex sequentis denarii typo petit. Transeamus nunc ad illum, qui hunc signauit denarium. *Fulu. VRSINVS* Manium hunc, ex tot Maniis Fonteis in historia Romana occurrentibus, eum forte esse autumat, pro quo *Cicero* dixit, accusante M. Plaetorio. At quoniam de re nauali sub Man. Fonteio, a Cicero ne defenso, in tota Romana eius aevi historia nihil habetur; hinc *VAILLANTIVS* Man. Fonteium, qui hunc percussit numum, dumuirum naualem fuisse opinatur, qui anno 101. ad tutelam orae maritimae, quod piratae Italiam infestarent, creati sunt iuxta *Liu. lib. XXXX. cap. 18. p. m. 1069. Nec rei naualis cura Barium tueretur*. In cuius, inquit *VAILLANTIVS*, memoriam videntur cusi denarii, cum trireme praetoria & nomine Man. Fonteii, qui vni praeerat; & in parte anteriore Castor & Pollux signati sunt, quod

quod ipsi mare piratis liberarint, & ob id dii maris habiti sint; & stella insigniuntur, quod felix omen sit nauigantibus in tempestate. Haecenus VAILLANTIVS. Hanc viri cl. de duumuiro Fonteio coniecturam ex eodem *Liuii* loco HAVERCAMPVS in dubium vocat. Nusquam enim Liuius Fonteius inter duumuiros nauales commemoratur, & excitatus ille locus ostendit quidem illo tempore duumuiros rei naualis a consulibus fuisse creatos, non vero inter illos Fonteium fuisse. Superest vt cel. HAVERCAMPVS proferamus sententiam. Eundem hunc Man. Fonteium numum hunc cudisse, vir summus existimat, qui in sequenti occurrit denario, in quo se Caii filium nuncupat, quique ad Sullae tempora nos reuocat. Sulla exercitu nauibus imposito, contra Carbonis & Marii factionem bellum gesturus venit in Italiam A. V. C. IOCLXVIII. atque Brundusii exercitum exposuit, ausus cum triginta armatorum millibus aduersus ducenta amplius hostium millia & quindecim inimicissimos belli duces progredi. Receperant se iam ante, HAVERCAMPVS addit, ad Sullam in Graeciam optimi & nobilissimi quique senatores. Inter quos hunc Man. Fonteium omnino fuisse suspicamur, atque quaestoris sub eodem munere functum tantam horum denariorum vim in Graecia signasse (vnde ROMA, quae vox alias inscribi solet, abest) & quidem cum triremi praetoria, vt profectio Sullae indicaretur, atque Diis Penatibus, siue quod Lanuuius gens Fonteia esset oriunda, siue potius quod antiqui iuris senatorii vindex Sulla eiectionem pridem vrbe magistratus penatibus suis esset redditurus, & rem publicam in integrum esset restitutus; vid. *thes. Morell. loc. cit.* VAILLANT. *famil. Rom.* tom. I. pag. 449. *Fulu. VRSINVS l. c.* conf. *Const. LANDI select. numism.* pag. III. sqq. *Littera T.* ad alphabeticas matricum notas pertinet.

241. MANIUS FONTEIUS *caii filius*. Caput Veiovis laureatum cum fulmine, adest monogramma, quod dispositis in ordinem litteris legitur *APOLLO*.

Cupido hirco inequitans, desuper deorum Penatium
siue

sive Dioscurorum pilei, subtus vero est thyrsus Bacchicus; omnia in myrtea corona, sed absque inscript.

Integerrimus. VAILLANTIVS ex monogrammate & plerorumque apud Gellium sententia Veiouem hunc Apollinem esse docet. Hunc autem denarium a Man. Fonteio cūsum esse, ut denotaret se, duumvirum sacris aedibus reficiendis, Veiovis templum restituisse, idem VAILLANTIVS credidit. Subiungam ipsa cl. antiquarii verba. M. Fonteius C. F. fuit ille, qui ut duumvir sacris reficiendis aedibus, templum Veiovis in VIII. regione, inter arcem & Capitolium exstructum prope asylum, restituit; quare in anteriore parte illius caput expressit, cum fulmine sub eo; additis duabus litteris AP. simul iunctis, quae APOLLO exponuntur, ut nos docet *Gellius, lib. V. cap. 12. p. m. 216. Simulacrum igitur dei Veiovis . . . vocatus Apollo.* Restaurato templo, capra in auersa parte Veiovi sacrificium esse factum indicat; nam ait, loco laudato, *Gellius, immolaturque illi ritu humano capra;* quare puerulus caprae insidet. In vertice autem super capram adsunt pilei Dioscurorum astris insigniti, & in imo acrostolium trifidum, quae ad rem naualem spectant, forsan in memoriam patris, quem in superiori numo classi praefuisse diximus. Haecenus VAILLANTIVS. Consulamus nunc etiam HAVERCAMPVM, ut pateat, tum quid de allatis his VAILLANTII coniecturis sentiat, tum quaenam ipsius circa hunc numum sit sententia. Vtrumque suppedirat absolutissimus in *thesaurum Morellianum commentarius.* Sic solet, inter alia vir summus inquit, VAILLANTIVS, ubi aqua haeret, passim ad deorum aedes refectas confugere. At si capella Veiovi immolanda, cur insidet illi Cupido, cur thyrsus ad pedes in ima numi parte ponitur, cur myrtea corona numum ambit? Notum est Sullae, qui postea dictaturam sumsit, in gente Cornelia & Egnatia inueniri plures denarios, in quibus, ut Epaphroditus & cura Veneris, Cupidinem signauit, vel in eius gratiam & adulationem quaestores expresserunt. Sic fam. Cornel. tab. III. num. VII. Egnatia num. I. II. III. caet. idque varietate singulari, modo stantem, volantem modo, etiam monile matris colle

collo adaptantem. Hic vero capellae seu capro insidentem faciunt, prouti is lusus esse puerilis solet; vel si lubet reconditum magis sensum sectari ex thyrso Bacchi erit quaerendus, quem male VAILLANTIVS mutavit in duo acrostolia, quum in illis tribus, quos possideo, omnibusque quos viderim thyrsus sit, non acrostolia. Posset itaque thyrsus & capra significare sacrificium, quod Baccho fieri solebat animali illo vitibus noxio, vnde elegans versuum *Eueni* parodia apud *Sueton. in vita Domitiani* cap. XIII. edit. *Graev.* pag. 737.

Κῆν μὲ Φάρης ἐπὶ ῥίζαν, ὅμως ἔτι καρποφορήσω,
Ὅσον ἐπισπῆσαι Κάισαρι θυομένω.

Quod videlicet *Euenus* ad caprum dixerat id ad Caesarem, edictum de excidendis vineis meditantem, urbani homines transtulerant. *Eueni* versus Latine sic se habent, expressi ab *Ouidio Fastor.* I. vs. 357.

*Rode caper vitem: tamen hinc, cum stabis ad aram,
In tua quod fundi cornua possis, eris.*

Atque ita tacite minaretur inimicis suis Sulla, fauissent quidem nunc in nobiles ferro Mariano & Cinnano, adfore se mox victorem felicem, qui illos, ut *capellas*, Baccho destinatas victimas, esset immolaturus. Quam ille iracundiam suam egregie exercuit, neque finem saeuiriae suae neque modum statuens. Spectat huc quoque *Veienis caput*, cuius, in vindicta Sullae, ira metuenda erat. *Pilei cum stellis* ad Dioscuros spectant ut Penates Patrios; *myrtea corona* Sullae rursus conuenit felici illi & Veneris nepoti; vid. *thes. Morell.* tom. II. p. 182. sq. VAILL. in *fam. Rom. num.* tom. I. pag. 450. sq.

242. *Publius* FONTEIVS *Publii filius* CAPITO III. VIR. Caput iuuenile galeatum, mentum prima lanugo vestit, pone tropaeum.

Manius FONTEIVS *tribunus militum.* Eques laureatus decurrens, d. hastam in milites humi prostratos vibraturus.

HAVERCAMPVS paullo prolixiorem hanc auersae huius denarii paginae suppeditat descriptionem. Mihi, vir cæl. inquit, integerrimum denarium meum consulenti figura equestris laureata visa est, qui vero sub equo inter se depugnant, eorum vterque vulneratus videtur & in alterum genu prolapsus, sed ita vt posterior iam plane sit examinatus, vt pote cuius galea & clypeus iam retro tergum iaceant; alterius, qui, galea tectus caput, laeuam cum clypeo eleuet, atque dextra ensen in pectus aduersarii adigat. Haec omnia etiam in eleganti nostro denario animaduertimus. In sequenti Fonteiae gentis numo Tiri Didii imperatoris sit mentio, hinc P. Fonteii P. F. Capitonis, qui hunc & illum signauit denarium, aetas haud difficile colligi potest. Didius enim, qui in subsequenti denario imperator appellatur, A. V. Iocxxxx. de Scordiscis Thraciae populis triumphauit, de Hispanis vero anno Ioclx. Perijt idem quatuor annis post in bello Sociali siue Italico anno Ioclxiii. Vnde patet circa annum Ioclx. a P. Fontēio Capitone cūsum hunc esse numum. Aetate itaque Fonteii inuenta magistratus eiusdem indagandus est. VAILLANTIVS ad sacras aedes resectas iterum delabitur, putatque triumuirum fuisse muris, turribus, aedificiisque publicis reficiendis; vid. *eiusd. fam. Rom.* tom. I. pag. 447. Nos cel. HAVERCAMPVM sequimur, & triumuirum monetalem eundem fuisse credimus, penes quos quum esset facultas & ius cudendae monetae, alii intelligi haud possunt, quum simpliciter triumuiroi nomen denariis inscribatur. Triumuir itaque monetalis P. Fontei Capito eo anno, vt videtur, quo de Celtiberis Hispanis triumphauit T. Didius, aduersae numi paginae rei publicae gloriam publicam, auersae vero, domus suae priuatam insculpsit. Hinc in antica caput *Martis Tropaeophori*, respectu Hispaniensis triumpho; in postica autem, quae inscribitur *MANIVS FONTEIVS TRIBVNVS MILITVM*, per *armatum equitem* T. Didium ducem ex paludamento agnoscendum indicari credimus, in cuius conspectu (vt vir eruditus, quem hic & alibi passim sequimur, autumat) Man. Fontei trib. mil. rem praeclaram contra Hispanos egerit, ita vt, licet
iam

iam prae vulneribus in alterum genu prolapsus, aliquem tamen ex ducibus hostium occiderit, eique caeso detraxerit arma, quae in rei testimonium post terga Manii Fonteii tribuni militum cernuntur. Is vero Man. Fonteius frater Publii fuisse videtur, & forte postea ex vulneribus mortuus, unde eo libentius memoriam fortitudinis fraternae hoc denario consecrauit Publius; vid. *thes. Morell.* tom. II. pag. 183. sq.

243. *Publius* FONTEIVS CAPITO III. VIR. CONCORDIA. Deae Concordiae caput velatum.

Titus DIDIVS IMPERATOR. VILLA PVBLICA. Villae publicae aedificium.

De villa publica, T. Didio & Concordia dea supra pag. 140. num. 225. in Didia gente dictum est; P. Fonteium Capitonem Didii tempore vixisse, & occasione triumphii eius signasse hunc denarium eodem loco, & in praecedentis denarii interpretatione vidimus.

F V F I A.

244. KALENI. HONOS. VIRTUS. Capita Honoris & Virtutis iuncta, hoc galeatum, illud laureatum.

CORDI. ITALIA. ROMA. Italia & Roma stantes, dextras iungunt; illa stolata, laeua tenet cornu copiae; haec, habitu militari, in capite diadema gestans, veste succincta, laeua sceptrum tenet, & pede d. globum calcatur; post Italiam, in numi area, est caduceus alatus.

Serratus, asper & elegans, quem periti calceographi manu adumbratum, tab. III. num. III. conspiciendum sistimus. Fusia gens plebeia cognomen habuit Caleni ab oppido Calibus, Campaniae Felicis. Cicero in altera de lege agrar. orat. cap. 31. edit. Gronov. pag. 447, municipii Caleni fecit mentionem, idem lib. epist. ad famil. VIII. ep. 13. p. m. 789, cum municipio Caleno magnam sibi necessitatem esse ait. Fusius Calenus & Mucius Cordus, quorum nomi-

na hic legimus, denotant, ad duas diuersas Romanorum familias elegantissimum hunc numum esse referendum. Nobilis hic typus, per saepe laudatus HAVERCAMPVS ait, redintegratam indicat interruptam bellis ciuilibus concordiam inter Italiam & Romam, postquam videlicet finem habuerunt, vel bellum Italicum seu Sociale, ob negatum ciuitatis ius, vel *duo bella funestissima; Italicum, quod & Sociale dictum est; & Ciuile: quae ambo tracta sunt per annos decem: consumserunt vel va CL. millia hominum; viros consulares XXIII praetorios VII. aedilicios LX. senatores fere XX.* vti scribit Eutropius lib. V. cap. 9. conf. Appianus lib. I. de Bello Ciu. pag. 379. 382. & lib. V. p. 700. In nitidissimo hoc eruditae antiquitatis monumento Romam, vt reginam orbis & Italiae, agnoscit ipsa Italia, hinc globus pedi subiicitur, caput vero *diademate* cingitur. Roma autem vbertatem Italicam agnoscens terrae opes eius libenter cum virtute sua vult coniungere, cuius pacis symbolum est *caduceus*. In templo forsitan Virtutis & Honoris aliqua res ad foederis huius solennitatem pertinens transacta fuit; certe virtuti Romanae, quae vt bellatrix dea ab vtraque exprimitur parte, ingens accedebat honos ex Italiae vbertate frugibus virisque opulentissima; vid. *ibef. Morell.* tom. II. pag. 185. Cel. HAVERCAMPVS hoc loco iterum VALLANTII sententiam corrigit, HARDVINI autem somnia ex notis eius *Plinianis* tom. I. pag. 246. transscripta solummodo affert; quoniam R. P. nullo prorsus fundamento innixas coniecturas refellere superuacaneum ducit vir eruditissimus. Nos vero, quod ad Io. HARDVINI sententiam adtinet, nihil magis miramur, quam ingeniosissimam illam fictionem, dum tantus vir ex CORDI triumuiroi monetalis cognomine sequentia effingit: *Concordia O bis Romani Decus Italiae*; idem iste vir, caeteroquin praeclare doctus, ex voce KALENI hunc extorquet sensum: *Karibago Africae Lib. vo Edicto Neronis Imperatoris*. En eruditam cedro dignissimam sententiam! Quis est sane mente praeditus, qui non statim videat, haec omnia nil nisi meros pueriles esse ingenii lusus? Certe triumuiris istis monetalibus, quorum cognomina h. l. HARDVINO somnia

procu-

procudendi aptam praebent occasionem, haec nunquam venterunt in mentem. Sed fufficiant ifta de paradoxis, quibus fi quis forte delectatur, adeat HARDVINI opera & praefertim antea laudatas viri cl. ad *Plinium* obfervationes, quae quemque opinionibus fuis explebunt.

F V L V I A.

245. ROMA. Caput Romae galeatum, cum denarii nota.

marcus CALIDIUS. Quintus METELLUS. CNEUS FOVLIVS. Victoria in citis bigis, d. coronam gerens, l. regens equorum habenas.

Fulviae gentis *plebeiae* in multas diuifae familias, vnus tantum Cn Fuluii in argenteis denariis memoria reperitur; quis tamen hic Fuluius fuerit, quibusue temporibus vixerit, quod multi ex ea gente hoc praenomine vfi fint, nihil certi afferre poffum: quia tamen cum Q Metello, & M. Calidio M. Tullii coaetaneo triumphar monetae cudendae fuit, Ciceronis ipfius temporibus floruiife poffumus fufpicari. Haec *Fulvius* in Fulvia gente. Triumphari itaque fuerunt monetales, & communi opera denarios cuderunt ifti, quorum nomina infcribuntur. *VAILL. in famil. Rom. num. tom. I. pag. 463.* triumpharios menfarios hos fuiife ex loco quodam *Liuiano* colligit. Verum *Liuius* in excitato illo loco tantum commemorat Romae triumpharios menfarios fuiife creatos, neutiquam autem historicus afferit, penes triumpharios illos ius cudendae monetae fuiife: hinc haud difficile efficitur, hanc *VALENTIS* coniecturam admodum infirmi innixam eife testimonio. Vid. ea, quae fupra p. 95. num. 175. & pag. 99. num. 181. ad eundem hunc denarium prolata funt.

246. CNEUS VOCONIUS S. T. F. Caput Augufti laureatum.

CNEUS FVLIVS CNEI fcil. filius. Bos fupra quem lunae crefcentis figura.

Aereus fec mod numus, quem *HAVERCAMPVS* ad incertos & *Hispanienfes* ablegandum eife exiftimat. *Fulu. VRSINVS, PATINVS & VAILLANTIVS* hunc aereum omiferunt.

F V R I A.

247. *AEDILIS CURULIS*. Caput Cybeles turribus ornatum, pone crassi pedis figura.

PUBLIUS FOVRIVS CRASSIPES. Sella curulis.

Antiquissima haec gens, quae primum Fusia dein Fouria & tandem Furia dicta fuit, diuidebatur olim in patricias & plebeias familias. Ex patriciis occurrunt in denariis Crassipedes, Phili & Purpureones. Duo tantum in historia antiqua memorati inveniuntur Crassipedes, a pedum tumore ita dicti, reliquos temporis iniuria obliteravit. Alter horum Tullii gener fuit, cui Tulliolam suam, mortuo priore marito Pisone, collocavit. Verum eius praenomen nescitur; alter Marci praenomen habuit, & bis praetor Galliam deinde Siciliam rexit. A quibus differre videtur tertius Crassipes, cuius mentionem facit *Cicero ad Attic.* lib. VII. *ep.* I. & lib. VIII. *ep.* II. p. m. 916. & 944. biennium post generi Crassipedis mortem. Vtrum vero ad Ciceronis generum an aliquem alium numerus iste pertineat, definire difficile est. Aedilem curulem fuisse patet *ex inscriptione & sella curuli*, illius magistratus symbolo. *Caput Cybeles* ad Megalesios in Matris Magnae honorem celebratos ludos pertinere autumat *VAILLANTIVS*. Fiebant hi ludi in Palatio, quod docet *Cicero, orat. de harusp. respons.* p. m. 539. conf. *NIEVPOORTII comp. antiqu. Rom.* sect. IIII. cap. V. §. VIII. p. m. 340. *Henr. KIPPINGII antiqu. Rom. edit. Batav.* pag. 385. *Pedis figura* cognomen Furii istius denotat; vid. *VAILL. fam. Rom.* tom. I. p. 474. sq. *ibes. Morell.* tom. II. pag. 188. sq. conf. *Io. Andr. SCHMIDTS in Schediasm. de numis carbedraticis.*

248. *MARCI FOVRI LUCII FILII*. Iani caput bifrons & barbatum.

PHILI. ROMA. Roma galeata & stolata stans, s. gerit hastam transuersam, d. coronat tropaeum, in cuius imo duo sunt clypei, totidemque litui militares.

Asper. Marcus Furius L. F. qui hunc signavit denarium, procul dubio in auersa P. Furii Phili aui sui de Gallis tropae & triumphales

les repraesentauit honores. Praeclara illa de Gallis Liguribus victoria fuit, ita vt ex *clypeis* eorundem in vrbe residuis post cladem ad Cannas acceptam sex millia hominum armauerit dictator Iunius. Ita enim *Liuius* lib. XXIII. cap. 14. *Et sex millia hominum Gallicis spoliis, quae triumpho C. Flaminii translata erant, armauit.* Triumphauerant vero A.V.C. 10xxx. simul, vnaque victoriam adepti fuerant Flaminius & Philus, sed Flaminii magis hac in re mentio apud scriptores, Liuium, Polybium, Zonaram, Orosium, quod eius in senatum contumacia singularis erat, vt qui contra mandata eius & auspiciarem gesserat, & in magistratu permanerat; vid. *Orosius* lib. IIII. cap. 13. conf. *Plutarchus* in *vita Marcelli* pag. 299. Hinc factum credit *VAILLANTIVS*, quod in denario *Roma* cernatur *coronans tropaeum*, non vero Victoria, vt in aliis denariis, quod scil. plebis & militum studio, contra optatum voluntatem, triumphus consulibus decretus esset; vid. *Io. VAILL. fam. Rom. num.* tom. I. pag. 473. M. Furius, qui signauit, quaestor vrbani eo tempore, quo percussi sunt denarii, fuit, & *Iani caput barbatum* expressit pro more illorum temporum; nam postea etiam imberbis, sicut antea ad num. 239. in Fonteia gente vidimus, pingi coepit, Romanis deorum habitum ad tonsuram sui temporis reformantibus. Ex *thes. Morell.* tom. II. pag. 189. sq. conf. *Iac. OISELII thes. numism. antiqu.* pag. 198. *HARDVINI* de hoc denario commenta vix vlla refutatione digna in hanc pagellam coniecere non lubet, inserta sunt illa R. P. notis ad *Plinium* tom. II. p. 103.

249. *BROCCHI* III. *VIRI*. Caput Cereris spicis coronatum, inter spicam & frumenti granum.

LUCII FVRRI CNEI FILII. Sella curulis inter duas fasces cum securibus.

Brocchi cognomen ab oris extuberantia & prominentioribus dentibus natum affirmant. L. Furius Brocchus Cn. filius vocatur. Hunc ex *sella curuli* & *fascibus*, praetorum apud Romanos insignibus, vsque ad praeturam peruenisse, atque in eo magistratu numum hunc

hunc signasse VAILLANTIVS autumat. Idem vir eruditus ex aduerſae paginae *inſcriptione*, *Cereris imagine*, *ſpica*, & *frumenti grano* eundem hunc Furium eodem tempore triumvirum extraordinarium ad emendas fruges creatum fuiſſe colligit. Nos vero HAVERCAMPVM ſequimur, numumque a triumuiro monetali cuſum exiſtimamus, nepote L. Furii praetoris, neque enim praetores ſignabant pecuniam, ſed praeturam & aedilitatem alioſque honores maiorum nepotes in denariis exprimere ſolebant; vid. VAILL. in *fam. Rom. num. loc. cit.* *Theſ. Morell.* tom. II. pag. 190. conf. *Jo. Andr. SCHMIDTS ſchediaſma de numis cathedraticis.*

GALLIA.

250. CAESAR AVGVSTVS TRIBVNICIA POTESTATE. Caput Auguſti nudum.

CAIUS GALLIVS LVPERCVS III. VIR. Auro Argento Aere flando feriundo. In area Senatus Conſulto.

Aereus firma aerugine obduſtus ſec. mod. numus. Gallia gens plebeia fuit, Luperci habuiſſe cognomen ex numis intelligitur. Quum Auguſtus provincias inter ſe & populum diuideret, auream atque argenteam quoque monetam ſuis triumuiris ſignandam dedit, aereae cura ſenatui relicta, vt ſupra pag. 74. ad num. 143. pag. 101. num. 183. & pag. 142. num. 228. monuimus. Huius poſterioris generis tres moduli inueniuntur, primae, ſecundae, & tertiae magnitudinis. *Primae* plerumque ciuicam cum lauri ramis vel globo atque capricorno habent; *ſecundae* ciuicam, vel ipſius Auguſti caput; *tertia*, incudem cum triumuirorum nominibus. In hoc ſecundi moduli numiſmate cernitur Auguſti caput; & quia ſenatui relicta erat imaginariae libertatis illud ſignandi aeris ius, litterae S. C. i. e. *Senatus Conſulto* in altera parte leguntur. Inter illos triumuiros fuit hic Caius Gallius, qui ſe Caii filium in ſubſequenti tertio numiſmate appellat. Inter tribunos plebis A. V. C. 1061. XLII. recenſetur C. Gallius Lupercus; huius nepos videtur fuiſſe C. Gallius Lupercus, qui haec ſignauit numiſmata. In hoc & ſe-

quen.

quenti numismate Augustus dicitur cum *tribunicia potestate*, quae illi delata est A.V. ICCCXXX. utrefert *Dio* lib. LIII. *Ea propter senatus Augusto hos honores decreuit, ut tribunus plebis perpetuus esset, ut quoties senatus haberetur, etiamsi consulatum non gereret, de quibuscunque rebus referre posset.* Luperi cognomen pluribus gentibus familiare fuit, desumptum a Luperis sacerdotibus; vid. *thes. Morell. numism. loc. cit.* VAILL. in *famil. Rom. num.* tom. I. pag. 479. sq.

251. AVGVSTVS TRIBVNICIA POTESTATE, in corona quercea, siue ciuica.

CAIUS GALLIVS LVPERCVS III. VIR A. A. A. F. F. In area S. C.

Aereum, natiua aerugine conspicuum sec. mod. numisma. Dio, loco laudato: Casari, inquit, multi erant honores delati, nempe ut ante ipsius domum in Palatio lauri ponerentur, ac super eas coronae querceae suspenderentur; nimirum quod perpetuus hostium victor, ac civium esset servator; conf. G. H. NIEVPOORT. de ritibus Roman. se& V. cap. V. §. XI. p. m. 387. Henr. KIPPINGII antiqu. Rom. edit. Batav. pag. 471. sq. De Augusti tribunicia potestate, & C. Gallio Luperco senatus Romani triumuiro monerali, ad praecedentem aerum fusius actum est.

252. OB CIVIS SERVATOS. Media vox in corona ciuica; hinc & inde laurei sunt rami.

CAIUS GALLIVS CAII FILIVS LVPERCVS III. VIR. Auro Argenteo Aere Flando Feriundo. In area Senatus Consulto.

Integerrimum primi mod. numisma, cuius explicationem ex iis, quae binis antecedentibus aeris subiunximus, haud difficile colliges.

HERENNIA.

253. PIETAS. Caput dae Pietatis.

MARCUS HERENNIVS. Iuuenis nudus senem magna festinatione humeris ferens; adest in imo littera T.

Asper. Herennia gens *plebeia*, sed tamen consularis fuit. Sulla enim

enim consule, C. Herennius tribunus plebis fuerat; vid. *Gellius* lib. X. cap. 20. p. m. 369. C. Herennius alter Sextri F. itidem fuit trib. plebis, qui Clodium, nequam atque improbum hominem, ad plebem traducere studuit; vid. *Cicero* lib. I. *ad Attic.* ep. 18. & 19. *edit. Gronov.* pag. 865. sq. Ad consulatum tres peruenerunt Herennii; alterum horum Herennium Pollionem inter patronos laudat, & virum consularem adpellat *Plinius epistol.* lib. III. ep. 9. *Fulu.* VRSINVS *iuuenem* illum Aeneam, senem Anchisen humeris ferentem esse autumat. VAILLANTIVS, quem cel. HAVERCAMPVS sequitur, typum hunc potius pietatem fratrum Catanensium respicere iudicat. Aeneae enim pieras similis depicta in numo gentis Iuliae tab. I. num. V. longius ab huius numi delineatione discedit. Non existimamus, VAILLANTIVS ait, iuuenem illum, ut quidam putant, Aeneam Anchisem ferentem, quem humeris gestare solet, aut comitem habet Iulum, vel Aeneas Palladium tenet, ad eum indicandum; sed videtur esse Amphinomus Siculus, qui, Aetna incensa, patrem ex vrbe Catana brachiis e periculo subducit. Haec VAILL. *fam. Rom.* tom. I. p. 485. sq. conf. ea, quae infra p. 175. ad num. 259. & ad secundum Pompeiae gentis denarium prolata sunt.

H O S I D I A.

254. GETA III. VIR. Caput Dianae, cum arcu & pharetra ad humeros.

caius HOSIDIUS *caii filius*. Aper telo transfixus, quem canis lacerat.

Ex veterum scriptorum verbis, qui Hosidii Getae mentionem faciunt, ne quid elici potest, unde, plebeiane an patricia haec gens fuerit, scire possumus. Sub Claudio imperatore vnus ex hac gente triumphalia insignia promeruisse legitur. VAILLANTIVS hunc Hosidium, cuius nomen denarius exhibet, filium illius Getae fuisse existimat, quem proscriptum a triumuiris testatur Appianus seruatum a filio fuisse, qui patri funus tanquam mortuo parauerat; vid. *Dio* lib. XXXXVII. conf. *Appian. de bell. Civ.* lib.

III. Cudit huncce denarium vt triumuir Caesaris Augusti, in quo eruditi celebratas Augusti natalibus *venationes* agnoscunt. Obtyporum in denariis similitudinem idem VAILLANTIVS concludit eodem anno Hosidium minorem hunc magistratum gessisse cum Durmio; in cuius denariis quum cel. HAVERCAMPVS ostenderit Aquillium quoque eodem tempore honore isto functum fuisse, habemus tres eiusdem anni triumuiros monetales, ex denariis suis dignoscendos, Aquillium, Durmium & Hosidium; vid. VAILLANTIVS, & cel. HAVERCAMPVS in *Hosidia gente*, conf. Iac. OVZELIVS pag. 500.

HOSTILIA.

255. Caput dei Pauoris arrectis prae horrore comis, atque omnibus faciei lineamentis ad pauorem compositis; retro clypeus.

LUCIUS HOSTILIVS SASERNA. Bigae, quas auriga moderatur, d. tenens habenas, l. scuticam adtollens; in bigis ipsis stat figura, l. tenens clypeum, d. hastam vel iaculum, vt vim instantium propulsaturus, stat enim auersus ab auriga, vt fugere eundem cum equis adpareat.

Optime seruatus. Hostilia gens clarissima olim in re publica fuit & consularis; amplissimae huius familiae & in monumentis Capitolinis & apud scriptores crebra fit mentio. Quoniam Hostilii genus suum referebant ad tertium Romanorum regem Tullum Hostilium, qui regnante Romulo ciuitatem adeptus fuit: hinc nihil mirum, si ferocissimi istius bellatoris gesta in hisce denariis celebrentur. *Tullus in re trepida duodecim vouit Salios, fanaque Pallori ac Pauori*; vid. *Liuius* lib. I. cap. 27. edit. *Gruter.* pag. 22. Haec *Liuii* verba mire huius & sequentis denarii imagines illustrent. *Augustinus de ciuit. dei* lib. VI. cap. 10. *Hostilius*, inquit, *Pauorem & Pallorem, teterrimos hominum affectus; quorum alter mentis territae motus est, alter corporis, nec morbus quidam, sed color*, scil. deos

dedicauit; & lib. III. cap. 15. *Hostilius certe rex deos & ipse nouos, Pauorem atque Pallorem propitiandos non introduceret, si felicitatem deum nosceret & coleret.* Imagines itaque eorundem rex in templis & quidem has ipsas dedicauit, figurasse enim deos istos dicitur *Lactantio* lib. I. cap. 20. edit. *Bünemann.* pag. 124. *Pauorem, Palloremque Tullus Hostilius figurauit & coluit.* Quid de hoc dicam? nisi dignum fuisse, qui semper deos suos, sicut optari solet, praesentes haberet. Scutum ad caput Pauoris ponitur, sicuti lituus militaris in subsequenti denario ad caput Palloris, quod primi in acie perfringi oculi soleant, & pavor inde oriri, sicut ex auditu saepissime pallor; vnde ingratos hos animi adfectus ex utroque in timido orientes egregie describit *Virgil.* sub Anchisae persona lib. II. *Aen.* vers. 730.

- - - Subito quum creber ad aures
*Visus adesse pedum sonitus: genitorque per umbram
 Prospiciens, nate, exclamat, fuge nate: propinquant,
 Ardentes clypeos atque aera micantia cerno.*

Hinc Pavor deus clypeum retro caput habet, Pallor vero lituum militarem, ad cuius stridorem pallere pauentes & timidi solent. In auersa prioris numi pagina auriga, tanquam festinans effugere, citus bigas impellit. Insistit vir armatus clypeo & hasta propulsaturus proxime accedentes. Huius typi tres diuersas antiquariorum explicationes inuenimus; quibus quartam annectit *HAVERCAMPVS. VALENS* tom. I. pag. 497. stantem figuram regem ipsum esse autumat. Rex armatus, l. c. vir clar. inquit, in hostes telum vibraturus, tanquam victor in curru depingitur. Adiciit deinde coniecturam amici, qui credidit Horatium esse, regem vero Hostilium in curru sedentem exhiberi. *Cl. Laur. BEGERVS* in *thes. Brand.* tom. II. pag. 557. hic Martis retro pugnantis bigas agnoscit. Tandem cel. *HAVERCAMPVS* allatis in medium argumentis adductas eruditorum coniecturas reiecit, & simpliciter hostium fugam hic exprimi adfirmat. Hunc vero & sequentem numum signauit L. Hostilius Saferna, qui Iulii Caesaris temporibus vixit

vixit, & vna cum fratre partibus eius in bello ciuili adhaesit; vid. *Hircius in lib. de bell. Afric. cap. X. Itaque, relicto ibi* (scil. *Ruspinae*) *P. Saserna*, reliqua. Publius iste Lucii Sasernae, de quo nobis h. l. sermo est, frater fuit; conf. *Hircius de bell. Afric. cap. XXVIII.* Plura huc spectantia eruditissimo in *thesaurum Morellianum commentario* inserta deprehendes.

256. Caput dei Palloris, prolixis capillis, pone quod est lituus militaris.

Lucius HOSTILIUS SASERNA. Diana, corona radiata redimita, stans d. ceruam cornibus tenet, s. venabulum.

Affabre signatus. De aduersae paginae typis antea egimus. Cernitur in auersa *Diana* peculiari ritu vestita, dextra tenens *ceruam* cornibus, laeua sceptrum siue *venabulum*. Quod quidem ceruae symbolum ad Palloris Pauorisque, deorum, effecta referri potest, sed potius ad Dianam venatricem reuocatur, vt quae crebro cum ceruis pingi solet. Quoniamque hic denarius aliquid Leptianis peculiare habet, numen videlicet Dianae, prout ibi colebatur: hinc Lepti ab eodem illo L. Saserna, ad quem antecedens denarius pertinet, hunc iridem signatum esse *VAILLANTIVS* existimat; vid. *eiusd. famil. Rom. num. tom. I. pag. 496. conf. thes. Morell. loc. cit.*

IVLIA.

257. Caput Romae galeatum, pone quod frumenti spica est.

Lucius IULIUS. Victoria in citis bigis.

Asper. Illustrissima gens Iulia patricia olim maiorum gentium fuit familia, quae ab Iulo, Aeneae filio, trahebat originem. Hinc *Virgil. Aeneid. lib. I.* ita canit.

*Nascetur pulchra Troianus origine Caesar,
Imperium oceano, famam qui terminet aëtris
Iulius, a magno deductum nomen Iulo.*

Fulu. *URSINVS* ex *spicae* symbolo bigatum hunc ad L. Iulii Caesaris

ris aedilatum pertinere autumat. Cl. VAILLANTIVS dubitat, vtrum idem ille spicae typus ad aedilitatem, an potius ad quaesturam eiusdem L. Iulii respiciat. Aedilis curulis, vir cl. ait, L. Iulius fuit A. V. C. Iocxxviii. quo denarium cudisse videtur, vt indicat spica, pone caput Romae, ob frumenti copiam in vrbe procuratam; quo symbolo in denariis propterea utebantur Aediles: nisi quis dixerit, mox VAILLANTIVS addit, illum in Sicilia cusum. L. Caesar in hac prouincia potuit esse quaestor, & spica etiam symbolum est, praesertim cum VOX ROMA in denario solita Urbis nota desit. Haetenus ille. Cel. HAVERCAMPVS, VALENTIS vestigia premit, dum: Videtur, inquit, cusus hic denarius in quaestura prouinciali L. Iulii Caesaris, siue in Sardinia illa fuerit, siue in Sicilia. Alteram enim ex insulis istis frugiferis addita ad caput Romae spica designare videtur. Incertum vero est, paullo post subiungit, ad quem ex tot Lucii Iulii denarius hic pertineat; reliqua; vid. *Fulu. vrsinus e lit. Patin.* pag. 124. VAILL. tom. I. pag. 501. *Thef. Morell.* tom. II. pag. 202. De *bigir*, denariorum solito symbolo, vid. p. 156. num. 238.

258. CAESAR. Caput Romae galeatum, desuper litt. L. inuersa. *Lucius Iulius Lucii filius.* Venus in bigis Amorum, sub quibus lyra est, in area eadem inuersa littera L.

Bene conseruatus. Cl. Laur. BEGERVS in *observation. suis & coniecturis in numism.* pag. 46. Caesaris iuuenis adhuc succulentam faciem, quae seni postea in laxas concessit rugas, in aduersa expressam existimat; conf. *thes. Brand.* tom. II. pag. 601. Eruditissimus thesauri Morelliani interpres: Aures, inquit, Begerianae coniecturae praebebo & aduertere animum incipiam, si quis mihi designet istum L. Iulium L. F. qui signauerit numum, quis & qualis fuerit. L. Caesar filius, inimicus Caesaris, & ab illo in Africa occisus esse nequit. L. Caesar pater, consularis iam & ante legatus Caesaris, nullum cudendae monetae munus obire potuit. In Galliis signasse legatum per quaestores, quis dicere ausit, Caesarem adhuc priuato, quum viuentis imaginem nequaquam monetae im-

tae imprimere liceret. Caput Romae est, etsi cum aliis eiusdem artificii denariis comparatur, cuius adparebit, esse muliebre, ipsius scil. deae Romae, non vero Iulii Caesaris. Haec HAVERCAMPVS. Mihi haec itidem arridet sententia, ne vero fallam fallarque, iudicium penes peritiores esse volo. *Litterae alphabeticae* matricum distinctionem indicant. Auersa pagina *currum Veneris* exhibet, ex qua L. Iulius, qui denarium signauit, originem se trahere gloriabatur; illa per aëra vehitur a duobus alatis Cupidinibus tracta, de quibus ita canunt poetae. *Ouid Fast. III. 1.*

Alma, faue vati, geminorum mater Amorum.

Valer. Flacc. VII. 171.

Tum Venus aligerum mater sic fatur Amorum.

Vtrum *lyro* Apollinis sit signum, nihil enim frustra in denariis signatur, an ad Apollinares ludos pertineat, quos in praetura forsan Iulius iste ediderit, VAILLANTIVS dubitat. Cel. HAVERCAMPVS *lyram* hanc concordiam indicare, numumque in Galliis signatum esse existimat. Verum ego, vir summus inquit, puto hos denarios in Galliis per quaestorem prouincialem, adeoque iussu legati Caesaris, Lucii Iulii cusos esse; qui quum per eandem cognationem ad Venerem & Aeneam atque Iulum, cum cognato suo C. Iulio Caesare, qui Gallias regebat, pertineret, pulcherrimo hoc typo vusus est, vt vtriusque nobilitatem & concordiam indicaret. Etsi, ignoto huius numi auctore, tempus, quo signatus sit, definiri haud possit: tamen non tam antiquum hunc esse denarium, quam quem iam in hac gente descripsimus, patet ex typo quaesitae a Veneris progenie nobilitatis, adeoque nequaquam simplici, adscripto praeterea patris nomine, quo prior caret; vid. *zbef. Morell* tom. II. pag. 202. sq. VAILL. in *famil. Rom. num.* tom. I. p. 502. VRSINVS *loc. cit.*

259. Caput Veneris.

CAESAR. Aeneas nudus gradiens, d. Pollium praefert, sinistro humero senem Anchisen gestans.

Asper.

Asper. Haud dubie & hic denarius Iuliae gentis originem celebrat; siquidem in aduersa caput *Veneris* exhibetur, de qua Caesar ipse gloriatur in oratione, quam habuit pro rostris in funere Iuliae. *Amirae*, inquit, *meae Iuliae maternum genus ab regibus ortum, paternum cum diis immortalibus coniunctum est.* Nam ab Anco Marcio sunt Marci reges, quo nomine fuit mater: a *Venere Iulii*, cuius gentis familia est nostra; vid. *Suet. in vita Iul. Caes. cap. VI. edit. Graeu. pag. II. sq.* Ἐκ γὰρ Ἀνέλῃς, inquit Appianus, καὶ Ἰούλις τῇ Ἀνέλῃς τὸ τῶν Ἰουλιῶν γένος; caet.

Iulius a magno deductum nomen Iulo, inquit *Virgilius*. Huc igitur sine dubio respiciens is, qui denarium cussit, *Veneris caput* in altera parte, in altera *Aeneam sublato humeris Anchise manu Palladium* gestantem signauit. Quod quidem tanquam perfidiae & proditae patriae pretium, vt liceret illi per Agamemnonem permissum fuerat, vt humeris auferret quod potissimum putaret: quoniam autem concessam licentiam non ad diuitias retinendas, sed ad parentis senio confecti & filii & Penatium salutem conuerterat, hac pietate permoti principes Achiuorum remisere, vt reuerteretur domum atque inde omnia secum quae veller auferret. Troia diruta, quo se reciperet diu quaesiuit Aeneas, tandem in Italiam peruenit, secum Penates afferens. Aeneas autem ex Creusa Iulum genuit, vnde nomen & originem se trahere iactabant Iulii: illi reges Albae regnarunt, ex qua ciuitate per Tullum Hostilium regem Iulii Romam sunt translati, & a rege in patres cooptati. *Herodianus* lib. I. *Palladium*, i. e. Minervae signum, Romae in fano Vestae adseruatum narrat, id fuit e ligno compactum, mouens oculos atque hastam, quam manu ferebat, vt scribit *Seruius*; vid. *VAILL. tom. I. pag. 504. Fulv. VRSINVS edit. Patin. pag. 125. sq. conf. Florus BEGERI pag. 37. Const. LANDI select. numism. pag. 7. sqq. Jac. OISELII thes. antiqu. numism. pag. 406.*

260. consul TERTIUM DICTATOR ITERUM. Caput Cereris spicis exornatum.

AVGV R PONT*ifex* MAXIMVS. Instrumenta pontificalia, capeduncula, adspergillum, praefericulum, lituus, ad cuius litui latus litt. D. conspicitur.

Integerrimus, qui consulatum tertium Caesaris coniungit cum eius dictatura secunda. Consulatum tertium A.V.C. ICCCVIII. calendis Ianuariis vna cum Man. Aemilio Lepido iniit, sed iam ante, priori anno dictaturam susceperat secundam; itaque initio anni consul III. dictator II. vel iterum dicebatur. Verum post aliquot eiusdem anni menses, deuictis in Africa Pompeianis, senatus dictatorem eum in decennium deinceps constituit, & tertium dictator adpellatus fuit Caesar, sicque in eodem anno postea dictaturam consulatumque tertio, secundum *Dionem*, lib. XXXXIII, gessit. His ita praemissis facile patet numos haud *Dionis* testimonio repugnare; vid. VAILLANTIVS in *fam. Rom. num.* tom. I. pag. 508. sq. Caesar autem, *peracto triumpho magnificum populo dedit epulum, addito extra ordinem frumento oleoque*; vid. *Dio lib. cit.* pag. 254. Hanc donationem confirmat hic denarius, in quo *caput deae frugiferae* siue *Cereris spicis coronatum* cernitur: quare (his cel. HAVERCAMPVS addit,) littera D. quae abest a picturis VRSINI & VAILLANTII forsan *Dedit* vel *Diuisit* vel *Distribuit*, in hoc denario designat, vt ita dicatur Caesar (cuius nomen subintelligitur) in hoc consulatu suo tertio, quum tertiam insuper dictaturam, praeter alios auguratus & pontificatus maximi honores, iniret, Cererem (cuius deae caput in numo est) id est frumentum populo Romano dedisse, diuisisse, vel distribuisse. Vel potius ad litteras alphabeticas, vt matricum notas, spectat. Ex *thes. Morell.* tom. II. pag. 206. Instrumenta Pontificalia illustrant *Henr. KIPPINGIVS* in *antiq. Rom. edit. Batav.* pag. 252. NIEVPOORTIVS de *ritib. Rom.* sect. III. cap. III. §. X. p. m. 296. conf. ea, quae supra pag. 88. num. 159. prolata sunt. 261. Caput Veneris cum Cupidine ad collum, qui monile collo deae adaptat.

CAESAR. Tropaeum cum clypeis & lituis militaribus,
Z ad

ad inferiorem partem adfident figurae lugentes, vir & mulier, tanquam captiui.

Caesar, antequam ipsi concessum fuisset numos cum imagine sua signare, *Veneris caput*, vt originem ex illa se ducere persuaderet, in iis cudere solebat. *Victoriam de Gallis & Germanis* auersae paginae typis innui eruditi autumant, vt Gallia quidem muliere moesta passis atque solutis capillis exprimatur, Germania habitu barbari istius, qui manibus post terga reuinctis ferociter ad erecta spolia & sua quondam arma respicit. De Ariouisto Germanorum rege profligato & de amplissima hac Caesaris victoria *Plutarchus* p. 717. *Fusus*, inquit, *ingenti strage triginta septem millia quingentos passus usque ad Rhenum insequutus, campum hunc cadaueribus & spoliis totum compleuit. Ariouistus praerepta fuga Rhenum cum paucis traiecit. Cecidisse dicuntur octoginta millia.* Quo in loco videtur erectum tropaeum; vid. *Fulu. VRSINVS edit. Parin.* p. 129. *VAILL. infam. Rom. numis* tom. I. pag. 505. sq. *Thes. Morell. numism.* tom. II. pag. 207.

262. CAESAR. Elephas draconem calcans.

Capeduncula, adspergillum, securis & apex.

Sacrificiorum instrumenta, quae auersa denarii pagina exhibet, ad pontificatum maximum Iulii Caesaris spectant. Africanam de Iuba rege victoriam aduersae paginae typis innui plerique crediderunt antiquarii; quia serpentum & elephantorum magnam Africa aluit copiam; prout canit *Monilius Astron. lib. III.* p. m. 100.

Horrendos angueis, habitataque membra veneno,

Et vastos elephantos habet, saeuosque leones.

Et elephas quidem serpentem vel draconem calcat, quia Plinio & Aeliano testibus iis cum draconibus perpetua est discordia. Elephantem in Caesaris numis quidam signari putarunt, quod auus Caesaris, occiso in Africa elephante, qui *Caesar* ibidem appellabatur, Caesaris cognomen acceperit. Verum diu ante auum Iulii, cognomen illud familiae isti haesisse probarunt viri doctissimi. Errarunt &

& alii, qui ad certamen elephantorum ab illo vt dictatore, Romam reuerso, exhibitum, referunt. In memoriam potius, vt iam diximus, victi Scipionis & Iubae denarii isti signati esse videntur; vid. VAILLANT. *famil. Rom.* tom. I. pag. 503. *Thes. Morell.* tom. II. pag. 209. conf. *Gisberti CVPERI exercit. de elephant. in numis obuiis* p. 163. & passim, *Const. LANDI select. numism. antiqu.* pag. 24. sq. *Iac. OVZELII thes. antiqu. numismat.* tab. I. pag. 5.

263. CAESAR Dictator TERTIUM. Caput Victoriae humeris alatis. *caius CLOVIUS Praefectus.* Minerua tropaeophora gradiens, cum serpente ad pedes, d. tropaeum super humeros adtollit, l. clypeum tenet, in quo Medusae caput est, prominent a tergo tria gaesa Hispanica, dependente sub clypeo lacinia vestis.

Integerrimum sec. magn. numisma, quod curatius aeri incisum tab. III. num. VIII. *conspiciendum sistimus.* Insigne hoc νόμισμα Romae signatum videtur, ab vno ex praefectis vrbi Caio Clouio. Victoriarum omnium Caesaris breue continet compendium. Nam postquam rediisset in urbem Caesar, magnificentissimos illos triumphos, quatuor quidem antea eodem mense, nouissimum vero quintum de Pompeii liberis & Hispania Romae egit. Plura in Clouia gente supra pag. 117. num. 202. ad hoc ipsum numisma prolata sunt, vnde pleniorē haurire notitiam eruditum lectorem iubemus.

264. Caput Caesaris laureatum.

quintus VOCONIVS VITVLVS quaestor designatus. Senatus Consulto. Vitulus stans.

Serratus, cui trium thalerorum pretium constituunt. Non additur in aduersa epigrapha, quia cusus est a quaestore designato temporibus Octauiani Caesaris, non indigebat adponi nomen diui, quod pro lubitu in aliis adponebatur, vt ex similibus numis patet, vel omittebatur, vt ex hoc liquet. Post mortem Iulii Caesaris argen-

teum hunc denarium signatum fuisse DIVI IVLII inscriptio, quam similes quidam denarii exhibent, docet. De Voconio Vitulo, qui ad nomen suum adludens vitulum expressit, visuri sumus in gente Voconia.

265. DIVOS IVLIVS. Caput Iulii Caesaris laureatum.

CAESAR DIVI *filius*. Caput Caesaris Octavianiani nudum.

*Aereum primi mod. numisma. Quum omnes Augusti numi sine exceptione rari sint; patet hinc vnius thaleri pretium, quod huic metallioni MORELLIVS constituit, omnino vilissimum esse; vid. Euchar. Gottl. RINCKII de veteris numismatis potentia & qualitate lucubratio pag. 182. Antequam Caesar Octavianus Augusti nomen adsumeret, hoc & similia signari curavit numismata. In plerisque illorum DIVI *filium* sese vocat, quod fecit praecipue, ut ostenderet ius suum haereditarium ad omnia Caesaris, ipsumque imperium, & gratus prae caeteris, potentiam ambientibus, esset apud omnes, quibus grata Caesaris erat memoria. Ex *thes. Morell.* tom. II. pag. 216.*

266. AVGVSTVS DIVI *filius*. Caput Augusti nudum.

DIVVS IVLIVS. Stella crinita siue Iulium sidus.

*Asper, inauratus, quem, quia tum a typis Morellianis, tum a vulgaris adhuc imperatorum Romanorum numis differt, rarioribus adnumeramus. Augustus, victo ad Actium Antonio, & solus rerum potitus, ostendere hoc & pluribus eiusdem generis numismatis voluit, mortem patris sui Caesaris iam omnibus modis esse vindicatam, servatorem sese civium merito esse adpellatum, adeoque patri quidem in caelis inter astra honorem, sibi in terris obtingere, ut qui diuisum imperium cum Ioue haberet, post fata inter sidera quoque recipiendus. Haec HAVERCAMPVS in *comment. ad thes. Morell.* pag. 217. conf. VAILL. in *fam. Rom. num.* tom. I. pag. 529. *Sueton. in vita Iul. Caes.* cap. 88. *edit. Graev.* pag. III.*

267. Caput Apollinis laureatum.

IMPERATOR CAESAR. Colonus boues agens.

Asper, subaeratus, elegans, quem primum vulgavit MORELLIVS. Respicit, eruditissimus thesauri Morelliani interpres inquit, hic denarius ad coloniam a Caesare Octauiano Carthaginem in Africam deductam. Acta videlicet omnia patris sui Iulii confirmare factaque eius imitari Octavianus studuit. Colonias vero Corinthum & Carthaginem, nobilissimas olim vrbes & vetustissimas fecerat Iulius Caesar A.V.C. Ioccx. vti ex *Dione* lib. XXXXIII. & numis eiusdem Caesaris aereis constat. Verum Lepidus triumuir in ciuilibus discordiis, vt militarem suam potentiam firmaret, magna coloniarum parte orbauerat Carthaginem. Denuo itaque colonis frequentauit Augustus, teste eodem *Dione* lib. LII. pag. 494. καὶ Καρχηδόνα ἐπαπώριστεν, ὅτι ὁ Λέπιδος κ.τ.λ. Contigit haec Carthaginis instauratio altera A.V.C. Iocccxxv. vid. *thes. Morell.* tom. II. pag. 219.

268. Caput dei Triumphi alatum & laureatum cum cincinnis crinium contortis, pone tridens & naus prora.

LUCIUS IULIUS BURSIO. Victoria in citis quadrigis, d. corollam praeferens, l. equorum tenet habenas.

Is qui hunc cudit denarium, L. Iulius Bursio vocatur. Ingentis vero victoriae hunc numum testem esse patet non tantum ex *deae Victoriae quadrigis*, verum etiam *dei Triumphi* capite. Imperium maris eadem victoria adsertum populo Romano fuisse per *naus proram* & *tridentem* exprimi credimus. Cel. HAVERCAMPVS Syracusis hunc signatum esse existimat, tum quoniam vox ROMA non adscribitur, tum quia in aliis huic denario paene per omnia simillimis numis saepe minores typi, tantum in Syracusanorum numis obuii, adeoque eius vrbis officinis proprii, inueniantur. Vnde vir doctissimus suspicatur omnes hosce denarios Syracusis cusos esse a provinciali quodam in Sicilia quaestore, vel vno ex Scipionis imperatoris quaestoribus, eo tempore, quo diruta Carthago, maris im-

perium (quod haecenus ambiguum inter duas illas vrbes fuerat) perpetuum vrbi Romae cessit. Euersa vero fuit illa vrbs A.V.C. Iocvii. atque desitaemula imperii orbis terrarum existeret. Ex Sicilia vero in Africam traiecit Scipio, &, Romam rediens, per Siciliam itidem profectus est, quae quasi praesidiaria Romanorum erat prouincia. In ea igitur ad triumphi Africani vsum tam imensa denariorum vis cusa fuisse videtur, curante L. Iulio Bursione, qui cognomen illud nactus forsitan est ab oppugnatione arcis Byrsae, munitissimi totius Carthaginis loci, atque illo cognomine, dato forsitan, quod inter primos in munitionem illam irruperit, in denariis hisce superbire voluit. Familiam eius numerosam haud fuisse patet, quod nusquam in veteri historia cognominis eius mentio occurrat. Ex *thes. Movell numism.* tom. II. pag. 219. sq. conf. *VAILL. fam. Rom.* tom I. pag. 535.

I V N I A.

269. AHALA. Caput Seruili Ahalae nudum.

BRVTVS. Caput L. Iunii Bruti nudum.

Integerrimus, longe elegantissimus, cui periti vnius zholeri pretium constituunt. Iunia gens patricia fuit temporibus regum, eos tamen, qui supersunt in numis, plebeiae fuisse familiae tribunatus plebis restantur. Ad antiquum tamen illum L. Brutum, qui quondam Tarquinius eiecerat, suam gens Iunia referebat originem. M. Iunius Brutus, Caesaris percussor & liberandae patriae auctor, Brutum & Ahalam (barbato, iuxta antiqui temporis morem) in denariis suis signauit, quoniam per matrem Seruiliam rei publicae tutatorem, & Spurii Melii, regnum adfectantis, occisorem, Seruilium Ahalam attingebat, paternum vero genus ad Brutum, qui reges expulit, referebat, cuius aenea statua in Copitolio inter reges stricto ense posita erat, vt tradit *Plutarchus*. Ad hanc cognationem adludit *Cicero, Philipp II. cap. 11.* his verbis: *Etenim si auctores ad liberandam patriam desiderarentur illis auctoribus, Brutos ego impellerem, quorum vterque L. Bruti imaginem quotidie videret.*

ret, alter etiam Abalae? Haec illum exempla ad caedem Caesaris, alia de ipso & meliora meriti, impulerunt. Lucii enim Bruti istius veteris in omnium Romanorum ore laus erat. *Tullius ad Herenn. lib. III. cap. 53. p. m. 43. Quod si nunc L. ille Brutus reuiviscat, & hic ante pedes vestros adsit, non hac utatur oratione? Ego reges eieci, vos tyrannos introducitis: ego libertatem, quae non erat, peperit: vos partem servare non vultis: ego capitis mei periculo patriam liberaui, vos liberi sine periculo esse non curatis.* Et de Oratore lib. II. quamvis ibi de alio Bruto, I. Cti filio, agatur, *cap. 55. edit. Gronou. pag. 120. Brute, quid sedes? quid illam animum patrinuntiare vis tuo? reliqua.* Quare ad omnes Brutos studium & ardorem patriae liberandae tyrannorumque odium transfert idem Cicero Philipp. III. cap. 4. p. m. 669. *Hoc vero recens editum D. Bruti, quod paullo ante propositum est, - - - regnare patietur Antonium?* Et inter praecipua coniurationis capita M. & Decimus Bruti, ad hanc ipsam pristinam gentis gloriam excitati leguntur apud Suetonium in *Julio cap. LXXVIII. edit. Graev pag. 98. sq. Subscripsere quidam L. Bruti statuae, Utinam viueres. Item ipsius Caesaris statuae, Brutus quia reges eiecit consul primus factus est, hic quia consules eiecit rex postremo factus est. Conspiratum est in eum a LX. amplius, C. Cassio, Marcoque, & D. Bruto principibus conspirationis.* Bruti vero cognomen antiquiori illi Iunio adhaesit ex simulata & salutari ipsi stultitia, quem minime Brutum fuisse, & facta eius declarant & illud Ciceronis in Bruto cap. XIII. *Quis enim putet aut celeritatem ingentii - - - oratione persuasum.* Quamvis autem ad invidiam Brutorum, post caedem Caesaris, opprobrium eorundem nobilitati inurere voluerint Caesariani, stant tamen pro eadem Cicero & Plutarchus. Ille Philipp. I. cap. 6. p. m. 653. *Fuerit ille L. Brutus, qui & ipse regio dominatu rem publicam liberauit, & ad similem virtutem, & simile factum stirpem in prope quingentesimum annum propagavit.* Hic in vita ipsius Bruti edit. optimae pag. 984. *Paternum genus nonnulli, Bruto ob interemptum Caesarem haud obscure infensi, negant ad eum Brutum pertinere, qui reges eiecit,*

rit, facie sua retulisse. Seruillii Ahalae, vt diximus, caput ab altera denarii parte cernitur, quoniam M. Iunii Bruti mater ex Seruillii Ahalae posteris erat, teste ibidem *Plutarcho*. *Mater Bruti Seruilia ad Seruiliū Abolam genus refert*; reliqua. *Macrobius, Saturn. lib. I.* narrat Iunium mensem dictum esse a Iunio Bruto, propterea quod eo mense cal. Ian. pulso Tarquinio sacrum Carinae deae in Coelio monte voti reus fecerit; vid. *thes. Morell. tom. II. pag. 220. sq. conf. VAILL. numi antiqui familiar. tom. II. p. 1. sq. Fulv. VRSINVS per PATIN. auctus pag. 139.*

270. LIBERTAS. Caput deae Libertatis.

BRVTVS. Consulis processus inter duos lictores cum fascibus & securibus, praeunte accenso.

Eleganter signatus, quem tab. III. num. V. accurate delineatum sistimus. Idemille M. Iunius Brutus, Caesaris parricida, etiam hunc percussit denarium. Et quemadmodum in praecedenti principis familiae suae vultum expressit; ita in hoc honorem eiusdem, vt qui primus post expulsos reges consul factus est, exhibet. Hinc *subscriptum Bruti nomen, & accensus consulem* atque lictores praeciens. Perillustr. *Ezech. SPANHEMIVS tom. II. pag. 93. BEGERI* errorem, qui duos consules Brutum & Poplicolam exprimi credit, iam pridem refutauit. Accensus, ab acciēdo ita dictus, minister erat consulis, qui priuatos vrbis Romae ciues ad consulem acciebat, quique ad nutum consulis praefens, vbi procederet, adesse semper debebat. *Tullius lib. II. de legib. cap. 24. Vectur accenso, inquit, & lictoribus.* Maximus in re publica honos consulatus, maxima laus L. Bruti; non potuit typus magnificentior in denariis Brutorum imprimi. *Cicero in orat. pro Plancio cap. 25 p. m. 552. Honorum populi finis est, consulatus: quam magistratum iam obtinēti fere consecuti sunt. Horum, si diligenter quaeras, vix decimam partem reperias gloria dignam. Sed nemo vquam sic egit, vt tu. Cur iste sit consul? quid potuit amplius, si L. Brutus esset, qui ciuitatem dominatu regio liberauit? Honore nihil amplius, lau-*
de

de multum. Traianus imperator inter plerosque, quos restituit, consulares denarios, hunc quoque restitutione dignissimum iudicavit. *Ex thes. Morell. loc. cit.* Brutus *Libertatem* procul dubio ad incitandos pro illius conseruatione Romanos expressit; vid. VAILL. tom. II. pag. 4. sq. *Fulu. VRSINVS loc. cit.* conf. *Florus* BEGERI pag. 59. & p. 85.

271. Caput Romae alatum, pone quod caput asini.

MARCUS IUNIUS. ROMA. Dioscuri hastati in equis.

Familiarum Romanarum denariis antiquitatem Dioscurorum typus conciliare solet, vnde ad altiora rei publicae tempore argenteus iste merito refertur. *Fulu. VRSINVS* M. Iunium Silanum eum hic designari autumat, qui Augusti collega A. V. C. 1000XXVIII. in nono consulatu fuit. Errat autem vir clarissimus. Augusti enim tempore non Dioscurorum typis, verum bigis atque quadrigis insigniebantur denarii. Fuere olim complures ex familia Iunia Brutorum, qui Marci praenomen habuerunt; & hinc non conueniunt eruditi, cuinam M. Iunio Bruto iure hic denarius tribuendus sit. Addita vox ROMA Romae, & quidem in quaestura vrba, eundem cusum esse denotat. Cl. HAVERCAMPVS ad Brutorum cognomen *caput asini* refert, quod, vt indecorum, in numis expressum, nemo cauilletur, quum Furii Crassipedes pedem tumescentem, (vt supra pag. 166. ad num. 247. vidimus) alii aliud, quod similiter in dedecore poni posset, signauerint ad nominis sui originem indicandam. M. Iunius Brutus id fecit, vt ab aliis Iuniis, qui Libonis, Perae, & familia gerebant cognomina, discerneretur. De *Castore* & *Polluce*, frequenti antiquiorum denariorum typo, supra pag. 83. ad num. 153. dictum est; vid. HAVERCAMPVS *loc. cit.* VAILLANTIVS tom. II. pag. 6. *Fulu. VRSINVS edit. Rom.* pag. 126. conf. *Florus* BEGERI pag. 102. sq.

272. Caput Fauni laureatum & acutis auribus praeditum, sub quo est aratrum, in ambitu torquens cernitur.

DECIMUS SILANVS LUCII FILIUS. Victoria in citis bigis,

A a

d. fla.

d. flagellum, l. palmam tenens & equorum habenas;
sub equis est lituus militaris.

Longe elegantissimus. Praeclare docuit *Fulu. VRSINVS*, quem *PATINVS*, *VAILLANTIVS* & ipse *cel. HAVERCAMPVS* sequuntur, *D. Silanum* ex *Manlia* gente ad *Iunios Silanos* transiisse, adeoque ex prosapia *Manlii*, qui filium ob prouinciam male administratam abdicauit, hunc vero ipsum, ut antiquam & gentilitiam nobilitatis suae notam, *torquem*, typum *Fauni*, bene auriti numinis, ambientem, in denariis suis addidisse; idem enim ille torquens, a quo *Torquati* nomen habuerunt, in *Manlia* gente obseruatur. Infelix quidam *D. Iunius Silanus* a patre *Manlio Torquato* abdicatus vitam suspendio finiuit, ex istius posteris fuit *D. Silanus*, qui hunc signauit numum. *Valerius Maximus* lib. V. cap. VIII. ex. 3. p. m. 195. tragice casum illum exposuit. Cum ad senatum *Macedonia* de filio *Manlii Torquati D. Silano*, qui eam prouinciam obtinuerat, querelas per legatos derulisset, a patribus conscriptis petiit, ne quid ante de ea re statuerent, quam ipse *Macedonum*, filique sui, causam inspexisset. Summo deinde cum amplissimi ordinis, tum etiam eorum qui questum venerant, consensu cognitione suscepta, domi consedit: solusque verique parti per totum biduum vacauit, ac tertio plenissime die, diligentissimeque auditis testibus, ita pronunciauit: Cum *Silanum* filium meum pecunias a sociis accepisse mihi probatum sit, & re publica eum & domo mea indignum iudico, prozinusque a conspectu meo abire iubeo. Tam tristi patris sententia percussus *Silanus*, lucem ulterius intueri non sustinuit, suspendioque se proxima nocte consumpsit. Vid. *Cicero* lib. I. de senibus cap. 7. p. m. 1086. Quid? *L. Torquatus*, is, qui consul venire vetuit. *Fauni* effigies antiquitatem *Iuniae* gentis denorat; refertur enim ad vocem illam, *Fauni* creditam, quae e propinquiore filua in castris audita est, acri pugna inter Romanos & *Herruscos* ob pulsos *Tarquinius* commissa, quaeque iusserat Romanos bono animo esse, eos enim victoriam esse deportaturos. Haec ex *Dionysio Halicarn.* *VAILLANTII* est sententia; vid. eiusd. fam. Rom. num. tom. II. pag.

20. sq. Contigit haec pugna A.V.C. ccxxxxv. Faunus vero inter deos agriculturae praesides olim ponebatur, vnde quoque filium eius faciebant Sterculium, qui primus agrorum stercorationem inuenerit, eaque de ratione *aratrum* capiti Fauni subiungitur. Auerfae typus vel priscam illam, de qua iam dictum est, populi Romani victoriam renouat, vel aliam quandam, quae D. Silano quaestore obtigerit, significat; vid. HAVERCAMP *comment. in thes. Morell.* pag. 222. conf. VRSINVS *edit. Patin.* pag. 141.

273. Caput Romae galea alata tectum, retro illud litt. A.
Decimus SILANVS Lucii filius. ROMA. Victoria in citis bigis vtraque manu equorum habenas tenens; desuper est nota numeralis VIII.

Littera A. in aduerso huius bigati typo, quum in similibus denariis aliae inueniantur litterae, matricum nota fuisse videtur: notas autem numerales alii ad monetarios, alii ad argenti numerum referunt; vid. VAILL. *loc. cit.* Nihil noui vel singulare continet iste denarius, simplicem enim bigatorum typum exhibet. Quoniam in hoc numo Manliae gentis, & ex illa Torquatorum familiae, insignia absunt; hinc VAILLANTIVS D. Silanum hunc recte distinguit ab illo, qui per adoptionem Iunia familiae insertus erat; vid. *thes. Morell.* tom. II. pag. 234.

274. *Quintus CURTIUS.* Caput Romae galeatum.
MARCUS SILANUS. ROMA. Iupiter in citis quadrigis, d. fulmen tenet, l. sceptrum & equorum habenas, desuper caput elephantis cum proboscide.

PIGHIVS, VAILLANTIVS & ipse cel. HAVERCAMPVS Marcum Iunium Silanum cum Quinto Curtio, in quaestura vrbana hunc denarium cudisse autumant; nos vero eosdem simul triumuiros monetales fuisse existimamus: rationes, quibus haec nostra coniectura innitur, supra pag. 139. eidem huic numo in gente Curtia subiunximus.

275. BRVTVS IMPERATOR. LVCIVS PLAETORIVS CESTIANVS. Caput
Bruti percussoris Caesaris, nudum.

EIDVS MARTIAE. Pileus inter duos pugiones.

Subaeratus, asper, rarissimus, quem summa periti artificis industria aeri incisum tab. III. num. V. exhibet. Huic denario quinquaginta thalerorum pretium ipsi constituunt antiquarii: interdum autem amor numi omni ratione valentior est, ita ut numerum huncce definitum ad decuplum augeat; tanta est interdum ementium temeritas. Ne vero mendacii me arguant imperiti, prodeat testis celeb. Euerhar. Gottl. RINCKIVS, ex cuius elegantissimo de veteris numismatis potentia & qualitate libello haec deprompta sunt. Eximius iste denarius multa nobis in historia Romana memorabilia ante oculos ponit. En illius Bruti effigiem, qui Caesarem interfecit, titulum imperatoris, quem adfectauit & adeptus est, gloriam cum Cassio communicatam in caede Caesaris & restituenda libertate; quae omnia mirifice Dionis verba illustrant, & ab illo vicissim lucem accipiunt. Vbi enim narravit, quomodo, victis Bessis, imperatoris titulum adeptus fuerit, addit, numisma quoque ab eo percussum fuisse, in quo imaginem suam signauerit & typum patriae a se atque Cassio in libertatem vindicatae. Dionis Cassii verba audienda sunt. Scribit is lib. XXXXVII. in hunc modum: Βεῆτος μὲν ταῦτά τε ἐπραξε, καὶ ἐς τὰ νομίσματα αὐτὸν ἐκόπτετο, εἰκόνα τε αὐτοῦ καὶ πύλινον, ξιφιδία τε δύο ἐνετύπῃ· δηλῶν ἕκ τε τούτου καὶ διὰ τῶν γραμμάτων, ὅτι τὴν πατρίδα μετὰ τοῦ Καίσαρος ἡλευθερώσας ἔην. id est. Haec Brutus egit: qui etiam numismati quod eudebat, suam imaginem cum pileo ac duobus pugionibus impressit, eo & inscriptione declarans, patriam a se & Cassio esse in libertatem vindicatam. Hinc in auersa numi pagina pileus ille libertatis, quo, qui libertatem accipiebat, donabatur, expressus est. Vtriusque praeterea & Bruti & Cassii in caede Caesaris & restituenda patriae libertate gloria in eadem numi parte cernitur; ideo enim medius pileus inter duos ponitur pugiones, ut manu Cassii aequae ac Bruti creda-

credamus libertatem populo Romano caede tyranni restitutam fuisse. *Facies Bruti* in hoc denario cernitur, utpote cuso a legato Bruti Plaetorio, cernitur autem iuxta Plutarchi descriptionem macilenta; a pallidis enim & macilentis, altaque eorum cogitatione cauendum sibi Caesar dixit apud *Plutarchum in vita Caesaris* pag. 737. *Iterumque delatis apud eum Dotabella & Antonio, quasi ii res novas machinarentur, dixisse fertur, se sibi baud magnopere acrosis istis crinitisque metuere, sed a pallidis istis atque macilentis: Cassium & Brutum notans.* Vid. *thes. Morell* tom. II. pag. 225. sq. *VAILL. infam. Rom. num.* tom. II. pag. 8. conf. *OISELII thes. antiqu. numism.* p. 438. *Cl. RINCKIUS in laud. opusc.* pag. 178. sq.

276. *Aulus POSTUMIUS consul.* Caput nudum A. Postumii consulis & dictatoris.

ALBINUS BRUTI filius. in corona spicea.

Asper, qui iudice MORELLIO tbalorum valet *Cl. HAVERCAM- PVS* Brutum hunc D. Bruti, A. V. C. 1061. consulis, filium fuisse existimat, qui quum sese & Aulo Postumio Albino adoptandum dedisset, & Iunius & Albinus passim vocatur, atque nunc D. Brutus, nunc Brutus Albinus apud scriptores dicitur, in denariis vero seipsum scripsit Albinum Bruti filium. Hic quoque Brutus inter hostes Caesaris fuerat, atque partium Pompeianarum. Vita tamen donatus, & muneribus auctus, non modo inter praecipuos Caesaris amicos locum tenuit, sed & inter secundos eius haeredes est scriptus & consul in annum sequentem designatus. Nihilominus coniuratis sese adiunxit, atque inter percussores exstitit. Unde lege Pedia damnatus consulatum non iniit, verum hostis iudicatus bello ab Antonio peritus est, atque post roleratam fortiter Mutinae obsidionem, quum clam in Macedoniam ad M. Brutum fugere vellet, agnitus in fuga atque interfectus fuit. Expressit in hoc denario *nobilitatem gentis Postumiae*, cui per adoptionem insertus erat; eius vero praeclarum decus erat Postumius dictator, cuius pugna ad lacum Regillensem memorabilis, in Postumiorum quo-

que denariis celebratur. Ab altera numi parte exhibuit *coronam spiceam*, quae itidem ad Postumium spectat, votumque eius, quod illo in proelio fecit, de aede Cereri Libero Liberaeque dedicanda, si per victoriam rerum vbertas Romanis redderetur; quam dedicatam a consule Cassio fuisse scribit *Dionysus Halicarnassaeus* in fine lib. VI. pag. 414. Κάσιος δὲ ὁ ἕτερος τῶν ὑπάρχων, κ. τ. λ. Vi dentur vero omnes hi numi cusi fuisse eo tempore, quo iam bellum civile contra Antonium administrabat D. Brutus, qui tanto lubentius dictatoris consulisque A Postumii facie denarios suos decoravit, quod sicut ille contra Tarquinius exsules regnum repetentes, Latinosque in auxilium vocantes, bellum gesserat, sic ipse, pro extirpanda tyrannide, reliquias Caesareanae dominationis prosequeretur; vid. *thes. Morell.* tom. II. p. 231. conf. *VAILL.* in *fam. Rom. num.* tom. II. pag. 15. *VR SINVS edit. Patin.* p. 144. sqq.

277. PIETAS. Caput deae Pietatis.

ALBINVS BRVTI *filius*. Duae dextrae iunctae caduceum alatum tenent.

Duae dextrae caduceum, felicitatis symbolum, tenentes Bruti & Panfae militum concordiam denotant. Eo enim tempore cusus est iste denarius, quo Mutinae per Antonium obsidione cinctus Decimus Brutus, victoria, quam consules Hirtius & Panfa de Antonio retulerant, fuit liberatus. Id dextrae iunctae indicant, quae mutuam fidem designant, ex qua nata felicitas, quae caduceo significatur; totum vero illud imputabant pietati in patriam & ciues, vnde *deae Pietatis imago* in parte anteriore; vid. *VAILL.* in *fam. Rom. num.* tom. II. pag. 16. conf. *cel. HAVERCAMPI comment.* in *thes. Morell.* pag. 232. *Fulu.* *VR SINVS loc. cit.*

L I C I N I A.

278. *Lucius cosconius marci filius*. Caput Romae galeatum.

Lucius Licinius. Cneus Domitius. Mars in citis bigis, d. hastam protendens, l. parmam tenet & lituum militarem.

Lici-

Licina gens *plebeia* quidem fuit, illustres tamen familiae, virique consulatu & pontificatu maximo clarissimi ex ea orti sunt. Supra pag. 136. in Cosconia gente, & pag. 141. in gente Domitia tum de huius denarii pretio, tum etiam de typis & illis, quorum nomina in denario exprimuntur, vberius egimus.

279. *senatus consulto*. Caput Veneris Victricis laureatum.

Publius CRASSVS marci filius Figura militaris, veste succincta, d. equum gradientem capistro ducens, sinistra, qua hastam tenet, clypeo innititur, ante pedes modius cernitur.

MORELLIVS in *epist. ad cl. PERIZONIUM* ita de auersae paginae typis scribit: Quid septimus Liciniorum numus sibi velit, cum primis scire desidero. Nam figura muliebris equum ducens galeata est, habetque ad pedes modium; vix ergo ad censorem referri poterit, prout viri peritissimi iam scripserunt; vid. *Christoph. WOLTERECKII electa rei numariae* pag. 65. Respondit PERIZONIUS: Numum septimum Licinae gentis habeo, sed obscuriorem, quam ut figurae in auersa parte exhibitae liquido cognosci possint. Magis tamen, ut ingenue agam, figura equum ducens videtur virilis, expeditis quippe pedibus, quam muliebris; sed & sub equo quod conspicitur, propius mihi ad clypeum videtur accedere, quam ad modium. Sed & videtur clypeus pedibus hominis adpositus congruere cum hasta, quam idem solo infixam sinistra manu tenet. Quocirca prorsus putem hoc numo designari equitum transuersionem & probationem. Vide *Valerium Maxm.* II. 2. 9. & illustrem SPANHEMIVM pag. 550. 551. Haec PERIZONIUS, cui, quoad transuersionem & probationem equitum adstipulantur VAL-ILLANTIVS anique meliores antiquarii, prout in hac sententia ipse illust. SCHVLZIVS, cuius tranquillos manes veneror, adiecit. Censorum inter alia quondam erat dignitas, senatorem mouere loco, & equiti adimere equum & annulum, si quis scilicet improbis moribus esset. Etiam equites ante eos transmirebant equos,

equos, & si quis equum habere gracilentum, aut parum nitidum, visus erat, impolitiae, id est, incuriae notabatur. Ideo denarius nobis exhibet equitem stantem, capistro equum tenentem, & laeva hastam; in cuius imo clypeus cernitur. Confuendus est cl. NIEVPOORTIVS in *succincta rituum*, qui olim apud Romanos obtinuerunt, *explicatione* sect. II. cap. VIII. p. m. 118. sqq. De modio, qui praeter clypeum in aversa numi parte exprimitur, a cl. PERIZONIO itidem doceri volebat MORELLIVS, de illo autem filiet vir doctissimus. Quod, si HAVERCAMPO credimus, accidit, quoniam modium in suo non inuenerat PERIZONIUS; sine modio enim FVLVIUS quoque, PATINVS, & VAILLANTIUS depinxerunt. Vnde thes. Morelliani interpret autumat, & modium & clauam, quae in similibus denariis aliquando cernitur, ad monetariorum officinas, siue signa monetariorum referri debere. In cuius denarii tempus inquiramus. P. Crassus M. F. P. N. A. V. C. 1000 fortissime contra Parthos dimicans cecidit. Hic vna cum Iulio Caesare fuerat in Gallia. Namque nominatim, ut adolescentis, mentionem facit ipse *Caesar de bello Gallico* in fine lib. I. Id quum animaduerrisset P. Crassus adolescens, qui equitatu praerarat, & lib. III. cap. 7. P. Crassus adolescens cum legione VII. caet. Eiusdem Crassi res gestae in Galliis per censentur eodem lib. III. cap. 20. Videtur itaque, ut quaestor, eo tempore Caesari adfuisse, atque in Galliis hunc denarium cudisse, in quo ab altera parte *Veneris Victricis* caput in honorem Caesaris expressit, ab altera vero parte *symbolum censurae*, quam dignitatem & pater & auus gesserant. Ad caput Veneris Victricis *litterae* S. C. leguntur, inde ut opinamur, quod Caesari in Galliis magnas res gerenti procurantibus Pompeio & Crasso ex senatusconsulto in quinquennium prorogatum fuerit imperium. Ex thes. Morell. numism. tom. II. pag. 238. conf. VAILL. tom. II. pag. 31. VRSINVS edit. Paris. p. 149.

279. ROMA. Bustum Romae, capite galeato, ante quod iuxta frontem luna crescens, d. spiculum super humeros tenet,

net, ad humerum laeuum clypeus, cui eques insculptus est, cernitur; adest solita denarii nota.

Publius NERVA. Cancelli comitiorum cum ponte, in quo vir togatus cernitur adiribitore tabellam accipiens, itemque alius vir togatus tabellam similem post inscriptum suffragium deiiciens in cistam.

Integevrimus, quem, quia in comitiis rationem ferendi suffragia ante oculos depingit, tab. III. num. VII. *odumbratum sistimus*. Dubitat VRSINVS, utrum ad gentem Liciniam ad Siliam hic denarius referendus sit; utriusque enim Neruae cognomen fuit. In Silia vero eundem reposuit VAILLANTIVS, quod nullus praenomine Publius inter Licinios Neruas inueniatur. Antiquior vero, HAVERCAMPO iudice, hic denarius est, quam ut ad P. Silium Nervam, qui A. V. C. DCCCXXXIII. cum M. Appuleio consulatum gessit, referri possit. Cl. VAILLANTIVS EPIGHIO obseruat, latam a duobus tribunis plebis P. & M. Silio Nerua de ponderibus coequandis, cuius *Festus* meminerit, legem: a quo proinde P. Silio, aut ab eius filio, lata sit forte lex de comitis aut suffragiis ferendis, ad quam hic numus respiciat. Nam in parte auersa expressa sunt *septa* siue *cancelli* comitiorum, quibus populus suffragium laturus includebatur: *pontes*, quos C. Marius lege sua angustiores fecit, ne quis illic praeter eum, qui suffragium ferret, consistere posset ad adpellandum rogandumque: *cista* praeterea, in quam suffragia coniiciebantur, & *diribitor*, seu tabellarum custos, a quo Romanus senator unam accipit, & alter tabulam in cistam demittit, pro magistratibus creandis. Et forsitan circa tempus comitorum habendorum, quo illud mense oportunius fieri posset, aliquid ex rogatione Silii Neruae statutum fuit, quod indicare *luna* crescens videtur, quae in priore denarii parte supra frontem Romae cernitur; vid. *thes. Morell.* tom. II. pag. 239. VAILLANTII *fam. Rom.* tom. II. pag. 423. *Fulu.* VRSINVS *per PATIN. auctus* pag. 150. conf. *Exech. SPANHEMIVS de praest. & usu numism.* tom. II. p. 192 sq.

Jac. OISELII *thes. antiqu. numism.* pag. 548. NIEVPOORTIVS sect. I. cap. VII. §. VIII. p. m. 59.

281. CAESAR AVGVSTVS PONTIFEX MAXIMVS TRIBVNICIA POTestate. Caput Augusti nudum.

Aulus LICINIUS NERVA SILIANVS III. VIR Auro Argento Aere Flando Feriundo. In area numi s. c.

Aereum sec. mod. numisma. Ex gente Silia in Liciniam transit iste Nerua. A. Licinius Nerua, quum prolem non haberet, sibi adoptavit P. Silii Neruae filium, vt innuit *Paterculus*, lib. II. cap. 116. Hinc Auli praenomen accepit, & Silii nomen produxit in Silianum. Hic triumphator monetalis senatus est factus, & Augusti effigiem, vt moris erat, percussit; vid. ea, quae supra pag. 168. ad num. 250. de aerea Augusti temporibus senatus Romani moneta prolata sunt.

282. Caput Veiovis, fulmen trifidum vibrantis, cum humeris. Caius LICINIUS *Lucii Filius* MACER. Pallas in quadrigis d. hastam vibrat, s. scutum & habenas tenet.

Licinius iste procul dubio in quaestura provinciali hunc percussit denarium, in cuius anteriore parte *Veiovis* ad nocendum paratus exhibetur, ideo *fulmen vibraturus*: in aversa *Pallas galeata in quadrigis* pro Victoria quadrigatorum symbolo. Nam temporis successu variarunt denariorum typi: unusquisque magistratum ex arbitrio, deam vel deum, quem peculiari honore coleret, aut quavis alia de causa, exhibuit. Praetura postea gessit, praetorius enim repetundarum fuit accusatus Cicerone praetore, & damnatus. *Plutarchus in vita Ciceronis* pag. 865. commemorat, Macrum hunc, cum de pecuniis repetundis apud Ciceronem accusatus esset, & iudices sententias ferrent, fretum sua potentia & studio amicorum domum abiisse & caput statim totondisse, sumtaque veste pura tanquam victorem in forum reuertisse, sed cum Crassus in vestibulo occurrens, eum omnibus sententiis damnatum esse dixisset, reuer-

reuerſum accubuiſſe, & viuendi finem feciſſe. Paulo aliter hanc rem narrat *Valer. Maximus*, lib. VIII. cap. XII. exempl. 7. p. m. 344. *Cicero*, ep. 4. lib. I. ad *Attic. edit. Gronou.* pag. 857. Nos, inquit, incredibili ac ſingulari populi voluntate de C. Macro tranſegimus, cui cum aequi fuiſſemus, tamen multo maiorem fructum ex populi exiſtimatione, illo damnato, cepimus; quam ex ipſius, ſi abſolutus eſſet, gratia cepiſſemus; conf. *Cicero in Bruto* cap. LXVII. p. m. 164. vid. *Fulu. VRSINVS edit. Patin.* pag. 154.

L I V I N E I A.

283. Caput Liuiinei Reguli nudum.

LUCIUS LIVINEIVS REGVLVS. Modius frumento plenus inter duas ſpicas hinc inde erectas.

Liuiinea gens *plebeia* fuit, cuius vna tantum Regulorum familia apud ſcriptores reperitur. Nam L. Liuienius Trypho, cuius *Cicero* in *epiſt. fam. lib. XIII. ep. 60.* p. m. 830. meminit, libertus fuit L. Reguli huius, quem in denariis habemus. Non licebat olim vllius niſi iam demortui vultum in denariis exhibere; hinc illuſtris cuiuſdam Liuiinei Reguli imaginem, quam in hoc & ſequentibus denariis cernimus, expreſſit forte filius. Regulum, qui ſignauit numum, praefectum vrbi ſub Caſaris dictatura fuiſſe hic & ſequentes denarii oſtendunt. *Modius enim frumento plenus atque ſpicae* curam annonae denotant, quam hi praefecti geſſerunt, ſicuti infra in priori gentis Norbanae denario ob eandem rationem ſpica adponitur; vid. *VAILL. fam. Rom. num. tom. II. p. 56. theſ. Morell.* tom. II. pag. 245. ſq. conf. *cel. HAVERCAMPI praefatio ad MORELLII theſ. numiſmatic.* NIEVPOORT. ſect. II. cap. XI. §. II. p. m. 128.

284. Caput idem L. Liuiinei Reguli, ſine inſcriptione.

LUCIUS REGVLVS. Pugna ferarum, in qua varii generis ferae dignoſcuntur, taurus, tigris, & leo; leonem, longo armatus venabulo, exceptum conficit venator, contra tigridem, clypeo & venabulo armatus alter, inſurgit.

Varia Circensium ludorum olim erant genera: cursus nempe, lucta, pugna equestris, venatio, caet. Venatio, quam auersalhusius numi pagina adumbratam sistit, erat pugna ferarum inter se, vel cum hominibus sponte pugnantibus. Aliquando bestiae pugnant cum bestiariis ad hanc poenam damnatis, quod in christianos, persecutionum tempore, frequentissimum erat. Leones, vrsos, elephantos, imo & alias rariores feras incredibili multitudine ex Africa aliisque distitis regionibus extrahebant, quae, donec ludorum tempus appeteret, in viuario seruabantur & saginabantur. Cura solemnium horum ludorum, qui immani sumtu ad insaniam usque fiebant, ad aediles pertinebat; vid. NIEVPOORTIVS in *succincta Romanorum rituum explicacione* sect. III. cap. V. & sect. II. cap. V. §. II. pag. 96. sq. & p. 312. sq. Ex *Dione Cassio* HAVERCAMPVS obseruat praefectos urbis, quos constituit Caesar sub Lepido, quum anno 1000CVIII. in Hispaniam abiret, omnia magistratum iura habuisse; vnde nihil mirum si venationes populo dederint & in numis expresserint; vid. HAVERCAMPI *comment. in thes. Morell* p. 246.

285. LUCIUS REGVLVS pater reguli. Caput L. Liuineii Reguli patris nudum.

REGVLVS filius PRAEFECTVS VRBI. Sella curulis, hinc & inde consulares fasces eriguntur.

Paullulum detritus. Quum Caesar A. V. C. 1000CVIII. in Hispaniam cum exercitu proficisceretur, Urbis custodiam M. Aemilio Lepido commisit, cui sex, vel (vt alii volunt) octo praefectos adiunxit. Eodem fere iure, quo praetores urbani, hi praefecti Caesaris gauisi fuisse videntur. Symbolum eius dignitatis erat *sella curulis*, & *fasces*, quae potestatis summae signa concessa a Caesare hisce praefectis urbi fuisse disertis verbis docet *Dio Cassius* in fine lib. XXXXIII. vid. *thes. Morell. loc. cit.*

L O L L I A.

286. LIBERTATIS. Caput deae Libertatis.

PALIKANVS. Vetera rostra, cum adfixis ad columnas nauium rostris; supra rostra mensa cernitur.

Asper, subaeratus, cui Morelliana numorum consularium aestimatio unius Ioachimici pretium constituit. Lolliam gentem plebeiam fuisse constat; ex ea enim ortus est M. Lollius Palicanus tr. pl. quem hominem seditiosum appellat *Valer. Maximus*, lib. VIII. cap. I. Ad hunc spectat argenteus iste denarius; in cuius altera parte *rostra* populi Romani, in altera *Libertatis caput* expressum est. De rostris ita scribit *Linus*: *Naues Antiatum possum in naualia Romae subductae, partimque incensae, rostrisque earum suggestum in foro exstructum adornari placuit*; caetera. *Ante curiam Hostiliam*, inquit *Varro*, *ex hastibus capta fixa sunt rostra*. *Cicero in orat. pro lege Manil.* Et his temporibus, inquit, non pudebat magistratus populi Romani in hunc ipsum locum ascendere, cum eum vobis maiores vestri exuuiis nauticis & classium spoliis ornatum reliquissent. Quia vero in rostris habebantur conciones a tribunis plebis, ut scribit idem *Cicero in Pisonem*, & tribunicia potestas a Sulla tribunis adempta, Palicano auctore, populo fuerat a Pompeio restituta, ob eam causam Palicanus, qui A.V.C. 1061. tr. pl. fuit, in hoc denario *rostra* signauit. *Libertatis imago* in antica ideo impressa est, quod rostra essent Libertati sacra, vel potius quod libertatis restitutor videretur tr. pl. Palicanus, reddito iure tribunicio plebi Romanae, quae isto potissimum tueri se contra optimatum potentiam posse credebat. *Mensam*, quae rostris imposita cernitur, temere plerique neglexerunt antiquarii. Audiamus de eadem cl. HAVERCAMPVM. Mensa ipsa, vir summus inquit, ad rostra quidem nihil pertinet, sed ex sculptoris licentia illi superponitur, dum plures simul patris sui dignitates filius Palicanus in vno denario exprimi, pro temporum illorum luxuria, voluit. Mensa & praetorum erat & quaestorum, quaestura itaque hic M. Lollii Palicani patris innuitur. Haecenus cel. HAVERCAMPVS; vid. *Fulu. VRSINVS edit. Patin.* pag. 158. *Thes. Morell.* tom. II. pag. 248. OISELII *thes. antiqu. numism.* p. 527.

L V C I L I A.

287. *publicum*. Caput Romae altatum, in corona laurea.

MARCUS LVCILIUS RVFVS. Victoria celeres agens bigas.

Asper. VRSINVS, VAILLANTIVS & ipse cl. MORELLIVS in aduersa huius denarii pagina legunt *Argentum publicum*; nos vero priorem litteram A. in integerrimo hoc denario non offendimus. Lucilia gens *plebeia* fuit. *Bigatum* hunc ex argento publico signatum esse aduersae litterae indicant. *Laurea* Romam victricem & semper triumphalem designat.

L V R I A.

288. CAESAR AVGVSTVS PONTIFEX MAXIMVS. Caput Augusti nudum.

PUBLIUS LVRIVS AGRIPPA. III. VIR A. A. A. F. F. in area S. C.

Aereus sec. mod. numus. Luria gens ante tempora Augusti non noscitur, unde patet ignobilem fuisse. Hoc numisma nihil peculiare exhibet.

L V T A T I A.

289. CERCO. ROMA. Caput Romae galeatum, galeam palmarum inter duas stellas exornat.

quintus LVTATIUS quaestor. Triremis praetoria, quam in puppi acrostolium, in prora caput Romae Victricis galeatum, velut tutela navis, exornat; typus includitur corona querneae.

Lutatia gens *plebeia* fuit, sed consularis. Adscripta vox ROMA Romae numum prodiisse denotat; & hinc denarium hunc in urbana Lutatii quaestura signatum esse existimamus. Si vero VAILLANTIVM sequamur, cufum dicemus a Lutatio quaestore provinciali, quum A. V. C. 10. cum consulibus Servilio Caepione & Sempronio Blaeso, in Siciliam & Africam proficisceretur. Consules enim illos cum classe cclx. navium in Africam profectos fuisse docet *Eutropius lib. I*. Putat itaque VAILLANTIVS a quaestore illo provinciali Romae fuisse cufos, ad impensas tantae classis, & coronam

nam querneam, vt felix omen, in numo depingi, quamuis satis infelix fuerit expeditio, & ex tempestatibus tanta clades illata, vt CL. nauibus cum omni praeda amissis, decretum Romani fecerint, maris fortunam non amplius tanto adparatu esse tentandam, sed sexaginta tantum naues ad praesidium orae Italiae maritimae esse retinendas. Verum ego, cel. HAVERCAMPVS addit, non video causam, cur statuatur hosce denarios potius in quaestura prouinciali quam vrba cudiſſe Lutatius. Certum enim est fuisse vrbanum quaestorem antequam obtineret quaesturam prouincialem; & solebat quaestura vrba plerumque vnus anni spatio praecedere prouincialem. Cui eius quaesturae vrbae fauere viderur vox ROMA, neque minor apparatus belli maritimi, feliciorque successus fuit anno ante quaesturam Lutatii prouincialem, videlicet A.V. CCCCLXXXVIII. coſſ. Cornelio Scipione Asina & Atilio Calatino, quibus illo anno classis & prouincia Sicilia decreta fuit. Tanto tum studio in belli Punici vſum fabricata classis fuit, vt trium mensium spatio CCXX. naues exstructae fuerint atque in mare deductae; qua diligentia & clades, quas anno ante passi fuerant, reparauerunt, & Panormum in potestatem suam redegerunt; quo etiam anno consules anni praecedentis Fuluius & Aemilius XIII. cal. Febr. triumphos nauales de Poenis egerunt, quamuis saeuienti tempestate naufragii damna experti fuissent. Hinc putat vir cl. per *praetoriam* illam *nauem* exprimi naualem illam Romanorum potentiam, & tantam classem tam breui tempore ornatam; per *coronam querneam*, victoriam siue illius anni siue prioris, qua seruatum quasi Romanum erat imperium, & quam respicit quoque *galeae ornatus* in capite ipsius Romae, a parte numi priore, ad aurem enim est *palmae ramus*, victoriae signum cum *duobus astris*, quod in Africano orbe tantas victorias consules Romani retulissent, sic vt vbique fulgerent victricia Romanorum arma; vid. *thes. Morell. numism.* tom. II. pag. 254. Cl. Laur. BEGERVS iuxta mentem VRSINI credidit duplicem Lutatiorum victoriam hoc denario exprimi, terrestrem de Faliscis, & naualem de Poenis; conf. *thes. Brand.* tom. II. pag. 562.

MAECI.

M A E C I L I A.

290. CAESAR AVGVSTVS PONTIFEX MAXIMVS TRIBVNICIA POTE-
state. Caput Caesaris Augusti nudum.

Marcus MAECILIVS TVLLVS III. VIR A. A. A. F. F. in
area s.c.

Aerum sec. mod. numisma, quod quinque thalerorum aestimant.
Maecilia gens plebeia, nec factis clara fuit. Augusti effigies, &
solita senatusconsulti nota M. Maecilium hunc, sub Augusto, sena-
tus triumvirum monetalem fuisse demonstrant. Supra p. 168. sq.
vberius de aerea senatus Romani moneta actum est.

M A M I L I A.

291. Caput Mercurii cum petaso & caduceo.

I. CAIUS MAMILIUS LIMETANUS. Vlysses redux & a cane
agnitus.

*Serratus, asper. Littera I. in illis, quos vulgavit HAVERCAMPVS,
baud compareret. Ab iis igitur nostrum diuersum esse coniecimus.*
Mamilia gens, etsi vetustissima, tamen plebeia fuit; a Mamilia fi-
lia Telegoni, Vlyssis & deae Circes filii oriunda. Ad indicandam
generis sui nobilitatem, & ex Vlysse originem, C. Mamilius Mer-
curium, & Vlysses, post vigesimum annum ab Homérico cane a-
gnitum, expressit. *Mercurius* ex anteriore parte signatus est, ad
designandam Vlyssis per matrem ab eo originem. Vlysses enim
ab utroque parente Iouem & Mercurium proavos habuisse fabulo-
sa narrat antiquitas. Auerfa *Vlysses* exhibet, qui post longos er-
rores & pericula naufragiaque, mendicus in Ithacam appulsus,
domum petens, nemini in patria notus, quam Argo cani suo, qui
ideo illi adblandiens adumbratur. Telegonus Vlyssis & deae Cir-
ces filius, quum esset adolescens, ad Ithacam insulam inuisurus pa-
trem aduenit, & quum ex naui descendere vellet, eius famuli cum
regiis contenderunt & aliquot ex iis occiderunt, ad suorum auxi-
lium senex Vlysses accurrens a Telegono piscis osse interemptus
est. Quod quum se patrem occidisse Telegonus accepisset, in Ita-
liam

liam nauigauit & Tibur condidit, vbi Mamiliam genuit, a qua gens Mamilia propagata est; vid. *Fulu. VRSINVS*, & *VAILLANTIVS* in gente Mamilia.

292. *Lucius CENSORINUS*. Caput Iunonis Monetae velatum.

Caius LIMETANUS. *Publius CREPVSIUS*. Eadem dea in citis bigis, vtraque manu equorum habenas regit; adscribitur numerus **L XVI**.

Nomina tria, quae in hoc denario occurrunt, triumuirorum sunt monetalium, vnde *Iunonis Monetae caput* & *bigae* in eodem apparent. Iam ante in gente Crepusia p. 137. denarii huius interpretationem dedimus.

MANLIA.

293. *Lucius MANLIUS PRO quaestore*. Roma galeata.

Lucius SULLA IMPERATOR. Dictator L. Sulla in quadrigis triumphalibus stans, d. caduceum, l. equorum habenas tenet; Victoria aduolans corollam ipsi porrigit.

Asper. Manlia gens, nobilissima & patricia, in plures familias & cognomina distincta fuit. In numis Torquati supersunt. De Sulla & alterius partis typo, iam supra pag. 134. num. 218. egimus. Manlius Torquatus, qui quaestor Sullae in bello Mithridatico adfuerat, vna cum illo in Italia contra Marianam factionem proquaestore pugnauit, vt in *vita Sullae* pag. 471. docet *Plutarchus*, vbi narrat Dolabellam & Torquatum multis orasse Sullam, ne, lassis militibus suis & defatigatis, de summa rerum cum Samnitibus & Lucanis decerneret; sed illum auersatum eosdem, statim classicum canere iussisse iam sub decimam horam die inclinante, atque egregie vicisse; vid. *comment. in thes. Morell.* pag. 259.

294. Caput Romae galeatum.

Appius claudius Titus MANLIUS quaestores vrban. Victoria in trigis.

Alter horum quaestorum ex Claudia gente fuit, alter T. Manlius ex Manlia, proptereaque hic numus, quem iam in Claudia gente descripsimus, ob Manlium ad hanc pertinet familiam. V. berius supra pag. 113. num. 197. de eodem hoc denario actum est.

M A R C I A.

295. Caput Philippi, regis Macedonum penultimi, galeatum & diadematum, ad frontem duo cornua hircina prominent; littera sub mento initialis Graeci nominis Philippi est, ad occiput monogramma urbis Romae cernitur. *Lucius* PHILIPPVS. Eques, d. laureum ramum tenens; sub equi ventre frutex aculeatus conspicitur, in imo denarji nota.

*Integerrimus, longe elegantissimus, quem tab. IIII. num. VIII. delineatum damus, quemque facies Philippi, Persei, ultimi Macedonum regis, patris, conspicuum facit. Praeter hircina cornua, in insigni hoc denario notari debet galeae noua figura, quae non totum caput tegit, sed tempora tantum, & malas, atque loro sub mento colligatur, ita vt capilli nudi per totum occiput cernantur, id enim plane in denariis ita se habet, & gestamen huius Philippi fuisse videtur. Graues causae fuere, cur a Marcia gente, & praesertim Philippo, Macedoniae rex Philippus in denariis signaretur, licet enim Macedonici regni destructio L. Aemilio Paulo debeatur, multum tamen ad illam contulit auus huius L. Marcii Philippi, cui ad hoc bellum misso, graui iam senio & corpore successerat ille L. Aemilius Paullus. In legatione ad Perseum callide rei publicae Romanae commoda promouerat, maxime aptus ad circumueniendum regem, magnam in illo spem habentem propter ius hospitii patris sui regis Philippi cum gente Marcia. *Liuii* verba, quae hanc rem plurimum illustrant, digna sunt, quae allegantur; scribit is de hac legatione lib. XXXXII. cap. 38 & 39. p. m. 1133. seqq. *Secundum hoc concilium legati a Perseo rege venerunt, . . . Facile persuasum id regi est.* Hu-
ius*

ius congressus causa & spei pacis datae illa erat ratio, ut interea
 urbes Graeciae a Philippo alienarent Romani, praesidiisque fir-
 marent, quod strenue cum reliquis legatis fecit Marcius; prae-
 terea, ut tutum ubique in rem suam legatis iter esset; quod do-
 cet *Liuius lib. eod. cap. 43. Reliqua consultatio erat, - - - com-*
parati sunt. Deceptus ita Perseus, quum a colloquio Romano-
 rum sese in Macedoniam recipisset, legatos Romam, de incho-
 atis cum Marcio pacis conditionibus misit, *Liuius* teste cap. 46 &
 47. *Marcus & Attilius Romam quum venissent, - - - Macedo-*
nibus possent. Ipse deinde Q. Marcius Philippus, iterum consul,
 A. V. C. DCLXXXIII. quamvis sexagenario maior & gravis cor-
 pore, in illud bellum profectus fuit, atque per inuios saltus in
 Macedoniam penetrauit, atque complures occupauit urbes, do-
 nec successorem accepit L. Aemilium Paullum, qui victoriam
 consummavit, uti copiose docet *Livius* lib. XXXXIII. Copiosius
 haec aliquanto ex *Liuius* deducere volumus, ut adpareret cur
Philippi Macedoniae regis penultimi *caput* in numo Marciae gen-
 tis Romano sit; & cur idem *eques*, qui in priori huius familiae
 denario cernitur, hic *laureum manu ramum* teneat. Tenet vero,
 propter parta populo Romano commoda de Perseo rege & for-
 midando Macedonum nomine, legatione & expeditione istius
 Q. Marcii Philippi, qui, ubi consul cum exercitu profectus fuit,
 maiore incertum audacia an felicitate, incredibili labore per mon-
 tes, per inuia & saltus densissimos & asperimos in mediam pene-
 traui Macedoniam, & regem Perseum, circumuentum sese cre-
 dentem, trepide ex tutissimo, ubi confederat loco, recipere
 sese in alia coegit. Describit *Liuius* pluribus verbis asperum il-
 lud & maxime vel pacato agmini nedum infesto iter, quod in-
 gressus consul fuit, lib. XXXXIII. cap. 3. 4. 5. 6. Unde suspica-
 mur, *asperum illud*, quod sub equi ventre vepreri vel fruticeti
 figuram habet, & pessime a quibusdam canis adsilientis figura
 depingitur, nihil aliud designare, quam asperrimam & pericu-
 losissimam illam viam, quam felici temeritate ingressus fuit con-

ful Marcius. *Caput Philippi* Macedoniae regis, cum quo verus ius hospitii genti Marciae erat, in denario, licet Romano, exprimi, mirum non est, nam & Bocchi regis Mauritaniae caput in numis gentis Corneliae occurrit tab. IIII. num. V. Haec sunt illa, quibus cel. HAVERCAMPVS denarii huius imagines illustrat; vid. *eiusd comment. in thes. Morell.* pag. 262. sq. conf. cl. Io. Georgii WACHTERI *archaeol. numaria* pag. 70.

296. Caput Romae galea alata ornatum, cum denarii nota.

QVINTUS PILIPUS. ROMA. Eques hastatus & armatus feroci equo insidet, quem vespa insequitur.

Aversae paginae typus non convenit cum pictura Morelliana. MORELLIUS enim equitis huius caput eadem galea exornat, qua Philippi penultimi Macedonum regis effigiem in priori praecedentis denarii pagina exornatam vidimus; non talem cornibus hircinis conspicuam galeam in hoc denario offendimus, verum solitam cassidem egregie tamen pennis cristatam. Quum haec ita se habeant, coniicimus Q. Marcium Philippum, qui Romae hunc signavit denarium, in Marcii illius, qui in bello Macedonico contra Perseum successorem L. Paullum Aemilium accepit, memoriam, equitem hunc expressisse. Retro equum vepris vel fruticis genus esse cel. HAVERCAMPVS autumat. Quum autem clare volatile quoddam animalculum in nostro denario conspiciatur; neminem me reprehensurum arbitror, si dixerò insectorum quandam speciem, ad designandam asperrimam illam viam, de qua antea egimus, hoc typo denotari. Quoniamque in primis vespae aestiva itinera conficientium equos maxime infestant; hinc vespam in denario exprimi nobis quidem videtur, cuius explicatio, ut iam diximus, itidem ex molesto illo consulis & exercitus Romani itinere petenda est. Omittit praeterea vir clar. generosi istius equi ornamenta, quae, nisi me omnia fallunt, phaleras adumbrant, quibus quondam Romanorum duces donabantur.

297. Caput Apollinis laureatum.

Lucius

Lucius CENSORINUS. Silenus stans feminudus, caudatus, dextram versus caelum eleuat, laeua hircinum vitem super humeros tenet, retro illum statua longiori columna insistit.

Cur L. Marcius Censorinus, VAILLANTIVS inquit, in quaestura denarium hunc, in quo Silenus caudatus & nudus, humeris vitem hircinum ferens, & pone columnam supra quam icuncula, expressus est, signavit, diu haesimus in hoc typo enucleando. Ad Bacchanalia, paullo post addit vir cl. hunc typum spectare suspicamur, sed haec Romae non celebrabantur; hinc potius ad eorum haeresim extirpata sub Q. Marcio-Philippo & Postumio Albino, ut late videre est apud *Lutium*, dec. III. lib. 9. Lucius autem Marcius, quum ex hac esset gente, eius senatusconsulti memoriam, quo abolita sunt Liberalia renovare voluit: Silenus, ut Bacchi nutricis magister & sacerdos in denario expressus est, nudus quidem ad ludorum lasciviam denotandam, & vitem hircinum gerit, ut ululatus per vinolentiam excitatos arguat; columna vero pone eum videtur esse Maenia, in VIII. regione fori Romani posita, ad quam triumviri capitales de maleficiis & eorum sceleribus cognoscebant, teste Cicerone. Haec VAILLANTIVS; vid. *eiusd. faml. Rom.* tom II. pag. 100. seq. Has viri cl. coniecturas ad examen revocatas HAVERCAMPVS refutavit, aliamque probabiliorē huic denario subiunxit sententiam, quam mox adiciemus. *Columna* non alia est, vir summus inquit, quam illa, quae in aereis Caii Censorini numis cernitur, *cum Victoriae illi insistentis* pariter signo; quam ad Anci Marcii victorias pertinere clarissimum est ex regis gloriosissimi capite in priore istorum numorum parte, quod etiam ibi vidit VRSINVS. Vide ipsos numos tab. II. num. I. & II. De *Sileno* grauior quaestio est. Quum autem moris haud fuerit Romanis res turpes & rerum turpium memoriam, atque earundem poenam & supplicium, in publica moneta exprimere: hinc nihil minus, quam nefanda ista Bacchanalia prouide a coss. detecta atque extirpata innocens ille tenex de-

notat. *Dexteram enim ad caelum eleuat*, adeoque non solum innuit, quod ipse inter semideos Bacchi nutritii opera relatus sit; sed etiam quod deorum donum vini doceat esse inuentum & laetitiam. Distinguere vero debemus inter Bacchanalia illa impura & priuata, & Liberalia, quod honestum Romanae religionis erat festum. De istis Bacchanalibus loquitur *Liuius* lib. XXXVIII. cap. 8. p. m. 1026. *Consulibus ambobus quaestio de clandestinis Postumium consulem peruenit.* Ex allegato hoc *Liuii* loco patet occulta fuisse sacra non publica, neque quae Liberalia vocari possunt, ut fecit *VAILLANTIVS*. Liberalia enim in honorem Liberi innocuis iocis & casta religione transacta fuerunt, atque instituta ad feliciorum vinearum prouentum, vti docet *Virgilius*, qui postquam festiuitatem illam descripsit, addit lib. II. *Georg.* versu 390.

Hinc omnis largo pubescit vinea foetu:

Complentur vallesque cauae saltusque profundi,

Et quocunque deus circum caput egit honestum.

Colligit hinc cel. *HAVERCAMPVS* Lucio Marcio Censorino quaestore, vel circa dei Liberi cultum aliquid memorabile contigisse, vel annum prouentu vini feracem & notabilem in primis fuisse; quod confirmare videtur *Apollinis caput*. Sole enim benigno opus est, vt ad maturitatem vuae perueniant. Nullus vero annus vini prouentu nobilior fuit apud veteres, quam *coff. Opimio & Fabio A. V. C. Iocxxxiii.* de quo *Plinius* lib. H. N. XIII. cap. 4. *Anno fuit omnium generum bonitas, carie indomita;* vid. *thes. Morell.* tom. II. pag. 264. sq.

298. *Lucius CENSORINUS.* Caput Iunonis Monetae velatum. *caus LIMETANUS Publius CREPUSIUS.* Dea Moneta in citis bigis, vtraque manu habenas regens; desuper. L X V I.

Quoniam hic denarius tria diuersarum familiarum nomina continet, iam supra pag 137. in *Crepusia* & antea in *Mamilia* gente prodiit, vbi & de pretio, quod huic numo periti constituere solent,

lent, & de vtriusque paginae typis fusius egimus. L. Marcium Cenforinum hic triumvirum monetalem cum collegis suis cernimus, qui primus illi gradus ad honores fuit; vid. NIEVPOORTII *antiq. Rom. comp.* sect. II. cap. VII. §. V. p. m. III. conf. *Henr. KIP-PINGII antiquit. Roman. edit. Batav.* pag. 348. & 600.

299. Capita Numae Pompilii & Anci Marcii iugata, diademata. *cetus censorinus.* Eques desultor pileolo tectus, scutica equos duos propellit, alteri ex iisdem insidens.

Paullulum curtus. Praeclarum hoc antiquitatis monumentum nos docet Marcios ad vtrumque regem Romanorum Numam & Ancum originem suam retulisse; id enim *coniunctae* aduersae paginae *imagines* denotant. In altera denarii parte Apollinarium ludorum typum, nempe *desultorem* in *equis* decurrentem cernis, ex quo VAILLANTIVS probare sese C. Marcii Cenforini praeturam posse existimat, quod ludorum Apollinarium cura ad praetores urbanos spectaret; vid. NIEVPOORTIVS sect. III. cap. V. §. VIII. Verum ego, cel. HAVERCAMPVS inquit, aliam rationem fuisse existimo, cur illos signauerit C. Marcius Cenforinus; & pariter, vt priores numos, in quaestura eiusdem (sed prouinciali forsân, non urbana, quoniam in nullis ex hisce denariis vox ROMA adscribitur) signatos fuisse. *Liuius* & *Macrobius* me mouent. *Liuii* tantum adducam testimonium, ex quo *Macrobius* lib. I. *Saturn.* cap. 17. sua hausit & repetiuit. Originem ludorum Apollinarium, qui in initio votiui fuerunt & incerto anni tempore, postea perpetui & stato anni tempore, describens *Liuius*, docet nos quid Marciae genti proprium cum hisce ludis fuerit, lib. XXV. cap. 12. postquam de Tarentinorum defectione mentionem fecit. *Religio deinde noua obiecta est ex carminibus Marcianis. . . . qui ius populo plebique dabit summum.* Quibus omnibus, & senatus-consulto, quod eam in rem factum est, memoratis, addit *Liuius*: *Haec est origo ludorum Apollinarium: victoriae, non valetudinis ergo, ut plerique rentur veterum.* Accidit vero insignis hic casus
A. V.

A. V. C. I^o XXXXI. *coff. Q. Fulvio Flacco & Appio Claudio Pulchro*, quo primum hi ludi Apollinares celebrari fuere. Marcius itaque is, quem illustrem vocat vatem *Liuius*, procul dubio inter maiores nostri C. Marcii Censorini fuit, qui his denariis illud quoque decus nobilitati suae adferere voluit. Desultoris tandem habitus & actus in hoc denario adumbratur; *binos* habet equos iuxta *Liuii* descriptionem lib. XXIII. cap. 29. *Nec omnes Numidae in dextro equorum genus est. Pileos* in capite habuisse notat *Hyginus fab.* LXXX. *Vnde etiam Romani seruant institutum, cum desultorem mittunt, unus duos equos habet, pileum in capite, equo in equum transilit.* Vsum docet *Cassiodorus* lib. III. ep. 51. quae Theodorici regis est ad Faustum praefectum praetorio: *Biga quasi lunae, quadriga solis imitatione reperita est. Equi desultorii, per quos Circensium ministri missos denunciant exituros, luciferi praecursorias velocitates imitantur;* vid. *VALL. famil. Rom. num. tom. II. pag. 104. thes. Morell. numism. tom. II. pag. 266. sq.*

300. LIBO. Romae galeatum caput, cum denarii nota.

Quintus MARCIUS. ROMA. Dioscuri hastati in equis.

Asper. Typi simplicitas antiqua rei publicae tempora nos respicere iubet. Quumque denarii argentei tantum ab anno cccc lxxxiiii. signari coepti sint; circa illa tempora *Q. iste* Marcius Libo videtur quaeſturam iniisse, in qua argenteum hunc signauit, cum solito eius aetatis typo, nempe *Romae capite*, & *Castore* cum *Polluce in equis* decurrentibus. Marci Libonis in historia Romana nulla fit mentio, quoniam ista pars *Liuii*, quae historiam ab A. V. C. cccclxi. ad annum I^o xxxv, quo bellum Punicum secundum exarsit, complectebatur, perdita est.

M A R I A.

301. *caius* MARIUS *caii filius* CAPITO. xx. Caput Cereris spicis exornatum.

Colonus, bobus ad aratrum iunctis, arans; desuper numerus x x.

Asper,

Asper, serratus, quem inter Morellianos frustra quaeres. Marii plebei fuerunt, quod tribunatus plebis, ab iisdem gesti, ostendunt. C. Mario tamen VII. consule admodum clari. C. Marius septies consul, nullo usus est cognomine ut generis auctor, sed quum habuerit duos filios, illius nepotes quaedam accepisse videntur, & inter eos hic in denario descriptus, qui Capito appellatur, cuius mentionem facit Cicero, lib. XII. *ad Atticum*, ep. 49. *Ad me mandata & litteras attulerunt a C. Mario C. F. C. N.* Hunc Caesaris dictatoris adpellat propinquum, quia Marius consul Iuliam Iulii amitam duxerat uxorem. Is videtur denarium in quaestura sua, quam in Gallia Cisalpina gerebat, cudisse ad renouandam aui sui memoriam, sub cuius sexto consulatu Eporediam in Gallico agro colonia deducta erat; hinc *deductae coloniae* typus auersam denarii partem occupat. *Cereris caput* in aduersa, ad indicandum fertile regionis illius solum, expressit: nam Ceres frumentum ferere docuit; vid. *tabes. Morell.* tom. II. pag. 269. *VAILL. in famil. Rom. num.* tom. II. pag. 116. *VR SINVS* pag. 171.

MEMMIA.

302. *caius* MEMMIUS *cairilius*. Caput Romuli laureatum, cum longis capillis & barba calamistrata, adscribitur retro caput eius inter caelites recepti appellatio *QVIRINVS*.

MEMMIUS *AEDILIS* CERIALIA PREIMVS FECIT. Ceres fellae infidens, l. manu spicas, d. colum tenet, ante pedes serpens egregie cristatus cernitur.

Integerrimus, quem in tab. IIII. num. VIII. accuratius delineatum damus. *Rarum & insignem hunc denarium traiani optimi principis restitutio facit rarissimum.* Pro face, quam MORELLIVS in auersa denarii parte expressit, *VR SINVS*, *PATINVS* & cl. *VAILLANTIVS* rectius colum depingunt. *HAVERCAMPVS* circa eundem hunc typum *Laur. BEGERO* quaedam iniquissime adfinxit, quae viro celeberrimo forte vix vnquam, dum viueret, in mentem venerunt. Peiore intuitu, *HAVERCAMPVS* inquit, colum pro

decempeda accepit BEGERVS *thes. brand.* tom. II. pag. 565. quamvis sculptor eius facem delineauerit. Quam falsa haec de decempeda sint, allegatum BEGERI locum conferentibus facile apparebit. Ceres est, vir doctissimus l. c. inquit, cum dracone, face & spicis. Accedimus iam ad singulas insignis huius denarii partes ordine explicandas. *Spicae Cereri* propter terrae vbertatem adduntur, & *serpens* in memoriam peragratae terrae, tunc enim vecta fuit curru a draconibus tracto. *Colus* domesticam matronarum curam docere videtur. Vt antiquum familiae Memmiae decus adseratur, inscribitur auersae parti ad Cereris effigiem Memmius aedilis Cerealia primus fecisse; veluti ex numo gentis Serviliae (vt infra visuri sumus) Floralia primus fecisse colligitur quidam Seruilius, propter Florae adpictum caput & litteras FLORALIA PRIMVS scil. *fecit.* Duo diuersa doctorum virorum de hac inscriptione cel. *Sigeb.* HAVERCAMPVS excitat iudicia. Quidam, vir doctissimus ait, respici ad Cereales aediles existimant tempore Iulii Caesaris creatos, & C. Memmium vnum ex illis credunt fuisse. Alii autumant respici instaurationem ludorum Cerealium, qui celebrari solebant XIII. Kal. Maii, siue die Aprilis XVIII. quique post Cannensem cladem fuerunt intermissi, atque tredecim post annis mense Aprili A. V. C. IOLI. rursus fuerunt instaurati, atque Memmii illius hic renouari memoriam, qui primus Cerealia post cladem Cannensem fecerit. Vtramque hanc eruditorum coniecturam maximis laborare difficultatibus idem HAVERCAMPVS fufius demonstrat, suamque multo probabiliorem subiungit sententiam, & Memmiam gentem ex *Virgilii lib. V. vers. 117.* a Troianis temporibus deducit. Credibile itaque est, vir cl. inquit, etiam ante tempora belli Punici secundi magistratus & aedilitatem plebis a Memmiis gestam fuisse. Vnde existimo illud MEMMIVS AEDILIS CERIALIA PRIMVS FECIT antiquissima respicere tempora, quibus primus ex plebe Memmius quidam, vt aedilis, sacra ista fecerit. Instituti autem fuerunt aediles plebis primi A. V. C. CCLX. vt ex *Dionysio Halicarn.* & *Zonara* docet PIGHIVS tom. I.

pag. 94 crevitque processu temporum onus eorundem, quum & curatio sacrorum & ludorum quorundam accederent. Vnde apud *Cic. in Verr. lib. V. cap. 14. Nunc sum designatus aedilis; habeo rationem, quid a populo Romano acceperim, mihi ludos sanctissimos maxima cum ceremonia Cerevi, Libero, Liberaeque faciundos.* Quum itaque inter illa onera Cerealium quoque curam aedilitas ista accepisset, Memmium quendam primum fuisse, qui onus illud subierit, tacentibus libris, hi denarii nos docent. Annus vero, quo illud factum fuerit, & Memmius, qui fecerit, in tanta veterum historiarum caligine penitus ignoti nobis sunt. In ipsa interim inscriptione vetustatis quoque adfectatio notanda venit, quod CERIALIA & PRIMVS PRO CERIALIA & PRIMVS scribatur. *Romuli*, inter diuos iam relati, & propterea nouo nomine *Quirini* dicti, habitu augustiore, *facies* verenda in parte denarii anteriore occurrit, illaque propter perpetuam victoriarum gloriam, securarumque deinceps omen, *lauro coronatur*, non diademate, vt successorum Numae & Anci Marcii. Cur caput illius in numo adpareat, duplex ratio dari potest; vel quod, pro infania illius temporis, falsos etiam nobilitatis titulos adfectantis, ad Romuli cognationem genus suum extenderint Memmii, vnde an Quirini quoque cognomen ab eodem Memmio adsumtum sit, adfirmare non ausim; vel quod, vt existimo, ad noscendam faciem cuius sit, adponatur, sicuti nomen Numae & Anci in Calpurniae gentis numis. Forsitan, mox idem antiquarius addit, quoniam Quirinus hic adpellatur Romulus, C. Memmius iactauit gentem suam olim quidem fuisse patriciam, atque lectam inter flamines Quirinales a Numa institutos, quorum flaminum & Quirini nominis originem nos docet *Dionys. Halicarnass. lib. II. pag. 124. Ipsum quoque Romulum, vt qui mortali homine factus esset augustior, templo & alternis annis sacrificio sub Quirini cognomento coli voluit. nam cum adhuc non satis constaret, a diisne raptus esset, an interceptus insidiis hominum, prodit in forum Iulius quidam, oriundus ab Asconio, agriculturae studiosus, vitaeque inculpatae, & in quem*

nulla corruptelae suspicio caderet: is dixit, se, cum rure domum rediret, Romulum cum armis suis ex Vrbe abeuntem vidisse: cumque propius accessisset, haec ex ipso audisse: Nuntia meo nomine Romanis, Iuli, in deorum coetum me duci a meo genio, qui mihi nascenti contigit. iam enim mortale aeuum expleui, ac sum Quirinus; vid. thes. Morell. tom. II. pag. 275. sqq. VAILL. tom. II. pag. 123. sq. OISELII thes. antiqu. mumism. 487. & 551.

303. CAIUS MEMMIUS CAII FILIUS. Caput Cereris spicis exornatum.

CAIUS MEMMIUS IMPERATOR. Tropaeum, ad cuius imum captius ingeniculatus, manibus post tergum reuinctis.

Optime conservatus. Propter Memmii ipsius, qui denarium signavit, aedilitatem, & patris in Ponto victorias, *caput Cereris & tropaeum cum captivo* exprimi VAILLANTIVS existimat; vid. *eiusd. famil. Rom. loc. cit.* At vero, passim laudatus HAVERCAMPVS inquit, aediles pecuniam non signabant, sed triumviri monetales vel quaestores; filius itaque C. Memmius, quaestoris obiens munus, adfuisse videtur patri C. Memmio, viro in historiis Romanis notissimo, atque ex inimicitia atque amicitia cum Caesare, Catulli carminibus, defensione Ciceronis, & dedicatione operum Lucretii celeberrimo. In illa quaestura militari hunc denarium in honorem victoriae paternae signavit, & praecedentem ad nobilitatem Memmiae gentis indicandam; in quo sicuti Cereris effigies in posteriori parte est ad Cerealia designanda, ita in hisce caput eiusdem deae, spicis ornatum, depingitur in parte priore, eodem plane sensu, neque cum aedilitate Memmii quidquam commune habet, qui tunc quaesturam tantum gerebat. Ex *thes. Morell. tom. II. pag. 277.*

304. ROMA. Caput Saturni laureatum inter falcem dentatam, & primam alphabeti litteram.

LUCIUS MEMMIUS GAL. Figura muliebris in lentis bigis,

gis, dextra sceptrum, vtraque habenas tenet; Victoria aduolat cum corolla.

Serratus, integerrimus. Caput Saturni denotat *falx*, eius infigne; vid. *Francisci POMPEY Pantheum mythic.* pag. 114. NIEV-POORTIUS *sect. III.* cap. I. §. XV. KIPPINGII *antiqu. Rom.* pag. 65. sq. 141. & passim. In templo Saturni Romae erat aerarium, in quo praeter pecuniam publicam, etiam monumenta publica, & signa militaria adseruabantur; hinc Saturnus, ut aerarii praeses, in hoc denario signatur. Cum illo deo optime conuenit *Iuno Moneta*, quae in auersa *bigis insistit*, & ad quam *Victoria* aduolans denotat auctas plurimum aerarii Romani opes ex victoriarum prouentu fuisse. Ex litteris GAL. in denario adscriptis PIGHIVS, VAILLANTIVS, & alii, Memmios GALLOS nobis dederunt. Quum autem dimidiata illa vox etiam GALBIUS legi possit, & praeterea antiqua marmora Lucium Galbium L. F. exhibeant; non temere illorum amplectendam esse sententiam praeclare monet HAVERCAMPVS; vid. *eiusd. comment. in thes. Morell.* pag. 278. conf. VAILL. *famil. Rom. num.* tom. II. pag. 122.

M E T T I A.

305. CAESAR IMPERATOR. Caput Caesaris laureatum.
MARCUS METTIVS. Venus Victrix stans, d. tenet Victoriolam, l. hastam transversam, laeuo quoque cubito clypeo innititur, qui globo terrestri imponitur; in area litt. A.

Asper, qui vix pro duobus thaleris comparatur. Venus Victrix in Iulii Caesaris gratiam, atque originis eiusdem diuinae argumentum signata est. Caesar enim, ut in Iulia gente plus semel monuimus, ab Iulo Aeneae filio, qui Anchisis & Veneris filius credebatur, sese oriundum esse iactabat. Venus *Victoriam praefert*, vnde *Victrix* adpellata est, *clypeo, terrestri globo imposito, innixa*, quasi eius ope & auxilio Iulius Romanum & orbis terrarum imperium subegerit. *Caesar imperator* sine adiecto numero adpellatur. Imperatoris nomen Caesari non antiqua tantum pro consuetudine,

qua id tum alii, tum ipse quoque saepius, ex bello reportauerant; neque ea ratione, quod ei merum imperium absolutamque potestatem deferrent, Caesari tribuerunt: sed eo modo, quo nunc iis, qui summum imperium obtinent, tum primo Caesari primum imposuerunt, tanquam ipsi proprium. M. Mettius haud dubie sub Iulio quatuoruir fuit, quippe qui eius effigiem in denario expressit; nam illi soli, ut eius imagine numi cuderentur, senatus decreuit, & quum magistratuum minorum numerum auxisset, triumuiroi dicti sunt quatuoruiroi. Quidam autem non hunc inscripserunt titulum, & Iulii tantum exhibuerunt imaginem; vid. VAILL. *famil. Rom.* tom. II. pag. 131. PATINI *fam. Rom.* pag. 176.

M I N V C I A.

306. RVFVS. Caput Romae galea alata decorum, cum denarii nota.

Quintus MINVCIVS. ROMA. Dioscuri, more solito, in equis.

Minucia gens *patricia* primum, postea *plebeia* fuit. In gentis Minuciae Ruforum familia plures in historia occurrunt cum Quinti praenomine; hinc incerti sunt antiquarii cuinam ex illis tribuant denarium. Typi simplicitas ad vnum ex vetustioribus hunc numum reuocat, vel cum VRSINO ad illum, qui vna cum C. Cornelio Cethego consul fuit A. V. C. 101VI, vel cum VAILLANTIO ad tribunum plebis A. V. 10XXXV, quem legatum Appii Claudii in obfidione & expugnatione Capuae rebus omnibus gerendis interfuisse scribit *Luius*, dec. III. lib. V. Vter ex illis duobus signauerit, illud certum est, factum id in quaestura urbana, vel triumuiратu monerali fuisse, vox ROMA, quae adscribitur, indicat. Supra in Antestia gente pag. 83. num. 153. Dioscurorum typum interpretati sumus; vid. *thes. Morell.* tom. II pag. 286. VAILL. *famil. Rom. num.* tom. II. pag. 140. *Ful. VRSINVS edit. Patin* pag. 179. sq. conf. NIEVPOORT. sect. III. cap. I. §. XXV. p. 230. *Franc. POMEY Pantheum myrbic.* p. m. 258. *Henr. KIPPINGII antiqu. Rom.* p. 599. & passim.

307. Caput Romae Victricis galeatum; Victricem designat lauri ramus ad tempora in casside effectus.

Quintus THERMUS MARCI FILIUS. Duo viri, gladiis & clypeis instructi, dimicant, tertius, veluti saucius, in genua inter vtrumque est prolapsus.

Prostratum ciuem miles, qui Caesarem respicit, ab hoste defendit. Seruati ciuis Romani decus in elegantissimo hoc denario exprimi omnes profitentur; iidem passim rudimenta militiae Iulii Caesaris sub M. Minucio Thermo expressa consentiunt. VAILLANTIVS vero statuit, non ad singularem Iulii Caesaris honorem, sed in genere ad M. Thermi inter milites suos praemiorum distributionem spectare. Credidit itaque, illum in illa patris sui M. Thermi expeditione in Asiam, ipsi tanquam quaestorem adfuisse, atque in quaestura sua hunc denarium signasse; vid. VAILL. *famil. Rom.* tom. II. pag. 143. sq. Hanc VALENTIS explicationem haud paucis laborare difficultatibus HAVERCAMPVS observat, dum: At haec observari volo, inquit, nullam unquam existisse Romanorum expeditionem, cum aliqua victoriae felicitate coniunctam, in qua non praemiorum distributionem duces fecerint, & fortibus viris honores adsignauerint; sed nunquam res tam usitatas a quaestore ducis expressas in denariis fuisse. Deinde Q. Minucium Thermum M. F. si, tanquam quaestor illo bello, denarium hunc signavit, nequaquam respicere ad honorem illum Iulio tributum potuisse, quum illo tunc tantum annorum nouendecim, prima stipendia faceret, quod faciebant & alii plures, & Iulio haud ignobiliores. Credo itaque, mox HAVERCAMPVS subiungit, hunc denarium cusum fuisse a Q. Minucio Thermo M. F. ut refert inscriptio, non quidem quaestore in expeditione illa patris sui, sed triumuiro forte, vel quatuorviro monetalis, sub Iulio Caesare iam rerum posito; atque hunc potissimum typum elegisse, in quo virtus Caesaris primaeua eniteret, ut simul & Caesari blandiretur, & paternae expeditionis reuocaret memoriam. Testatur enim *Suetonius, in vita Caesaris*, Caesarem stipendia prima in Asia fecisse in M. Ther-

Thermi contubernio, atque ab eodem Thermo in expugnatione Mitylenarum corona ciuica donatum fuisse. M. Minucius Thermus in Asiam missus fuit praetor extra ordinem a L. Cornel. Sulla dictatore, vt L. Murenæ, quem reuocauerat, succederet, A. V. C. 1061XXII. Si tamen vt triumuir monetalis illum denarium cudit Thermus, ætatis annum trigesimum supergressus fuisse videtur, hoc primum honorum suorum incrementum nactus; vnde forsitan suspicari licet, comitatum eundem Iulium Cæsarem fuisse in Gallias, quod bellum per plures annos fuit tractum, atque ibi hunc numum, vt quaestorem, signasse. Quam prae priore sententiam amplector, quoniam Romæ caput in anteriore parte expressum est, non Iulii Cæsaris, vt passim a triumuiris vel quatuoruiris monetalibus factum cernimus. Iuuenile caput Cæsaris in aduersa denarii pagina depingi BEGERVS existimat; vid. *thes. Morell.* tom. II. pag. 286. sq. Cl. *Laur.* BEGERI *thes. Brand.* tom. II. pag. 601. *Eiusdem obseruat. & coniecturae in antiqua quaedam numism.* pag. 46. *Suetonius* GRAEVII pag. 5. conf. ea, quae p. 174. num. 258. adiecta iunt.

308. Caput Romæ galeatum.

caius minuctus. Victoria in citis bigis, d. palmam tenet, f. equorum regit habenas.

Bigatus iste in thesauro Morelliano haud obuius est, hinc rarus.

M V C I A.

309. HONOS. VIRTUS. KALENI. Capita iuncta Honoris & Virtutis, illud laureatum, hoc galeatum.

CORDI. Duæ figurae muliebres, stantes ex aduerso, dexteras iungunt: figurae ex adscriptis litteris ROMA & ITALIA esse agnoscuntur, Italia stolata, tranquillo pacis habitu, laeua cornu copiae gerit; Roma, veste succincta & militari, dextro pede globum orbis terrarum premit, laeua manu sceptrum tenet, caput, vt regina orbis, diademate cinctum habet; pone Italiam caduceus, symbolum pacis, cernitur.

Serra-

Serratus, asper. Quum duo cognomina denario inscripta sint, ad duas familias haud dubie pertinet. Caleni vox nulli data est quam Fusiae, ideo iam supra pag. 163. de eodem hoc numo egimus; Cordi vero cognomen Muciae, vt elegantissimum hunc denarium iterum adpellemus, postulat. Mucia gens Cordi cognomen gerebat antequam. C. Mucius, qui Porfennam regem occidere volens, dextram igni imposuit, quod a proposito aberrasset, & inde Scaeuula postea dictus est. Hic periculosae audaciae cognomen posteris suis reliquit. Ex iis, qui Cordi cognomen retinuerant, ortus hic Mucius Cordus triumuir cum Fusio & Fonteio fuisse videtur, atque redintegratam vniuersae Italiae pacem in hoc denario expressisse; vid. HAVERC. & VAILL. in Mucia gente.

M V S S I D I A.

310. CONCORDIA. Caput Concordiae velatum; ante solis astrum. *Lucius MVSSIDIUS LONGVS.* Comitium cum septis, gradibus, diribitoriis, & ciuibus togatis suffragia ferentibus: adscribitur CLOACINA.

Affabre signatus. Cl. Gorb. Guil. MULLERVS, *celebris Francofurti ad Moenum medicus & antiquarius, octo thalerorum numam hunc aestimat.* Mussidia gens, nullis dignitatibus apud antiquos clara, vix, praeterquam ex numis, agnoscitur. Hanc e Sabinis ortam suspicatur VRSINVS. E Sabinis, vir cl. inquit, venisse Mussidios conicere possumus ex iis, quae in hoc denario expressa sunt cum inscriptione CLOACIN. Id enim Veneris cognomen est in cloaca repertae, & a T. Tatio Sabino consecratae. Dedicatam autem Venerem Cloacinam a Tatio in comitio fuisse (quae pars erat fori Romani concionibus & comitiis populi destinata) satis constat cum ex *comitiorum cancellis*, qui in denario signati sunt, tum ex *rogatorum imaginibus*, qui *suffragia in urnas* coniciunt. Hactenus VRSINVS, qui plura ad hunc numum erudite obseruat, de comitiis, suffragiis & Venere Cloacina, quae, quoniam in foro esset comitium, ipsa vero posita in comitio, hinc loco nomen dedisse

E e vide.

videretur. Ad indicandam itaque Muffidii ex Sabinis originem, atque Sabinorum & Romanorum sub Tatio & Romulo regibus concordiam, denarium hunc signatum esse VRSINVS autumat. VAILLANTIVS, cuius vestigia ipse premit HAVERCAMPVS, his typis potius comitia inter populum & Caesarem diuisa respici existimat. *Comitia*, Suetonius in *vita Iulii* cap. XXXXI. p. m. 55. inquit, *cum populo partitus est: ut exceptis consularis competitoribus, de caetero numero candidatorum, pro parte dimidia, quos populus veller, pronunciarentur: pro parte altera, quos ipse edidisset.* Hoc itaque beneficium populo a Caesare collatum exprimere vrbi praefectus L. Muffidius voluisse videretur, animumque Caesaris ita clementem & popularem, ut quamuis ipse pro lubitu summa rerum potiri potuisset, voluerit tamen in partem iuris sui & imperii populum vocare, unde *dae Concordiae caput* in anteriore denarii parte signatur. Haec cl. HAVERCAMPVS. Idem eruditus antiquarius opinatur Muffidium hunc vnum ex octo praefectis vrbi fuisse, a Caesare sub Lepido relictis, quum ipse in Hispaniam proficisceretur. *Solis astrum* respicit ad annum a Iulio emendatum. Prouocamus ad Suetonium, qui in *vita Iulii* cap. XXXX. edit. Graeu. pag. 54. *Conuersus hinc*, inquit, *ad ordinandum rei publicae statum, fastos correxit, iam pridem vitio pontificum - - - annum inciderat;* vid. Fulv. VRSINVS edit Patin. pag. 182. sqq. VAILL. *famil. Rom.* tom. II. pag. 158. sq. HAVERC. *comment. in thes. Morell.* pag. 289. sq. HARDVINVS ad Plin. tom. I. pag. 753. longissime abest ab hac eruditorum sententia, qui vocem CLOACIN. per litteras singulares explicans sequentem exsculpit sententiam. *Cymbam Lubentes Obtrulerunt Augusto Caesari Imperatori Narbonenses.* Et ita passim ingenio & litteris ludit HARDVINVS.

N A E V I A.

3II. *senatus consulto.* Caput Veneris, ante quod littera B.

caius NAEVIUS BALBUS. Victoria in trigis, ambabus tenet habenas.

Serra.

Serratus. Ex plebis tribunis, qui hanc illustrarunt gentem, *plebeiam* eandem fuisse patet. Inter Naeuios, qui Balbi cognomen habuerunt, nullus apud scriptores praenomine Caius occurrit. Lucii vel Sexti passim appellantur. Quis vero hic C. Naeuius Balbus fuerit, & quo tempore denarios cum *capite Veneris* atque trigis signauerit, & quidem ex senatusconsulto, valde incertum est. Ex *thes. Morell.* tom. II. pag. 291.

N A S I D I A.

312. NEPTVNI. Caput Cnei Pompeii Magni, ante cuius vultum tridens, in imo delphinus.

quintus NASIDIUS. Triremis praetoria, cum nauigantibus, velo, & astro.

Asper, rarior. Insignem hunc denarium, cui periti duorum *thalorum* constituunt pretium, *tab. IIII. num. X. contemplandum sistit.* Nassidia gens Ciceronis & Pompeiorum demum temporibus floruit. In antiquioribus monumentis Nassidii non cognoscuntur; & hinc incertum vtrum patricii an plebei fuerint. *Caput Pompeii M.* iussu filii Sexti expressum est, respectu huius Sexti in secundo casu vox NEPTVNI, subintellige *filius*, scribitur. Neptuni enim filium sese Sextus vocauit, patremque vt Neptunum expressit in hisce denariis rarioribus, vnde dei eius symbola *tridens* & *delphinus* adponuntur. *Astrum* ad Syracusas, vbi denarii cusi sunt, spectare videtur, in cuius vrbis numis frequens Apollinis est *astrum*; ducem classis Q. Nasidium triremis praetoria cum velo designat. Hic Q. Nasidius, bello ciuili, Pompeianas Sexti partes secutus est, atque in Siciliam delatus, ab eodem classi praefectus fuit. Fidus Sexto mansit ad illud vsque tempus, quo desperatis rebus suis remedia inania & vesana quaesiuit Sextus. Tunc enim, quum classem suam incendisset Pompeius, remiges armasset, aliaque id genus, amici eius, Cassius Parmensis, Saturninus, alii, & cum focero Sexti Libone Nasidius, pacta salute, ad Antonium transierunt. Antonio postea contra Caesarem adfuit idem Nasidius,

dius, a quo ob militiae naualis scientiam classi quoque praepositus fuit, atque nauali pugna victus ab Agrippa, vti docet *Dio* lib. L. *Ex thes. Morell.* pag. 293. conf. *VAILL.* tom. II. pag. 168. sq. *VRSI- NVS edit. Patin.* pag. 187.

NONIA.

213. SVFENAS. *senatus consulto.* Caput Plutonis siue Ditis Patris, cum vnco.

SEXtus NONIus PRIMus ludos votiuos publicos fecit. Figura muliebris spoliis insidet, d. hastam tenens, l. parozonium; post illam stat Victoria eandem coronans dextra, laeua palmam tenens.

Nonia gens *plebeia* fuisse colligitur ex Noniis tribunis plebis. Varie antiquarii auersam huius numi paginam descripserunt. *Fulu. VRSINVS* coronaram Victoriae imaginem hic exprimi existimat. *VAILLANTIVS* Sullam armorum spoliis insidentem a Victoria coronari autumat. Tandemque *Io. HARDVINVS* omnem mouet lapidem; Antoninum enim imperatorem hic agnoscit, certe nihil insulsius dici potest; vid. *eiusd. Plin.* tom. II. pag. 777. Ex denario, simili typo in auersa conspicuo, quem supra pag. 95. num. 176. in Caecilia gente exhibuimus, *cel. HAVERCAMPVS* docet Romam spoliis insidentem in hoc denario adumbrari. De *ludis publicis votiuis*, quorum posticae inscriptio mentionem facit, consulendus est *Fulu. VRSINVS*, *edit. Patin.* pag. 189. *VAILLANTIVS*: Ludos victoriae publicos, inquit, quos vouerat Sulla pro bello Mithridatico, post eius triumphum biduo actum, splendidissimos edidit: in cuius rei memoriam denarios, in quibus Sullam armorum spoliis insidentem coronat Victoria, exhibuit, cum lemmate *SEXtus NONIus PRAETOR ludos votiuos publicos fecit*. Haec *VAILLANTIVS*. Hanc *VALENTIS* sententiam haud procedere posse *HAVERCAMPVS* monet, si litterae *P R.* quae ambiguae sunt, non legi debeant *PRAETOR* sed *PRIMUS*. Ludos enim, cl. antiquarius ait, votiuos publicos, nullus sub Sulla vel Augusto Nonius dici potest

potest primus fecisse, iam antiquissimis rei publicae temporibus edi coeptos. Antiquitatem itaque generis sui hoc typo iactat Nonius ille Sufenas, si PR. significat *primus*. Quod videlicet vnus ex maioribus suis, Sextus Nonius, primus (ex plebe scil.) fuerit, qui ludos votiuos publicos ex senatusconsulto fecerit. Hoc enim dignum erat publicis monumentis ad familiae suae nobilitatem a Nonio signari. Sicuti factum est a Seruilio, respectu Floraliū, tab. secunda num III. gentis Seruiliae *caius SERVEILIUS FLORALIA PRIMVS* scil. *ferit*. Puto tamen, mox cl. HAVERCAM-PVS addit, PR. significare praetorem, sed denarium ipsum, non a patre Sexto Nonio in praetura sua, sed a filio in quaestura cūsum fuisse. *Disis Patris caput* recte a quaestore vel triumuiro monerali signatur, vt dei diuitiarum; vid. *thes. Morell. tom. II. p. 294. sq. conf. VAILL. tom. II. pag. 172. sq.*

314. CAESAR AVGVSTVS PONTIFEX MAXIMVS TRIBVNICIA POTES-
tare. Caput Augusti nudum.

SEXTVS NONIVS QVINCTILIANVS III. VIR Auro Argento
Aere Flando Feriundo Nota senatusconsulti in area.

Aereus sec. mod. numus, qui in aduersa notam TIBERIUS IMPERA-
TOR impressam exhibet. Hoc numisma Quinctilianum senatus tri-
umvirum moneralem fuisse nos edocet, & quidem post A. V. C.
1000000. quo ad d. prid. non. Mart. Aemilius Lepidus obiit, &
Augustus pontificatum maximum suscepit, quem viuo auferri
nunquam voluerat, teste *Suetonio, in Augusto cap 31 edit. Graeu p.*
167. nam in numo Augustus pontifex maximus renunciatur. Sext.
Nonium Q i ctilianum A. V. C. 1000000. cum M. Furio Camillo con-
sulum fasti consulares docent; vid. *VR SINVS, VAILL. &*
HAVERC. loc. cit.

N O R B A N A.

315. *caius* NORBANVS. Caput Vener. pone quod nota num. cxiii.

Sine epigraphe Fasces cum securibus inter spicam &
caduceum; inimo, vt mihi videtur, lituus.

E e 3

Asper,

Asper, subaeratus, quem inter Morellianos baud offendes. Norbana gens *plebeia* fuit, sed consularis. Ex *Carol. SIGONIO* intelligitur Norbanos proprium gentis nomen amisisse. Elegantem hunc denarium a C. Norbano praefecto urbis, quamvis praefecti titulus haud appareat, signatum esse utriusque paginae typi innuunt. *Caput enim Veneris* Caesaris respicit originem, *fascēs, caduceus, & spica* summam designant potestatem, quam Iulius Caesar in Hispaniam proficiscens Lepido & praefectis illis dederat, ut pacis atque tranquillitatis & annonae curam gererent. Caii Norbani huius Liwineius Regulus collega fuit, ut supra p. 195. num. 283. monuimus. *Nota numeralis*, quam antica exhibet, ad discernendas matrices additur; vid. *thes. Morell.* tom. II. pag. 296.

OGVLNIA.

316. Caput Ianilaureatum & barbatum, cum assis nota.

CARVILIUS. OGVLNIUS. VERGILIUS. Prora navis.

Aereum sec. magn. numisma, quod iam in Caruilia gente pag. 103. vidimus. Post A.V.C. IOLXXV. quo pondus assis, qui quadraginta proximis annis ad unciam fuerat reductus, novam lege Papiria subiit mutationem, atque ad semiunciae pondus reductus fuit, procul dubio Ogulnius iste aereus signatus est. Vix etenim hoc νόμισμα quatuor appendit drachmas. In simili numo, quem cl. *Laur. BEGERVS* ex SERENISSIMI BORVSSORVM REGIS thesauro vulgavit, recte pro CAR. legitur GAR. In nostro enim itidem prior inscriptionis littera litterae G. simillima est; vid. *thes. Morell.* tom. II. pag. 301. conf. *thes. Brand.* tom. II. pag. 567.

OPEIMIA.

317. Caput Romae galeatum inter tripodis & denarii notas.

MARCUS OPEIMIUS. ROMA. Apollo in citis bigis, arcum tendens, dependente ab humeris pharetra.

Opimia, sive, ut in numis scribitur, Opeimia gens *plebeia* sed pluribus tamen consulatibus clara fuit, praecipue L. Opimii, qui
in

in consulatu suo, caeso C. Graccho tribunitio, & Fulvio Flacco consulari viro, patrum vindictam egregie in plebem exercuit, & legis Maniliae vi postea exulare coactus, in Dyrrachino litore sepultus fuit. Marcum Opimium, qui hunc signavit denarium, Lucii Opimii consulis fratrem fuisse VRSINVS existimat. VAILLANTIVS numum hunc reuocat ad M. Opimium, quem *Caesar* de B. C. lib. III. cap. 38. a suis captum memorat. Hunc M. Opimium praetorem vrbanum fuisse autumat, dum: illum, vir clar. inquit, qui denarium cudit, praetorem vrbanum fuisse demonstrant, & *tripus pone caput Romae, & Apollo telum eiacularus in bigis*; nam sparsim ludos Apollinares a praetoribus urbanis celebrari; caetera. Hanc VALENTIS opinionem cel. HAVERCAMPVS emendat, eiusque coniecturae coniecturam opponit. Primum enim vir erud. monet, praetorum non fuisse monetam signare, sed quaestorum vel triumuirorum monetarium; deinde, M. Opimium praetorem vrbanum fuisse sola coniectura VAILLANTII niti; tertio, ludos Apollinares nunquam exprimi Apolline, velut irato, vt in hoc denario est, arcum tendente, atque telum eiaculaturus, sed habitu longe alio. Innumera Romanorum nomina, HAVERCAMPVS addit, suppeditant numi, & eorum virorum, quorum, ob historiae defectum, nulla alia ad nos peruenit notitia. Adsignandus itaque aliquis M. Opimius venit illi rei publicae tempori, cui & typus ille Apollinis telum iaculantis conuenit, & aetas cusi denarii. Apollinem tela sua iaculantem dirae pestilentiae tempora respicere ex *Homeri*, poetarum & sapientiae parentis, *Iliad.* lib. I. versu 44. sqq. praeclare idem HAVERC. docet. Romam autem & Italiam ad A. V. C. IOLXXIII. dira vastauit pestilentia, *Liuius* teste lib. XXXX. cap. 38. Quumque in hoc denario *Apollinem, tripodem*, eius dei symbolum, & *irati* atque *ἐκατηβόλος* signa habeamus, certum praeterea sit eundem hunc M. Opimium circa illa tempora, quibus Italia tam graui pestilentia conflatabatur, numos signasse; facile patet HAVERCAMPVS sententiam, qui illis annis M. Opimium, historiarum

monumentis incognitum, quæstorem vrbanum fuisse existimat, haud vllis laborare difficultatibus; vid. *thes. Morell.* tom. II. pag. 302. VAILL. tom. II. pag. 192. VRSINVS pag. 194.

P A P I A.

318. Caput Iunonis Sospitæ, siue Lanuinae, caprina pelle tectum, retro quod pes humanus cernitur; numum ambit corolla.

LUCIUS PAPIUS. Gryphus, cum impetu latus; sub quo item pes humanus est.

Serratus, qui a Morellianis differt. Omnes hos Papiæ gentis denarios serratos esse HAVERCAMPVS observauit. Ex Papiis, tribunis plebis, qui leges de Vestalibus & peregrinis tulerunt, Papiæ gens plebeia esse cognoscitur. Caput Iunonis Sospitæ pelle caprina amictum Papiorum ex Lanuio vrbe originem respicit, in qua hæc dea summo colebatur honore, cuius meminit Liuius, lib. XXXII. L. Papium, qui hunc signauit denarium, C. Papii, tr. pl. A. V. C. DCCLXXXVIII. filium fuisse eruditi statuunt. Per gryphum Papium hunc vrbanam patris praeturam designare voluisse VAILLANTIVS credidit. Perill. SPANHEMIVS & cel. HAVERCAMPVS hanc VALENTIS reiiciunt sententiam; vid. SPANH. de præst. & usu numism. tom. II. pag. 134. Ego per gryphum, eximius HAVERC. inquit, curam monetae & aerarii exprimi posse puto, & aptissime a triumuiro monetali, vt symbolum dignitatis suae, signari gryphum, cuius monstri famosa apud scriptores & poëtas in primis auri atque argenti est custodia. Pompon. Mela lib. II. cap. I. Deinde est regio ditis admodum soli, inhabitabilis tamen: quia gryphi, saeuum & pertinax ferarum genus, aurum terra penitus egestum, mire amant mireque custodiunt, & sunt infesti adtingentibus. Idem lib. III. cap. 7. Aliæ formicas non minus maximas canibus: quas, more gryphorum, aurum penitus egestum, cum summa pernicie adtingentium custodire commemorant. De gryphibus in numis obuiis vberius egit, summum illud elegantiorum litterarum

rarum decus, perill. *Ezechb. SPANHEMIVS, de usu & praest. numism.* tom. I. pag. 270. sqq. Cel. HAVERCAMPVS ex tot monetariorum signis, quae in his denariis occurrunt, concludit, easdem notas a capite & parte illa, vbi gryphus est, positas fuisse, vt sibi inuicem quadrarent matrices; id vero in pluribus neglectum esse idem celebris antiquarius obseruat. Elegans iste denarius viri cl. coniecturam confirmat; eadem enim *pedis humani figura*, quam aduersa exhibet, etiam in auersa cernitur; vid. *thes. Morell.* tom. II. pag. 307. sqq. conf. VAILL. *famil. Rom.* tom. II. p. 198. sq.

P A P I R I A.

319. Caput Romae galeatum, cum denarii nota.

CARBO. ROMA. Iupiter incitisquadrigis, dextra tenens fulmen, laeua sceptrum & equorum habenas.

Papiriam gentem geminam fuisse, alteram *patriciam minorum gentium* alteram *plebeiam*, diserte testatur *Cicero, epist. fam. lib. VIII. ep. 21. edit. Gronou.* pag. 792. Ad M. Carbonem, quem in epistola modo adducta Cicero sugillat, *quadrigatus* iste pertinet, quem in quaestura vrba, vel triumuiratu monetali signauit.

P I N A R I A.

320. *Marcus Antonius Consul III. Imperator IIII.* Caput Iouis Ammonis cornutum.

ANTONIVS AVGV. SCARPVS IMPERATOR. Victoria gradiens cum palma & corolla.

Antiquissimam hanc gentem a Pino Numae Pompilii filio duxisse originem *Plutarchus* in *Numa* scribit. De Antonio & parte denarii priore, quae ad illum spectat, supra p. 86. & 87. num. 157. diximus. De Pinario Scarpo, qui ad hanc gentem nos reuocat, haec notauit HAVERCAMPVS. Gesta eius, vir doct. inquit, in obscuro sunt. Praefuisse tamen Africae parti sub Antonio ex *Dione & Plutarcho* VRSINVS atque VAILLANTIVS docuerunt, & denarii typus, qui Iouis Ammonis caput exhibet, adstipulatur. Impe-

ratoris ibi titulum, ex pugna aliqua contra barbaros, meruisse videtur. Pinarii huius malam erga Antonium fidem *Dio* lib. II. notat. *Caeterum Antonius in Africam quosdam misit ad Pinarium Scarpum, & exercitum, quem is iam ante ibi conscriptum ad tuendam Aegyptum habebat: verum quum neque reciperetur ab eo, & missos quoque ad se is occidisset, nonnullosque milites id moleste ferentes necasset, infectore Antonius ipse quoque Alexandriam se contulit.* Cornelio Gallo, quem Aegypto postea praefecit Augustus, exercitum suum perfide tradiderat Scarpus, vt notat idem *Dio* lib. eod. *Verum antequam haec acta sunt, Antonius, cognito, Cornelium Gallum, accepto Scarpi exercitu, subito Paraetonium occupasse, etsi in Syriam proficisci euocatus a gladiatoribus in animo habebat: tamen eo omisso, ad Paraetonium contendit.* Quantopere haec Scarpi perfidia Antonium perculerit, docet in vita eius *Plutarchus* p. 948. *Postquam vero praefectus copiis Africanis in Libya ab illo descivit occidendi semetipsum cepit impetum, sed prohibitus ab amicis; caet.* Et haec de Scarpo; vid. *thes. Morell.* tom. II. p. 322.

P L A E T O R I A.

321. Caput muliebre, Graeco more comtum, pone quod delphinus.

MARCUS PLAETORIUS CESTIANUS. EX S. C. CADUCEUS ALATUS.

Denarius nec a MORELLIO, nec cel. HAVERCAMPO observatus. Plaetoriam seu Laetoriam gentem *plebeiam* fuisse pater ex duobus Plaetoriis, qui Romae tribunatum pl. gesserunt. Aduersae paginae *caput muliebre* Sortis esse *VAILLANTIVS* existimat, idque, vt volunt, restaurati a M. Plaetorio in aedilitate sua ex senatusconsulto Sortium Praenestinarum templi memoriam exhibet. At quum omnes Romani de antiquitate maiorum gloriabantur, M. Plaetorius in altera denarii parte, vt suam significaret, *caduceum*, Mercurii insigne, expressit, nempe a M. Plaetorio, qui, cum tantum esset primi pili centurio, tam magnae apud plebem auctoritatis fuit, quod, spretis Claudio & Seruilio coss. illi populus dedi-

dedicationem aedis Mercurii dederit, teste *Liuius*, lib. II. cap. 21. & 27. *Delfbinus* haud dubie ad monetariorum signa pertinet; vid. *VAILL. famil. Rom.* tom. II. pag. 240.

322. *LUCIUS PLAETORIUS CESTIANUS*. Caput nudum M. Iunii Bruti, percussoris Caesaris, cum adscriptis litteris *BRVTVS IMPERATOR*.

EIDUS MARTIAE. Pileus inter duos pugiones.

Subaeratus, integerrimus, & rarissimus. De perinsignis huius denarii pretio, M. Iunio Bruto, atque pugionibus, & libertatis symbolo pileo, actum iam est in gente Iunia, pag. 188. num. 275. Nunc de L. Plaetorio Bruti quaestore dicendum. In tertio tab. II. Plaetoriae gentis denario idem iste L. Plaetorius Lucii filium se appellat, patrem itaque habuit Lucium Plaetorium. Hic L. Plaetorius forsitan fuit ille, cuius *Cicero* meminit, in *orat. pro Cluentio* cap. LX. *Opportune adest homo summa fide, & omni virtute praeditus, L. Plaetorius, senator; caet.*

PLANCIA.

323. *CNEUS PLANCIUS AEDILIS. CVRULIS. senatus consulto*. Caput muliebre pileo tectum, auris inauri ornatur, collum monili, quod pendulas habet gemmas.

Auersa pars inscriptione caret, rupicapram, siue capram siluestrem, & post illam arcum cum pharetra exhibet.

Planciam gentem *plebeiam* fuisse ex tribunatu plebis constat, quem Plancius iste, qui hunc signauit numum, A.V.C. 1061 LXXXVI. gessit. Quae cel. *HAVERCAMPVS* huic denario subiunxit, ea ad hanc pagellam transcribere libuit. Ita autem ipsa doctissimi antiquarii verba sonant. Magno consensu hunc denarium antiquarii ad notissimi illius Cn. Planci, Ciceronis amici, quem exsulem in Macedonia recepit, & a quo, quum in petitione aedilitatis ambitus accusaretur, defensus fuit, aedilitatem curulem referunt, ut in qua ludos & venationes ediderit. Vellem exstaret auctoritas

veterum, quae me doceret ius cudendae monetae penes aediles fuisse; illa deficiente aliam amplector sententiam. De capite item non consentiunt eruditi, omnesque, excepto MORELLIO, caecutiunt. Libertatis caput somniat BEGERVS *thes. Brand.* tom. II. p. 570. Veneris, VAILLANTIVS tom. II. pag. 244. Est enim *caput Macedoniae*, plane, ut in simili pictura numi fam. Antoniae tab. prima num. V. quos numos conferentem & egregie explicantem MORELLIVM nostrum hic audire operae pretium est. Verba MORELLII, quae commentario suo inseruit HAVERCAMPVS, tantum allegabimus, exstant illa in WOLTERECKII *electis rei numariae* pag. 54. quo lectorem remittimus. Nullum itaque, Morellianae sententiae cel. HAVERCAMPVS subiungit, mihi dubium est, quin, non ad venationes, quas scilicet aedilis curulis dederit Cn. Plancius, respiciat huius denarii typus, sed plane ad Macedoniam. *Caput enim muliebre ipsius est Macedoniae, capra siluestris* Macedoniae quoque est symbolum, & in Philippi Macedonis, atque Aegeatarum numis reperitur. *Arcus & pharetra* Macedoniae itidem symbolum est, propter urbem Tessalonicam, quae eandem arcus & pharetrae delineationem & posituram in numis suis exhibet, immo saepissime quoque capram siluestrem. Sicuti itaque quaestores Bruti fuerunt M. Plaetorius Cestianus & L. Plaetorius Cestianus, de quo antea egimus, sic quoque inter Bruti quaestores credo fuisse hunc Cneum Plancium, qui in ipsa Macedonia, in qua quaestor Bruti fuit, hunc numum ex sanatusconsulto signauerit; quem Cn. Plancium praeterea credo fuisse filium illius Cn. Planci, qui in Macedonia primum tribunus militum fuit, deinde quaestor in eadem prouincia, sub Apuleio praetore, Ciceronem, in exilium profectum, comiter excepit, & liberaliter habuit, qui deinde, post tribunatum plebis, aedilitatem curulem gessit cum A. Plancio, A. V. C. IOCLXXXVIII. quum defensus a Cicerone, dignitatem istam contra aduersariorum calumnias obtinuisset. Rei publicae partes fuit, vnde sub Caesare in exilio viuere coactus, consolari a *Cicerone* meruit in fine libri

III. *epist. fam.* Huius Cn. Planci, quaestoris olim in eadem Macedonia, filius, itidem patris & aui praenomine Cneus dictus, atque libertatis amorem hereditarium retinens, Bruti partes secutus fuit, interque quaestores eius adlectus hunc cudit numum, cuius typo dupliciter patris sui memoriam commendauit, a gratia apud Macedonas, quam obtinuerat in quaestura sua, typo & symbolis Macedoniae; & a dignitate, quam adscripto patris honore expressit, dum ponit patris nomen, cum dignitate, quam supergressus non fuerat, *aedilitate curuli*. Dignitates parentum, aequae ac vultus maiorum, recenseri in filiorum & nepotum numis, iam, exemplo Pompeii Rufi, supra pag. 131. ad num. 216. docuimus; vid. *thes. Morell.* tom. II. pag. 327. sq. conf. *Vaill. fam. Rom.* tom. II. pag. 243. sq. *Const. Landi select. numism.* pag. 128. sqq.

PLAVTIA.

324. *Lucius PLAVTIUS.* Caput Solis aduersum.

PLAVCVS. Aurora alata Solis equos frenans.

Eleganter signatus. Ex Plautiis tribunis plebis Plauriam plebeiam fuisse gentem colligitur. L. Plautius, siue Plotius, Plancus, frater fuit L. Munatii Planci bis consulis, triumphalis, & censorii, testibus *Plinio & Val. Maximo.* *Plin.* lib. XIII. cap. 3. *L. Plotium, L. Planci bis consulis censorisque fratrem, proscriptum a triumuiris, in Salernitana latebra unguenti odore proditum constat.* *Val. Maxim.* lib. VI. cap. VIII. ex. 5. *Adiunxit se iis cladibus C. Plotius Plancus, Munatii Planci consularis & censorii frater, qui cum a triumuiris proscriptus in regione Salernitana lateret, delicatioris vitae genere, & odore unguenti, occultam salutis custodiam detexit. Istis enim vestigiis, eorum qui miseros persequiebantur, sagax inducta cura, obditi fugae illius cubile odorata est. A quibus comprehensi serui, multumque ac diu torti, negabant se scire ubi dominus esset. Non sustinuit deinde Plancus tam fideles, tamque boni exempli seruos ulterius cruciari: sed processit in medium, iugulumque gladiis militum obiecit.* Adoptatus est in gentem Plautiam, a L. Hypsaero, vt

VAILLANTIO videtur, praetore. Nam duo fratres non idem praenomen gerere solebant, & pro familiae Munatiae nomine, quod producere debebat in Munatianum, illius tantum Planci cognomen retinuit; vt L. Aemilius Paullus adoptatus a M. Lepido, Paullus Lepidus dictus. Idem VAILLANT. L. Plancum denarium hunc in praetura signasse autumat. In cuius memoriam, vir. cl. ait, pars anterior *Solem*, seu Apollinem, cui Apollinares ludi dicati erant, exhibet, & posterior *Auroram* Solis ipsius nuntiam. Cel. HAVERCAMPVS hanc itidem emendat denarii explanationem, dum: At, quamvis, inquit, honos praetorius in hoc denario exprimi videatur (ad praeturam enim peruenit, & in illa ludos edidisse videtur) non tamen ab ipso L. Plautio Planco cum hunc denarium fuisse arbitror, quod praetoribus pecuniam signare non fuerit licitum, sed a filio eius; qui, post patris interitum, castra Cassii & Bruti secutus fuisse videtur, & in illis quaesturae munere functus fuisse; vnde in Oriente signari haec moneta potuit & per Auroram illa pars orbis designari; vid. *thes. Morell.* tom. II. pag. 329. conf. VAILL. *fam. Rom.* tom. II. pag. 247. sq.

325. MARCUS SCAVRVS AEDILIS CVRVLIS. Figura genuflexa, laeua stantem camelum, coronam radiatam in gibbo portantem, capistro retinet, dextra ramum oleae cum vittis more supplicis praefert; infra scribitur REX ARETAS. ad latera ex. *senatus. consulto.*

PUBLIUS HYPSAEVS AEDILIS CVRVLIS. CAIUS HYPSAEVS CONSUL. PREIVERNUM CAPTUM. Iupiter in quadrigis, d. tenens fulmen, l. equorum habenas; sub equis scorpio, nota monetarii, cernitur.

Eximiae raritatis denarius. Cel. *Euchar. Gortl.* RINCKIUS, cuius egregium de veteris numismatis potentia & qualitate opusculum eminentissimus ANSELMUS BANDVRVS summis effert laudibus, e- quidem per insignis huius argentei, quem cl. GALLANDVS apud WOLTERECKIVM rarissimum adpellat, prorsus nullam fecit mentionem;

tionem; innuit tamen vir doctissimus, quanti circiter numus iste aestimandus sit. *Putant enim*, in lib. laud. pag. 176. vir cl. inquit, *antiquarii aequitate nisi, rarissimi numi, cuiuscunque sit aestimationis, pretium iustum esse 50. thalerorum.* Supra in gente Aemilia pag. 75. eundem hunc denarium probe delineatum exhibuimus, ibique de aduersae paginae typis iam actum est. Duarum familiarum decora in elegantissimo hoc denario recensentur, Aemiliae & Plautiae. Aemiliae peculiaris gloria erat rex Arabum Aretas supplex factus; priuata Plautiae laus Priuernum Latii oppidum, olim a consule C. Plautio Hypsaëo captum A. V. C. ccccxii. P. Hypsaëus A. V. lxxv. cum M. Aemilio Scauro aedilitatem curulem gessit, vtriusque nomina & magistratus numus exhibet. Celeberrima Scauri fuit aedilitas, ob raram ludorum & muneris magnificentiam: primus enim hippopotamos Romae exhibuit; vid. *Val. Maxim.* lib. II. cap. 4. *Plin. H. N. lib. xxxvi. cap. 15.* Quamvis autem ob impensas absumserit opes suas, & magnum aes alienum contraxerit; nullam tamen ludorum memoriam in denario expressit. Haud ab ipsis illis aedilibus curulibus, sed a filiis eorundem hos numos cufos esse HAVERCAMPVS credidit. Isti enim rei publicae partes contra triumuiros, libertatis oppressores, secuti, simul forte quaesturam sub Bruto vel Cassio gesserunt, adeoque *EX senatus consulto*, vt in omnium fere eorum quaestorum numis additur, hanc pecuniam, magna vi, in vsum belli ciuilis signarunt; vid. *ibes. Morell.* tom. II: pag. 329. sq. conf. *VAILL. famil. Rom.* tom. II. pag. 247.

326. Idem fere, in quo haud radiatam coronam offendes.

Denarii huius typum itidem supra p. 75. Aemiliae genti praemisimus.

327. Caput Romae galeatum, cum denarii nota.

coius PLVTIVS. ROMA. Dioscuri in equis.

C. Plutius iste, qui ex eadem Plautia gente fuit, *VAILLANTIO* is fuisse videtur, qui vir primarius adpellatur a *Cicerone* in *orat. pro L. Flacco*. In illa quaestura prouinciali, quam C. Plutius A. V. C. lxxvii. gessit, denarium hunc signatum esse idem celebris

bris antiquarius statuit. Cel. HAVERCAMPVS cum ex typi simplicitate & antiquitate, tum ex vetere scriptura Plutius, pro Plotio vel Plautio, quae omnia ad antiquiora tempora respicere nos iubent, iudicat ad C. Plautium Hypsaeum, cuius quaesturam urbanam ponit PIGHIUS A. V. C. IOLXXXXIIII. hunc respicere denarium, atque in illa quaestura eundem cusum fuisse existimat; vid. VAILL. *fam. Rom.* tom. II. p. 250. *Thes. Morell.* tom. II. p. 331.

P L O T I A.

328. CAESAR AVGVSTVS TRIBVNICIA POTESTATE. Caput Augusti nudum.

CAIUS PLOTIVS RVFVS III. VIR A. A. A. F. F. In numi area S. C.

Aereus, sec. magn. numus, cui a parte capitis haec nota impressa est: TIBERIUS; ab altera parte: IMPERATOR AVGVSTVS. Tiberii Caesaris temporibus notis illis aerea numismata (pro monetariorum libidine) insignita esse viri docti existimant. Gens Plotia, Plautia, & Plutia, eadem olim fuit. Caium Plotium Rufum, qui in hoc aereo triumviri monetaris senatus fuisse agnoscitur, eundem Plotium esse VAILLANTIVS & cl. HAVERCAMPVS putant, quem apud *Suetonium* in Augustum conspirasse legimus; vid. *Suet. in vita Augusti* cap. XVIII. *edit. Graev.* pag. 143. Tres fuerunt quondam Augusti monetales, qui auream & argenteam signarunt monetam, tres pariter senatus, qui acream cuderunt, sed semper cum effigie aut nomine Augusti, quod toto eius imperio observatum fuisse videtur. In successorum Augusti numis triumviri monetales non recitantur amplius, in lapidibus tantum illorum fit mentio, notam S. C. ad Gallienum usque expresserunt; vid. VAILL. *famil. Rom.* tom. II. pag. 251. *Thes. Morell.* loc. cit.

P O B L I C I A.

329. LUCIUS METELLVS. AULVS ALBINVS SPURII FILIVS. Caput Apollinis laureatum.

CAIUS MALLEOLVS. ROMA. ROMA TRIBVS CLYPEIS INSIDENS, d. ha-

d. hastam tenens, l. parazonium, coronatur a Victoria post tergum adstante.

Elegans. Publiciam gentem siue Publiciam (vtrouque enim modo in antiquis monumentis reperitur) *plebeiam* fuisse ex *Liui* constat, qui C. Publicii meminit, qui tr. pl. fuit anno 10xxxxv. In denariis vnum Malleoli cognomen superest. Numum hunc, & diuersas eruditorum de eodem sententias, iam supra pag. 95. num. 176. in gente Caecilia vidimus. Inquiramus nunc, quis ille fuerit C. Malleolus, qui cum duobus collegis in hoc denario nomen suum signauit. Triumuiros monetales vna fuisse non dubitamus amplius. Tempus, quo vixerint, atque honorum illud primum incrementum gesserint, HAVERCAMPVS ex VI. numo primae Publiciae gentis tabulae docet. In illo enim denario censura L. Licinii & Cn. Domitii determinatur, qui hunc magistratum, ut in Cosconia gente monuimus, adepti fuerunt A. V. C. 10cclxi. atque vsque ad lustrum factum gesserunt. Vnde plures triumuiroi monetales, inter quos & C. Malleolum fuisse denarii docent, nomina horum censorum in numis suis expresserunt. Hinc facile colligitur circa illa tempora Malleolum nostrum cum collegis suis monetae cudendae triumuirum fuisse; vid. VAILL. tom. II. pag. 255. *Thes. Morell.* tom. II. pag. 331.

P O M P E I A.

330. MAGNUS. Caput Iani bifrontis imberbe.

PIVS IMPERATOR. Naui prora.

Aereum, nobili aerugine obiectum, primae magn. numisma. Cl. Andr. MORELLIVS hoc νόμισμα θηλυρόν valere indicat. Gens Pompeia *plebeia* quidem fuit, sed illustres in re publica viros protulit & consulares, quos longe post se reliquit Cn. Pompeius Magnus ex Strabonum familia. Pompeiorum enim cognomina fuerunt Strabo & Rufus, sed Magni deinceps a Cn. Pompeio Strabonis filio propagati sunt. Faustuli quoque in denariis inueniuntur. Assen hunc a Sexto Pompeio Cn. F. signatum fuisse docet inscriptio.

G g

Ille

Ille enim PIVS dicitur in numis, quod, recèptis ciuibus triumviro-
rum proscriptiones effugientibus, patris fratrisque caedem vel-
let vindicare; MAGNUS, quod agnomen illud patris hereditario
iure ad ipsum transiisset; IMPERATOR, quod hunc meruisset titulum,
victo in Hispania praelio insigni Asinio Pollione, atque magna
Hispaniae parte recepta. Pugnam & faedum eius exitum propter
errorem exercitus Asinii, qui ducem suum periisse credebat, de-
scribit Dio libro XXXXV. *Sed iam res ipsius quoque Sexti expo-
nendae sunt. . . . Sextus ea victoria potitus, totam fere eam re-
gionem obtinuit.* Illud praeterea in hocasse HAVERCAMPVS ob-
feruat, quod Iani facies, quae hætenus in omnibus numis siue bar-
batam siue imberbem dei eius exhibentibus imaginem, vniiformis
occurrit, in hoc delineatus sit ad ipsius Cn. Pompeii Magni oris
habitum. Quod quidem, vir clar. addit, nemo arbitretur for-
uito sculptoris Morelliani, vel ipsius MORELLII artificiosa delinea-
tione factum fuisse; sed reuera ita sese res in numis habet, prae-
sertim in illis, qui maiorem sculptoris artem produnt. Habeo
ipse duos, idem HAVERCAMPVS subiungit, horum alter inscri-
bitur MAGNUS, alter integre MAGNVS. Vterque lauream habet co-
ronam, non spiceam, vt credidit VAILLANTIVS. Posterior ex
illis, viridi aerugine praeclarus, vtramque Iani bifrontis faciem
plane ad habitum oris Cn. Pompeii Magni exhibet, & quidem
magis senilem, quam exstat in Morelliana pictura. Facile vero
Pompeii facies ex ore, naso, fronte, coma & reliquis notis in
numis dignosci potest. Haec HAVERCAMPVS; vid. *ibes. Morell.*
tom. II. pag. 334. sq. conf. VAILL. tom. II. pag. 273. *Christoph.*
WOLTERECK in *elect. rei numar.* pag. 12.

331. MAGNUS PIVS IMPERATOR ITERUM. Caput Cn. Pompeii Ma-
gni nudum; ante lituus, pone guttus.

PRÆFECTUS CLASSIS ET ORAE MARITIMAE EX SENATUS
CONSULTO. Tres personae, quarum media aliquantum
inclinata d. tenet acrostolium, & dextrum pedem
prorae

prorae nauis imponit; vtrinque persona, quae humeris impositum gestat.

Insignem hunc denarium, quem periti magni aestimant, quemque celebris Lipsiensium antiquarius Io. Georg. WACHTERVS non ita pridem ex referatissimo SENATVS Lipsiensis thesauro probe delineatum exhibuit, in scezam produco, eundemque tab. v. num. i. conspiciendum sisto. Guttus & lituus ad auguratum & sacerdotium eiusdem Cnei, vel filii Sexti Magni Pii spectant. Anapi & Amphinomi, fratrum Catanensium, erga parentes pietas in auersa numi pagina adumbratur. Hi enim, monitu Neptuni, quem Sextus Pompeius ideo inter eos collocat, *parentes bumeris sublato* e periculo eximunt, Aetnaeisque incendiis eripiunt, vt Strabo lib. VI. edit. opt. pag. 412. commemorat. *Magnus*, paterno nomine, vocatur Sextus; quod illi datum fuisse patet ex honorifica in Sextum Pompeium clausula, qua *orationem* suam *Philippicam* XIII. finit *Cicero*, cap. XXI. edit. Gronou. pag. 705. *Quae cum ita sint, de mandatis, litterisque . . . collaudatus esse videatur.* Magni cognomen in gente Pompeia superfuisse tempore Caesarum Caligulae & Claudii, ostendit *Suetonius*, qui in *Caligula* cap. xxxv. edit. Graeu. pag. 428. notat, eundem *Cn. Pompeio, stirpis antiquae, Magni cognomen abstulisse.* Et in *Claudio* cap. XXVII. p. m. 501. eundem, vt nobilissimum iuuenem, generum ab imperatore electum fuisse. *Imperator iterum* insuper Sextus Pompeius inscribitur, primum quod *Asinium Pollionem*, vt antea monuimus, in Hispania vicerit, vt scribit *Dio* lib. xxxv. edit. *Henr. Steph.* pag. 312. *Quumque Asinius . . . terruit ac vicit.* Iterum vero imperator appellatur ob victoriam de Octauiano Caesare in Sicilia relata, *Dio*. lib. XXXVIII. p. m. 451. *Caesar*, inquit, *contra pedestres Sexri copias pugnandum sibi non ratus, navibus hostium contemptis, quia & paucae erant, & iam ante victae, prouectus contra eas, maiorem suae classis partem amisit: ipse propemadum una quum periisset, ad suos, qui in Sicilia erant, perfugere non potuit: sed euasisse in continentem optime contentus fuit.* Conf. *Ap-*

pianus lib. V. p. 720. sq. *Praefectus* denique *classis* & *orae maritimae* Sextus Pompeius scribitur, ex antiquo senatus decreto, in eius gratiam lato, quum Hispania discessisset, omnesque honores Antonii inimicis largiretur senatus, Τῷ τελευτῶν Πομπηίῳ τῷ Σέξτῳ τὸ ναυτικὸν ἐνεχέρισται. *Re navali Sexto Pompeio commissa.* inquit *Dio* lib. XXXXVI. p. m. 361. Et licet a Caesare dignitate ista esset spoliatus, ius & titulum tamen retinebat, teste eodem *Dione* lib. XXXXVII. & lib. XXXXVIII. *Neptunum* vero signavit ut fauentem sibi, cuius & filius videri voluit, praesertim quum aliquanto post, sine vlla pugna, vniuersa fere classis Caesaris naufragio & vi tempestatis periisset, vti testatur *Appianus* lib. V. pag. 729. Testatur idem *Dio* lib. XXXXVIII. p. m. 442. ad A. V. C. ICCCXVI. Sextus Pompeius, procul dubio, *patris imaginem*, & *pietatis typum*, cum *propriae dignitatis titulis* ideo in hoc denario coniunxit, ut nempe adluderet ad cognomen Pii; adeoque tum erga patrem suum, tum symbolice erga Sicilienses suam pietatem vtraque huius numi pagina indicare studuit Sextus Cn. Pomp. F.; vid. *ibef. Morell.* tom. II. p. 337. conf. *VAILL. famil. Rom.* tom. II. pag. 269. cl. *WACHTERI archaeol. numaria* pag. 91. sq. *OISELII ibef. antiqu. numism.* pag. 406.

332. NEPTVNI scilicet *filius*. Caput Cn. Pompeii Magni, qui hic tanquam Neptunus depingitur, addito delphino & tridente.

quintus NASIDIUS. Triremis praetoria cum velo, remigantibus, & astro.

Optime conservatus, rarior. Eundem hunc denarium in Nasidia gente pag. 219. num. 312. iam descripsimus, ibique vberiore illi interpretationem subiunximus. Insigne illud quondam FRIDERICIANAE decus, cel. noster SCHVLZIVS pereruditus de Pompeii denariis, aliisque rarioribus numis, conscripsit observationes, quae, si deus volet, vna cum aliis clar. viri ineditis opusculis, prope diem iunctim in publicum prodibunt.

333. RVFVS consul. *quintus pompeius RVFI filius*. Caput Quinti Pompeii Rufi consulis.

SVLLA

SVLLA Consul. Caput Sullae consulis & dictatoris. *Rarioribus numum hunc antiquarii adnumerant, eumque carius aestimant. Accuratori caelo aeri incisae Sullae & Q. Pompeii, clarissimorum olim in re publica Romana virorum, imagines tab. V. num. II. oculis subiicimus.* Ob Sullam ad gentem Corneliam numus pertinet; duo autem Pompeii, quorum nomina aduersa exhibet, ad Pompeiam elegantem hunc denarium reuocant; vid. pag. 131. num. 216. Q. Pompeius, qui A. V. C. 1061. LXV. cum Cornelio Sulla consulatum gessit, vir fuit clarus in historia Romana. Praetor, Q. Fabii Maximi filio, propter prodigam eius vitam, bonis paternis interdixit, ut testatur *Val. Maxim. lib. III. cap. V. edit. Vorst.* pag. 103. *Age Q. Fabii Max. Allobrogici, & ciuis & imperatoris clarissimi, filius Q. Fab. Maximus, quam perditam luxuria vitam egit? cuius ut caetera flagitia obliuerentur, ramen abunde illo dedecore mores nudari possunt, quod ei Q. Pompeius praetor urbanus paternis bonis interdixit;* caet. Consul postea cum Corn. Sulla magnas res gessit, eiusque filio Q. Pompeio Rufo filiam Faustam vxorem dedit Sulla. Filius vero ille Q. Pompeius, patre adhuc superstiti, qui aegre cum collega Sulla discrimen euaserat, in seditione Sulpiciani perijt, teste *Appiano lib. I. bel. ciu.* pag. 384. Non diu post pater ipse similiter, sed fraude Cn. Pompeii Strabonis (qui Magni pater fuit) interiit; vid. *Appian. ibid.* pag. 388. Testatur idem *Liuius in epitome lib. LXXVII. edit. Gruter.* p. 1245. Denarius hic a nepote consulis cusus est; ex Faustae Sullae filia & Q. Pompeio Rufo nati sunt Q. Pompeius Rufus Q. F. Q. N. tribunus plebis seditionis temporibus Clodianis, & Pompeia, quam Caesar, corruptam a Clodio suspicatus, dimisit. Litteram P. quae post Quinti Pompeii Rufi nomen cernitur, VAILLANTII pictor probe obseruauit, eadem illa littera P. ipsi cl. antiquario F. visa fuit. Verum non errabimus forsân, HAVERCAMPVS inquit, si legamus Q. POMPEIUS RVFVS PATER. atque ita statuamus Q. Pompeium nepotem vniuersum familiae suae decus hoc denario expressisse, & auorum quidem, ut in consulatu, honore

maximo, collegarum, facies & nomina; patris vero duntaxat nomen, ut qui, maturo fato interceptus, ad dignitatem istam peruenire non potuerat. Vel simpliciter legendum est, RVFVS *consul Quinti Pompei RVFI pater*. Quod praefero. Haec HAVERCAMPVS; vid, *thes. Morell. tom. II. pag. 342. conf. VAILL. tom. II. pag. 260. Fulu. VRSINVS edit. Paris. pag. 222.*

334. Roma galeata, cum nota denarii, pone olla ansata.

SEXtus POMPEIus FOSTVLVS. ROMA. Lupa cum gemellis Romulo & Remo, sub ficu arbore, cui tres insident auiculae; adstat pastor Faustulus dextram extendens, laeua baculo innixus.

Elegans, cuius ἔκτυπον tab. V. num. III. contemplandum sistimus. Quoniam saepius apud veteres cognomen omittitur, hinc difficulter adseri potest, ad quem Sextum Pompeium Fostuli siue Faustuli cognomen spectauerit. VRSINVS, quem VAILLANTIVS & ipse cel. HAVERCAMPVS secuti sunt, ad Sextum Pompeium, qui consul fuit cum L. Cornuficio, eodem anno, quo interiit Pompeii Magni alter filius, item Sextus Pompeius dictus, siue A. V. C. MDCCXVII. denarium hunc spectare suspicatur. Quisquis vero fuerit hic Sextus Pompeius, propter cognomen Faustuli, adludit ad notissimam illam Romuli & Remi historiam, inventorum atque nutritorum a pastore Faustulo. *Aves ficui Ruminati insidentes* de pico explicant antiquarii, iuxta *Ouid. lib. III. Fast. vl. 37. & vl. 53.*

Maria, picus, avis gemino pro stipite pugnant,

Et lupa; caet.

Lacte quis infantes nescit creuisse ferino,

Et picum expositis saepe tulisse cibos?

VRSINVS, PATINVS, VAILLANTIVS & ipse MORELLIVS vnam tantum in auersa huius numi pagina auiculam exhibent: cel. HAVERCAMPVS autem & erud. *Iul. Carol. SCHLAEGERS* tres picos obseruant. In meo denario, cl. thes. Morelliani interpretes inquit, clare

clare tres pici apparent, praeter enim illam mediam, duobus exterioribus ramis totidem auiculae insident. Poëta vero, vir summus addit, synecdoche numeri vsus est, vel sculptor aues ad ramorum numerum multiplicauit. Totidem, doctiss. SCHLAEGER subiungit, in nostro quoque fuisse videntur; qui vero nunc, quoad oram, paullulum est detritus; vid. *thes. Morell.* tom. II. p. 342. sq. VAILL. *fam Rom.* tom. II. pag. 262. *Fulu. VRSINVS edit. Patin.* pag. 222. *Numophyl. Burckbardianum* p. I. pag. 49. Cel. SCHVLZIVS noster, haud pridem, proh dolor! humanis rebus ereptus vir eruditissimus, quum in antiquissimorum rituum Romanorum interpretatione de prima vrbis Romae origine praeclare multis differuisset, illustrationis causa hunc producebat denarium; conf. *Henr. KIPPINGII antiqu. Rom.* pag. 322. sq. NIEVPOORT. sect. I. cap. I. §. I. p. m. 3. BEGERI *Florus* pag. 14.

P O M P O N I A.

335. *Lucius POMPONIVS MOLO.* Caput Apollinis laureatum.

NVMA POMPILIUS. Rex Numa stans habitu augurali ante aram Iunonis *αὐροράς* ignitam, ad quam victimarius caprum mactandum adducit.

Pomponiam gentem equestrem fuisse ab vltima origine stirpis Romanae *Cornelius Nepos in Attico* commemorat. A Pompone Numae Pompilii regis filio duxisse originem, & *Plutarchus* scribit *in Numa*, & is, qui denarium hunc signauit L. Pomponius, auersae paginae typis indicat. Hanc itaque nobilitatem vt in primis familiae suae vindicaret L. Pomponius Molo, *ritum sacrificiorum*, quae Numa instituisset, ab altera denarii parte expressit. *Apollō* cur ab altera parte expressus sit, duplicem HAVERCAMPVS noster causam protulit; vel, enim inquit, peculiaris quaedam allicuius ex Pomponia familia esse potest, vel ipsius Numae respectu, qui quum Musas coluisse legatur, Apollinem negligere non potuit. De Musis siue Camoenis testis est *Plutarchus in Numa* pag.

65. Inter Pomponios Romanos, qui Molonis habuerit cognomen,

men, apud scriptores haud invenitur. PIGHIVM, qui ex *Cic.epist.* lib. II. *ad Q. Fratrem* ep. 6. Pomponium hunc aedilem plebis cum C. Cosconio fuisse asserit, VAILLANTIVS sequitur. Verum apud Tullium, vt recte HAVERCAMPVS monuit, simpliciter Pomponius appellatur, non addito Molonis cognomine. Cum eodem illo Cosconio insuper praetorem fuisse idem VAILLANTIVS affirmat. Scilicet, vt ludos Apollinares ab illo praetore editos, atque a praetore eodem eum hunc denarium fuisse, nobis persuadeat. Tutius ignorabimus hunc L. Pomponium Molonem, quousque clarior lux ex sententia magis verosimili adfulgeat. Haec cel. *Sigeb.* HAVERC. vid. *eiusd. comment. in thes. Morell. ianum* p. 343. sq. conf. VAILL. tom. II. pag. 278. *Fulu. VRSINVS* pag. 223. *Ioc. OISELII thes. antiqu. numism.* pag. 543.

P O R C I A.

336. LAECA. Caput Romae galeatum, cum denarii nota.

MARCUS PORCIUS. ROMA. Libertas, quadrigis vecta, d. pileum tenet, l. hastam & equorum habenas; illam a fronte Victoria aduolans coronat.

Porciae gentis *plebeiae* M. Catonem, qui Censorius adpellatus est, Tusculo municipio oriundum, auctorem exstitisse, inter scriptores satis constat: de eo enim ita scribit *Cicero de legib.* lib. II. *edit. Gronov.* pag. 1293. *Vt ille Cato, cum esset Tusculi natus, in populi Romani ciuitatem susceptus est. Itaque, cum ortu Tusculanus esset, ciuitate Romanus, habuit alteram loci patriam, alteram iuris; caet.* Fragmentum, quod ex *Corn. Neporis* libro posteriore superest, de vita Catonis agit, cuius initium est. *Cato ortus municipio Tusculo, adolescentulus, priusquam honoribus operam doret, versatus est in Sabinis; caet.* Huius gentis nomen a *porcis* derivatum esse *Varro lib. II. cap. I.* innuit. *Nomina multa,* inquit, *habemus ab utroque pecore, a maiore & a minore. A minore Porcius, Quinius, Caprius,* reliqua. Reperiuntur in numis *Licini, Laecae, & Catones.* Praeclarum denarius iste Porciae legis est monu-

mentum,

mentum, quae lex, teste *Cicerone orat. pro C. Rabirio* cap. III. *virgas ab omnium ciuium Romanorum corpore amouit.* Vnde indignatio eiusdem contra Verrem, qui Messanae ciuem Romanum, virgis caesum, insuper in crucem egerat. Historia exstat lib. V. in *Verr.* cap. LXII. edit. Gronou. 378. *Caedebatur virgis in medio foro Messanae ciuis Romanus, iudices; cum interea nullus gemitus, nulla vox alia istius miseri, inter dolorem, crepitumque plagarum audiebarur, nisi haec, CIVIS ROMANVS SVM. - - - plebi Romanae tribunicia potestas!* Huc etiam spectant verba illa declamatoris incerti, ex oratiuncula, quae *Sallustii* nomen praefert contra Ciceronem. *Te consule, fortunatam, Cicero? immo vero infelicem & miseram, - - - te vnum reuocaueras.* A quo autem Porcio, tribuno plebis, haec lex lata fuerit, incertum est, neque certo liquet, ad quem M. Porcium Laecam hic denarius referendus sit. Tribunus pl. A. V. C. IOLIIII. M. Porcius Laeca quidam intercessione sua prohibuit, teste *Liuius* lib. XXXII. cap. 7. p. m. 806. ne L. Manlius Acidinus proconsule ex Hispania decedens, Urbem ouans introiret, quum a senatu Manlius illud impetrasset. Inter coniuratos, qui cum Catilina erant, commemoratur quoque quidam Laeca, qui Marci praenomen habuit, a *Cicerone* in *orat. pro P. Sulla* cap. II. Vtrum ad priorem an ad posteriorem hic denarius spectet, incertum est. *Fulu. VRSINVS* Catilinae coniurationis socio nummum hunc adiudicat. *VAILLANTIVS* priori eundem tribuit. *HAVERCAMPVS* hac in re dubitat. Adscripta vox ROMA in Vrbe denarium signatum esse innuit. Respicit hic itaque typus legem Porciam de prouocatione, quae reuera magnum libertatis erat munimentum, & singulare populi Romani decus. In tribuniciae potestatis honorem, atque hanc ciuium praerogatiuam, hunc typum elegit M. Porcius Laeca, vt libertatem populo per proavos suos datam gloriaretur. Hinc *dea Libertas* in quadrigis dextra pileum, libertatis symbolum, *gerens, laeua hastam & equorum habenas.* Supra pag. 109. num. 191. in Cassia gente similem denarium, qui similem familiae suae gloriam respicit, iam exhibuimus. HAR-

NVINVS; solito discedendi ab aliis pruritu inductus, ex hoc denario ad *Plin.* tom. I. p. 721. aliam, certe permiram &, si dicendum quod res est, prodigiis similem extorsit sententiam, quam cel. HAVERCAMPVS thesauro Morelliano inseruit; vid. *comment. in thes. Morell.* pag. 351. sq. *VAILL.* tom. II. pag. 300. *Fulu. VRSINVS edit. Patin.* pag. 228. sq.

337. *MARCUS CATO.* Caput Bacchi, siue Liberi Patris hedera & baccis coronatum.

VICTRIX. Victoria sedens, d. pateram tenet, l. palmam.

Quinarius, asper, & longe elegantissimus, in cuius postica pateram, quam in pictura Morelliana haud offendet, clare conspiciamus. Haud temere a cl. MORELLIO pateram illam in delineatione omissam esse HAVERCAMPVS monet. Etsi, vir summus ait, hi quinarii nihil ostendant in extensa Victoriae manu, vnus tamen ex meis pateram (nisi corollam in omnibus malis) satis clare depingit. Reliqui illam partem minus ab incude tactam habent, quod & Morellianis hisce contigisse existimo. M. Catonis iussu, qui & Vriensis dictus fuit, in Africa, eo tempore, quo ibi contra Caesarem Scipio Metellus bellum gereret, aderatque Vticae M. Cato, qui praetoris tunc habebat titulum, pecuniam hoc typo insignitam fuisse HAVERCAMPVS existimat. *Caput Liberi Patris* vel dei eius in Africa cultum, vel aedilitatem, quam haud pauci ex Catonis maioribus gesserunt, innuit. Signauit praeterea Cato in altera numi pagina *Victoriam* stabilem (quare *sedentem* fecit) *dextra tenentem pateram*, tanquam libantem pro perpetua victoria liberae & aeternae Urbis; qua de causa VICTRIX, subintellige ROMA, subscribitur. Victoriae typum VRSINVS & VAILLANTIVS aliter explicant. Referunt enim ad aedem Victoriae a M. Porcio Carone, antiquiore, olim A. V. C. 101 XI. dedicatam. *Liuius* lib. XXXV. cap. 9. eius mentionem facit. *Iisdem diebus, inquit, aediculam Victoriae Virginis, prope aedem Victoriae, M. Porcius Cato dedicauit, biennio post, quam vouit.* Quam in Urbis regione VIII. Pub.

Pub. Victor commemorat, *Aedes Victoriae, cum alia aedícula Victoriae Virginis, dedicata a M. Porcio Catone fuit.* Fulv. VRSINVS ex quinarîi huius inscriptione VICTRIX suspicatur, apud *Liuium & Victorem, Victricis pro Virginis* legendum esse. Cel. HAVERCAMPVS antiquam lectionem retinendam existimat, addens: Victoriae Virgini enim votum fecisse Cato videtur, vt quae nunquam vi peregrina fuerat oppressa, quamque perpetuo illibatam florere apud Romanos optabat; vid. *thes. Morell.* tom. II. p. 352 sq. VAILL. tom. II. pag. 297. sq. VRSINVS *loc. cit.*

338. Caput Romae galeatum, cum litt. x. denarii signo.
caius CATO. ROMA. Victoria in citis bigis, d. praefert corollam, l. equorum tenet habenas.

Duo Porcii Catones occurrunt in veterum scriptis, qui praenomen Caii habuerunt. C. Porcius Cato, consul A. V. C. 1063 XVIII, qui male contra Scordiscos pugnauit; & turbulentus ille tribunus plebis, qui Ptolemaei reductionem in regnum per Lentulum impedire conatus fuit. Magistratum illum gessit A. V. C. 1064 LXXXVII. Ad quem ex duobus numus hic referendus sit VRSINVS dubitat. Priori (quod & typi simplicitas suadere videtur) tribuit VAILLANTIVS, negatque recte cudi potuisse tempore consulatus, quo male pugnauit & ignominiose contra Scordiscos, sed ad quaesturam eius prouincialem refert; typum vero explicat de M. Catonis Censorii victoria de Hispania relata, & putat hunc eius nepotem memoriam victoriae eius voluisse renouare & simul dedicationis aedis Victoriae Victricis ab eodem auctore suo factam. In quaestura prouinciali cusum fuisse denarium redarguit VOX ROMA. Cudit itaque ille C. Porcius Cato eundem in quaestura urbana, vel triumviratu monetali. Typus est simplex, nam nullius peculiaris victoriae respectu bigae & quadrigae cum insistente Victoria signari solebant. Pro aede Victoriae Victricis *Liuius & Publius Victor* aedem Victoriae Virginis, vt ostendimus, agnoscunt. Ex cel. HAVERCAMP, nunquam satis laudando, in

thesaurum Morellianum commentario, pag. 353. sq. conf. VAILL. tom. II. pag. 296. *Fulu. VRSINVS edit. Patin. loc. cit.*

P O S T V M I A.

339. *Aulus POSTVMIVS consul.* Caput nudum A. Postumii cos.
ALBINVS BRVTI *Filius.* in corona spicea.

Bene conseruatus. Postumia gens *patricia*, in plures diuisa familias, quarum nobilissima fuit, quae in denariis reperitur Albinorum ab *albo* corporis colore ita dictorum, post exactos reges Romae floruit. Inter nobilissimae huius gentis decora recensetur, quod non in plebeias familias adoptione transferit, sed ad interitum usque rei publicae in patriciorum ordine constanter permanferit. Hic est ille Decimus Brutus, de quo iam supra pag. 189. ad eundem hunc denarium egimus, quique, inter intimos Caesaris amicos, vna cum M. Iunio Bruto aliisque contra illum conspirauit, quique Mutinae ab Antonio obsessus fuit, & tandem ex fuga retractus, Antonii eiusdem iussu fuit interfectus. Hunc, vt in historia illius temporis notissimum, passim Decimum Brutum, veteri adpellatione, scribunt auctores; sed alterum Albini nomen, praeter denarium hunc, illi quoque vindicat *Plutarchus in vita M. Bruti* pag. 989. vbi a Labeone sollicitatum eundem ad conspirationis arcum fuisse refert. Ab A. Postumio Albino hic *Bruti filius* adopratus fuerat, quod ipsa auersae denarii paginae inscriptio docet. Vt itaque antiquitatem generis, ad quod transierat, ostenderet, *Auli Postumii consulis & dictatoris caput* signauit, quem praecipuum auctorem generis sui decusque Postumii habebant. *Corona Spicea*, cur ab altera numi parte expressa sit, vera causa in incerto est, quam enim profert VAILLANTIVS, quod quaestor vrbanus annonae abundantiam procurauerit, cel. HAVERCAMPVS conuellit; quod hic denarius nequaquam Romae, sed extra Urbem cusus fuerit. Credo itaque, vir eruditissimus subiungit, cusum fuisse tempore belli ciuili, dum Mutinae obsessus fuit Decimus Brutus. Ille enim, vt testatur Appianus, Gallia (quam illi provinciam

vinciam a Caesare datam, confirmauerat senatus) vi ab Antonio expulsus, vt liceret sibi tuto cum exercitu abire, finxit accepisse se litteras, quibus in urbem reuocaretur, atque ita veluti in Italiam properans, & abire cum suis ab Antonio permissus, in itinere Mutinam urbem occupauit, ibique egregie impetum Antonii sustinuit. Verba Appiani exstant lib. III. B. C. pag. 558. *Decimus, veritus ne vlla earum (urbium) sibi pateret, finxit se cum exercitu a senatu in urbem revocari per litteras, ingressusque iter versus Italiam, omnibus vt abeuntem excipientibus, ubi Mutinam urbem opulentam peruenit, tanquam pertransiturus, portas clausit, & anno-na Mutinensium usus est ad alendum exercitum, mactatorumque iumentorum carnes saluuit, se forte contigerit diuturnior obsidio: ibique expectabat Antonium.* Quod Appiani testimonium, HAVERCAMPVS ait, videtur ad huius typi explicationem posse pertinere. *Corona spicea* enim abundantiam significat; signata itaque in usum militum pecunia, promisit iisdem, curaturum sese, vt in obsessa urbe nullius rei forent indigi. Haec sunt fere illa, quibus elegantem hunc denarium, doctissimus veterum numismatum interpres, cel. HAVERCAMPVS explicat; vid. *eiisd. comment. in thes. Morell.* pag. 356. sq. VRSINVS pag. 231. VAILL. *fam. Rom.* tom. II. pag. 311. ubi plura de vita & cruenta Bruti morte commemorantur.

340. ROMA. Caput Dianae cum arcu & pharetra.

Aulus ALBINVS spurii filius. Tres equites, hastis, clypeis, & galeis armati, citato cursu feruntur, quos & Dioscurorum pilei per aera praecedunt, & figura minor, clypeo & gladio armata, tanquam fugiens praecurrit.

Serratus, asper, quem, quia a vulgatis celeberrimorum antiquariorum typis differt, tab. V. num. IIII curatius aeri impressum exhibet Priusquam ad penitiorem numi explicationem nos accingamus, pauca quaedam, quae ad huius denarii picturam spectant, praemittenda sunt. Omnes, cel. HAVERCAMPVS inquit, qui hac-

renus hunc denarium ante MORELLIVM depinxerunt edideruntque, inscriptionem ita exhibent, A. ALBINVS. Accedit in Morelliana pictura illud insuper, quod figura litterae M. cernatur supra caput peditis fugientis. At in numo meo, idem praeclarus antiquarius addit, expresse legitur A. ALBINVS S. F. in illo vero partem illam denarii (vt fieri solet) vbi pedes fugiens conspicitur, minus bene tetigit instrumentum monetarii, sic, vt fugientis crus alterum & dimidia tantum corporis pars conspicua sit. Alter vero denarius meus vice versa, alteram illam partem posteriorem incudi subiectam non habuit, sic vt laedantur duo pedes equi posteriores, & ex epigraphe hae tantum adpareant litterae A. ALBINVS per rotunditatem numi reliquis ablatis. Sed in illo, quod in nullis aliis amicorum mihi tam clare obseruare licuit, pars illa numi, siue area, quae ante equites est, non modo exhibet peditem illum, sed duo insuper vexilla hostium fugientium clare & nitide expressa; ex quibus quum vnum, idque non satis clare, conspiciendum sese praebuerit in illo numo, quem delineauit Morellius, credidit is litteram M esse, quam in illa parte obseruauit, illam enim non male fluxa illa vexilli extremitas in numi parte ibi nimis bene seruata referre solet. Obseruari praeterea volo, peditem illum in fugam versum ita in meo exprimi, vt qui, dextro poplite velut succiso, in terram procumbat, conculcandus ab equis, facie & habitu corporis auerso ab equis, non, vt BEGERVS & GORLAEVS pinxerunt, aduerso, siue corpore plane prostrato. Haecenus cell. HAVERCAMPVS. Praeclara sunt haec omnia, quibus vir cl. GORLAEI, BEGERI, & ipsius MORELLII picturam emendat; ea tantum, quae de duobus hostium vexillis idem vir doctissimus commemorat, non firmo satis talo stare videntur. Patet enim, si integerimum illum Fonteiae gentis numum, quem supra pag. 160. descripsimus, cum eleganti hoc denario conferamus, hic, pariter vt ibi, Dioscurorum pileos monetae impressos esse, adeoque HAVERCAMPI de hostium vexillis valde vacillare sententiam. Multum autem lucis haec Dioscurorum symbola historiae illi affundunt, quam

quam omnes auersae huius denarii paginae typi respiciunt. His praemissis accedimus ad singulas numi partes sigillatim explicandas. *Caput Dianae*, quod in antica denari parte cernitur, ludos Apollinares respicere antiquarii autumant. Non quod praetores, HAVERCAMPVS monet, signauerint pecuniam cum isto typo, vt semper supponit VAILLANTIVS, sed quod, vel praeturam maiorum hoc pacto voluerint celebrare, vel ad sumtus ludorum Apollinarium, iussu senatus, triumuii monetales hanc pecuniam signauerint, vel denique quod Albinus hic respexerit ad ludos illos saeculares quartos, quibus proauus A. Postumius Albinus A. V. C. ICLXXXI. XVvir sacris faciundis praefuit; quod etiam ex subsequenti tertio alterius Albini numo confirmatur. *Tres equites*, qui in altera denarii parte fugientem hostis peditatum persequuntur & conculcant, nobilem illam Postumii dictatoris pugnam ad lacum Regillensem in memoriam reuocant, de qua *Florus lib. I. cap. II. edit. Beger. pag. 100. sqq. Apud Regilli lacum dimicatur . . . commilitonibus deis. Item Valer. Maxim. lib. I. cap. VIII. ex 1. edit. Vorst. pag. 32. Cum apud locum Regillum . . . penitus fuderunt.* Hinc *Dioscurorum pilei*, qui in conspectu equitum quasi per aera volitant, haud dubie Castorem & Pollucem in memorabili illo praelio Romanarum partium propugnatores fuisse denotant. Pugnatum autem fuisse idib. Quintil. testis est *Dionysius*, eoque die, quotannis, postea in honorem Castoris & Pollucis, atque in apparitionis illius memoriam, equites in Capitolium pompam ducere coeperunt. Adscripta vox ROMA in Vrbe hunc denarium signatum esse indicat. Aulum hunc Albinum Spurii filium fuisse denarius docet. Hinc procul dubio ab illo Albino signatus est, qui, vt ex subsequenti numo patet, vna cum L. Metello & C. Malleolo triumuir monetalis fuit. Is itaque, ratione temporis, videtur fuisse filius Spurii Albini, consulis A. V. C. ICLXXXIII. vid. *zbes. Morell. loc. cit. VAILL. tom. II. pag. 305. sq. VRSINVS loc. cit.*

341. *Aulus ALBINUS spurii filius. LUCIUS METELLVS. Caput Apollinis laureatum.* COMVS

caius malleolus. ROMA. Roma clypeis insidens, d. hastam tenet, l. parazonium; illam post tergum adstans Victoria coronat.

De eleganti hoc denario & supra in Caecilia pag. 95. sq. & antea in Publicia gente egimus, vbi ea, quibus HAVERCAMPVS VAILLANTIVM refutavit, inserta esse recordor. Hic enim Honori aduersae caput laureatum tribuit, quod Apollinis est, & triumuiros aedibus sacris reficiendis existimat fuisse Albinum, Metellum, & Malleolum, qui tamen simul triumuiroi monetales exstiterunt. Ex illis vero, vt HAVERCAMPVS autumat, familia Postumiorum Albinorum sibi *Apollinis* potissimum vindicauit *caput*, sicuti in denario praecedente Dianae typum, non alia de causa, nisi quod Aulus Postumius Albinus consul A. V. C. 10LXXIII. decemuir sacrorum factus fuerit in L. Cornelii Lentuli demortui locum. Ille itaque A. Postumius Albinus ludos saeculares quartos Apollini & Dianae sacros curauit, iis enim praeerat decemuirorum collegium; vid. *comment. in thes. Morell.* pag. 358. conf. VAILL. tom. II. pag. 309.

342. Caput Dianae Venatricis cum arcu & pharetra.

caius postumius & monograma *Ā*. Canis venaticus currens, infra quem venabulum extenditur.

Eleganter signatus. VAILLANTIVS denarium hunc ad C. Postumii S. F. L. N. vrbanam praeturam refert, atque his typis Apollinares ludos ab illo fuisse celebratos innui existimat. Verum quum nec vox ROMA adsit, neque apud praetores ius cudendae monetae fuerit; certe haud probari poterit in Vrbe, a praetore vrbano, hunc signatum fuisse denarium. C. Postumius, *Fulu.* vrsinus inquit, licet a nullo, quod sciam, veterum scriptorum nominetur, *Dianae* tamen *caput*, & ei dedicatus *canis*, qui est in altera denarii parte, ad saeculares ludos indicandos signatus, facit vt suspicer consanguineum eum fuisse Postumii, qui priores duos sequentis tabellae cudit denarios. Hanc vrsini sententiam ipse HAVERCAMPVS amplectitur, denariumque non superiori C. Postu-

mio adiudicat. Ego, vir doct. inquit, ad alium C. Postumium Albinum numisma referri debere arbitror, qui scilicet fuerit ex posteritate A. Postumii Albini, qui consulatu functus fuit A. V. C. IOCLIIII. & qui, quum Xvir sacris faciundis in Lentuli locum fuisset factus, ludos saeculares curauit. Quantopere enim ludos illos saeculares ab eodem curatos in numis posteritas eius ostenta-uerit, pater ex duobus praecedentibus denariis, & praecipue illo, qui sequitur. *Monogramma* AT. vel TA. monetarii signum est; vid. VAILL. *fam. Rom.* tom. II. pag. 306. sq. VRSINVS pag. 232. HAVERCAMPVS p. 358. sq. conf. *Const. LANDI select. numism.* p. 128. sqq.

343. Caput Dianae venatricis cum arcu & pharetra, in vertice eiusdem est caput ceruinum.

Aulus Postumius Aulifilius spurii nepos ALBINUS. Mons, supra quem stat sacerdos, dextram extendens inter cornua bouis super frontem eiusdem, ara est intermedia.

Serratus. Aulum Postumium, qui in hoc denario Auli filius & Spurii nepos vocatur, antiquarii iudicant fuisse filium A. Albini, consulis A. V. C. IOCLIIII. nepotem Spurii Albini, consulis A. V. C. IOCV. pronepotem A. Postumii Albini consulis A. V. C. IOLXXXIII. censoris A. V. C. IOLXXVIII. & deinde de Xviri sacris faciundis in Lentuli locum facti A. V. C. IOLXXXI. In quaestura prouinciali videtur hic A. Postumius Albinus hunc denarium signasse, in quo celebrauit ludos saeculares, qui fieri solebant in honorem Apollinis & *Dianae*, vnde *mons Auentinus*, Dianae sacer, in hoc denario conspicitur. De Xvirorum collegio & ludis saecularibus, quibus collegium illud praeerat, consulendi sunt NIEVPOORTIUS *sect. III. cap. II. §. V. & §. VIII.* *Henr. KIPPINGIUS edit. Batav.* p. 388. p. 275. & p. 26. *Fulu. VRSINVS loc. cit.* Ludi vero hi saeculares quartum celebrati fuerunt *coff. L. Marcio Censorino & Manio Manilio Nepote A. V. C. IOCLIIII.* siue ex Varronis computo A. V. IOCV. Quamuis triplicem de tempore eorundem adferat senten-

tiam *Censorinus* in libello de *Die Natali* cap. XVII. edit. *Lindenbrog.* pag. 81. sq. De *quartorum ludorum anno* *Oreste coff.* Iam vero A. V. C. IOLXXXI. decemuir sacrorum factus fuit proavus A. Postumii Albinus huius, qui denarium cudit, A. Postumius Albinus. *Liuius lib. XXXXII. cap. 10. L. Cornelius Lentulus Xuir sacrorum, eo anno mortuus est. In locum eius successus A Postumius Albinus.* Hinc liquido constat, quae potissimum rationes Postumium nostrum mouerint, vt hunc, & non alium, in signanda moneta typum elegerit. *Caput ceruinum* aut Dianam respicit, aut ad monetariorum signa pertinet; vid. *zhesh. Morell. loc. cit. VAILL. tom. II. pag. 310. conf. perill. Ezech. SPANHEMIVS de usu & praeft. numism. tom. II. p. 128. sqq.*

344. HISPANIA. Caput Hispaniae velatum, fluxis capillis.

Aulus POSTUMIUS Auli filius spurii nepos ALBINUS. Vir togatus stans dextram adtollit versus aquilam legionariam, post virum stantem eriguntur fasces.

Serratus, asper, quem tab. V. num. V. affabre depictum tradit. Hunc ab eodem Albino, qui praecedentem signauit, cuspum esse auersae inscriptio docet. In eleganti hoc denario, pariter vt in antecedenti, vox ROMA abest; hinc extra Urbem vtrumque signatum esse colligimus. *Caput Hispaniae*, quod anticam numi partem occupat, L. Postumii res in Hispania feliciter gestas respicit, quarum *Liuius lib. XXXXI. cap. 6. fecit mentionem. Per eos dies Ti. Sempronius . . . diis immortalibus haberetur bonos.* & cap. VII. *Triumphus deinde ex Hispania duo continui acti. Prior Sempronius Gracchus de Celtiberis, sociisque eorum; postero die L. Postumius de Lusitanis aliisque eiusdem regionis Hispanis triumphauit.* Vaccacos eosdem adpellatos fuisse, quos non nominat *Liuius*, epitome eius libri, cuius pars prior periit, ostendit: *A. Postumio Albino proconsule Vaccaei ac Lusitani subacti sunt.* Triumphauit A. V. C. IOLXXV. vti etiam marmora Capitolina restantur. *Fasces*, imperii insignia, proconsulare denotant imperium; *aquila legi-*

legionaria, terrae infixæ, exercitum, a quo sublata dextra iusiurandum poscit Postumius, quemue pro signis alloquitur; vid. *ib. f. Morell.* tom. II. pag. 359. *VAILL. fam. Rom. loc. cit.*

PROCILIA.

345. *senatus consulto*. Caput Iouis laureatum.

LUCIUS PROCILIUS Flamen, nempe Iunonis Sispitæ, quæ gradiens d. hastam vibrat, l. scutum oblongum tenet, ante pedes serpens progreditur.

Asper. *Plebeiam* hanc fuisse gentem tribunatus plebis, quem L. Procilius, qui hunc & sequentem signavit denarium, gessit, indicat. *Iunonis Sispitæ* siue *Sospitæ* pulcherrimam iuxta hunc numum descriptionem suppeditat *Cicero lib. I. de nat. deor. cap. XXVIII.* edit. Gronov. pag. 1212. *Quid igitur censes? Apim illum, sanctum Aegyptiorum bouem, nonne deum videri Aegyptiis? tam hercle, quam tibi illam nostram Sospitam, quam tu nunquam ne in somniis quidem vides, nisi cum pelle caprina, cum hasta, cum scutulo, cum calceolis repandis. At non est talis Argiua, nec Romana Iuno. Ergo alia species Iunonis Argivæ, alia Lanuvinis.* Omnia hæc in denario, in quo, ut recte HAVERCAMPVS monet, calcei repandi utrique notari debent, qui in numis ipsis aliquanto etiam magis longiusque incurvantur. Procilium hunc illum fuisse eruditi autumant, cuius crebra sit mentio apud *Ciceronem, lib. II. ad Attic. ep. 2. O magnum hominem! & a quo multo plura didiceris, quam de Procilio.* lib. III. ep. 15. *Nunc Romanas res accipe* *condemnarunt XXVIII.* & ep. sequenti 16. *De Procilio rumores non boni: sed iudicia nostri.* Et in *epist. ad Q. Fratrem lib. II. ep. 8. Id. Maiis senatus frequens, diuinus fuit in supplicatione Gabinio deneganda. Adiurat Procilius hoc nemini accidisse.* L. Procilius iste in quaestura urbana, ut VAILLANTIVS existimat, denarium hunc signavit ex Senatusconsulto, quod arguit nota S. C. in memoriam quod consules designati magistratum ineuntes Ioui & Iunoni Sospitæ sacra, ut moris erat, fecissent. Ipsis enim calendis Ianu-

ariis frequenti populo comitatus ascendebant in Capitolium, & I.O.
M. iniuges iuuenos maetabant, vt testatur *Ouidius*:

Vestibus intactis Tarpeias itur in arces,

Et populus festo concolor ipse suo est.

Iamque noui praeuunt fasces, noua purpura fulget,

Et noua conspicuum pondus sentit ebur.

Colla rudes operum praebent ferienda iuuenti,

Quos aluit campis herba phalisca suis.

Ideo ex eiusdem VALENTIS sententia *Iouis caput* aduersam denarii partem occupat & *Iuno Sospita* auersam. Aliter de postica numi parte sentit VRSINVS. Procilius, vir cl. ait, vt se Lanuuinum esse, uel maiores suos inde ortos indicaret, Iunonis Sospitae signum cum *Lanuui* serpente in numis impressit; vid. *thes. Morell.* tom. II. pag. 360. sq. VAILL. tom. II. pag. 316. *Fulu.* VRSINVS in *Procilia gente*; conf. perill. *Ezech.* SPANHEMIVS tom. II. pag. 14.

346. S. C. Caput Iunonis Lanuuiinae, pelle caprina tectum.
Lucius PROCILIUS flamen, nempe Iunonis Sospitae.
Iuno Lanuuiina in bigis d. hastam vibrat, s. habenas
& scutum tenet; sub bigis serpens se erigit.

Serratus, elegans. Litteram F. quae in vtroque denario conspicitur, plerisque antiquariis neglectam, denotare flaminem siue sacerdotem Iunonis Lanuuiinae hunc Procilium fuisse primum cel.
HAVERCAMPVS docuit; vt itaque integra sit lectio *Lucius PROCILIUS Flamen Iunonis Sospitae*. quae duae vltimae voces non quidem scribuntur in denariis, depinguntur tamen per ipsius deae imaginem & currum. Iunonem vero Sospitam, siue Lanuuinam, suum habuisse flaminem patet ex *Cicer. orat. pro Milone* cap. X. edit. Gronou. pag. 623. *Interim cum sciret Ciodius iter solenne, legitimum, necessarium ante diem XIII Kal. Febr. Miloni esse Lanuuium ad Flaminem prodendum, quod erat dictator Lanuuii Milo*; caet. In primis Lanuuii magno honore colebatur haec Iuno a $\sigma\omega\zeta\omega$, quod *seruo* significat, Sospita dicta, quasi haec dea Romanorum serua-

ret

ret imperium. Hinc apud *Liuium* haud uno loco legitur, Romanos Lanuuium misisse legatos, qui, sacrificio facto, hanc placarent Iunonem. De *Lanuuiino dracone* consulendus cl. *Laur. BEGERVS* in *thes. Brand.* tom. II. pag. 569. Adscripta *senatusconsulti nota* docet iussu eiusdem signatam hanc monetam fuisse, siue Romae (quamvis vox ROMA absit, occupante scilicet locum eius nota S. C.) a triumuiro monetali L. Procilio, siue extra Romam ab eodem quaestore; vid. *thes. Morell. loc. cit. VAILL.* tom. II. pag. 317. *VR-SINVS loc cit.*

RENIA.

347. Roma galeata, cum litt. x. solito denarii signo.

caius RENIUS. ROMA. Figura muliebris in renorum bigis, d. flagrum, l. sceptrum tenet.

Soli numi incognitam hanc apud veteres gentem indicant. Hinc incertum est, vtrum Renii plebei an patricii fuerint. Nomen a renis, quod animal hirco non ab simile esse aiunt, traxisse videntur. Reni, *VAILLANTIVS* ait, hirco sunt perfimiles, & iis ad huc vtuntur in Finlandia supra niuem, ad trahendos currus, quod illi sint veloces. Caius ille Renius, triumuir monetalis, procul dubio ad denotandam nominis suae gentis originem, *currum a duobus renis tractum* exhibuit. *Figuram illam muliebrem*, quae renorum bigis insitit, *Iunonem Monetam* esse *HAVERCAMPVS* existimat; vid. *HAVERC. VAILL. & Fulv. VRSINVS in gente Renia.*

ROSCIA.

348. *Lucii ROSCII.* Caput Iunonis Sispitae, pelle caprina textum, pone lupi caput.

FABATI. Puella Lanuuiina serpentem pascens.

Integer, & ferratus. Rosciam gentem fuisse *plebeiam* docet L. Roscius tribunus plebis, qui quondam legem tulit, vt equitibus Romanis in theatro quatuordecim gradus proximi assignarentur, ex *Liui. epit. lib. LXXXXVIII.* de qua *Horatius*:

*Roscia, dic sodes, melior lex, an puerorum
Naenia, quae recte regnum facientibus offert?*

Pleraeque olim huius gentis fuere familiae, vna illa, quam nobis conseruarunt numi, e Lanuuiio suam ducit originem. Iam ex Pro-
cilia gente *Lanuuiina Iuno* nota est, eiusque imago saepius in fami-
liarum numis occurrit. In denariis autem Roscii Fabati *virgo illa
Lanuuiina, draconem ieiunum pascens*, cernitur, plane ex sententia
Propertii lib. III. el. VIII. vs. 3.

*Lanuuium annosi vetus est tutela draconis,
Hic ubi tam rarae non perit hora morae.
Qua sacer abripitur caeco descensus biatu,
Qua penetrat virgo, tale iter omne caue.
Ieiuni serpentis honos cum pabula pascit
Annua, & ex ima sibila torquet humo.
Talia demissae pallent ad sacra puellae,
Cum temere anguino creditur ore manus.
Ille sibi admotas a virgine corripit escas,
Virginis in palmis ipsa conistra tremunt.*

Addit huic ceremoniae *Aelianus de animalib. lib. XI. cap. 16.* prae-
ter alias circumstantias, prodi a serpente puellam, si virginitatem
mentira fuerit. Roscius autem Fabatus, qui omnes hosce dena-
rios, mira varietate minorum, quae passim adponuntur, signo-
rum cudit, illos omnes extra Romam in Gallia signauit. Fuit enim
Iulii Caesaris ibidem A.V.C. DCCLXXXVII. quaestor, Caesarisque
dignitatis defensor acerrimus. In omnibus denariis *Iunonem Lanu-
uinam* signauit, ad ostendendam suam originem, quae egregie quo-
que patet ex *Cicerone*, cuius singularem huic typo illustrando lo-
cum haud neglexerunt antiquarii. Exstat *lib. I. de diuin. cap. 36.*
*Quid, inquit, amores ac deliciae tuae Roscius? . . . nihil nobi-
lius fore.* Vid. *thes. Morell. tom. II. pag. 364. sq. VAILL. famil. Rom.*
tom. II. pag. 338. sq. VRSINVS in gente Roscia.

R V B R I A.

349. DOSSENS. Caput Iouis laureatum, cum sceptro.

Lucius

LUCIUS RUBRIUS. Thensa a quatuor equis tracta, in summa parte Victoria, coronam tenens.

Rorum numum hunc facit Traiani restitutio, qui plurima talia antiquitatis monumenta, ne interciderent, restituit; sed fortuna ita voluit, ut plerorumque restitutiones ipsis numis restitutis rariores factae fuerint. Rubriam gentem fuisse *plebeiam* ex Rubria lege colligitur, quae a Rubrio tr. pl. de restituenda, olim a P. Scipione euerſa, Carthagine lata fuit. Caesar, *Fulu. VRSINVS* inquit, meminit L. Rubrii, qui, Pompeianarum partium cum eſſet, Corfinii captus cum Domitio fuit; quem nos eum eſſe exiſtimamus, qui huius rabel-lae denarios cuſit. Is eſt, idem vir clar. mox addit, ut opinor L. Rubrius, cuius hereditatem M. Antonium inuaſiſſe ſcribit Cicero. Audiamus nunc, quid cel. HAVERCAMPVS de hac *Fului* coniectura ſentiat. Diu haeſi, vir ſummus inquit, quis ille foret L. Rubrius Doſſenus, qui omnes hos numos cuderit, in *VRSINI* tandem ſententia acquieſcendum ſtatui, illum videlicet eſſe, cui, capto Corfinio, pepercit Caesar. Erant ſenatorii ordinis, ut apud *Caesarem de B. C. lib. I. cap. 23.* legimus, *L. Domitius*, & *P. Lentulus Sphinter*, *L. Vibullus Rufus*, *Sextus Quintilius Varus quaestor*, *L. Rubrius*; caet. L. Rubrius ille apud Ciceronem, cuius hereditatem inuaſerat Antonius, non fuit Doſſenus, Caſſinas enim cognominatur in *Philipp II. cap. 16.* Doſſeni vel Doſſenni, huius noſtri Rubrii forſan filii, meminit *Horatius lib. II. ep. I. vſ. 173.*

Quantus ſit Doſſennus edacibus in paraſitis.

Thensam, quam auerſa denarii pagina exhibet, Caesaris eſſe *VRSINVS* autumat, quod inter ea, quae humano faſtigio ampliora ſibi decerni paſſus fuit Caesar, recenſeatur thenſa quoque a *Suetonio in vita eius cap. 76.* *thensam* & *ferculum Circenſi pompa*, *templa*, *aras*; reliqua. Si hoc verum foret, idem HAVERC. ſubiungit, egregie illuſtraret *Dimis* locum, & ab illo lucem caperet, cuius verba ſunt lib. XXXXIII *Quum haec etiam Caesari placuiſſent, iam in theatra etiam ſellam eius auream, coronamque gemmis auroque inſignem, (qui honor alias diis tribui ſolebat) inferri, atque in*
Circum

Circum etiam introduci a multitudine iusserunt. denique Iouis ipsi cognomentum palam imposuerunt: templumque ei Clementiae dedicari iusserunt, sacerdotioque eius Antonium, quasi flaminem dialem aliquem, praefecerunt. Sed belle ex eodem *Dione* idem vir doctissimus obseruat, haec extremis Caesaris temporibus & paullo ante mortem gesta fuisse, quum velut in victimam propediem futuram certatim ille honorum cumulus ingereretur. Non igitur Caesaris ipsius has esse thesas cl. HAVERC. existimat, sed deorum, Iouis, Iunonis, Mineruae; erant enim & illae deae inter numina maiora, quibus fulmen, quo thesa in denario conspicua est, adtribuebatur. Horum numinum thesae in Circensi pompa solebant transuehi. L. Rubrium Dossenum, vita a Caesare donatum, inter amicos receptum, unum ex octo urbi praefectis eo tempore fuisse, quo Caesar periculosum illud in Hispania contra Pompeii liberos bellum confecit, idem cl. antiquarius credidit. Quum autem hi praefecti, *Dione* teste, omnium rerum, itaque etiam ludorum Circensium, curam in vrbe vna cum Lepido magistrô equitum habuerint; facile apparet, quid thesae hae, & Circenses sollemnitates in Rubrii denario innuere velint. Notat enim idem *Dio* lictoribus, veste, & sede curuli eosdem fuisse vsos, vnde & fasces & sella curulis, vt dignitatis & honoris emblemata, occurrunt in numis eorundem ad fam. Liuietiam & Norbanam. num. I. II. III. conf. pag. 195. sq. num. 283. 284. 285. & p. 221. num. 315. Sicut igitur ibi sella curulis, & fasces, tanquam emblemata potestatis praefectorum vrbis liquido ponuntur; sic in hisce Rubrii numis *thesae deorum* eiusdem potestatis sunt symbolum; & licet non adsit nota litterarum PR. vel PR. VR. quae praefectum vrbi fuisse Rubrium denotet, non moueor tamen illo defectu, HAVERC. ait, quod in quibusdam gentis Norbae aliarumque adscribatur ille titulus, in aliis omittatur, quod & per se, & per symbola illa satis notum temporis essent hi praefecti, & Rubrius quoque sufficere thesas, vt reliqui fasces aliaque similia, existimauerit. *Victoria, quae in altera denari pagina ex thesae exsistit*, Caesaris res gestas respicit; vid.

vid. *ibef. Morell.* tom. II. 366. sq. *VAILL.* tom. II. pag. 342. sq. *Fulu.*
 VRSINVS in gente *Rubria*.

R V T I L I A.

350. FLACCUS. Caput Romae galeatum.

Lucius RUTILIUS. Victoria in citis bigis.

Optime conseruatus. Tribuni plebis, quos Rutilia gens protulit, *plebeiam* hanc fuisse gentem demonstrant. A Rutilio Flacco, qui A. V. C. IOLXXXVIII. quaesturam prouincialem iniit, *bigarum* hunc signatum esse eruditi existimant.

S A L V I A.

351. CAESAR AVGVSTVS PONTIFEX MAXIMVS TRIBVNICIA POTE-
state. Caput Augusti nudum.

MARCUS SALVIUS OTHO IIIVIR Auro Argento Aere Flando
feriundo. senatus consulto in area.

Aereus, sec. magn. numus. Saluiam gentem, ex principibus Etruriae, *Suetonio* teste, oriundam, *plebeiam* fuisse, ex *Appiani B. C. lib. III.* VRSINVS docet. Ex hac enim gente natus est Saluius is, qui tr. pl. anno Icccx. Ciceronis sententiae de M. Antonio hoste iudicando intercessit. Postea inter patricios a Claudio imperatore cooptatam fuisse in *Othone Suetonius* commemorat. Huius Saluii tr. pl. filium aereum hunc signasse *VAILLANTIVS* autumat. M. Saluius Otho, *HAVERCAMPVS* inquit, qui hunc & sequentes numos aereos signauit, auus fuit M. Saluii Othonis, qui post Neronem imperauit. Ipse ad praeturam vsque processit, vt *Tacitus* & *Suetonius* adfirmant. Filium reliquit Lucium Saluium Othonem consularem. Sed vtrum noster M. Saluius Otho filius fuerit tribuni plebis Saluii, Ciceronis amici, qui A. V. C. Icccx prima triumuirorum victima cecidit, dubito; neque enim id filuissent vel *Tacitus* vel *Suetonius*. Saluii istius tragoediam narrat *Appianus lib. III. B. C.* pag. 598. *Prima saeuitia fortuito in magistratus effusa est, ante omnes caeso tribuno plebis Saluio. Est autem is magistratus sacrosanctus priscis legibus, & tantae potestatis, vt coff. aliquor*

*in carcerem miserit. Hic tribunus primum quidem intercesserat, quo minus hostis iudicaretur Antonius, sed postea Ciceronem in omnibus rebus iuuerat. Cognita autem triumvirorum conspiratione & in Urbem festinatione, conuiuium domesticis praebuit, quasi non diu cum illis conuicturus: eumque irrupuissent armati in triclinium, adfurgentibus omnibus metu perculsis, centurio iussit caeteros quieros discumbere, Saluium, ita ut erat, capillis correptum super mensam protraxit quantum opus erat, atque ita praeciso capite domesticos iussit silere & loco manere, ita ut erant immotos, ne excitato tumultu paterentur similia: illi etiam post centurionis abitum attoniti, sine voce in multam noctem accubuerunt cum trunco tribuni corpore. Vid. *zhes. Morell.* tom. II. pag. 371. *VAILL.* tom. II. pag. 353. sq. *VR-SINVS* pag. 245. sqq.*

352. CAESAR AVGVST. PONT. MAX. TRIBVNIC. POT. Caput Aug.

M. SALVIVS OTHO III VIR A. A. A. F. F. in area S. C.

Aereus, aerugine conspicuus, sec. magn. numus. In praecedenti numismate dextram versus, in hoc autem sinistrorsum respicit Augusti facies, de caetero ambo conueniunt.

SANQVINIA.

353. *marcus* SANQVINIVS IIIVIR. Caput Iulii Caesaris laureatum, cum stella crinita in vertice.

AVGVSTVS DIVI filius. Caput Augusti nudum.

Asperimus, longe elegantissimus, rarus; vid. VAILL. praest. impp. Rom. numism. tom. II. p. m. 30. Plebeiane an patricia Sanguinia gens fuerit, incertum est. Solus enim *Tacitus, in fragmento lib. VI.* M. Sanquinius consullem suffectum fuisse commemorat. *HAVERCAMPVS* hunc vel filium vel fratris filium Sanguinii eius facit, qui huius gentis signavit denarios. *Fulvius VRSINVS*: Secundus tabellae denarius, inquit, habet in altera parte imaginem quandam, cuius vertici *stella* adiecta est, quam nos Caesaris dictatoris stellam esse existimamus, de qua his verbis meminit *Suetonius*: *Siquidem ludis, quos primo consecratos ei heres Augustus edebat,*
stella

stella crinita per septem dies continuos fulsit, exorians circa undecimam horam. Creditumque est animam esse Caesaris in caelum recepti, & hac de causa simulacro eius in vertice additur stella; vid. Suet. in Iulio cap. 88. edit Graeu. pag. III. Imago tamen, idem vir clar. addit, quae in denario impressa est, iunioris cuiusdam viri, non autem Caesaris dictatoris effigiem repraesentare videtur. Cl. Andr. MORELLIVS in *epist. ad cel. Iacob. PERIZONIVM*: Non vna, inter alia inquit, eruditis de duobus primis numis gentis Sanguinae est sententia. Clariss. VAILLANT in illis, caput Castoris exprimi credidit; Clariss. vero BEGERVS rectius caput ipsius Augusti repraesentari existimavit, quasi diui Caesaris spiritu animatum, propter stellam crinitam capiti imminentem. Vterque numus adseruatur in thesauro Schwartzburgico, plures alios contemplatus sum alibi, ex quibus tamen nihil aliud colligere mihi licuit, quam *caput* esse ipsius *Iulii Caesaris*, a GOLTZIO & aliis iam ita expressum. Facies equidem cum Augusti delineamentis conuenit, sed figura & ambitus totius capitis Iulium indicant, praesertim cum sculptorum in exprimendis capitibus non eadem semper fuerit accuratio. Haecenus MORELLIVS; vid. *Christoph. WOLTERECKII elect. rei numar. pag. 62. sq.* Morellianae sententiae ipse HAVERCAMPVS adstipulatur, addens: Habeo & ipse hunc numum ter, omnes subaeratos, vnum etiam delapsa vniuersa argentea lamina totum ex aere optime signatum; in omnibus tamen Iulio Caesari quam Augusto similior facies est. *Stella crinita*, quae apotheosin eius indicat, res nota est; & ideo in hoc denario caput Caesaris, non addito Caesaris nomine, ponitur, vt diui, cuius filius in altera denarii parte vocatur Augustus, cuius *Augusti* ibidem *caput* depingitur. Cur autem ab Augusti triumuiris monetilibus in his denariis *Iulii Caesaris* caput signatum fuerit, hanc HAVERCAMPVS rationem esse existimat. Emendauerat annum Iulius, cuius rei memoriam etiam plures denarii eiusdem seruant. Ludi saeculares recurrebant post certum temporis spatium. Verum tempus anni celebrandorum illorum ex emendatione Iuliana de-

prehendi poterat. Primus post illam emendationem celebrans istos ludos Augustus Iulii emendatoris caput, vt patris quoque sui, expressit; vid. HAVERC. *comment. in thes. Morell.* pag. 372. VAILL. *famil. Rom.* tom. II. pag. 355. sq. VRSINVS pag. 247.

354. OB CIVIS SERVATOS. Media vox in corona ciuica, quam pro more vtrunque lauri ramus ambit.

MARCUS SANQVINIVS *Quinti filius III VIR AURO ARGENTO AERE FLANDO FERIUNDO.* In area numi senatus consulto.

Integerrimum primi moduli numisma. Querneae corona quotannis ante fores Caesaris, sicut & *rami laurei*, appendebatur, tanquam perpetuo triumphatoris & ciuium seruatoris. Hinc *Plinio laurus* dicitur gratissima domibus Caesarum ianitrix, quae sola & domos exornat, & ante limina excubat; vid. *Plin. H. N. lib. XV. cap. XXX. edit. Harduin.* tom. I. pag. 754. *Dionis Verba*, quae egregie aereum hoc numisma illustrant, iam supra pag. 169. inserta sunt. Ab eodem M. Sanquinio, qui praecedentem cufit, hic numus itidem signatus videtur, sed diuersis temporibus, quum non vno eodemque anno & Caesaris & senatus triumuir monetalis esse potuerit.

SCRIBONIA.

355. Caput Romae galeatum, cum denarii nota.

CAIUS SCRIBONIUS. ROMA. Dioscuri more solito in equis hastati decurrentes.

Scriboniam gentem *plebeiam* fuisse constat. Curiones & Libones in numis supersunt, quamuis Scriboniorum Libonum cognomen tantum exprimitur. Ad Curionum familiam denarium hunc referendum esse inter antiquarios conuenit; cui vero C. Scribonio merito numus adsignandus sit, adhuc sub iudice lis est. Antiquioribus rei publicae Romanae temporibus, vt supra plus semel monuimus, pro solito argenteorum numorum typo *Castoris & Pollucis imagine* utebantur; successu aurem temporis bigis & quadrigis auersas denariorum paginas insignire solebant Romani; vid.

thes. Morell. tom. II. pag. 374. *VAILL.* tom. II. pag. 361. *Fulu. VR-*
SINVS edit. Patin. pag. 249. *conf. Iac. OISELII thes. antiqu. numism.*
pag. 208. Const. LANDI select. numism. pag. III. sqq.

356. **BONUS EVENTUS. LIBO.** Caput boni Euentus.

PVTEAL SCRIBONII. Putei operculum siue ara, ad quam
 adpenditur corolla cum duabus lyris, in imo cernitur
 malleolus.

Asper. Insignis huius denarii typus dissertationi de dea Victoria,
quam non ita pridem, praeside illustri SCHVLZIO, cl. Christ. ROSE
publico eruditorum examini subiecit, insertus est. Ad Augusti tem-
 pora denarium hunc spectare PERIZONIVS credidit, eaque dere
 ad MORELLIVM dedit litteras. In quibus tamen acquiescere non
 potuit MORELLIVS, iudicans ante Augusti tempora, & sub re pu-
 blica, cusos hos denarios fuisse; vnde his verbis ad illum scripsit.
Maior difficultas residet in explicandis gentis Aemiliae numis . . .
veteris formam saperent; vid. Christophori WOLTERECKII elect.
rei numariae pag. 45. sq. Acceptis hisce litteris nequaquam senten-
 tiam suam mutavit PERIZONIVS, sed pluribus argumentis defen-
 dit. Rescripsit enim. *De numis Paulli Lepidi necdum aliter exi-*
stimare possum, . . . sine vlllo rei documento vel minimo.
 His in commentario suo praemissis HAVERCAMPVS suam subiun-
 xit epicrisin. Credidit autem vir cel. cusum fuisse hunc denarium
 sub Augusto a triumviris eiusdem monetalibus L. Scribonio Libo-
 ne & Aemilio Paulo atque Lepido. Tres illos eo tempore, quo
 pax (licet haud diuturna) firmata fuit inter Caesarem Octavianum,
 M. Antonium, & Sextum Pompeium, denarium hunc signasse no-
 bilissimus antiquarius existimat, addens; In hunc annum atque
 hoc tempus, felicissimum Romanis, si propria fuissent fortunae do-
 na, mire omnia, quae in his denariis inveniuntur, conveniunt.
 Aetas Lepidi & Paulli, atque Scribonii Libonis, minorem enim
 hunc magistratum iuvenes accipere solebant; Concordiae deae
 symbolum *lyrae duae*, quales in Traiani denariis graecis cernun-

tur; & denique *Boni Euentus caput & adscriptum nomen*. Quae omnia tam manifeste videntur indicare illam inter infestissimos antea duces & exercitus concordiam, & quem vix sperare potuerat populus Romanus bonum tanti mali euentum, vt ante oculos ponant, pingantque, quod mirifice descriptum reliquit, de hac ipsa concordia & insperato euentu agens, *Dio Cassius lib. xxxviii. Quo facto, immensus clamor & in terra & in mari sublatus est. Nam multi milites, multi inermes, aderant frequentes, qui bellum exosi, ac magnopere pacem expetentes, quum repente se malis bellorum liberatos viderent, adeo exclamauerunt, vt sonitum montes reddiderint, horrorque & terror ingens in eis coortus sit, quo ipso multi statim exanimati sunt, multi conculcati & suffocati perierunt. Qui in nauibus erant, non expectato dum terrae naues adpellerent, in mare profiluerunt, vicissimque alteri a terra in mare decurrerunt: ibi simul natantes, sese mutuo salutabant, amplectebanturque: eratque ea res & visu & auditu mirabilis*. Cl. SALMASIVS in exercitat. *Plinianis* pag. 801. & 802. operose docet, temporibus Augusti non existitisse amplius memoriam loci, vbi nouacula cum cote Nauii condita fuerat, sed puteal illud, siue aram illam Nauii, sublatam fuisse gladiatorio munere diui Iulii. Ostendit itaque *puteal Scribonii* non aliud dici posse, quam cuius mentio exstat apud *Festum*, cuius locum ita sarcierendum esse scribit: *Scribonii puteal ante atrium Mineruae, quod Scribonius, cui negotium datum fuerat, vt conquireret sacella, id ponendum curauit, quia in eo loco olim sacellum fuit, quod ignorabatur. Tradunt quidam fulgur conditum eo loco, quod nefas est integri, sed super foramine aperto caelum poter.* In Iulia porticu puteal illud fuisse ex *Persii Scholiaste* idem SALMASIVS notat. Illud vero puteal, HAVERCAMPVS subiungit, quum inde Scribonii vel Libonis fuerit dictum, mirari non debemus a Scribonio Libone renouatam fuisse memoriam sacri huius loci, qui ab aliquo ex proauis suis nomen nactus fuerat. Haec HAVERCAMPVS. In comitio, VAILLANTIVS ait, locum fuisse aiunt in gradibus ipsis ad laeuam curiae, vbi olim Accii Nauii au-

guris

guris posita fuit statua, quod in eo loco is cotem nouacula dice-
retur discidisse, sub cuius statua locus erat subterraneus, quem pu-
teum appellabant, aram habens, & Accii nouaculam ibi defossam,
supra autem umbella imposita erat, siue petasus, puteum tegens,
vnde & locus nomen accepit. At quum locus corruisset, lege
Scribonii restauratum fuit, vnde puteal Scribonii, vt numus indi-
cat. Structura, idem cl. antiquarius mox addit, quae visitur in
denario, ara esse videtur, quippe encarpis ornata est; reliqua.
Haectenus VAILLANTIVS. Praeposteram Io. HARDVINI auersae
denarii partis interpretationem, quam cel. HAVERCAMPVS com-
mentario suo intexuit, legimus in *eiusdem Plinio* lib. XXXVI. cap.
XV. pag. 742. Caussam de *malleolo* sese nescire eruditi fatentur.
In Malleolis familiae Publiciae cur ponatur cognominis est ratio.
Forfan Scribonius Libo pro agnomine illud habuit; vid. *thes. Mo-
rell.* tom. II. pag. 375. sqq. VAILL. tom. II. 364. sq. conf. *Iac. OISELII
thes. antiqu. numism.* pag. 548. *Const. LANDI select. numism.* pag. 32.
sqq. Cl. Beniam. HEDERICII *Lexicon antiquit.* pag. 2314. sq.

SEMPRONIA.

357. DIVI IVLI *filius*. Caput Caesaris Octavianus nudum, la-
nugine decorum.

Tiberius SEMPRONIUS GRACCVS IIIIVIR *Quaestor* DESI-
GNATUS. Signum cohortis, aquila legionaria, aratrum
& decempeda.

Eximiae varietatis denarius; vid. VAILL. *praest. imp. Rom. nu-
mism.* tom. II. p. m. 31. Cel. Andr. MORELLIVS *numum hunc iidem
care aestimat*; *quinque enim thaleris eundem valere indicat*. Sem-
pronii plebei fuerunt. Vt intelligatur, quo tempore hic numus
signatus sit, quaedam probe obseruanda esse VAILLANTIVS mo-
net. Primo, quod in hoc numo Caesar non amplius III. VIR R.
P. C. nominetur, nempe post M. Antonium victum, occisum, &
defunctum, atque triumphum de Aegypto, quum solus imperii
fasces teneret, donec Augusti nomen adsciuit, Caesar DIVI F. &

DIVI

DIVI IVLI F. dictus fuit. Secundum, quod *Ti. Sempronius IIIvir* adhuc inscribatur, qui auctus a Iulio monetariorum numerus vsque ad monetae inter Augustum & senatum diuisionem mansit, ternarium numerum Augustus reuocauit, & IIIviros monetae aureae & argenteae cudendae ipse creauit, aereae curam senatui reliquit. Tertio, Graccum minorem hunc magistratum ante quaesturam, quam ante XXVII. annum petere non licebat, gessisse; denique iuxta obseruationem *Quinctiliani* lib. I. cap. 9. GRACCVS sine adspiratione pro GRACCHVS scribi iam tum solitum fuisse. Tempus, quo cusus est denarius, referendum est ad A. V. C. ICCCXXIII. siue, vt *Dio Cassius* cum aliis computat ICCCXXV. eo enim anno instauratam fuisse Carthaginem scribit *Dio Cassius* lib. LII. *Carthaginem quoque denuo coloniam deduxit, quia Lepidus, quum partem eius habitatoribus orbasset, videbatur ius coloniae dissoluisse.* Cur vero Graccus, siue Gracchus, lubentius *deductae Carthaginem coloniae symbola*, quam aliud quid nobile vel memorabile eo anno gestum signare voluerit, in promptu, HAVERC. ait, causa est, nobilitas Gracchorum antiqua scilicet, quod iam olim auus vel proauus eius Gracchus destinatus fuerat IIIvir ad coloniam Carthaginem deducendam A. V. C. ICCCXXXIII. quae tamen verantibus auru spicum responsis tum deducta non fuerat, de quibus fusius agit VRSINVS. Eruditis hic Sempronius Gracchus ille esse videtur, qui notatur *Velleio*, vt adulter Iuliae Augusti filiae lib. II. cap. 100. & cuius interitum *Tacitus* lib. I. *Annal.* cap. 53. descripsit; vid. *thes. Morell.* tom. II. pag. 379. *VAILL. fam. Rom.* tom. II. pag. 375. sq. VRSINVS *edit. Patin.* p. 251. sq. conf. OISELII *thes. antiqu. numism.* p. 555.

SENTIA.

358. Caput Romae galea alata ornatum.

LUCIUS SATVRNIUS. Saturnus in citis quadrigis, d. tenens falcem, l. equorum habenas.

Sentia gens *plebeia* fuit. Cognomen habuit Saturninus. Denarius ex genere *quadrigatorum* est. Triumuiros monetales saepe numo.

numorum typis ad cognomina sua adludere notum est, quod Furi Crassipedis, Publii Molleoli aliorumque denarii abunde restantur. Sentius itaque, quum Saturninus cognominaretur, *Saturnum*, qui deus quoque aerario praeerat, alludens ad cognomen suum, expressit; & ut Saturnus esse cognosceretur, falcem dextrae addidit: de Saturno aerarii praeside *Tertullianus* in *Apolog.* cap. X. *Ab ipso primum tabulae, & imagine signatus numus, & inde aerario praesidet.* De Saturni origine, imperio, & cultu consule mythographos.

S E R G I A.

359. ROMA. EX. S. C. Caput Romae galeatum.

MARCUS SERGIUS SILVS *quaestor.* Eques armatus, cuius dextra non adparet, dextro humero parmam gerit, laeva fert caput humanum abscissum

Sergia gens *nobilis* fuit, quae ad Sergestum Aeneae comitem genus referebat, *Virg. Aen.* lib. V.

Sergestusque, domus tenet a quo Sergia nomen.

M. Sergius Silus, qui hunc cudid denarium, sine dubio filius fuit M. Sergii Sili militari fortitudine clarissimi, cuius stupendam in re bellica fortitudinem longo elogio prosequitur *Plinius*, lib. VII. cap. XXVIII. pag. edit. *Hard.* 391. M. Sergio, ut quidem arbitror, nemo quemquam hominum iure praetulerit: licet pronepos *Caecilina* gratiam nomini deroger. Secundo stipendio dextram manum perdidit: stipendiis duobus ter & vicies vulneratus est: ob id neutra manu, neutro pede satis utilis: vno tantum seruo, plurimis postea stipendiis debilis miles. Bis ab Hannibale captus (neque enim cum quolibet hoste res fuit) bis vinculorum eius profugus, XX. mensibus nullo non die in catenis aut compedibus custoditus. Sinistra manu sola quater pugnavit, duobus equis insidente eo suffossis. Dextram sibi ferream fecit, eaque religata praeliatus, *Cremonam* obsidione exemit, *Placentiam* tutatus est: duodena castra hostium in Gallia cepit: quae omnia ex oratione eius adparent, *habita cum in praetura*

sacris arceretur a collegis, ut debilis. Quos hic coronarum acervos constructurus hoste mutato? Etenim plurimum refert, in quae cuiusque virtus tempora inciderit. Quas Trebia Ticinusque, aut Trasymenus civicas dedere? Quae Cannis corona merita? unde fugisse, virtutis summum opus fuit. Caeteri profecto victores hominum fuere, Sergius vixit etiam fortunam. In secundo stipendio Sergius dextram perdidisse dicitur, unde eruditus heroicum eius factum, quod in hoc denario celebratur, contigisse videtur, postquam iam dextram perdiderat; nusquam enim dextra adparet, sed quod ferrea adprehendendum aliquid inutilis esset, laeva manu & gladium & recisum caput hostile extollit. In iisdem Plinii verbis legimus, Quas Trebia Ticinusque, aut Trasymenus civicas dedere? Quae Cannis corona merita? Unde suspicor, HAVERCAMPVS ait, respectu fortitudinis, quum aliis in praeliis & rebus gestis, tum praecipue Cannensi illo praelio & clade praestitae, statuam equestrem Romanae illi ex senatusconsulto fuisse erectam ea figura, quae in denario conspicitur. Recte enim VAILLANTIVS ad statuam litteras illas S. C. revocat; & utique post Cannensem cladem intererat rei publicae, ut similibus praemiis ad fortitudinis opera excitarentur ciues in statu patriae tam desperato. Abscissum itaque caput hostile videtur primarii alicuius Carthaginienfis esse, quem occiderit, ciue, in quem is imperum fecerat, servato; cui Poeno, ad ostentationem virtutis, caput amputaverat. Silo illi, HAVERCAMPVS subiungit, siue familiae eiusdem cognomen fuit, quod ab aliquo corporis vitio tractum fuisse Cicero indicat lib. I. de nar. deor. cap. 29. Redeo ad deos, et quos si non tam strabones, aut paetulos esse arbitramur? et quos naeuum habere? et quos Silos, Flaccos, Frontones, Capitones, quae sunt in nobis? an omnia emendata in illis? Quae Ciceronis, idem HAVERC. ait, si legisset HARDVINVS, non ipse magno errore Valerium Maximum arguisset erroris, quod Sergiis cognomen Sili dederit, quasi Silo non Silus cognomen alicuius gentis fuerit. Verba HARDVINI ad Plinii dictum locum ita se habent: Vetus denarius in museo nostro, &

apud

apud PATINVM in Familiis pag. 256. Romae Victricis caput hinc exhibet, cum denarii nota & ROMA. & EX S. C. inde equitem galeatum, qui sinistra strictum ensē & caput hostis praecisum gestat. Sub equo M. SERGI. *Marcus Sergius*, ille qui in equo pingitur. Littera Q. superposita a quaestore numum percussum esse significat, qui materno sanguine genus ab illo duceret: infra, caractere paullo minore, SILVS. quae sunt totidem vocum primae litterae, hac sententia *Sergius Italiam Liberauit Vicies Sexies*. Errore magno *Valerius Maximus*, lib. III. cap. i. num. 8. aliique Sergium cognomine Silum dixere, *Plinio* teste, lib. XI. sectione LVIII. non *Silus* alicuius gentis cognomen sed *Silo* fuit. Haec pro auctoritate sua HARDVINVS, cuius coniecturas, aut potius nugae, vbi illae quidem refutatione indigent, passim in Morelliano opere cel. HAVERCAMPVS pridem refutauit; vid. *thes. Morell.* tom II. pag. 385. sq. VAILL. tom. II. pag. 395. sq. PATIN. *fam. Rom.* pag. 256.

SERVILIA.

360. AHALA. Caput. C. Seruili Ahalae.

BRVTVS. Caput L. Bruti, primi consulis.

Integerrimus, quem harum deliciarum studiosi magni aestimant. Servilia gens in primis fuit illustris, patricia, postmodum plebeia quoque, ex qua consulatus & summos honores plurimi gesserunt. In denariis superest memoria Ahalarum, Geminorum, Rullorum, Cascarum & Caepionum. Iam prodiit insignis iste denarius supra pag. 182. in gente Iunia; propter Ahalam, cuius effigies aduersam numi partem occupat, hic iterum profertur.

361. ROMA. Caput deae Libertatis laureatum, inter lituum, cui litt. B. imponitur, & denarii notam.

cuius SERVEILIUS. Duae figurae armatae equestres, quarum prior depingitur fugientis ritu, cespitante equo, gladio elato, quam altera in proximo figura hasta per tergum transadigit.

Cel. HAVERCAMPVS Caium Seruiliū, qui hunc signauit denarium,

rium, illum Lucullei nominis atrocissimum inimicum esse existimat, de quo *Plutarchus* in *vita Luculli*. pag. 491. *Luculli avus vir consularis - - - aliqui occiderentur, evasit tamen Seruilius*. Augur ibidem dicitur, atque isto cognomine tam notus illo tempore fuisse videtur, ut non necesse iudicaret *Plutarchus*, vel scriptor ex quo sua hauserit, praenomen Seruili, vel aliud eius cognomen adicere. Ad hoc igitur cognomen eius forte adludit, dum in hoc denario *lituum* auguralem pone Libertatis caput depinxit. Hunc Seruilium Augurem *PIGHVS* inter quaestores prouinciales enumerat A. V. C. *IOCLI*. vnde liquet signatum fuisse hunc denarium ante annum *IOCLI*. In auersa numi parte *eques hostilem equitem hasta transfigens* cernitur. Poteſt, *HAVERC.* scribit, designare eundem prouocatoreſ insignem M. Seruilium, qui ipſe facinora ſua commemorat apud *Liuium*, lib. XXXXV. cap. 39. *edit. Grut.* pag. 1226. ſi littera M. parmae ſeu clypeo inſcripta *Marcum* designaret, neque inſolitum eſſet praenomine tantum aliquem designari. Equeſtri laude certe excelluit M. Seruilius, vnde ab aſſidua iactatione tumor ille inguinum, qui inimicis riſum mouebat apud *Liuium* loc. cit. *Nudaſſe deinde ſe dicitur &*, quo quaeque bello vulnera accepta eſſent, retuliſſe; quae dum oſtentat, adaperſis forte quae velanda erant, tumor inguinum proximis riſum mouit. Tum: *Hoc quoque quod ridetis, inquit, in equo dies nocteſque perſedendo habeo: nec magis me eius quam cicatricum harum pudet, poeniretque; quando nunquam mihi impedimento ad rem publicam bene gerendam domi militiaeque fuit*. Apud *Plutarchum* in *vita Paulli* p. 272. ita efferuntur. *Simul ſe nudauiſt, oſtenditque innumeras cicatrices aduerſo corpore acceptas. Inde conuerſus: adaperuiſt quaedam quae ad populum velanda erant, atque ad Galbam reſpiciens, Tu quidem, inquit, haec derides, ego vero apud ciues gloriſ iis quae pro his in equo nocteſ dieque perſedendo accepi*. Hinc certe, *HAVERCAMPVS* ait, gloria equeſtris denegari Marco Seruilio non potuit, ſed ramen valde dubito, vtrum aliquid fortiter ab illo in bello factum numuſ reſpiciat. Typos enim denariorum contemplanſi, in ſam.

Manlia fimillimus eques adparer, licet absit hostilis figura ab eodem confossa. Ibi num. III. occurrit statua equestris Manlio Torquato, ob simile, vt videtur, factum erecta. Eques Manlius eodem plane habitu quo noster occurrit; vnde vir cl. suspicatur C. Seruilius Augurem ex Manliis Torquatis adoptione ad familiam Seruiliam transiisse, atque ita vno hoc typo simul & pristinae & novae familiae decora Manliae & Seruiliae celebrare voluisse; adeoque litteram M. quae in parma equitis victoris conspicitur, nomen esse productum familiae antiquae, vt integra denarii sit lectio *caius SERVEILIUS manlianus*. *Libertatis deae caput*, iudice VAILLANTIO, ideo in anteriore denarii parte cernitur, quoniam maxime ei studuerint Romani, ab eo videlicet tempore, quo excusso regum imperio in libertatem sese vindicauerant; vid. *thes. Morell.* tom. II. pag. 388. VAILL. *fam. Rom.* tom. II. p. 407. sq. PATINVS pag. 257. sqq.

362. FLORALIA PRIMVS scil. *fecit*. Caput Florae floribus redimitum, post illud lituus est.

caius SERVEILIUS caii filius. Duae figurae militares armatae, laeva parmam tenentes, stant, ex adverso tollentes dextras pugionibus armatas, veluti iurantes.

Namus, nec a MORELLIO nec ab ipso HAVERCAMPO *visus*. HAVERCAMPS enim in simili denario, quem depinxit MORELLIVS, FLORA. legit, nos autem, vt ex denarii huius typo, quem tab. V. num. VI. spectatori subiicimus, apparet, FLORAL. connexis vltimis litteris legimus. De *Flora* florum dea, vt & de lasciuioso atque petulantissimo illo in honorem huius idoli paganorum festo consulendi sunt *Lactantius* lib. I. cap. 20. p. m. 124. *Francis. POMEX* in *panth. myrbic.* pag. 182. *Lil. Greg.* GYRALDVS tom. I. pag. 42. *Laur. BEGERVS thes. Brand.* tom. II. pag. 585. NEEVPOORT. *edit. nouiss.* pag. 238. sq. & alii. In primis autem huc pertinentia collegit, pluribusque hunc numum illustravit perill. *Ezech. SPANHEMVS de usu & praest. numism. edit. tert.* tom. II. pag. 145. sqq. Typum auersae

partis, cel. HAVERCAMPVS ait, qui ad Romuli & Tatii foedus referunt falluntur, quoniam illi alio habitu & hastis armati tanquam Quirites occurrunt. Qui duos fratres magistros equitum M. & C. Seruilios depingi putat, idoneo destituitur argumento. Rectius itaque duos fratres Seruilios Cascas, Caium Seruilium & Publium, hic credimus depingi, & quidem armatos, quod vi & armis libertatem vi adquisitam, tyranno occiso, constanter tueri se uelle ostendant. Hinc veluti iureiurando sublatis pugionibus in foedus coeunt. Capita vero non pileo, vt suspicabatur SPANHEMIVS, libertatis scil. symbolo, teguntur, sed galea; quae bene in denario meo aliisque amicorum discerni a pileo potest. Pileus enim rotundior orbe, vbi ab inferiore parte laxatur, depingitur semper, & in Bruti notissimo numo, in quo idus Martiae celebrantur, & in aliis. At galea super frontem & ceruicem longior prominet. Haecenus cel. HAVERCAMPVS. Signatus est hic denarius, vt inscriptio testatur, a C. Seruilio Caii filio, fratre, vt idem vir doct. opinatur, P. Seruili Cascae, qui ad distinctionem Casca Longus adpellatus fuit. Celebris idem antiquarius reicit, quo iure mox adparebit, vterque doctissimorum virorum inscriptionis lectionem. Non enim legit, vt haecenus fecerunt eruditi, coniuncta vtriusque denarii partis inscriptione, FLORALIA PRIMVS scil. *fecit caius SERVEILIUS caii filius*. sed FLORA. *caius SERVEILIUS caii filius* PRIMVS. Corrasis hinc inde argumentis quibusdam, quae vero ad impugnandam genuinam perillust. SPANHEMII aliorumque sententiam haud sufficiunt, sinistram hanc coniecturam suam suffulcire studuit vir eruditissimus. Pater ex singularis & praeclari huius denarii typo omne spatium, quod in aduersa numi pagina ante Florae faciem est, ab inscriptione occupari, ita quidem, vt nihil prorsus vacui superfit, vbi vel littera F. nedum integra vox FECIT. locari possit: accedit, in nostro denario, quem haud dubie HAVERCAMPVS nunquam vidit, vt iam monuimus, non FLORA. verum FLORAL. vltimis litteris connexis satis clare legi, quod probe obseruarunt GOLTZIUS, VRSINVS, PATINVS, BEGERVS, VAIL-

VAILLANTIVS, SPANHEMIVS, alii, quorum typos in dubium vocat HAVERCAMPVS, dum: In meo, inquit, non obseruavi lineam illam ad alterum cruscum litterae A. neque in iis, quos consuluit MORELLIVS, exstitisse videtur. Crediderim vero, mox addit, putasse illos antiquarios obseruari a se productam illam lineolam, quod persuaserint sibi dici in hoc denario Floralia primum fecisse C. Seruilius, quod quidem indicat Florae adpictum caput, sed vti demonstraui, non totidem verbis dicit inscriptio numi. Sufficient haec. Minime vero ex praeconcepta tantum quadam opinione, sed ex denariorum fide celeberrimorum virorum typos desumptos esse testis est iste, quem describimus, eleganter signatus numophylacii SCHVLZIANI denarius. Patrem Seruillii Cascae fratres habuerunt Caium: inscribitur enim noster C. F. in denario. Illum vero fuisse HAVERC. autumat, qui in praecedenti numo inscribitur C. Seruilius & forte Manlianus Augur. Is enim sicuti, ratione cognominis vel agnominis, lituum ad caput deae Libertatis expressit, ita Caius noster eundem *lituum* iuxta Florae caput collocavit. A. V. C. IOLXXX. C. Seruilius C. F. aedilis plebis fuit. Eius anni celebritatem & memoriam aedilis eiusdem, abauis sui, Caius Seruilius in hoc denario celebrat. Nam, sicuti iam pluribus viri docti operose ostenderunt, eo anno renouata fuisse deae Florae sacra, atque institutum vt quotannis celebrarentur, eoque anno aedilem plebis exstitisse abauum ipsius C. Seruilius, hinc *deam Floram fertis & flosculis ornatam* in aduersa denarii pagina cernimus, peculiari huius Caii respectu, quod cognominis sibi abauus eo anno aedilis curulis sacris illis adparandis exstitisset, consulibus L. Postumio Albino & M. Popillio Laenate; vid. *thes. Morell. tom. II. pag. 391. sq. VAILL. tom. II. pag. 408. sq. PATINVS pag. 260. sq. conf. In HARDVINI Plinius tom. II. pag. 139. Suet. ex edit. Graeu. pag. 610.*

SICINIA.

363. FORTUNA populi romani. Caput deae Fortunae.

Quintus

quintus SICINIUS III VIR. Palmaeramus, cum lemnisco, siue vittris, & caduceus alatus decussatim positi, in area insuper adest corolla.

Asper. Extincta ante auri argentique vsum patricia Sicinia gente, plebeia remansit, cuius denarii nobis supersunt. *Fortitudo Populi Romani* legit VRSINVS, quae vero lectio iam diu ab eruditis explosa fuit. De dea Fortuna, eiusque nominibus, ortu, simulacris & potentia consulendi *Natalis Comes* in *mythologiis* lib. IIII. cap. VIII. *Francisc.* POMER in *fabulosa deorum hist.* p. 295. sqq. *Lil. Greg.* GYRALDVS pag. 455. conf. NIEVPOORT. *edit. nouiss.* pag. 243. sq. Tempore Augusti a Q. Sicinio triumuiro monetalis denarius cusus est. Victo & occiso M. Antonio iustam Caesaris Octauiani causam agnoscebant Romani, eundemque deorum munere tam metuendum hostem superasse, quod merito Fortunae populi Romani erat adscribendum, vti totidem verbis iste docet denarius. *Tacitus III. hist.* 46. *Adfuit*, inquit, *vti saepe alias, Fortuna populi Romani. Sensit Antonius victores exercitus, Fortunam Imperii, & ultores deos.* quae *Taciti* itidem verba occurrunt *lib. IIII. cap. 57. de bell. Germanico.* Hinc in auersa denarii parte *corolla & palma*, victoriae symbola, atque *caduceus*, pacis inde secutae signum; vid. *thes. Morell.* tom. II. pag. 395. *VAILL.* tom. II. pag. 421. sq. VRSINVS *edit. Paris.* pag. 263.

S I L I A.

364. SILIVS. ANNIVS. LAMIA. Dextrae iunctae tenentes caduceum.

III VIRI Auro Argento Aere Flando Feriundo, in area s. c.

Aereus. Triumuii hi senatus fuerunt, vt docet *metallum*, & *nota senatusconsulti.* *Dextrae iunctae cum caduceo* concordiam Caesaris & senatus, cui aereae monetae ius concesserat, denotant, pacemque publicam; vid. pag. 74. num. 143. conf. pag. 168. num. 250.

S V L P I C I A.

365. Dei Penates patrii. Capita deorum Penatium iugata & laureata. caius

cuius SVPICIIVS *cui* *pilius*. Duo viri stantes, habitu militari, laeva hastas tenent, indicem dextrae manus extendunt ad scrofam humi procumbentem; desuper est littera monetalis L.

Perrarus, integer. Elegantissimi huius numi imaginem tab. V. num. VII. contemplandam exhibet. Hoc typo insignitos denarios omnes esse dentatos HAVERCAMPVS observat. Sulpiciam antiquissimam & nobilissimam olim fuisse gentem satis constat. PIGHIVS eius nomen ab Aeneae comite deriuatum esse existimat, qui primus porcam illam, ex oraculo quaesitam, sub ilice in filua praegnantem conspexit, atque inde Suispicivus a priscis Latinis a sue spiciendo, quod est intueor, fuit adpellatus, cuius deinde posteripauullulum mutata voce Sulpicii vocati sunt. De fictitiis istis fabulosae antiquitatis diis Penatibus, eorundemque apud paganos cultu & simulacris consuli merentur Lil. Gregor. GYRALDVVS tom. I. pag. 438. sq. Franc. POMEY lib. laud. pag. 230. alii. Insignis huius denarii typus, HAVERCAMPVS inquit, varias doctorum virorum sententias de auersae praesertim partis interpretatione elicit. Primus fuit Sebastianus ERICIVS, qui capita quidem illa de diis Penatibus est interpretatus, & in eo omnes consentiunt, sed alterius partis duplicem protulit interpretationem. Prior est, per duos illos viros hastatos, qui stare cernuntur porcam intermediam digito monstrantes, designari iterum deos Penates & suam illam, quae felix Aeneae olim ostentum figendarum sedium obuenerit. Varronis, prae caeteris eam in rem locum adducit; is exstat. lib. III. de L. L. pag. 35. Oppidum, quod primum conditum in Latio stirpis Romanae, Louinium, nam ibi dii Penates nostri. Hoc a Latini filia, quae coniuncta Aeneae Louinia appellata. Hinc post triginta annos oppidum alterum conditur Alba; id ab sue alba cognominatum. Haec e naui Aeneae, cum fugisset Louinium, triginta parit porcos. Ex hoc prodigio post Louinium conditum annis triginta, haec urbs facta; propter colorem suis, & loci naturam, Alba Longa dicta. Deos Penates numero duos esse atque hastas manu tenere,

idem ex *Dionysio Halicarnassaeo* adstruit. Locus *Dionysii*, quem excitat, est lib. I. pag. 54. Posterior *ERICII* interpretatio respicit foedus inter Romanos & Albanos, Tullo Hostilio & Metio Fuffetio auctoribus, quod describitur a *Liivio lib. I. cap. 24.* adeoque fecialem & patrem patratum, de quibus ibidem agit *Liivius*, depingi existimat, porca intermedia, quam saxo filice ex more foederis percussurus erat pater patratus. Priorem interpretationem amplexi sunt *PIGHIVS*, *VRVINVS*, *VAILLANTIVS*, *BEGERVVS* alique. Notat praeterea *PIGHIVS* tom. II. pag. 40. Sulpiciae gentis originem forsitan ad Aeneae comites esse referendam, & illum, qui cudit hoc numisma, adludere forsitan voluisse ad Sulpiciae gentis antiquum nomen; quasi comes ille Aeneae porcā sub ilice praegnantem primus viderit monstrauique, atque inde *Suispicus* (formato nomine vt in *haruspicio* & *extispicio*) dictus fuerit, cuius deinde posterī paullulum inflexa voce *Sulpicii* dicti fuerint. At vero, *HAVERCAMPVS* subiungit, vbi sus illa praegrans adparet, adesse solent porcelli, vt in Antonini Pii numis; vnde forsitan non errabimus, si duas illas figuras militares, quae porcā habent intermediā de rege Tullo Hostilio atque dictatore Metio Fuffetio capiamus, atque typum illum vniuersum de foedere inter populum Romanum & Albanum; nam licet pater patratus porcā saxo filice percusserit, Tulli tamen & Fuffetii illud fiebat auctoritate; hoc autem typo Albanam originem ostentare potuit gens Sulpicia. Sed coniecturae Pighianae, idem vir cl. addit, non minus fauentem me profiteor. In foedere enim sanciendo porcā manibus tenet pater patratus, & scipione seu bacillo aut sceptro tangunt iurantes in fam. *Veturia* num. I. & II. at hic recubans scrofa dependentia habet vbera lacte plena, prout in numis huius generis asperrimis obseruare licet. Quod satis est ad faetam suam demonstrandam, quum in exiguo numo omnia exprimi nequeant. *Princeps* itaque gentis Sulpiciae in hoc denarii typo *Aeneae scrofam faetam demonstrare digito* videtur, & impletum simul esse vaticinium de condenda vrbe. Plerosque *Caio Sulpicio*

cios antiquitas numerat. Quumque in hoc denario cognomen illius Sulpicii, qui numum signavit, non adiectum sit; hinc eruditi non vno eodemque C. Sulpicio denarium adiudicant. Vt vera fatear, HAVERCAMPVS ait, tot fuere Caii Sulpicii, vt temerarium sit definire, a quo cusi fuerint hi denarii, non adscripto cognomine; ex *thes. Morell.* tom. II. pag. 407. sq. conf. *VAILL.* tom. II. pag. 444. sq. *Fulu. VRSINVS edit. Patin.* 270. sq.

366. CAESAR AVGVSTVS. Caput Augusti laureatum.

MARCUS AGRIPPA. PLATORINVS III. VIR. Caput Marci Agrippae corona rostrata & turrita insigne.

Integerrimus, rarissimus, quem inter Morellianos haud offender. Clientem, HAVERCAMPVS inquit, Agrippae hunc C. Sulpicium Platorinum fuisse est credibile. Agrippae vero & Augusti capita in hoc denario expressit, quod illi simul fuerint consules; ipse vero triumvir monetalis Caesaris. Fusius atque vberius de perinsigni hoc denario infra in Vipsania gente agetur.

TARQVITIA.

367. CAIUS ANNIUS TITI FILIUS TITI NEPOS PROCONSULE. EX SENATUS CONSULTO. Caput Iunonis Monetae.

QVINTVS TARQVITIUS PVBLII FILIUS QVAESTOR. Victoria in bigis, d. palmam, l. equorum habenas tenet.

Subaeratus, curtus. Tarquitia gens olim in patricios & plebeios distincta erat. Hi Laurentini, illi Flacci dicti fuerunt. In Fabia gente pag. 153. num. 234. alterum Annii quaestorem L. Fabium L. F. Hispaniensem habuimus. Conueniunt antiquarii hunc Annium in Hispanias contra Sertorium Sullae opera profectum esse, atque ex s. c. per quaestores suos hanc pecuniam signasse. Alter quaestorum fuit Q. Tarquitius P. F. quem perperam tamen credidit post VRSINVM VAILLANTIVS illum fuisse, qui in ultimo Sertorii conuiuio inter coniuratos federit; cuius scilicet meminerit *Sallustius in fragm. ex libro III. histor.* Alter scriba Maecenas in *imo, medius inter Tarquitium & dominum Perpennam.* Dictus ille

fuit, HAVERCAMPVS addit, Tarquitiuſ Prifcus, dux Sertorianarum partium, de quo narrat *Fronzinuſ ſtrazag.* lib. II. cap. V. exemplo 31. Aliuſ itaque a Q. Tarquiritio P. F. fuit Tarquitiuſ ille Prifcus, qui Sertorianiſ adhaeſit partibuſ; ſicuti inter illaſ parteſ L. Anniuſ quoque inuenitur, aliuſ itidem a C. Annio T. F. T. N. cuiuſ nomen prior denarii pagina exhibet; vid. *theſ. Morell.* tom. II. pag. 410. conf. *VAILL.* tom. II. pag. 459. *VRſINVS in gente Tarquiritia.*

THORIA.

368. *Iuno ſiſpita magna regina.* Caput Iunoniſ Siſpitaſ, ſiue Lanuuinaſ, pelle caprina teſtum.

Luciuſ THORIUS BALBUſ. Tauruſ ſalienuſ; deſuper litt. P.

Inauratuſ, aſper. Thorioſ *plebeioſ* fuiſſe Sp. Thorii tr. pl. lex agraria innuit. Thoria gens origine Lanuuina fuit. De Iunone Regina & Magna vel Maxima vid. *Nataliſ Comeſ* lib. II. cap. 4. *Lil. Gregor.* *GYRALDUſ* tom. I. pag. 122. ſqq. *Franciſc. POMEY in fa-bul. deor. biſt* pag. 70. ſqq. conf. *Fulu VRſINVS edit. Patin.* pag. 275. *Iuno Soſpita*, de qua paſſim egimuſ, Lanuuinaſ Thoriae gentiſ reſpiciſt originem. *Luciuſ Thoriuſ Balbuſ*, I. C. *VRſINVS* ait, iſ opinor eſt, cuiuſ *Cicero lib. II. de ſinib. cap. 20.* meminit, hiſ verbis. *L. Thoriuſ Balbuſ fuit Lanuuinuſ; quem meminiffe tu non poteſ. Iſ ita uiuebat, ut nulla tam exquiſita poſſit inueniri voluptaſ, qua non abundareſ. Erat cupiduſ voluptatuſ, & cuiuſuiſ generiſ eiſ intelligeſ, & copioſuſ: ita non ſuperſtitiuſoſuſ, ut illa plurima in ſua patria ſacrificia & ſana contemneret: ita non timiduſ ad morteſ, ut in acie ſit obrem publicam interfeſtuſ.* *VRſINVM* ſecuti hunc Ciceroniſ locuſ itidem allegarunt *VAILLANTI-ſ* & cel. *HAVERCAMPVſ*, hic: Pater eiſ, addit, fuiſſe videtur *Spuriuſ Thoriuſ Balbuſ*, qui tr. pl. A. V. C. *IOCCXXXVI.* legem agrariaſ tulit, & de pecore agroſ alienoſ paſcente. *Vitiuſoſam illaſ priorē & inuſtileſ vocat Cicero*, quod fraudaret

aerarium

aerarium publicum, plebi viritim pecuniam ex vectigali prouenientem diuidendo. In *Bruto* cap. xxxvi. *Sp. Thorius valuit in populari genere dicendi, is, qui agrum publicum vitiosa, & inutili lege, vectigali leuauit.* Alterius illius legis Thoriae, seu quae pars prioris fuisse videtur, meminit Cicero de *oratore* lib. II. cap. 70. *Sed ex his omnibus nihil magis videtur, quam quod est praeter expectationem, cuius innumerabilia sunt exempla, vel Appii maioris illius, qui in senatu, quum ageretur de agris publicis, & de lege Thoriae, & premeretur Lucilius ab iis, qui a pecore eius depasci agros publicos dicerent. Non est inquit, Lucilii pecus illud: erratis (defendere Lucilium videbatur) ego liberum puto esse, quolibet pascitur.* Tourum itaque expressit filius L. Thorius Balbus respectu illius pastionis legisque agrariae patris sui, quae respiciebat quoque (vt Cicero docet) agros publicos, ne ab alieno pecore depascerentur; vid. *thes. Morell.* tom. II. pag. 415. sq. *VAILL.* tom. II. pag. 471. conf. *Iac. OVZELII thes. num. antiqu.* pag. 275. sq. *Cl. Io. Georg. WACHTERI archaeol. numar.* pag. 142.

T I T I A.

369. Caput virile bene barbatum, dependente capillorum cirro atque ad ceruicem fluctuante notabile, diademate alato insuper decorum.

quintus TITIVS. Pegasus, posterioribus insistens pedibus, ad volatum se erigit.

Eleganter signatus, quem inter alia egregia antiquitatis monumenta Traianus restituit; hinc raris denarium hunc adnumerandum esse probe HAVERCAMPVS monet. Antiquissimam hanc gentem fuisse plebeiam demonstrant tot tribuni plebis, a quibus variae leges latae sunt. De *Pegaso* Bellerophontis equo consulendi *Natalis Comes* in *mythol.* lib. VII. cap. II. & lib. VIII. cap. 4. *Franc. POMEY lib. laud.* pag. 160. *Lil. Gregor. GYRALDVS in bist. deor.* tom. I. pag. 264. alii. *VRVINVS, VAILLANTIVS & ipse cel. HAVERCAMPVS* in eo conueniunt poëtae alicuius insignis, cui Titio

nomen fuerit, memoriam hoc denario celebrari. Quin & eiusdem Titii barbari, tanquam ex intonsis antiquioribu que Romanis, effigiem hic depingi atque exhiberi crediderunt VRSINVS & VAILLANTIVS. Sed perperam; est enim *Bacchi*, vt recte animaduertit BEGERVS tom. II. *thes. Brand.* pag. 589. non tantum quia, vt ibidem addit ex *Pausania*, Bacchi simulacrum, Lysippi opus, in Helicone fuit, sed ideo in primis, (HAVERC. inquit) quod in Bacchi tutela antiquitus fuerit tragoedia. Bacchum & *barbatum* & inberbem exprimi veterum monumenta & scripta docent, *cirrus* ille ad collum fluctuans in Thasiorum, aliisque Bacchi caput habentibus numis cernitur. *Diadema* & *ala* tragoediae, quae sub Bacchi tutela est, tribuitur, tanquam nobilissimo poeseos generi, vnde velut regina describitur ab *Ouidio lib. III. amor.* vs. 13.

Laeua manus sceptrum late regale tenebat:

Lydius apta pedum vincla corburnus erat.

Haec omnia demonstrant tragicum aliquem poëtam fuisse insigniorem, nomine Titium, cuius dotes & musarum symbolum *Pegasus*, & quem, qui signauit numum, quisquis ille ex posteritate eiusdem fuerit, celebrat. Antiquissimum hunc poëtam inter intonsos patres latere VAILLANTIVS credidit, verum non inuenit. Cel. HAVERCAMPVS eundem digito quasi demonstrat, addens: Est vero is Caius Titius, qui Afranium praecessit, poëta & orator insignis, cuius ampla commendatio est apud *Ciceronem* in *Bruto* cap. XXXV. *Eiusdem fere temporis fuit eques Romanus C. Titius, qui, meo iudicio, eo peruenisse videtur, quo potuit fere Latinus orator sine litteris Graecis, & sine multo usu peruenire. Huius orationes tantum argutarum, tantum exemplorum, tantum urbanitatis habent, vt pene Attico stilo scriptae esse videantur, Easdem argutias in tragoedias satis ille quidem acute, sed parum tragice transtulit. Quem studebat imitari L. Afranius poëta, homo perargutus, in fabulis quidem etiam, vt scitis, disertus.* Insignis iste Cicero- nis locus non tantum docet, quis C. Titius fuerit, verum etiam quo tempore vixerit. Post A. V. C. 15LXXV. quo successerunt asses
semi-

semiunciales in locum eorum qui vnciam pendebant, denarium hunc signatum esse ex pondere assis, qui in auersa eundem hunc Q. Titium exhibet, praeclare HAVERC. docet; vid. *zbes. Morell.* tom. II. pag. 416. sqq. VAILL. Tom. II. pag. 473. sq. PATIN. pag. 276.

TITVRIA.

370. SABINUS. Caput regis Tatii Sabini nudum, barbatum.
Lucius TITURIUS. Tarpeia virgo arrectis prae horrore comis, Sabinorum scutis obruta; desuper illam stella cernitur in luna crescente.

Asper. Vtrum plebeia an patricia Tituria gens fuerit, nondum constat. Cognomen Sabini, utpote quod gentis huius a Sabinis originem denotat, antiquissimos fuisse Titurios docet. Cl. *Laur. BEGERI* sculptor pessime loco lunae & stellae globosum quid effinxit, idque aut pictoris incuria factum, aut thesauri Brandenburgici typus ex numo haud satis integro desumptus est. Sorte b. SCHVLZIO integerrimus iste obrigit, in quo luna falcata & supra illam stella pulcre & distincte conspicitur; similemque in indice musei Burckhardiani pag. 56. a cel. *Julio Carolo SCHLAEGERO* notatum video. VAILLANTIVS scutum cum fulmine, quale militum clypeis adpictum est, exprimit; forte ex coniectura potius, quam claro archetypo. L. Titurii Sabini in historia Romana prorsus nulla fit mentio; hinc non constat, quisnam ille fuerit. Ex Sabinis eum traxisse originem cognomen ostendit, unde regis *Sabinorum Tatii facies* in antica, & *Sabinorum scutis obruta Tarpeia virgo* in postica numi pagina cernitur. Titurios ex iisdem Sabinis, qui Tarpeiam scutis obruerunt, ortos esse VAILLANTIVS autumat. Sabini, qui Capitolium munitissimam Romanorum arcem occupare tentabant, quum aequatum ibant, Tarpeiae virgini Vestali occurrentes petierunt, ut in arcem, patris sui Tarpeii custodiae commissam, ingressum daret. Pactaque cum illis, quidquid in finistris brachiis gestarent, armillas intelligens, quas illi aureas gemmarasque laeво in brachio ferebant: tum ut eam prodidit, promissi

promissi mercedem petiit, ipsi vero scutis eam obruerunt; unde monti nomen *Tarpeius mons* qui primus erat Saturnius. *Stellae & lunae* pictura non est superflua; docet enim tempus, quo capta Tarpeiae proditioe arx a Sabinis fuit, nocte videlicet, cuius symbolum luna & stellae sunt. Noctu enim negotium esse peractum docet *Dionys. Halicarn.* lib. II. pag. 105. sq. Vt vero peracta noctu fuit proditio, sic arx quoque nocte fuit occupata, ut idem celebris scriptor loco laudato commemorat; vid. *thes. Morell.* tom. II. pag. 419. VAILL. tom. II. pag. 480. PATINVS pag. 278. conf. *loc. OVZELII thes. antiqu. numism.* pag. 551. *Laur. BEGERI Florus* pag. 24.

371. *Tatius SABINUS.* Caput idem regis Tatii Sabini.

LUCIUS TITURIUS. Sabinarum raptus.

Subaeratus. Adpositum Tatii nomen per litteram T. litterae A. superimpositam, quae nominis eius initiales sunt, procul dubio innuit illam esse Tatii Sabinorum regis imaginem, sub quo Sabinarum raptus a Romanis factus est. Hi quum uxores non haberent, sibi iungere destinarunt, ludis Consualibus. *Romulus, Liuius* lib. I. inquit, *ludos ex industria parat Neptuno equestri sollemnes; Consualia vocat. Indici deinde finitimis spectaculum iubet, quantoque adparatu tunc sciebant, aut poterant, concelebrant, ut rem claram, expectatamque facerent. Multi mortales conuenere studio etiam videndae nouae urbis, maxime proximi quique, Caeninenses, Crustumini, Antemnates. Iam Sabinorum omnis multitudo, cum liberis & coniugibus venit: iuuitati hospitaliter per domos, quum situm moeniaque, & frequentem tectis urbem vidissent, mirantur tam breui rem Romanam creuisse. Vbi spectaculi tempus venit, deitaeque eo mentes cum oculis erant; tum ex composito orto vis, signoque dato iuuentus Romana ad rapiendas virgines discurret: magna pars forte, ut in quem quaeque inciderat, raptae, quasdam forma excellentes primoribus patrum destinatas ex plebe homines, quibus datum negotium erat, domos deferebant; reliqua. Hunc itaque typum expressit L. Titurius, ut Romanos deinde natos ex*
Sabinis

Sabinis puellis ortos esse significaret; vid. *VAILL. tom. II. pag. 479. sq.*
PATINVS loc. cit. conf. Const. LANDI select. numism. pag. 55. sqq.
Florus BEGERI pag. 22.

T V L L I A.

372. ROMA. Caput Romae galea alata ornatum.

Marcus TULLIUS. Victoria stans in citis quadrigis, d. tenet parazonium, l. habenas & praelongam palmam; supra equos corolla, infra eisdem denarii signum conspicitur.

Affabre signatus, integerrimus. Tullia gens *patricia* fuit & *plebeia*, cognominibus variis distincta. Ex plebeiis fuerunt Deculae & Cicerones, quorum adhuc memoriam numi conseruant. Vtrum ad M. Tullii Ciceronis, clarissimi quondam apud Romanos oratoris, ex Cilicia triumphum, an potius ad M. Tullium Deculam, qui cum Cn. Cornelio Dolabella A. V. C. 1501. consulatum gessit, denarius iste referri debeat, vix determinari posse *VR SINO* visum fuit; vid. *eiussd. fam. Rom. edit. Patin. pag. 280.* Priori tamen *cel. BEGERVS* subscribit sententiae; vid. *thes. Brand. tom. II. pag. 590.* posteriori calculum adiiciunt *VAILLANTIVS* & ipse *cel. HAVERCAMPVS.* Celebre M. Tulli Ciceronis nomen, *HAVERC.* inquit, fecit vt multi hunc denarium Romanae eloquentiae parenti adscriberent. Mouit illos honor Ciceroni habitus propter res in Cilicia feliciter gestas A. V. C. 1501. *Serui Sulpicio* & *M. Marcello* consulibus, sic vt inde imperatoris titulum reportauerit, & triumphus atque supplicationes absenti decretae fuerint, prout ipse testatur in epistolis ad *Atticum lib. V. epist. 20.* ad *M. Caelium Rufum* ad *fam. lib. II. ep. 10.* & ad *Catonem, lib. XV. ep. 4.* Verum alii, idem vir summus subiungit, vetustiore iudicarunt denarium, neque posse ad M. Tullium Ciceronem pertinere. Et recte, meo iudicio. Nam, praeter vetustiore eius formam, accedit, quod in vrbe cusus fuerit denarius. Si vero ad Ciceronem & eius res gestas in Cilicia spectaret, cum nomine M.

Tullii, vt imperatoris, cufus fuiffet, eo enim nomine a militibus fuis falutatus fuit, vt patet ex adducta ad M. Coelium Rufum epiftola, in qua ita fcribit Cicero: *Nam Parthico bello nunciato, . . . litteras publice mittam.* Quodfi vel omiffus fuiffet imperatoris titulus, tamen adfcribi vox ROMA non potuit, quae teftatur in vrbe cufum numum fuiffe. Sed nec in vrbe cudi potuit in gratiam Ciceronis eiuſque victoriam; quoniam tum non fuiffet M. Tullii nomen adfcriptum, fed alterius, qui eo anno triumuir monetalis exftitiffet. Referendus itaque ad alium M. Tullium videtur hic denarius. Inter illos vero, qui Cicerone ſunt antiquiores, duo M. Tullii inueniuntur, M. Decula pater & filius. Filius conſul fuit A. V. C. IOCLXXII. & inſcribitur in Faſtis M. Tullius M. F. A. N. Decula. Vix autem determinari poſſe videtur, vtrum ad M. Tullium Deculam patrem, an vero ad filium referendus fit denarius, quum vterque Marci habuerit praenomen, vterque triumuiratum monetalem, vel quaefuram vrbanam, initium honorum habuiſſe videatur, & multae populi Romani victoriae exſtiterint; vid. *theſ. Morell.* tom. II. pag. 422. conf. *VAILL.* tom. II. pag. 487.

V A L E R I A.

373. ACISCVLVS. Caput Apollinis regis diadematum, dependentibus cincinnis, cum ſtella in vertice; poſt dei caput inſtrumentum fabrilis, acis dictum: omnia in corona laurea.

LUCIUS VALERIUS. Europa tauro veſta.

Aſper. Antiquiſſimam hanc gentem e Sabinis oriundam cum T. Tatius rege, quem a Romulo in regni conſortium adſcitum fuiſſe fertur, Romam miſſaſſe ex *Dionyſio* VRSINVS docet. In hac gente *plebeios* & *patricios* quondam exſtitiffe notum eſt. Aciculorum, Flaccorum, Catullorum, & Meſſallarum, inter quos Barbarorum quidam cognomen geſſerunt, numi conſeruant memoriam. Quemadmodum ab inſtrumento quodam fabrilis vtriusque lato & obruſo Malleoli in Poblicia gente dicti ſunt: ita a ſimili inſtru-

strumento, quod vero ab altera sui parte in mucronem desinebat, quoque saxa in latomiis caedi solebant, Acisculorum familiam cognomen assumsisse recte post perill. SPANHEMIVM docuit VAILLANTIVS. Valerios Acisculos, propter fabulosos denariorum typos, ex Graecia oriundos fuisse idem VAILLANTIVS credidit. *Caput*, quod aduersa numi pagina exhibet, idem vir celebris de Castore explicat. Quum autem Dioscuri passim pileis suis ornentur in dimidiati oui formam, respectu alterius oui, quod Laeda ex Ioue conceperat, & cuius putamen hi fratres inter se diuiserant, capite pro galea gestandum; hinc lubentius VRSINO & HAVERCAMPO accedimus, qui de *Apollinis* capite explicant. Qui saepe cincinnos capiti additos in numis habet, diadema vero ut rex; *ἀνάντος* enim nomen prae caeteris gessit; *astrum* vero eundem Apollinem cum sole docet esse. De Apolline excitandi *Mythologici Latini edid. Hieron. Commelin.* 314. *Natalis Comes* lib. III. cap. 10. *Lil. Greg.* GYRALDVS tom. I. pag. 218. sqq. & passim. *Francisc. POMEY* pag. 23. sqq. NIEVPOORT. *fest.* III. cap. I. §. XIII. *Henr. KIPPINGIVS edit. Batav.* pag. 55. sqq. Coniunxit Aciscolus cum Apolline *Europam*, Graeciae deam; quam ita venerabantur Corinthii, ut eius ossa in pompa veherentur Ellotiorum festo, ut narrat *Athenaeus* lib. XIII. *edit. Isaac. Casauboni.* pag. 678. Quis fuerit hic L. Valerius Acisculus eruditus plane incognitum est, denarii autem eius admodum affabre cusi sunt. Forte vnus fuit ex triumuiris monetalibus Augusti, qui Graecas denariis suis fabulas insculpsit, quum nobilissimis Graecorum operibus urbem suam exornaret Caesar; neque enim semper eius triumviri monetales caput Caesaris Augusti adposuerunt; vid. *thes. Morell.* tom. II. pag. 424. VAILL. tom. II. pag. 495.

374. Victoriae caput, cum humeris alatis; pone spica.

caius VALERIUS FLACCUS IMPERATOR. EX senatus Consulto.
Aquila legionaria inter duo signa militaria, quae inscriptas habent litteras H. & P. i. e. *Hostis & Principes.*

Probe signatus, elegantioris fabricae denarius. Cicero in orat. pro P. Quinctio cap. VII. Caii Flacci imperatoris meminit, quem nobilissimi antiquarii eum esse credunt, ad quem hic numus pertinet. Ex tota illa oratione pater C. Valerium Flaccum imperatorem tum in Gallia fuisse. Ibi enim P. Quinctius praedia habebat, quibus absentem illum Romae exiit Sextus Naeuius, cuius vim & iniuriam ista oratione ostendit Cicero; eius verba, quae citatum locum praecedunt, haec sunt: *Haec dum Romae . . . factum videtur.* Fuerunt autem illis temporibus duo C. Valerii Flacci, quorum alter ad consulatum alter ad praeturam pervenit. Prior consulatum gessit A. V. C. 1061. x. atque Hispaniam Citeriorem deinde sortitus, prorogato imperio, rem ibidem feliciter gessit. De illo, HAVERCAMPO iudice, Appianus loquitur, haec scribens in *lib. de bell. Hispan.* pag. 312. *Iterum rebellantes* (post cladem scilicet a Didio acceptam) *Celtiberos Flaccus eo missus, viginti millibus occisis, repressit. In Belgide autem vrbe inclinata ad defectionem plebe, cunctantem senatum vna cum curia cremavit. Superueniens Flaccus fontes supplicio adfecit.* Et huic quidem Flacco denarium adsignavit PIGHIUS. Videtur enim ob tantam hostium caedem imperator a militibus salutat^{us} fuisse. Alter Flaccus, qui praeturam non fuit egressus, is est, quem Cicero Caium Flaccum imperatorem appellat. Manet itaque in obscuro, ad vtrum ex duobus Flaccis referendi sint hi denarii. Typus, HAVERC. subiungit, in denario exhibitus exercitus victoris insignia respicit, & hastatos, principes, & triarios, quorum duo priores vexillis inscriptas habent primas nominis litteras, posteriores per aquilam designantur. *Senatusconsulti nota* confirmatum EX. S. C. victori ab exercitu datum imperatoris titulum innuit; vid. *ibef. Morell.* tom. II. pag. 426. sq. VAILL. tom. II. pag. 503. sq. PATINVS pag. 283.

375. MESSALLA SISENNA III VIR. Incudis figura.

GALVS APRONIVS A. A. A. F. F. in area S. C.

Aereus tert. mod. numus. Quatuor diuersarum familiarum hominum nomina, vt supra p. 91. audiui^{mus}, in hoc numulo VAILLANTIO con-

coniungi videntur, qui tamen non IIIviri, sed IIviri dicuntur. Huius rei ratio ab eodem VAILLANTIO exponitur, quod scilicet extra ordinem aliquis sit adiectus, atque ita triumviratus monetalis titulus quidem manserit, sed extra numerum illum aliqua de causa quartus fuerit adiectus. Sed reuera, HAVERC. addit, Apronius Galus dictus fuit, cuius hic cognomen praeponitur & tres tantum in numo sunt IIviri; vide quae in Apronia gente ad hunc numum diximus pag. 90. num. 168. conf. pag. 168 num. 250.

376. *MARCUS ANTONIUS IMPERATOR AVGUR IIIVIR REI PUBLICAE CONSTITUENDAE. MARCUS BARBATUS Quaestor prouincialis, vel percussit. Caput Marci Antonii nudum.*

CAESAR IMPERATOR PONTIFEX IIIVIR REI PUBLICAE CONSTITUENDAE. Caput Caesaris Octauiani nudum.

Asper. M. Barbatus, M. Antonii IIviri quaestor, ex Valeria gente & quidem ex Messalla familia fuit; quae, quia nimis ampla indies crescebat, plerisque cognominibus vti coacta est, ita ut ille M. Valerius Messalla Barbatus vocaretur. Hunc Antonii quaestorem male seu mendose Barbatum vocari apud *Appianum* lib. V. B. C. pag. 688. & apud *Ciceronem* in *orat. Philipp.* XIII. cap. II. VRSINVS & VAILLANTIUS existimant. Numi vero, ad quos VRSINVS prouocat, nihil definiunt, in illis enim non exstat BARBATVS, sed BARBAT. quod vtiq; aequo iure BARBATIUS quam BARBATUS integre legi & suppleri potest. Coniungitur in hoc denario Antonius cum Augusto ad communem vtriusque potentiam arguenda. Argenteus iste haud dubie illo tempore signatus est, quo triumviratum prima vice euerfores rei publicae inuaserunt; vid. Antonia gens pag. 86 num. 156. De triumviris R. P. C. consule NIEVPOORTIUM *edit. nouiss.* pag. 136.

377. *CAESAR AVGVSTVS PONTIFEX MAXIMVS TRIBVNICIA POTESTATE. Caput Caesaris Augusti nudum.*

VOLVSVS VALERIIVS MESSALLA III. VIR AUR. ARGENTO AERE FLANDO FERIUNDO. In area numi nota S. C.

Aereus sec. mod. numus. Praenomen Volusi Sabinum est, quod hic triumvir monetalis Valerius Messalla, aut ad denotandam suam ab eo Valerio, qui cum Sabinis Romam migravit, originem in hoc numismate assumsit, aut potius ei eandem ob rationem a parentibus inditum fuit. Et hic quidem cel. HAVERCAMPO ille Volesus (vtroque enim modo scribitur) Messalla esse videtur, cuius mentionem parum honestam *Seneca* & *Tacitus* faciunt. Animi enim crudelis & tyrannici fuit. Haec de illo narrat *Seneca lib. II. de ira cap. 5.* *Volesus nuper sub diuo Augusto proconsul Asiae, quum trecentos una die securi percussisset, incedens inter cadavera vultu superbo; quasi magnificum quiddam conspiciendumque fecisset, Graece proclamavit, O rem regiam! Quis haec rex fecisset? Non fuit haec ira, sed maius malum & insanabile.* Damnatum propterea sub Augusto fuisse notavit *Tacitus lib. ann. III. cap. 67.* vid. *thes. Morell. tom. II. pag. 432.* *VAILL. tom. II. pag. 510.*

V A R G V N T E I A.

378. *MARCUS VARGUNTEIUS.* Caput Romae, cum denarii nota.

ROMA. Iupiter in lentis quadrigis, utpote triumphalibus, d. palmam, victoriae symbolum gerit, l. fulmen tenet & equorum habenas.

Asper. Vtrum Vargunteia gens plebeia fuerit an patricia incertum est; patriciam tamen malunt antiquarii, quod unus ex sociis Catilinae L. Vargunteius senator apud *Sallustium*, de bello *Catilinario*, citetur. Quis hic fuerit M. Vargunteius, qui hunc numum cudidit, tam altum est apud veteres silentium; ut vix *Fulu. VRSINVS* in fragmento veteris marmoris M. Vargunteii nomen inuenerit, quod testatur in illa gente olim Marci praenomen familiare fuisse. Memorantur quidem aliquot Vargunteii apud scriptores, sed diuersi omnes ab hoc esse videntur. De L. Vargunteio, Catilinae socio, ita scribit *Sallustius*: *C. Cornelius, eques Romanus, operam suam pollicitus, & cum eo L. Vargunteius senator, constituere ea nocte paulo post cum armatis hominibus, sicuti salutatam introire ad Ciceronem, ac de improviso demi suae imparatum confedere;* reliqua.

Manet

Manet itaque M. Vargunteius nobis ignotus, quem cel. HAVERCAMPVS ex proavis L. Vargunteii senatoris, & triumvirum monetalem fuisse iudicat, quum hunc Romae signarit denarium. *Iupiter Triumphator* in auersa numi parte exprimitur, ob insignem aliquam illo anno a populi Romani hostibus relatam victoriam. Iouis Triumphatoris laeua fulmen & habenas, dextra palmae ramum gerentis ornatum probe notandum esse HAVERCAMPVS monet. Idem enim est ornatus in simili plane Domitiae gentis numo, quem pag. 142. num. 227. exhibuimus. Et hinc idem vir celebris suspicatur illum Cn. Domitium, de quo l. c. egimus, triumvirum monetalem fuisse vna cum nostro M. Vargunteio. *Quadrigae triumphales* a quadrigatis denariis vtique h. l. distinguendae sunt: illae exhibentur cum equis lento passu gradientibus, vt moris erat pro triumpho; hae vero decurrentes, vt bigae solent exprimi; vid. *thes. Morell.* tom. II. pag. 432. sq. *VAILL.* tom. II. p. 522. *Fulu. VRSINVS in gente Vargunteia.*

VERGINIA VEL VERGILIA.

379. Caput Iani bifrontis laureatum & barbatum.

CARVILIUS. OGVLNIUS. VERGILIUS. Proranauis.

Quoniam tria haec nomina in tribus familiis locum postulant; hinc assem hunc iam in Caruilia gente pag. 103. vt & Ogulnia pag. 222. descripsimus. Verginia siue Virginia gens, pro qua hic Vergiliam mauult MORELLIVS, *plebeia* fuit.

VETVRIA.

380. *Tiberius VETURIUS.* Caput Virtutis galeatum, cum solita denarii nota.

ROMA. Duo viri stantes l. hastas, d. tenent bacillos, quibus porcam tangunt, quam in illorum medio vir, altero pede ingeniculatus, sinu tener.

Haud obuium hunc denarium esse HAVERCAMPVS asserit. Veturiam gentem fuisse antiquissimam testatur Veturius ille faber, qui, *Plutar-*

Plutarcho teste, sub Numa Romanorum rege floruit; *Vetusa* a *vetus* in initio dicta fuit. Disceptatum fuit apud antiquarios, vtrum hic denarius ad Veturiam an ad Veriam gentem referendus sit; dein vtrum foedus inter Tatium & Romulum, an inter Tullum Hostilium & Albanos; an denique aliud quoddam foedus vel factum innuatur. Dubitationem de gente connexae litterae *vet.* faciunt, quae & *vettios* & *veturios* designare possunt. Consuluit hac de re *MORELLIVS PERIZONIUM*, qui in *dissertationum triade* Veturiam illustrauerat gentem. Mentio fit, *cl. MORELLIVS* inquit, gentis Veturiae, qua occasione simul in mentem venit, numos huic genti attributos verisimilius spectare ad gentem Vettiam, idque ex eo, quod vtraque iisdem initialibus vtatur, & figurae in auersa parte foedus inter Romulum & Tatium denotantes, potius ad Vettium pertineant, qui mortuo Romulo interrex fuit; cuius rei memoriam sine dubio quidam ex Vettiis hisce numis conservare voluerunt. Illud tamen contra *VR SINVM* adfirmare non auisim sine peritiorum approbatione. Caeterum non praetermittendum est, in huius gentis Vettiae numo exprimi *T. VETTIVS*, vt bene obseruauit *VR SINVS*, in Patini vero editione litteram *T*, qua ex causa nescio, perperam omitti. Haec *MORELLIVS*. Celebris idem antiquarius hanc longius prosequitur telam apud *WOLTERECKIVM* pag. 49. Plura ad hunc numum ex *PERIZONII dissert. triade* commentario in thesaurum Morellianum inserta sunt, quo peritum lectorem ablegamus. Inquirendum quo tempore numus noster signatus videatur, vt constet de tempore, quo vixerit ille, qui denarium signavit, Tiberius Veturius. Iam supra in *Fusia* & *Mucia* gente insignes denarias cusos fuisse ostendimus, postquam conuenerat inter Romanos & Italiae populos, vt ius suffragii hisce daretur, propter quod funestissimum bellum, cum inter necione exercituum, urbium, virorum ab vtraque parte illustrissimorum, mouerant Itali, & pertinaciter gesserant. Huius generis, vt iam monuimus, numus est gentis Fusiae atque Muciaae, in quo *Honoris* & *Virtutis*, adscriptis nominibus, capita iunguntur, Ro-

mae quoque & Italiae nomina adscribuntur, atque honos quidem Italiae accessisse cognoscitur propter ius ciuitatis adeptum, sed tamen quasi succubuisse statuuntur Itali Romanae virtuti. Hinc *Virtutis* solius caput in hoc denario, quem Romae in ciuium suorum gratiam signauit Tiberius Veturius. Addi hisce merentur, quae prolata sunt ad dictum Fusiae & Muciae gentis denarium, pag. 163. & pag. 216. sq. atque quae ad alterum gentis Farsuleiae numum, pag. 155. sq. diximus, in quo Roma victrix & galeata, vt ipsa dea Virtus, hominem Italum, gentis vniuersae typum, toga, symbolo ciuitatis, indutum, in bigas, quibus insistit ipsa, recipit. Itaque, HAVERCAMPVS addit, sicuti ante contra Romam coniurauerat vniuersa fere Italia, vnde praecipuae gentes per octo viros exprimuntur in denariis illis, qui inter Incertos collocantur, foedusque porca adhibita faciunt; sic coeuntes in foedera Roma atque Italia in hoc numo eodem fere modo adhibita *porca* amicitiam veterem renouant. Et Romana quidem res publica per *Sullam* hic depingi mihi videtur, Italia vero per *virum barbatum*, quod antiquior Roma ipsa fuerit Italia. Haec HAVERCAMPVS. Cel. BEGERVS eodem hoc typo foedus Tulli Hostilii cum Albanis exhiberi existimat; vid. *ibef. Brand. conf. eiusd. obseru. & coniectur. in antiqu. numism.* pag. 22. *Fulu.* VRSINVS ad pacem inter Romulum & Sabinos denarium hunc respicere autumat; VAILLANTIVS autem ad foedus inter Romanos & Ligures auersam numi paginam spectare suspicatur. Pactis foederis initiis, fecialis, quam erat mactaturus, porcarn accipiebat, & eam, ad securius tenendam manibus, genuflexus constringebat, hinc & inde pacis legatus, cum baculo bestiae superimposito, se foedera seruaturum iurabat. Quo facto, fecialis, populum, aiebat, illum ferito Iupiter, vt ego hunc porcurn hodie feriam, tantoque magis ferito, quanto magis potes, pollesque: id vbi dixit, porcurn silice percutit; caet. ex *Liuius*; vid. *ibef. Morell. tom. II. pag. 438. sqq. VAILL. tom. II. pag. 533. Fulu. VRSINVS edit. Patin. pag. 289. sq. conf. NIEVPOORT. edit. nouiss. pag. 261.*

V I B I A.

381. Caput Bacchi, vel potius deae Liberae, hedera & corymbis decorum.

caius VIBIUS VARVS. Ara cum imposita persona scenica; adponitur thyrsus adfiliante ad aram panthera siue tigride.

Eleganter signatus. Vibia gens plebeia fuit, pluribus cognominibus illustris; in numis Vari tantum occurrunt & Panfae, Marisque. Cl. VAILLANTIVS: Hic denarius, inquit, C. Vibium ad aedilitatem curulem peruenisse demonstrat: nam haec sunt Liberi & Liberae ludorum symbola. *Liberae* ipsius *imago* in anteriore illius parte exhibetur; *hedera coronatur*, quod haec planta contra vini furorem prodest. In auersa parte *ara*, sacra Libero Liberaeque facta ante ludos, denotat. *Thyrsus*, Bacchi insigne, hasta erat aculeata, hedera contexta, mucrone acuto. *Panthera* Libero comes & sacra erat, de quibus vide *Pbornutum*, de *not. deorum*. *Persona*, quia ludi illi erant Scenici. Hactenus VAILLANTIVS. Ad aedilitatem Vari, de qua nullam scriptores mentionem faciunt, numum hunc haud pertinere HAVERCAMPVS monet; omnes enim, quum quatuoruir monetalis esset, Vari istius denarios signatos esse idem vir cl. nos edocet. Adludit, inter alia vir cel. inquit, ad sacra Liberi, quae quum primus Romam transtulerit Caesar, primus quoque edidisse videtur C. Vibii Vari pater C. Vibius Panfa, eo tempore aedilis curulis. De Caesare testatur id aperte *Seruius* ad *Virgilianos* hosce Versus *Eclog. V. vs. 29.*

Dapnis & Armenias curru coniungere tigres

Instituit, Dapnis thiasos inducere Bacchi,

Et foliis lentas intexere mollibus hastas.

Ad quae verba haec scribit *Seruius*: Hoc aperte ad Caesarem pertinet; quem constat primum sacra Liberi Patris transtulisse Romam. Versus *Virgilianos* illustrant *tigres & thyrsus* in numo. *Persona scenica* denotat ludos theatrales sacris festis Cereris Liberi Liberaeque exhibitis. *Ara* ad deam Cererem spectat, cui sacrificari sue

sue solebat, quae prima mori victima meruit, iuxta *Ovidium lib. Metam. XV. vs. 112.*

Quia semina pando

Eruevit rostro, spemque interceperit anni.

Inde ante pedes Cereris in quibusdam Vibiae gentis denariis cernitur. Quod vero filius C. Vibii Pansae consulis, Vari, non Pansae, habuerit cognomen, mirum videri non debet, quum multa eius rei exempla conquiri possent; vid. *thes. Morell. tom. II. pag. 442. VAILL. fam. Rom. tom. II. pag. 547. PATINVS pag. 291.*

382. PANSÆ. Caput Apollinis laureatum, ante quod flos monetariorum signum cernitur.

caius VIBIVS caii filius. Minerua in citis quadrigis, d. tropaeum gerit, l. hastam & equorum habenas.

Ob victoriam de M. Antonio a consulibus Aulo Hirtio & C. Vibio pansa relatum denarium hunc signatum esse HAVERCAMPVS iudicat. In eo autem procul dubio exprimi Pansa voluit gestos antea per se honores, videlicet praeturam; ut praetor enim vrbani, curauerat ludos Apollinares, quapropter *Apollinis caput* in priori denarii parte cernitur. *Minerua tropaeophora* in auersa signata videtur propter studium Pansae; fuit enim eloquentiae & artibus liberalibus, una cum collega Hirtio, in primis deditus. Cl. VAILLANTIVS posticam numi paginam itidem ad Pansae scientiarum cultum refert; in antica autem Iouis Axuris, in Campania culti, imaginem agnoscit, quam ad denotandam Vibiorum ex Campania originem expressam esse celebris antiquarius credidit; vid. *VAILL. tom. II. pag. 538. sq. conf. thes. Morell. tom. II. pag. 443.*

383. PANSÆ. Persona scenica, quae Sileni caput exhibet, post illud tibia cernitur.

caius VIBIVS caii filius caii nepos. IOVIS AXVRIS. Statua Iouis Axuris, siue Anxuris, sedentis, corpore feminudo, capite lauri foliis ornato, d. pateram tenet, l. hastam.

In plurimis familiarum Romanarum numis eius familiae patria indicari solet cuius est denarius, & plerumque numine aliquo patrio, quod ibi prae caeteris colebatur, patria illa indicatur. In Iunone Lanuina aliisque id plus semel vidimus, quin & in Iouis Axuris effigie & capite non vna familia illud indicavit. Colebatur vero Iupiter Axur, eiusque soror virgo, quae Feroniae nomen pro Iunone gerebat, apud Campanos, ut pluribus ad hunc numum docuit doctissimus *Fulvius VRSINVS*; vid. *eiusd. famil. Rom. edir. Paris.* pag. 293. sq. *Io. HARDVINVS* in *Plinio suo* ad lib. III. pag. 153. negat Iouis Anxuris vel Axuris mentionem in postica denarii parte fieri, aliamque, certe ineptam, litteras singulares captans effingit sententiam. *Persona scenica*, quae Sileni est, ad Liberalia spectat, celebrata quondam sub Iulio Caesare ab aedili curuli C. Vibio Pansa, nunc consule. *Tibia* itidem ad Liberalia respicit; vid. *thes. Morell.* tom. II. pag. 444. *VAILL.* tom. II. pag. 542. conf. *Const. LANDI select. num.* pag. 89. sqq.

384. PANS. Caput deae Liberae hedera & corymbis redimitum.

caius VIBIUS caii filius caii nepos. Ceres, utraque mafaces accensas gerens, capite spicis coronato, festinat; ante pedes aratrum.

Aduersae typum antea exposuimus. In auersa Ceres *πρωτόγεος*, filiam Proserpinam quaerens, festinat. De raptu Proserpinae consulendi *Natalis Comes*, lib. III. cap. XVI. & lib. V. cap. XIII. *Francisc. POMEY* pag. 210. sq. *Lil. Greg. GYRALDVS* tom. I. pag. 194. & alibi. *Aratrum* Cereris inuentum esse crediderunt. A Vibio Pansa & Liberae & Cereris ludos celebratos esse denarius iste indicat; vid. *thes. Morell. loc. cit.* *VAILL.* tom. II. pag. 541. *VR-SINVS loc. cit.* sq. conf. *OVZELII thes. antiqu. numism.* pag. 305.

V I P S A N I A.

385. CAESAR AVGVSTVS. Caput Augusti laureatum.

MARCUS AGRIPPA. PLATORINVS IIIVIR. Caput M. Vipsanii Agrippae corona rostrata & turrata insigne.

[*Asper-*

Asperrimus, rarissimus, quem tab. V. num. VIII. affabre aeri incisum offert. Cel. Andr. MORELLIVS & cl. *Euchar. Gottl. RINCKIVS* septimo apud VRSINVM Vipsaniae gentis denario, qui a nostro tantum inscriptione differt, *triginta thalerorum pretium* constituunt. Quum autem perinsigne istud numophylacii SCHVLTZIANI κεμήλιον haud dubie nondum vulgatum sit; claret rarissimis familiarum Romanarum denariis argenteum hunc adnumerandum esse. Hinc facile colligi doteft, quanti circiter denarius iste aestimandus sit. *Putant enim, passim laudatus cl. Euchar. Gottl. RINCKIVS* inquit, *antiquarii aequitate nisi, rarissimi numi, cuiuscunque sit aestimationis, pretium iustum esse 50. thalerorum; vid. eiusdem de vet. numism. pot. & qualitate lacubratio* pag. 176 & p. 180. Vipsania gens, cuius frequens in veteribus monumentis fit mentio, equestris sed *plebeia* fuit. M. enim Agrippam, ad quem pertinent hi numi, ex familia equestri ortum esse *Corn. Nepos in Arzico* commemorat. Praeter *coronam rostratam*, quae in aere semper fere caput Agrippae exornat, emicat hic quoque *corona muralis*. Rostrata illi ob victorias nauales concessa fuit, muralis propter motus in vrbe sedatos, quum illum Romam misisset Augustus, vt fui vice ibi res tranquillas redderet, vt ex *Dionis lib. LIII. recte monet VAILLANTIVS. Nibilo sedatius res acta est, sed tantum denovo factionum ac turbarum exstitit, vt vix tandem Lepidus consul creatus fuerit. Quae Augustus moleste ferens, quum neque soli Romae vacare posset, neque eam sine gubernatore relinquere auderet, de praeficiendo ei aliquo cogitans, Agrippam ad id aprissimum esse indicauit: plus tamen ei maiestatis addendum ratus, quo facilius urbem regere posset, uxore eum sua (quanquam haec sororis Augusti filia erat) repudiata, Iuliam ducere iussit: ac continuo Romam misit ad nuptias peragendas, urbisque administrationem suscipiendam: quod vt faceret, praeter alia etiam Maecenatis eum dictum mouerat, qui consultus hoc de re, T. nuntum, inquit, Agrippam iam fecisti, vt vel gener tuus fiat vel occidatur necesse sit. Agrippa, quum turgescentes adhuc motus in vrbe inuenisset, omnia sedauit. Refert haec*

Dio ad A. V. C. Icccxxxiii. Adparet hinc cur fuerit Augustus, ut imago Agrippae cum sua in numis signaretur; videtur praeterea cusus fuisse perinsignis iste denarius post tumultus in vrbe sedatos & honores Agrippae propterea ab Augusto habitos. Tandemque ex eodem *Dionis* loco colligitur M. Platorinum, qui ex altera numi parte socerum Augustum laurea, ut perpetuo hostium victorem, & M. Agrippam generum duplici corona, nempe rostrata, quam iam ob Sextum Pompeium deuictum gerebat, & murali, ob motus in vrbe compressos, illustrem expressit, per plures annos & forte simul cum Cossio Lentulo Augusti triumvirum monetalem fuisse. Idem enim iste Platorinus A. V. C. Icccxxvi. tertium Vipsaniae gentis signauit denarium, hunc autem circa A. V. C. Icccxxxiii. cudit sine dubio itaque per octo solidos annos hoc magistratu functus est; vid. *rhcf. Morell.* tom. II. pag. 450. sq. *VAILL.* tom. II. pag. 557. *PATINVS* pag. 298.

386. *MARCUS* AGRIPPA *LUCII FILIUS* consul iii. Caput Agrippae corona rostrata insigne.

senatus consulto. Neptunus cum strophio, dextra tenens delphinum, laeua tridentem.

Optime seruatum, firma aerugine conspicuum, sec. volum. numisma. Consul tertium fuit M. Vipsanius Agrippa cum Caesare Augusto VII. A. V. C. Icccxxvi. vel Icccxxvii. diuersimode enim Fasti Capitolini aliiue numerant. Quo anno Augusti nomen recepit Caesar die Ianuarii XVII. & rei publicae constituendae potestatem in decem annos accepit. Eodem anno aeream hanc monetam signatum esse *VR SINVS* existimat; *VAILLANTIVS* nouem autem post annis, videlicet A. V. C. Icccxxxv. ex senatusconsulto eandem cusam esse credidit. Non solum itaque in argenteis triumvirorum Augusti denariis Agrippae caput exhibetur; verum illius effigies iam & in aereis iussu senatus percussis numis prodit. Qua vero occasione ipsi cusi sint numi idem celebris antiquarius nos edocet. Non sane, vir cl. inquit, ad indicandam naualem de Siculis & Sex. Pom.

Pompeio victoriam, ob quam ille rostrata corona, quam praefert, donatus est, ut quidam arbitrantur. Inscriptio COS. III. repugnat, tunc enim tantum consulatum primum inierat, & tantum tertium gessit A. V. C. ICCCXXVI. quum diuisio prouinciarum cunden- daeque monetae inter Augustum & senatum facta est, nempe ut aurea ac argentea Caesaris esset, & aerea penes senatum maneret: unde in ea deinceps S. C. nota. At observandum, quando in argenteis & aureis denariis occurrit EX S. C. non ideo senatus illos percussit, sed quod exhibetur, opus habuit senatusconsulto, quando percussum. Hanc igitur Agrippae effigiem, VAILL. addit, senatus signauit, postquam A. V. C. ICCCXXXV. tribuniciam potestatem accepit Agrippa, ex *Tacito* lib III. Nam Augustus illud summi fastigii vocabulum repperat, ne regis, aut dictatoris nomen assumeret, tamen adpellatione aliqua caetera imperia praemineret: cuius potestatis socium quum illum fecisset Augustus, non dubitauit senatus eius nomine numos cudere. *Neptunus* in Agrippae numis videtur selectus, quod ipsi semper fuerit propitius. Nam apud Mylas primo Sextum Pompeium, qui se Neptuni filium adpellabat, profligauerat, & iterum ad Naulochos vltimo sane praelio illum superauerat, tandemque in pugna nauali Actiaca praefectus classis Caesaris, M. Antonium & Cleopatram ingenti strage deuicerat. Quamuis metus haud esset, ut tot millia in honorem Agrippae quotannis signata interciderent numismata; tamen Titus Caesar, inter imperatores, quorum restituit numos, & Agrippae virtuti quoque illum honorem habuit. Domitiani in hoc idem quod Tiro studium fuisse eius restitutiones testantur; vid. *thes. Morell. loc. cit.* VAILL. tom. II. pag. 559. PATINVS *loc. cit.*

V O C O N I A.

387. Caput Iulii Caesaris laureatum.

quintus VOCONIVS VITVLVS *quaestor* DESIGNATUS. *Senatus*
Consulto. Vitulus stans.

Asper serratus, rarissimus; vid. VAILL. *praest. imp. Rom. numism.* tom. II. p. m. 6. *Insignis huius denarii typum tab. V. num. VIII.*

con-

conspiciendum sistit. Voconia gens *plebeia* fuit, siquidem Q. Voconius Saxa legem tulit de coercendis mulierum hereditatibus. *Fulu.* VRSINVS Caesare adhuc viuo denarium hunc signatum esse autumat. VAILLANTIVS autem extincto Iulio, & quidem anno sequente post cruentam eius mortem, numum cūsum esse contendit. Cel. HAVERCAMPVS hanc etiam amplectitur sententiam, eamque ex aliis huius gentis denariis, in quibus aut DIVI IVLII inscriptio cernitur, aut caput Augusti barbatum, ut in luctu, occurrit, corroborat. A Voconio Vitulo itaque, ut quaestore designato, ex senatusconsulto, post Caesaris necem elegans iste argenteus signatus est, quum videlicet, ob luctum Iulii Caesaris, a percussoribus peremti, barbam alerent triumviri; vsque quo poenas de percussoribus sumfissent. *Vitulus* ad designandum cognomen vituli, & illud hoc symbolo illustrandum, in postica numi parte exprimitur; vid. *ibes. Morell.* tom. II. pag. 454. VAILL. tom. II. p. 569. sq. PATINVS pag. 299. sq.

388. CNEUS VOCONIUS S. T. P. Caput Augusti laureatum.

CNEUS FVLVIUS CNEI scil. filius. Bos supra quem luna crescens.

Aereus rudioris fabricae numus, incertis adnumerandus; vid. p. 165.

V O L T E I A.

389. Caput Liberae hedera & corymbis redimitum.

MARCI VOLTEI MARCI FILII. Ceres, draconum bigis vecta, utraque manu facem tenet, post currum vasculum ansatum cernitur.

Cel. HAVERCAMPVS plerosque quidem variis monetariorum notis distinctos denarii huius typos recenset; in quibus tamen *nostrum haud offendet.* VRSINVS & cel. HAVERC. dubitant, gens Volteia utrum patricia an plebeia fuerit. VAILLANTIVS plebeiam eandem fuisse suspicatur. Ad Vibii Pansae numos iam dictum est Liberalia Romae a Caesare fuisse instituta, & aedilem eo tempore ipsum Pansam fuisse. Collegam forsā habuit Volteii huius patrem,

trem. Prior itaque numi pagina quae *Liberæ caput* exhibet ad Liberalia, quae edidit, spectat, posterioris paginae typi Cereris ludos respiciunt, de quibus *Cicero orat. X. in Verrem cap. XIII. edit. Gronov. pag. 365. Nunc sum, inquit, designatus aedilis: habeo rationem, quid a populo Romano acceperim: mihi ludos sanctissimos maxima cum caeremonia Caereri, Libero, Liberaeque faciundos*; reliqua. Varie veteres Cererem filiam Proserpinam quaerentem depingunt. Nam in Vibiae gentis denariis aut pedestris est illa dea, vtraque manu faces accensas gerens; aut currui a draconibus tracto insistit, atque altera manu facem tenet, altera regit habenas: in hoc autem denario habenae ad ipsas bigas sunt religatae, quasi ultro properarent dracones, & iniussi deam quo vellent veherent; vid. *thes. Morell. tom. II. pag. 455. sq. VAILL. fam. Rom. tom. II. pag. 573. PATINVS pag. 301.*

NVMI INCERTARVM FAMILIARVM ARGENTEI.

390. ROMA. Caput Romae alata galea ornatum, cum den. nota. *sine epigraphe.* Roma spoliis infidens, laeva hastam tenet, augurium captat inter geminos vultures; ante pedes est lupa cum gemellis.

Optime conservatus. Eo tempore, HAVERCAMPVS ait, quo bellum Sociale in Italia exarsit, populi coniurati varii generis numos signauerunt, ut patet ex tertio & quarto huius tabulae denario; in tertii enim numi typo ipsum foedus & coniurationem expresserunt, in quarti vero signarunt iniuriam, quam a Roma vrbe, non ut focia, sed domina patiebantur. Eiusmodi denarios quum vidissent Romani, non armis tantum sed & numorum typis contra Italos vsi sunt, atque suam prae omnibus Italiae ciuitatibus praerogatiuam in hoc denario expresserunt: imperium videlicet summum, quod *Romulo auguria captanti vultures* significarant. Per *Lupam* praeterea, Martem, parentem conditoris sui, iactant, per

P p *spolia,*

spolia, quibus Vrbs insidet, continuas toto orbe victorias, & denique per *alam, galeae* seu capiti *additam*, claritudinem Urbis, Italiae & terrarum principis. Haec HAVERCAMPVS; vid. *eiusd. comment. in thes. Morell.* tom. II. pag. 460. Multo aliter *Fulvii* VRSINI sonat interpretatio; vid. *eiusd. fam. Rom. edit. Patin.* pag. 306.

391. Caput Iani bifrontis inberbe & laureatum.

ROMA. Iupiter in citis quadrigis, d. tenet fulmen, l. vestis laciniam cum sceptro; pone Iouem stat Victoria habenas equorum tenens.

Integerrimus. Dolendum est, quod triumvir monetalis non adscripserit nomen suum, neque certi esse possumus, quo tempore hic numus cusus fuerit. Cel. HAVERCAMPVS tria ad hunc denarium observavit momenta. Tria, vir summus inquit, numus habet singularia, uti ex meo mihi observare licuit. Praeter typi enim praestantiam notandum venit duplo fere maiorem & ponderosorem esse hunc numum, quam denarii vulgares esse solent; deinde, mox addit, litteras ROMA, quae sub quadrigis scribuntur, non exstantes, ut vulgo solet, signari, sed ita, ut sigilli in morem ipsi numo sint insculpti, exstantes vero fuerint in matrice. Haecenus cl. HAVERCAMPVS, cuius observationes in elegantissimum hunc denarium haud quadrare videntur: neque enim numus iste tantae magnitudinis, neque tantae molis est; licet vulgares denarios aliquantum superet. Litterae quoque exstantes sunt, non incisae. In familia Pompeia similis fere Iani facies occurrit; hinc, nisi obstarer vox ROMA, quae docet Romae signatos fuisse numos, denarium hunc ad eandem gentem pertinere non dubitarem, ut, sicuti asses Pompeianos cum Iani bifrontis capite in Sicilia signavit Sextus, in quorum quibusdam caput Cnei Pompeii geminum pro Iani effingitur capite; ita quoque denarios vulgares signaverit idem Sextus, & in iis patris victorias expresserit. Verum, uti iam monuimus, vox ROMA huic sententiae repugnat, atque ita nos de tempore & auctore incertos relinquit; vid. *thes. Morell.* tom. II. pag. 465.

392. Caput Romae galeatum, cum denarii nota.

ROMA. litteris inuerso ordine positis. Victoria in citis quadrigis, dextram lateri accomodat, sinistra prae-longam palmam & habenas tenet; sub equis litt. X. denarii signum.

Ad insignem hunc quadrigatum, qui haud dubie *nondum vulgatus* est, ea fere notanda veniunt, quae praecedenti numo HAVERCAMPVS subiunxerat. Nam non tantum solito maior est; verum etiam tum caeteros familiarum Romanarum denarios, tum antecedentem pondere superat. Quumque insuper duplicem numus iste denarii notam exhibeat, coniecimus hinc argenteum hunc duos quondam valuisse denarios. Numus iste, propter similitudinem cum typo, quo Tulliae gentis denarii insigniti sunt, sine dubio ad Tulliam familiam pertinet; vid. pag. 281. num. 372.

393. Caput Veiovis laureatum, subtus fulmen est.

Iupiter in citis quadrigis, d. fulmen tenet, l. habenas.

Asper. HAVERCAMPVS ad familiam Sentiam numum hunc refert.

394. Caput Romae galea alata decorum, cum denarii nota.

ROMA. Dioscuri in equis solito more hastati.

Ex antiquioribus denarium hunc esse constat; ad quam verogentem referendus sit, nullo modo cognosci potest.

AEREA VRBIS ROMAE NVMISMATA.

395. Caput Iani bifrontis, barbatum & laureatum, cum assis nota.

ROMA. Prora, in cuius summo naus gubernaculum, quod vultur e caelo deuolans petit.

Assis, qui decem nostrates drachmas notabiliter excedit pondere; patet hinc paullo ante Hannibalis tempora numum hunc Romae signatum esse. Docet enim *Plinius*, bello Punico primo, quum impenlis non sufficeret res publica, imminutum fuisse assis

pondus, constitutumque ut sextantario pondere ferirentur. Postea autem, urgente bello Hannibalis, Q. Fabio Maximo Dictatore, factos fuisse vnciales.

396. Idem Iani barbatum & laureatum caput, cum assis nota.
 ROMA. Nauiis prora, ad latus littera I. longior ac densior per obliquum posita, in prorae summo corolla & aquila legionaria.

Assen hunc, pariter ut praecedentem, inter Morelliana urbis Romae numismata frustra quaeres. Mole equidem & magnitudine numus iste superatur ab antecedente, vnciam tamen ad stateram exactus paene vincit; apparet hinc circa bellum Punicum secundum eundem signatum esse. *Athenaeus* lib. XV. pag. 692. huius & praecedentis numismatis typum ita illustrat: *Ianum fama est bisfrontem fuisse, altera facie posteriori, anteriore altera: Ianum flumen, Ianumque montem ab eo fuisse nominatum, quod in eo monte habitauerit: coronas illum reperisse, nauigio, rates: numum aereum ab illo primo signatum: qua de causa ciuitates in Graecia multae, Italia, & Sicilia, monetam cudunt impressa bicipiti facie, & ex altera parte, vel rate, vel nauigio, vel corona.* Cel. Lipsiensium antiquarius, *Io. Georg. WACHTERVS*: Mutato, inter alia inquit, aeris antiqui pondere, signum quoque impressum mutari conueniebat. Itaque noui asses non amplius pecude ab vtraque parte, ut priores, sed hinc capite *Iani bisfrontis*, inde *nauigio* vel *rate* signabantur. Causa signi, paullo post vir doct. addit, quae ab initio nemini ignota fuit, progressu temporis in obliuionem venit. Inde factum, ut multi hoc genus aeris ab ipso Iano vel regni eius socio Saturno percussum crederent. Quamuis autem iam Augusti aeuo dubitatum sit, quae ratio mouerit maiores, bello Punico implicitos, cur has potius notas quam alias, assibus suis imprimerent, ut ex quaestione ea de re Iano ab *Quidio* proposita liquet,

*Multa quidem didici, sed cur naualis in aere
 Altera signata est, altera forma biceps?*

certum

certum tamen est, neminem tunc de nouitate signi dubitasse. Id quod etiam ex responso, quod ibi a deo datum Poëta simulat, manifestum est,

*At bona posteritas puppim signauit in aere,
Hospitis aduentum testificata dei.*

Forma naualis, nobilissimus idem antiquarius subiungit, quam in asse conspiciamus, non est nauigium Saturni; sed insigne ipsius Romae. Et alio loco: Cum nauigium, ait, sit insigne ipsius Urbis, conueniens erat, hac superficie capita conditorum Urbis repraesentari; vid. cl. WACHTERI *archaeol. numar.* cap. X. §. XX. sqq.

397. INVICTA ROMA. Caput Romae galeatum.

Sine epigraphæ. Aquila respiciens & alas pandens, sub-
tus littera A. & ad latus numerus XL.

Sec. mod. numisma, quod cel. HAVERCAMPO eo tempore cum esse videtur, quo Gothi Italiam possidebant. Talis enim, vir cl. inquit, vestitus Romae obseruatur in numulis illis, qui ab altera parte regum Gothorum nomina inscripta habent. Littera A. non annum regni Gothici in Italia significat, verum ad matrices est referenda; in aliis enim litteram Γ. in aliis E. obseruarunt eruditi. *Aquila* procul dubio Romanum denotat imperium; vid. *Carol. PATINI imp. Rom. numism.* pag. 2. conf. *ibid. Morell.* tom. II. pag. 475.

398. Caput Mercurii cum petaso, desuper duo globuli.

ROMA. Prora nauis, in ipsa puppe, praeter duos nauigantes, claua Herculis cernitur; adsunt iidem globuli.

Hic numus fere vnciam appendit. *Claua*, Herculis cultum respicit. Aereum hunc & illum, quem mox subiungam, ab initio vnam vnciam & duas drachmas aequasse cel. WACHTERVS existimat; vid. *eiusd. archaeol. numar.* pag. 135. *Duo illi globuli ponderis sunt indices.*

399. ROMA. Picus Martius, ex cuius rostro cubicum quid dependet; post picum duo globuli cernuntur.

Lupa Romulum & Remum lactans, subtus similiter
duo globi sunt.

Nobiliori aerugine conspicuum numisma, quod itidem paene octo drachmas vincit. Sagacissimus veteris aeris interpres, cl. *Erasm. FROELICHIVS*, huic & praecedenti simillimos ex *museo Granelliano* asses protulit; vid. *eiusd. animadvers.* pag. 59. Vtriusque paginae typus, & numismatis moles prohibent, ut haud cum cel. *HAVERCAMPO* in eandem sententiam loqui possimus. Constanti-nopoli enim numum hunc signatum esse vir doct. credidit, & *globos* hosce non ad notam aliquam ponderis referendos esse, sed ad orbem orientem & occiduum, qui sub Constantino Magno Romanae parebat aquilae atque Romuli posteritati. *Figuram* illam *cubicam*, quae ex *avis rostro dependet*, stellam esse idem vir celebris asserit, eamque de claritate eiusdem imperii explicat, & simul typum Romae novae, ut stellae prae caeteris lucentis, agnoscit. Haec sunt fere illa, quibus cel. *HAVERC.* hunc explicavit numum. Meam nunc coniecturam subiungam. In descriptione praecedentis numismatis, quod etiam duobus globis insignitum est, ipse vir summus, a quo dissentire me profiteor, affirmat circulos aut globulos illos ponderis esse indicium; & hinc coniicio hos circellos in utraque numi pagina conspicuos hic itidem ponderis esse notas. Quoniamque, ut iam indicavimus, numi isti magnitudine & mole conveniunt; colligimus hinc eodem fere tempore Romana haec signata esse numismata. Et quum numus praecedens antiquiore sine dubio liberae rei publicae Romanae aeuo cusus sit; patet hunc quem explicamus, itidem antiquum veteris Romae numum esse, adeoque nequaquam demum sub Constantino Magno signatum. Sunt itaque re vera globi illi ponderis & non duplicis Constantini imperii symbola. Aquilam praeterea in adversa numi parte expressam esse *HAVERCAMPVs* autumat; nos vero picum egregie effectum hic agnoscimus. Stellam denique talem quatuor tantum radiis fulgurantem, quam ex viri clar. sententia quadrangularis illa figura, quae ex pici rostro pendet, adumbrat, nec in
numis

numis neque in aliis picturis vnquam obseruauimus. Omnia hinc, quae in hoc numismate occurrunt, symbola ad denotandam populi Romani originem expressa esse suspicamur. De Romulo & Remo fabula lippis & tonsoribus notissima est; ea igitur tantum exponam, quae h. l. obscuriora videntur. A pico & lupa, quae animalia Marti sacra erant, gemellos, qui in postica numi parte ex lupae vberibus pendent, nutritos esse fabulosa commemorat antiquitas. Hinc *picus*, ex cuius rostro alimenta ad sustentandos gemellos pendent, aduersam occupat; lupa vero, quae vbera ad-mouet infantibus, auersam sibi vindicat; vide quae supra pag. 238. num. 333. in medium adduximus; conf. *Florus* BEGERI p. II. sqq.

400. Caput Iouis Capitolini laureatum, cum littera S. semissis nota.

ROMA. Nauis cum semissis nota.

Numisma, quod quinque drachmas quam proxime exaequat. Varii inueniuntur ponderis semisses, pro ratione imminutae monetae.

401. Caput Apollinis laureatum; pone litt. S.

ROMA. Prora nauis.

Hic numus itidem quinque drachmas nostrates paene appendit.

402. Caput Romae galeatum, cum stipsis nota.

ROMA. Prora nauis, adsunt nauigantes, in imo stipsis nota.

Firma aerugine conspicuum numisma, quod quatuor drachmas pondere assequitur. *Stips* passim per vnum globulum significari solet.

403. Idem fere affabre signatum numisma.

Praeter nauis proram, nauigantes, & stipsis notam, auersa Herculis claua insignitur, mole ab antecedente superatur.

404. Idem optime conseruatus numus, qui infra tres drachmas subsistit.

405. Ca-

304 AEREA VRBIS ROMAE NVMISMATA.

405. Caput Mercurii cum petaso.

ROMA. Prora navis, cum duobus nauigantibus.

Drachmam & dimidiam aereus iste vincit.

406. Idem numus, qui paullo leuior est.

407. Idem numus, insuper claua Herculis insignitus.

408. Idem typus in minori pereleganti numulo.

ALTERA NVMORVM CONSVLARIVM SERIES.

A C I L I A.

409. Caput Apollinis laureatum, pone quod lyra cernitur.

MANIUS ACILIUS III VIR. VALETUDO. Mulier stolata stans, d. serpentem ori admouens, s. columnae innititur.

Asper, rarissimus, cuius typum supra pag. 73. contemplandum exhibuimus. Ad anticam numi paginam quod adinet, denarius iste differt tum ab illo, quem ad eandem hanc gentem in priori consularium numorum serie exposuimus, tum ab omnibus adhuc vulgatis Aciliae gentis denariis; hinc merito perraris numum hunc adnumerandum esse coniicimus.

A E M I L I A.

410. ROMA. Caput Veneris laureatum, cum denarii nota.

MANIO AEMILIO LEPIDO Litterae LEP. totidem fornicibus pontis includuntur, in quo erigitur statua equestris.

Vberiore supra pag. 78. denarii explicationem suppeditauimus.

A N T O N I A.

411. ANTONIUS AVGVSTVS III VIR rei publicae constituendae. Navis praetoria.

LEGIO II. Aquila legionaria inter duo signa militaria.

Supra ad pag. 89. fusius hunc & sequentes Antoniae familiae denarios illustrauimus.

412. Idem

412. Idem aliquantum curtus.

413. Idem denarius, itidem paullulum detritus.

C A E C I L I A.

414. Caput Iouis Capitolini cum nota semissis.

METELLVS. ROMA. Prora navis, cum nota semissis ad latus; desuper capiti elephantino simile quid.

Aereum, aerugine conspicuum, numisma, a cel. HAVERCAMPO haud obseruatum. Lucii Metelli procul dubio de Poenis victoriam *elephantinum caput* respicit. Quamuis Metelli istius praenomen antiquitas & aerugo penitus consumserint; typus tamen dubitare non sinit, quin aut ad Caium, aut ad Quintum, aut denique ad Marcum Metellum, aereum istud numisma pertineat, hi enim ex celeberrimi illius Lucii Metelli, qui de Poenis triumphauerat, pro sapia suam ducebant originem.

415. *Lucius METELLUS. Aulus ALBINUS spurii filius.* Caput iuvenile, inberbe, laureatum, subtus stella est.

caius MALLEOLUS. ROMA. Figura muliebris tribus clypeis insidens, dextra hastam tenens, laeua parazonium, coronatur a Victoria a tergo adstante.

Elegantioris fabricae denarius, cuius interpretatio ex iis; quae supra pag. 96. simili numo subiuncta sunt, petenda est.

C A L P V R N I A.

416. Caput Apollinis laureatum.

Lucius PISO FRUGI. Eques defultor cum palma citato equo decurrens, desuper temo navis vel fuscina, infra litt. O.

Haud magnopere numus iste discrepat ab illo, quem ad pag. 100. num. 182. exposuimus.

417. Idem Apollinis laureatum caput inter lauri folia.

In auersa numi pagina pariter eques defultor cum palma.

Neque hunc in *thesauro Morelliano* offendimus. *Folia* illa, quae aduersae typum cingunt, forte ad monetariorum notas pertinent, quoniamque Apollinis sunt symbolum; coniecimus hinc in Apollinis officina monetalis numum signatum esse. De *Apollinis capite & desultore* supra pag. 100. sq. fusius actum est.

418. Caput Apollinis diadematum, pone quod numerus x x i.
caius PISO Lucii filius FRVgi. Eques victor cum palma.

Lucium Pisonem L. F. cum equitis desultorii effigie & in priori consularium numorum serie, & in ambobus praecedentibus vidimus; iam Caius antiquitatem & laudem eandem hoc in denario ostentat. Fuit enim & ipse Lucii filius, dicti Lucii frater. Vita breuior honores ampliores non indulsit, adspirauit tamen ad Bithyniae & Ponti quaesturam. Ciceronis filiam Tulliolam, quae postea Furio Crassipedi nupsit, vxorem habuit, atque ita focerum M. Tullium Ciceronem, a quo ob pietatem pluribus in locis commendatur, vt *epist. lib. XIII. 31. & ad Attic. 3. in Bruto cap. XXXVIII. Orat. in Vatim. XI. Post red. ad Quir. III. & post red. in senatu XV.* hisce verbis: *Alter fuit propugnator meorum fortunarum, & defensor assiduus, summa virtute, & pietate, C. Piso, gener: qui minas inimicorum meorum: qui inimicitias affinis mei, propinqui sui, consulis: qui pontum & Bithyniam quaestor pro mea salute neglexit;* vid. *thes. Morell. tom. II. pag. 64.*

C A S S I A.

419. Caput Vestae velatum, pone lampas, ante numerus cii.
LONGINUS III vir. Senator togatus d. tabellam tenet, adstat coram cista, cui tabella iniicienda est.

Similem Cassiae gentis denarium iam supra pag. 106. num. 189. exhibuimus, ibique fusius de istius numi typis egimus.

C L A V D I A.

420. Caput Romae solita galea ornatum.

Appius claudius titus MANLIUS QuaeSTORES VRbani. Trigae.
Aereus,

Aereus, qui subaeratus fuit, argenteam vero lamellam penitus consumpsit antiquitas. Numus iste, vti supra ad num. 197. monuimus, proxime ad VAILLANTII delineationem accedit.

C O R D I A.

421. RVEVS *senatus consulto*. Caput Veneris, cum inauribus.
MANIUS CORDIVS. Cupido delphino inequitat.

Simillimum Cordiae gentis numum in priori consularium numorum serie pag. 125. num. 209. illustratum dedimus.

C O R N E L I A.

422. Martis galeatum caput, hasta ad humeros eminente.

CNEIUS LENTVLVS. Victoria in citis bigis.

Quae hoc loco dicenda essent, ea iam pag. 128. num. 212. dicta sunt.

423. *Genius Populi Romani.* Caput Genii populi Romani diademate cinctum; retro illud sceptrum est.

CNEUS LENTVLVS *Quaestor. ex senatus consulto.* Sceptrum cum corona laurea, globus & temo.

Eleganter signatus iste argenteus paullulum differt ab illo, cui supra pag. 129. nobilissimorum antiquariorum scholia adiunximus.

424. Caput Iouis Capitolini laureatum.

LUCIUS SCIPIO ASIAGENES. Iupiter in citis quadrigis, d. tenens fulmen, l. sceptrum & habenas, in area lict. b.

Curtus. Lucius Cornelius Scipio Asiagenes Publii Scipionis Africani maior natu frater fuit. Sicut vero hic ex Africa deuicta Africani nomen adsciuit; ita frater Lucius, deuicto Antiocho, & pacata Asia, Asiagenis nomen recepit. Videntur vero, HAVERCAMPVS addit, cusi hi denarii ad stipendium & donatium militum, quum ad triumphum Romam proficisceretur; triumphauit vero A. V. C. 1011111. Quodsi C. pro G. poneretur, & constanter exstaret in omnibus ASIA. G. vel ASIA. C. ASIA *Capro* le-

gi posse videretur, nam *Eutropius* IIII. 5. dicit *Asiam vicisse. Scipio Romam rediit, ingenti gloria triumphauit: nomen & ipse, ad imitationem fratris, Asiogenis accepit, quia Asiam vicerat: sicut frater ipse, propter Africam doctam, Africanus appellabatur. Asiam ab eodem deuictam Plinius lib. XXXIII. cap. 12. memoriae prodidit: Asia primum deuicta luxuriam misit in Italiam; siquidem L. Scipio transtulit in triumpho; caet. Vbi quoniam paullo post sequitur: Eadem Asia donata multo etiam grauius adflixit mores, inuiciliorque victoria illa hereditas Attalo rege mortuo fuit. ASIAM inde Geminam in hoc denario HARDVINVS agnoscit. Instituti ratio non patitur h. l. percensere singula, quibus nobilissimus e Iesuitarum gente hanc adstruere conatur opinionem. Et quamuis tota viri clar. huic denario iuncta interpretatio haud vllius momenti sit, vt pridem doctiss. HAVERCAMPVS fusius docuit; id tamen monere lubet HARDVINVM in huius numi explanatione non ad singulas litteras confugisse, vt more suo integras inde voces atque inauditas fabulas formet. *Iouis Capitolini effigies* Iouem Romae tutelarem fuisse deum denotat; posterior numi pagina *quadrigarum* typum exhibet; vid. *thes. Morell.* tom. II. pag. 130. sq. *VAILL. fam. Rom.* tom. I. pag. 312. sq.*

425. *Publius SCIPIO AFRICANUS.* Caput Scipionis Africani nudum.

CARTBAGINE SVBACRA. Scipio in quadrigis triumphalibus.

Integerrimus, in thesauro Morelliano non obuius. Tab V. num. X. numi imaginem, fullertis chalcographi manu, quam accuratissime fieri potuit, expressam, contemplandam sistit. Insignem huius denarii typum prolixè satis scriptores illustant. Eutropius lib. III. cap. V. Tertium deinde bellum, inquit, contra Cartbaginem suscipitur sexcentesimo & altero anno ab urbe condita: L. Manlio Censorino, & M. Manilio cons. anno LI, postquam secundum Punicum bellum transactum erat. . . . Cum igitur clarum Scipionis nomen esset,

esset, iuuenis adhuc consul est factus, & contra Carthaginem missus. Is eam cepit ac diruit. Spolia ibi inuenta, quae variarum ciuitatum excidijs Carthago collegerat: & ornamenta urbium ciuitatibus Siciliae, Italiae, Africae reddidit, quae sua recognoscebant. Ita Carthago septingentesimo anno, quam condita erat, deleta est. Scipio nomen, quod auus eius acceperat, meruit, scilicet ut propter virtutem etiam ipse Africanus iunior vocaretur. Adde *Florum* lib. II. cap. XV. edit. Beger. pag. 352. lqq.

426. LUCIUS MANLIUS PROQUAESTOR. Caput Romae galeatum.

LUCIUS SVLLA IMPERATOR. L Sulla in quadrigis triumphalibus stans, d. tenet caduceum, l. equorum habenas; Victoria de caelo aduolans corollam ipsi porrigit.

Cornelii Sullae dictatoris de Asia & rege Mithridate triumphum postica numi pagina exhibet; vide, quae pag. 134. ad num. 218. prolata sunt.

C R E P V S I A.

427. Caput Veiovis laureatum, pone quod sceptrum cernitur.

PUBLIUS CREPVSIUS. Eques dextra vibrat iaculum.

Quae supra pag. 138. num. 222. simili Crepusiae gentis numo subiuncta sunt, ea & huius denarii interpretationem constituunt.

D O M I T I A.

428. ROMA. Caput Romae galeatum, cum denarii nota.

CNEUS DOMITIUS. Iupiter in lentis quadrigis, d. ramum tenet, l. fulmen & equorum habenas.

Similem Domitiae gentis denarium iam pag. 142. num. 227. succincte exposuimus.

F A B I A.

429. LABEO. ROMA. Caput Romae galeatum, cum denarii nota.

QUINTUS FABIVS. Iupiter in quadrigis, d. fulmen tenens, l. sceptrum & equorum habenas, sub equis naui prora.

310 ALTERA NUMOR. CONSVLAR. SERIES.

Prolixiorem denarii explicationem supra ad pag. 145. simili numero iunximus.

430. Caput muliebre turritum & velatum, pone quod litt. *i. Caius FABIVS Caii filius.* Victoria in citis bigis, sub anterioribus equorum pedibus struthiocamelus cernitur.

Integerrimus. Insignis iste denarius paullulum differt ab illo, quem pag. 148. num. 233. exhibet.

F V N D A N I A.

431. Caput Iouis Capitolini laureatum.

Caius FVNDANIUS, quaestor. Victoria coronans tropaeum, in cuius imo est lituus militaris & captivus ingeniculus reuinctis post tergum manibus.

Quinarius, paullulum detritus. Fundania gens plebeia fuit. Eruditi consentiunt pertinere hunc quinarium ad Caium Fundanium socerum M. Varronis; qui videtur quaestor fuisse P. Cornelii Scipionis Africani in bello Numantino, & prorogata quaestura A. V. C. Iocxxi. quo Numantia capta & diruta a Scipione fuit, victoriatos hosce quinarios cudisse. In iis *tropaeum* de Numantinis adumbratur, quod Scipio in urbis loco erexerat, ad cuius pedes *Numantinus, manibus post terga reuinctis*, cernitur; vid. *thes. Morell.* tom. II. pag. 188. *VAILL.* tom. I. pag. 468. *Fulu. VRSINVS edit. Parin.* pag. 116.

F V R I A.

432. *Marci FOVRII Lucii filii.* Iani caput biceps & barbatum.

PHILI. ROMA. Roma galeata & stolata stans, l. hastam transversam gerit, d. coronat tropaeum, in cuius imo duo sunt clypei, totidemque litui militares.

Perस्पiciuam denarii explicationem supra num. 248. subiunximus.

H E R E N N I A.

433. *PIETAS.* Caput deae Pietatis.

MARCUS HERENNIUS. Iuuenis Catanensis nudus patrem magna festinatione humeris ferens.

Similem paene Herenniae gentis denarium priori consularium numorum ordini inseruimus; vid. pag. 169. num. 253. conf. OVZELII *thes. antiqu. numism.* pag. 407. Io. WIEDNERI *pietas ex numis antiqu.* pag. 70.

HOSIDIA.

434. GETA. III VIR. Caput Dianae cum pharetra & arcu.

CAIUS HOSIDIUS CAII FILIUS. Aper telo transfixus, quem canis venaticus lacerat.

Asper. Celebratas Augusti natalibus venationes numi typus respicit; vide, quae ad num. 254. pag. 170. prolata sunt.

IULIA.

435. Caput Romae alata galea decorum, pone spica.

LUCIUS IULIUS. Victoria in citis bigis.

Eleganter signatus. In priori consularium numorum ordine similis bigatus primum in gente Iulia locum occupat; vid. pag. 173. num. 257.

436. Caput deae Veneris.

CAESAR. Aeneas gradiens humeris senem Anchisen gestat, dextra Palladium praefert.

Quibus supra pag. 175. sq. similem Iuliae gentis numum illustrauimus, ea huius quoque denarii explicationem constituunt; conf. Io. WIEDNERI *pietas ex numis antiquioribus* pag. 68. sqq.

437. Caput Veneris Reginae, pone quod sceptrum, ante faciem lituus, & Cupidinis imago ad pectus deae exsurgens & circa collum eiusdem ludentis.

CAESAR. Tropaeum, in cuius imo Gallia, habitu mulieris lugentis, & Germania, habitu viri barbari, nudi & ad tropaeum respicientis.

Subaeratus, elegantioris fabricae denarius. Lituus ad anguratum

312 ALTERA NVMOR. CONSVLAR. SERIES.

tum Caesaris spectat, caeterum numi huius explicatio eadem est, quae pag. 177. num. 261. quinti Iuliae gentis denarii.

438. CAESAR. Elephas draconem calcans.

Caesaris signa pontificalia.

In memoriam victi Scipionis & Iubae numum hunc signatum esse supra pag. 178. ad num. 262. audiuius.

439. Dei Triumphi caput alatum, pone tridens & globus.
LUCIUS IVLIUS BVRSIO. Victoria in citis quadrigis, d. corollam praetendens, l. equorum tenet habenas.

Vide, quae ad pag. 181. num. 268. relata sunt. Ibi enim similem Iuliae gentis numum in scenam produximus.

I V N I A.

440. Roma galeata, cum littera X. solito denarii signo.

CAIUS IVNIUS CAII FILIUS. ROMA. Dioscuri hastati in equis.

Ad Iunios Libones esse referendum hunc denarium pater ex simili, quem GORLAEVS vulgavit, qui vocem LIBO exhibet, quique caeterum huic simillimus est. Vetusioribus haud dubie rei publicae Romanae temporibus, ut quaestor vrbani, hosce signavit denarios; vid. *thes. Morell.* tom. II. pag. 221. sq.

441. Caput Romae galea alata ornatum, retro illud litt. Q.
DECIMUS SILANVS LUCII FILIUS. ROMA. Victoria in citis bigis; desuper est numerus IIII.

Priori consularium numorum ordini similem Iuniae gentis numum adiecimus; vid. pag. 187. num. 273.

442. Idem, in cuius aduersa litt. P. in auersa autem num. V.
SUBAERATUS. Notae numerales, quarum vsus obscurus est, ad officinas seu res monetales pertinuisse videntur.

L I C I N I A.

443. Caput Veiovis, fulmen trifidum vibrantis, cum humeris.

CAIUS

caius LICINIUS *Lucii filius* MACER. Pallas in citis quadrigis, d. hastam vibrat, l. habenas & parmam tenet.

Subaeratus, aut potius aereus, argenteam enim lamellam amittit. Similem argenteum alteri consularium numorum ordini assignauimus; vid. pag. 194. num. 282.

L V R I A.

444. CAESAR AVGVSTVS PONTifex MAXIMVS TRIBVNICIA POTestate. Caput Augusti nudum.

Publius LVRIVS AGRIPPA IIIVIR. A. A. A. F. F. in area S. C.

Simile Luriae gentis numisma ad pag. 198. num. 288. iam exhibuimus.

L V T A T I A.

445. CERCO. ROMA. Caput Romae galeatum, galeam palmae ramus inter duas stellas exornat.

Quintus LVTATIUS *quaestor*. Triremis praetoria, quam in puppi acrostolium, in prora caput Romae Victoricis galeatum, tanquam tutela nauis, exornat; typum corona querneae ambit.

Affabre signatus denarius, de cuius typis ad pag. 198. num. 289. actum est.

M A N L I A.

446. *Lucius* MANLIUS *pro quaestor*. Caput Romae galeatum. *Lucius* SVLLA *imperator*. Dictator Lucius Sulla in quadrigis triumphalibus stans, d. caduceum, l. equorum habenas tenet; Victoria aduolans corollam ipsi porrigit.

Singularis est in auersa quadrigarum typus, caeterum denarius apprimè conuenit cum illo, quem alteri consularium numorum ordini assignauimus; vid. pag. 201. num. 293.

447. Caput Romae galea alata decorum.

314 ALTERA NVMOR. CONSVLAR. SERIES.

Appius Claudius Titus Manlius quaestores vrbani. Tri-
gae aurigante Victoria.

Subaeratus. Ad pag. 201. num. 294. similem reposuimus; conf.
Florus BEGERI pag. 297.

M A R C I A.

448. LIBO. Caput Romae galeatum, cum litt. x. denarii nota.
Quintus MARCIUS. ROMA. Dioscuri hastati in equis.

Ad antiquiora rei publicae tempora simplex denarii typus
spectat; vid. pag. 208. num. 300.

M E M M I A.

449. ROMA. Caput Saturni laureatum, pone quod falx.
Lucius MEMMIUS GAL. Iuno Moneta in lentis bigis, dextra
sceptrum, vtraque habenas tenet; Victoria per aera
aduolat cum corolla.

Serratus. De Saturno aerarii praefide, Iunone Moneta, & de
L. Memmio Galbio iam egimus; vid. pag. 212. num. 304.

M I N V C I A.

450. Roma galeata, in casside lauri ramus cernitur.
Quintus THERMUS MARCI FILIUS. Duo viri dimicantes,
gladiis & clypeis instructi, tertius, tanquam faucius,
in genua inter vtrumque prolapsus est.

Similem Minuciae gentis denarium ex SCHVLZIANIS loculis pri-
ori consularium numorum ordini inferuimus; vid. p. 215. num. 307.

N A E V I A.

451. *Senatus Consulto.* Caput Veneris eleganter comtum.
Caius NAEVIUS BALBUS. Victoria in trigis.

Serratus. Quis Balbus iste fuerit, quoque tempore denarium
hunc signauerit, valde incertum est; vide, quae ad pag. 218. num.
311. prolata sunt.

NOR-

N O R B A N A.

452. *caius* NORBANVS. Caput Veneris cum nota num. xxxv.

Fasces cum securibus inter spicam & caduceum.

Subaeratus, asperrimus. Caii Norbani praefecti vrbi memori-
am denarius celebrat; vid. pag. 221. num 315.

P A P I A.

453. Caput Iunonis Sispitae, caprina pelle tectum, pone quod
diota cernitur; numum ambit corolla.

Lucius PAPIUS. Gryphus cum impetu latus; sub illo
similis diota.

Serratus, integerrimus. Eruditorum diuersae de posticae pa-
ginae typo sententiae supra ad pag. 224. num. 318. huic libello infer-
tae sunt. Alia superiori Papiæ gentis numo matricis nota im-
pressa est. Quamuis ista monetariorum signa prorsus nihil ad
historiam faciant; tamen operose a cl. MORELLIO aliisque de-
picta sunt; antiquiores enim multarum rerum figuras continent.

P L O T I A.

454. CAESAR AVGVSTVS TRIBVNICA POTESTATE. Caput Caesa-
ris Octauiani nudum.

Caius PLOTIVS RVFVS IIIVIR Auro Argente Aere Flando
seruando. In area numi est nota senatusconsulti.

Aereum sec. mod. numisma. Nobilissimorum antiquariorum scho-
liis illustratum similem Plotiae familiae numum supra exhibuimus;
vid. pag. 232. num. 328.

P O B L I C I A.

455. *Lucius METELLUS. Aulus ALBINUS spurii Filius.* Caput Apol-
linis laureatum.

Caius MALLEOLUS. ROMA. Roma tribus clypeis insidens,
dextra tenens hastam, laeua parazonium, coronatur
a Victoria post tergum adstante.

Asper. Simili Poblliciae familiae denario, quem antea pag. 232.

num. 329. vidimus, prolxiorem typi huius interpretationem adiunximus.

P O R C I A.

456. *Marcus CATO PRO Praetore.* Caput Bacchi.

VICTRIX. Victoria sedens, d. tenet pateram, l. palmam.

Quinarius. Videantur ea, quae ad pag. 242. num. 337. relata sunt.

P O S T V M I A.

457. *Aulus ALBINUS spurii filius. Lucius METELLUS.* Caput Apollinis laureatum.

Corus MALLEOLUS. ROMA. Roma clypeis insidens, d. hastam tenet, l. parazonium; illam Victoria coronat.

Huc spectant ea, quae supra pag. 247. num. 341. annexa sunt.

458. *HISPANIA.* Caput Hispaniae velatum, fluxis capillis.

Aulus POSTUMIUS Auli filius spurii nepos ALBINUS. Virtugatus stans, dextram adtollit versus aquilam legionariam, post virum stantem fasces eriguntur.

Serrotus. Similem priori consularium numorum ordini adnumeravimus; vid. pag. 250. num. 344.

R V B R I A.

459. *DOSSENIUS.* Caput Iouis laureatum, cum sceptro.

LUCIUS RUBRIUS. Thensa a quatuor equis tracta, quam fulmen Iouis thensam esse designat; quae in summa parte volat Victoria, Caesaris res gestas respicit.

Prolxiorem simillimi Rubriae gentis denarii interpretationem iam exhibuimus; vid. pag. 254. num. 349.

S A L V I A.

460. *CAESAR AVGVSTVS PONTifex MAXIMVS TRIBVNICIA Pote-
stare.* Caput Augusti nudum.

Marcus SALVIVS OTHO III VIR A. A. A. F. F. in area S. C.

Aereum sec. mod. numisma, de quo ad pag. 257. num. 351. fusius actum est.

SCRIBONIA.

461. *BONUS EVENTUS*. LIBO. Caput Boni Euentus.
PVTEAL SCRIBONII. Ara, ad quam adpenditur corolla
 cum duabus lyris, in imo cernitur malleolus.
Inauratus, asper. Vide, quae ad pag. 261. num. 356. prolata sunt.

THORIA.

462. *Iuno sisypita magna regina*. Caput Iunonis Sisypitae.
LUCIUS THORIVS BALBVS. Taurus subsiliens; desuper
 est alphabetica littera R.
Optime conseruatus, rudioris fabricae denarius. *Iuno Lanuina*
 Lanuuinam Thorii Balbi indicat originem; *rhaurus* Thorii agra-
 riam legem respicit; vid. pag. 276. num. 368.

TITIA.

463. Caput deae Liberae hedera ornatum.
quintus TITIVS. Pegasus in basi.
 Dea Libera saepe cum Libero sociari solet, nulla itaque alia ra-
 tione in hoc denario ponitur, nisi propter Bacchum; vid. pag.
 277. num. 369.

TITVRIA.

464. *SABINVS*. *Argento PVblico vel auctoritate PVblica*. Caput
 regis Tatii Sabini nudum; ante illud palmae ramus est.
LUCIUS TITVRIVS. Virgo Tarpeia a Sabinis scutis obrui-
 ta; desuper stella in luna falcata cernitur.
Optime conseruatus. Litterae A. PV. & auctoritate publica mo-
 netam hanc signatam fuisse innuere possunt, & argento publico,
 siue manubiali, vltimum hoc *HAVERCAMPO* arretet; nam, quum
 in tot denariis, vir cel. inquit, nusquam Romae adpareat inscriptio,
 omnes illi in prouincia cusi videntur, sub legato, cuius quaestor
 fuerit ille Lucius Titurius Sabinus. *Palmae ramus* vel ad ipsius
 Tatii Sabini regis victoriam, proditione Tarpeiae virginis acqui-
 sitam spectat, vel potius legati eius, cuius quaestor fuit iste Titu-
 rius; conf. pag. 279. num. 370.

465. Idem denarius, admodum curtus.

466. *Tatius SABINUS*. Caput idem regis Tatii Sabini.

Lucius TITURIUS. Sabinarum raptus.

Elegans. Simili typo insignitus subaeratus Tituriae gentis denarius priori ordini insertus est; vid. pag. 280. num. 371.

467. *SABINUS*. Caput regis Tatii Sabini barbatum.

Lucius TITURIUS. Victoria in citis bigis, d. coronam praeferens, l. tenens equorum habenas.

In omnibus suis denariis Lucius Titurius cognomen suum ad caput regis Tatii Sabini posuit, ita adludens ad eiusdem regis appellationem. Victoria haec procul dubio obtenta fuit ab illo legato, vel duce, cuius quaestor L. Titurius Sabinus exstitit. Ex altera parte, *VAILL.* inquit, *bigatus* est; sic a *Victoria in bigis* dictus, & quum *coronam* flagri loco gerit, victoriam aliquam denotari credimus, sed praetoris, sub quo quaestor erat Titurius, nomen ignoratur, & quid ille insigne gesserit, reconditum manet; vid. *thes. Morell.* tom. II. pag. 420. *VAILL. fam. Rom.* tom. II. pag. 479.

V A L E R I A.

468. Victoriae bustum, cum humeris alatis; pone litt. A.

Caius VALERIUS ELACUS IMPERATOR. EX *senatus consulto*.

Aquila legionaria inter duo signa militaria, quae inscriptas habent litteras H. & P. i. e. *hastati* & *principes*.

Asperimus, longe elegantissimus. Similem Valeriae gentis denarium etiam superiori consularium numerum ordini assignauimus; vid. pag. 283. num. 374.

V I B I A.

469. *PANSA*. Caput Apollinis, aut potius Veionis, siue Iouis Anxurius laureatum & longa coma conspicuum.

Caius VIBIUS CAII FILIUS. Minerua in citis quadrigis, d. tropaeum gerens, l. hastam & equebrum habenas.

Cel. HAVERCAMPVS in antica numi pagina Apollinis caput exprimi

primi credidit: nos vero Veiovis effigiem hoc typo denotari existimamus. Haec enim imago propius ad illum typum accedit, quem supra pag. 194. num. 282. in Liciniae gentis numo vidimus, quemque ipse vir cel. ibi Veiovi tribuit; quam ad illam Apollinis effigiem, quam ille Vibiae gentis denarius exhibet, cui pag. 291. num. 382. obtigit, quique, aduersam quod adrinet, huic similis est; vid. *thes. Morell.* tom. II. pag. 443. conf. *VAILL.* tom. II. pag. 538.

470. Idem, paullulum curtus.

471. Pansa. Sileni persona scenica.

caius VIBIVS CAII FILIVS CAN NEPOS. IOVIS ANXVRIS. Statua Iouis Anxuris, sedentis, corpore seminudo, capite radiato, d. pateram tenet, s. hastam.

Asper. Typi explicationem ad pag. 291. num. 383. simili numo subiunximus.

472. Caput Iani bifrontis laureatum, cum assis nota.

caius VIBIVS Pansa. Tres nauium prorae.

Aereum sec. mod. numisma, quod 165. monâdes pendet. Ad C. Vibium C. F. Pansam pertinet hic numus. Is C. Caesaris & Ciceronis familiarissimus fuit, & gener Q. Fufii Caleni, vti liquet ex *Philipp X.* Quaesturam vrbanam gessit A. V. C. 1041 LXXXVII. quo nihil mirum, vt Caesari addictus, si tot numos pro impensis classis, qua hic Venetos nauali praelio deuictos subegit, cuderit. Tres autem naues in auersa numi parte ad classis vsum asses hos signatos esse manifeste denotant. Haec VALENTIS est sententia. Cel. HAVERCAMPO vetustiores hi numi videntur, quam vt ad Iulii Caesaris tempora referri possint; vid. *VAILL.* tom. II. pag. 537. HAVERC. in *comment. ad thes. Morell.* pag. 446.

V I P S A N I A.

473. *Marcus AGRIPPA Lucii filius consul III.* Caput Agrippae corona rostrata insigne.

Senatus Consulto. Neptunus cum strophio, dextra tenens delphinum, laeua tridentem.

Aereum

Aereus sec. mod. numus, ad p. 294. num. 386. fufius illustratus.

INCERTAR. FAMILIAR. NVMI.

474. Caput Veiouis laureatum, fubtus fulmen.

Iupiter in citis quadrigis, d. fulmen tenet, l. habenas.

Cel. HAVERCAMPVS Sentiae familiae numum hunc assignat.

475. SALVS. Caput deae Salutis laureatum.

ROMA VICTRIX. Roma Viatrix galeata, habitu militari, laeva hastae innititur, dextram extendit, dextroque pede globum premit.

Haud vulgarus, hinc rarus. Perinsignis iste denarius aut bellum sociale siue Italicum respicit, aut potius ad Galbae tempora spectat. Numus enim Galbae Caesaris apud OISELIUM p. 126. eundem in auersa typum exhibet, eandemque inscriptionem, ab altera parte imperatoris effigiem sistens. Magna autem numorum copia sub Galba cusa fuit, qui ab altera parte non habent caput Augusti, sed aliud quid; vid. *cel. Laur. BEGERI thes. Brand. tom. II. pag. 626. eiusdem Florus pag. 120.*

476. Caput muliebre eleganter ornatum, cum inauri.

Victoria in citis quadrigis, d. tenet corollam, l. habenas.

477. Caput nudum, vt videtur, Caesaris Octauiani.

Caput item nudum, forte Antonii.

Aereus tert. mod. numus, rubigine exesa prorsus inscriptio est.

478. Caput muliebre, ni fallor Veneris.

ROMA. Figura celeres bigas agens.

Rudioris & procul dubio recentioris fabricae denarius.

NVMI BARBARI.

479. Caput Romae galea alata ornatum.

IVNIA. Figura in bigis, sub equis duo serpentes.

Minerva admodum rudi signatus. *Cel. Andr. MORELLIUS in epist.*

ad

ad doctiff. PERIZONIVM haec de numis barbaris scribit: Pergo ad numos, qui a Barbaris siue auctoritate publica, siue a falsariis cusi sunt: horum quidam tam misere effecti sunt, vt vix littera legi possit; in aliis litterae retrogradae sunt, & figurae tam inconditae, malaque imitatione expressae, vt vix dignoscantur. Nam barbarae gentes, Graecorum & Romanorum velut simiae, numos illorum imitati sunt, cuius insigne exemplum occurrit inter selecta numismata ditissimi thesauri Wildianitab. xi. Hic numus ab vna parte ad imitationem numi Fusiae & Muciaie gentium percussus ostendit capita Honoris & Virrutis, & in auersa parte equitem, solitum Gothorum in Hispania symbolum monetale, cum hac inscriptione: BIATE: quapropter R. P. HARDVINVS hunc numum ad Peloponnesum retulit, & eundem in BIA, Messeniae amni, abluere conatus est; sed rectius peritissimus ac doctissimus BEGERVS in BIATIA, Hispaniae vrbe, cusum fuisse docuit. Quamuis autem omnes hi numi inter Consulares vix mereantur sculpturam, nihilominus tamen quam plurimi in futuro prodibunt opere, saltem vt imperitioribus innotescant, & quid de iis sentiendum sit, discant. Haec MORELLIVS. Hic denarius tam barbaros habuit monetarios, vt vix habeat, quo referri possit; neque longiorem mereatur disquisitionem.

480. Caput, cui inscriptae sunt litterae barbarae, illis similes, quae apud BEGERVM Iubae capiti adscribuntur.

Quadrigae, quibus itidem barbarae subscriptae sunt litterae.

Pessime signatus. Quum hi sint barbari, neque adhuc constet de alphabeto Hispanico, quamuis Runicae multae, siue antiquorum Danorum Gothorumque litterae, admixtae videantur; hinc prorsus nihil certi de istis incondite effectis monumentis referre possumus; vid. *thes. Morell.* tom. II. pag 474.

481. Caput deae, vt videtur, Vestae, velatum; pone quod

tres flammulae, ad denotandam forte Vestalium ignis perpetui curam.

Taurus saliens, desuper corona, infra vero litterae barbarae.

Aureum sec. mod. numisma. Facile apparet auersam numismatis paginam ex Thorii Balbi denariis desumptam fuisse; vid. pag. 276. num. 368.











IO. CAROLVS ACOLVTHVS. *)



unquam forsitan eo audaciae processissem, vt ignotus I. ego, litteris his te alloqui ausus fuisset, nisi eruditissima tua scripta mihi occasionem subministrassent. Liceat igitur tibi meum paucis exponere desiderium. Ante aliquot iam annos, cum volumen primum *actorum physico-medico-rum Academiae naturae curiosorum* perhistrarem, in *observationem* cccxii. incidi, quam *de efficacia aethiopis mineralis* docto tuo conscripsisti calamo. Ex adiecto scholio didici, te plures de efficacia huius remedii observationes candidato cuidam medicinae tradidisse, qui eas in *dissertatione inaugurali de aethiope minerali* publicae luci exposuerit. Cum nomen huius candidati reuiceris, omnem meam spem hanc consequendi dissertationem vidi collapsam. Tandem autem cl. *SCHROMMIVM* illum fuisse candidatum, qui suasu tuo anno cIo *10ccxxv*. Altorfii celebrem illam dissertationem defenderit, ex *praelectionibus suis ad dispensatorium Brandenburgicum* summa cum voluptate intellexi. Mox per amicos quosdam & bibliopolas repetitis vicibus omnem adhibui diligentiam, vt praeclara illa dissertatio mihi vel Lipsiae vel Vitembergae coemeretur. Sed labor omnis fuit frustraneus, quum nemo illam ibi locorum viderit vnquam. Nunc vero, cum, qui tibi, vir excellentissime, has tradet litteras, iuuenis peregrinus, *NEWMANNVS*, theologi nostratis filius, iter Halam institueret, temperare mihi non poteram, quin his, quas vides, litteris te compellarem. Haud igitur in malam interpretaberis partem, quod desiderium meum, tuas perlegendi doctissimas de aethiope minerali observationes, quo per plures iam annos flagraui, diutius suppressere

S s 2

non

*) *Vratislaviae med. doct. & Academiae naturae curiosorum collega.*

non potuerim; verum te, nimis forte audacter, precibus adire ausus sim, vt me, cui dissertationis laudatae copiam faceres, non dedignari velis. Dabis igitur precibus meis locum, & MEVSELIO, theologiae cultori, unicum, quod tibi forsitan supererit, exemplum describendum communicabis. Hoc tua humanitate a multis mihi collaudata me impetraturum esse beneuolentiae pignus nullus dubito, pro quo me ad omnia officiorum genera tibi praestanda senties promissimum. Vale. *Zittoniae* III. *id. Mai.* c1616ccxxx.

IOANNES ALBRICHIVS. *)

2. **L**itterae & dissertationes medicae, a te genero nostro de DRAVTH benigne transmissae, d. VIII. Febr. a. c. tandem nobis traditae sunt, quum iam tuus quondam discipulus, noster autem cognatus dulcissimus, maximo familiae moerore fatali morte vitae suae pensum non ita pridem absoluerat. Die xvi. Septembr. anni praeterlapsi a nouiter in aedibus suis exstructo & absoluto fornice (qui vero murariorum incuria subito uno impetu totus rursus decidit) lateribus & caementis obrutus ac misere suffocatus diem sum obiit supremum. Tam fatali casu pie defunctus h. de DRAVTH vitam cum morte commutauit. Mearum itaque partium esse existimaui, familiae suae nomine, tibi, vir celeberrime, tanquam sincero eius patrono & praeceptori quondam fidelissimo, pro singulari illa amicitia & beneuolentia, qua eundem toties cumulasti, maximas rependere gratias: in primis quod ex tuo fauore & beneuola commendatione, quam plurimum apud eruditos valere nouimus, in *Academiae naturae curiosorum societatem* gratiose susceptus sis. Non dubito ipsum muneri isti honorifico satis fecisse, nisi praematura morte e viuis ereptus Σπείγ-
ταιν hanc deposuisset. Quo itaque honore ipsi non licuit frui, eundem mihi in sui nominis recordationem ac memoriam sine omni
ta-

*) *Coronae in Transsilvania med. doctor, urbis patriae senator, Academiae naturae curiosorum collega.*

tamen ostentatione vel arrogantia submisſe expeto. Quapropter has *obſervationes de peſte Barcheni in Tranſſilvania* anno clolccc. xviii. & xviii. praeſertim Coronae ſacriter graſſata, non quidem erudite & eleganti ſtilo a me elaboratas, veruntamen ſincere & diligenter annotatas tecum communicare ſuſtineo. His ex tenui mea penu *mineram* hanc *auri* adiicio, ex aurifodinis Treſtienſibus in Tranſſilvania erutam (de quibus mineris legi meretur illuſtr. *Samuelis* KOELOSERI *de KERES-EEER auraria Romano-Dacica*) item *numisma* hocce *aureum* & reliquos *numulos argenteos* xx. & *aereos duos*, quot ſcilicet colligere potui. Tandem tibi & *reram* quandam *bolorem*, *ſandaraca Graecorum ſcatentem*, propenſe offero. Opto, ut leuidentſe iſtud munuſculum gratum tibi ſit. Terra illa, ſive bolus, vel potius ſandaraca ex Perſia in magdaleonibus ſub nomine *Tentzæg* (nobis *Pens*) per *kalugeros* ſive monachos Valachicos & Armenios in Valachiam apportari ſolet, & ob odorem penetrantem, effectum ſternuratorium vehementem & ſpecificum in *quartana* interne ad gr. ii. vel iii. exhibetur; externe vero terra iſta in *pleuritis* panno vel linteo ſpir. vin. camph. madiſo ſub pulueris forma aſperſa & loco deloriſico appoſita apud Valachos praeprimis a magnatibus magni aeſtimatur, praeſtantioribusque arcanis illorum iſta adnumerantur. Venerandum ſenem, Germaniae Hippocratem, illuſtr. *Fydericum* HOFFMANNVM, praeceptorem meum ante hos xxx. annos fideliffimum, meo nomine ſalutare velis, vehementer rogitō. Vale. Coronae d. viiii. kalend. Mart. clolcccxxxx.

Quod nuperrime in Academiae imperialis Leopoldino-Caroli 3. nae naturae curioſorum ſinum receptus & in ſodalem poſt beate defuncti generi fata ſolenni diplomate ab illuſtr. praeſide reuntiaruſim, te vnice auctorem agnoſco: tua enim beneuolentia & ſingularis amicitia id effecit, quod praeuidere vix poteram. Obſtriſtum ergo tibi me torum iſto fauore reddidiſti, languentibus vero & fere amiſſis viribus ſpem certe exiguam habeo, quam promittam de me. In-

terim mihi gratulor, nacta hac occasione, aliorum celeberrimorum virorum inuenta, experimenta, problemata, & observationes in arte salutari utiles, cognoscere, meditari & experiri posse. Equidem iam pridem peruolui inclutae huius Academiae *ephemerides* ab anno I. ad X. exceptis annis VI. VII. quorum copiam nondum habui, a quo tempore cum nescirem, in quo statu vtilissimum hoc institutum consisteret, iam ex tua singulari beneuolentia, quam gratus exosculor, me participem fore spero. Fasciculum, qui quatuor dissertationes & *schediasma* germanicum de *curatione calculi* continebat, mihi ex liberalitate tua transmissum, una cum diplomate & litteris d. VIII. Augusti cum summa ac debita gratiarum actione pergrate accepi; in cuius aliqualem compensationem, vel potius signum futurae nostrae amicitiae & coniunctionis tibi, vir excellentissime, numum hunc *aureum Lysimachi* grato animo offerre debui: *numisma* vero itidem *aureum*, X. solidos minores pendens, cum inscriptione CONCORDIA & IVSTITIA, una cum litteris illustri praesidi Erfordiam transmittere velis obnixe rogo: reliqui numuli antiqui ex venatione *Michaelis CZAKVL* tibi accedunt. Vale. *Coronae in Transilvania* d. XXI. Aug. c1616ccxxxx.

IOAN. IACOB. BAIERVS. *)

4. DICI vix potest, quam valde gauisus sim, posteaquam ex humanissimis tuis litteris cognoui, quod in cl. HEISTERI locum, si quando ira deo & curatoribus Academiae nostrae visum fuerit, succedere, meaque in hoc negotio qualicunque opera vti desideres. Quapropter ego non omisi, quamprimum per alias occupationes, haecenus sane permultas grauesque, mihi licuit, tuo isti desiderio satisfacere, tuaque studia & merita decenter commendare, eo quidem effectu, vt haud obscure intelligam, quod inter sex competitorum tui iam praecipue habeatur ratio. Opportunum itaque

*) Quondam in Acad. Altorfina philosophiae & medicinae professor primar. & Acad. nat. curios. adiunctus.

itaque est, vt ipse propediem scribas latinis verbis ad illustres curatores nostros, tuamque voluntatem suscipiendi munus, quod apud nos nunc vacat, significes. Hasce litteras, si committere mihi velis, diligenter curabo, & prospiciam, ne quid praetermittatur, quod rei maturandae ac perficiendae, citra vllum existimationis tuae periculum inferuire queat. De ipsa vero muneris conditione, & ego persuasum plane habeo, & tu quoque vt habeas velim, eam tibi minime grauem ingrathamque, sed talem omnino euenturam, sub qua vitam honeste & secundum naturalem animi tui propensionem iucunde possis degere. Loci salubritas & amoenitas, librorum vtilium omnis generis, tam in publica quam in priuatis bibliothecis apparatus, & commodandi facilitas, professorum, si non omnium, certe plerorumque singularis humanitas, studiosae etiam iuuentutis modestia, sine dubio abunde tibi placebunt. Meam seorsum amicitiam & supellectilem librariam quantumcunque prodesse tibi vtraque poterit, paratissimam habebis. Neque est quod timeas molestam anatomicarum & chirurgicarum exercitationum frequentiam: sicut enim illarum minime quotidiana sed rarior est occasio, ita ad has ipso opere praestandas nemo te vnquam coget, nisi velis cl. HEISTERI exemplum sequi, & praeter necessitatem vltro quaerere laureolam in isto mustaceo, quod ego quidem nunquam probaui. Puto autem te rectius atque fructuosius, vna cum medicinae publica professione, operam nauare posse philologicis scholis, priuatim instituendis, quibus & te singulariter oblectari scio, & auditores non defuturos confido. Caeterum de stipendio, quod constitutum est tertio nostri ordinis professori, non dissimulo id esse modicum, 224. scilicet florenorum nostratium, sed quod statis temporibus certo persoluitur. Praeterea vero non deficiunt aliae accessiones, & aliquid amplius lucrificandi opportunitates. Haec sunt quae tibi nunc rescribenda putauit, & tua in primis interesse existimaui. Plura fortassis exponet praenob. *Petrus GERICKE*, communis, vt intelligo, amicus noster, meusque conuictor carissimus. Abs te autem, vir cele-

celeberrime, peto atque expecto responsum primo quoque tempore, cum videatur aliquod in mora esse periculum. Ego interea totam rem diuinæ prouidentiae committo, & te valere iubeo. Dab. *Altorfii Nor.* a. d. vii. Iun. A. R. S. c1o1occx.

5. Tardius equidem, ac speraueram, nunc tandem significare possum, illustres Academiae nostrae curatores cunctis suffragiis suis te nuper constituisse in locum clar. HEISTERI, ad publicam anatomiae & chirurgiae professionem capeffendam, decreto ducentorum nostratum florenorum annuo stipendio, cui accedent alii viginti quatuor pro disputationibus in circulo Academico habendis. Curabo etiam vt pro sumptibus in iter faciendis soluantur quinquaginta circiter floreni. Has igitur conditiones si accipere & sub iisdem oblatum, me iam interprete, munus recipere uolueris, nil superest, quam vt aduentum tuum ad nos matures, quem eo maiori desiderio expecto, quo maiorem ex amica consuetudine tua voluptatem mihi praesagio. Etsi autem facile intelligam, ad componendas Halae res tuas aliquid temporis requiri, suadeo tamen, vt non multo post instantes nundinas Lipsienses perfectionem suscipias. Ego interea de commodo, nec tamen pretioso, tibi & familiae tuae domicilio, admonitus prospiciam, nihilque omitram, quod loci mutationem tibi faciliorem reddere poterit. Excellentissimo *Frid. HOFFMANNO* salutem quaeso dicas verbis meis. Vale. Dab. *Altorfii Nor.* a. d. xxvi. Aug. c1o1occx.

IO. PHILIPPVS BARATIERIVS. *)

6. Charta non ferret meum, vir eruditissime, cum tuam epistolam recepi, gaudium. Citius respondere per occupationes non licuit. Gaudeo quam maxime etiam te bene valere, adhuc magis

*) *Quondam vir iuuenis eruditionis tam variae quam solidae rarissimis decoribus clarissimus, artium & philosophiae doctor, regiae scientiarum societatis Berolinensis sodalis.*

gis autem te consiliis subsidiisque tuis studia mea iuvare dignari. Ago gratias de hac non merita beneuolentia, & eam erga me pergas obsecro. Et ego inaudiui, eruditissime vir, de *novo testam.* in *Anglia edito.* Verum omnia fere exemplaria in orientem allata sunt, & (si bene recorder) pleraque igne absumpta, adeoque vix maximo pretio haberi potest. Est & *Erpeniana* quaedam, quam quaerimus. Cl. Io. Henr. CALLENBERGII libellos plerosque iam habebam excepto *Lutheri Catechismo*, ago quam maximas pro iis & pro aliis gratias. Pudet me sane tot a te beneficiis deuinci, & reddere par pari non posse. Quod dare possum do, gratum scilicet animum & gratiarum actiones. Eodem fere cum tua epistola tempore accepi Norimberga *ms. Arabicum* vittae forma 4. & 1/2 vlnas longum & 3. vel 4. pollices latum. Continet, vt perspexi, *precationem Turcicam* vel saltem Muhammedicam, etsi opiner mere Arabicam non esse, sed Turcarabico idiomate scriptam. *Militaris est precatio*, videtur militi cuidam Turco abrepta. Mentionem ibi facit Adami, Noachi, Abrahami, Muhammedis, Abubecri, Omaris, Othmanis aliorumque praecipuorum sanctorum, quos postea gregariis iungens numerat c. m. & xxv. Habet etiam venerandus domin. decanus huius vrbis *msc. Turcicum* vt suspicatur, notas quasdam in Mus hafum continens, saltem saepe loci Korani ibi cernuntur rubro colore a textu distincti, idem vel simile *msc.* Norimbergae vidi apud bibliopolam Monathum. In membrana vel vitta potius, saepe exstat mirus quidam character, quem laudatus decanus Keph suspicatur esse, aut certe Turcicam litteram vel nexum ab auctore scripti effectum. Vidi etiam libros Constantinopoli nuper excusos, quorum primus *Americae descriptionem* & vt ab Iberis occupata sit, alter *Mirmabmudi* siue *ultimae in Persia revolutionis historiam*, tertius *uniuersalem cosmographiam*, quartus *bella Turcarum pro insulis maris Aegaei & mediterranei* continet. Quos spero aliquando mutuo sumptos legere & excerpere, vt dein *excerpta publici iuris faciam*, cuius enim non licet tales tam raros tantique pretii habere libros. Nunc vero *episto-*

las Paullinas tuas lego, postea conabor absolvere, quem iam antea inceperam *Macinum hist. sarracen. ex ed. Arab. Lat. Erpenii*. Nec *Maraccium*, nec commentatores eius, nec eorum excerpta habeo. Talia pro nostra paupera supellectile non sunt. Mutuo tamen habui a dn. decano *Coranum Arab. HINCKELMANNI & Latinum REINECCII*, ni fallor ante sex menses & multas Suras legi, verum nullibi ex commentatoribus quicquam est. Nondum is sum, qui *Beidauium* legere possim, sed aliquando si deo placet, id fieri poterit. Et apud nos nuper *Arabs* fuit, vel si mauis homo *Armenius* religione & origine, *Arabs* lingua, *Tartorus* patria, *Ba-Cicsaraea* in *Krim-Tartaria* oriundus, qui etiam nonnulla de pronuntiatione me docuit, sed demiror tam raros esse Syros, quibus tamen opus haberem, nam nec Syrum idioma negligo, etsi praeter *nou. test.* nihil Syri habeam. Vt de Graecis etiam aliquid dicam, iam aliquando coeperam *Homerum*, sed intermisi, nec vacat nunc eo iterum redire, adeo enim *Patribus & Conciliis immersus sum*, vt vix at ne vix quidem possim inde me extrahere. Ad finem nunc vergo *historiae*, quam contexui, *critico-dogmaticae locorum s. scripturae de filio deo agentium contra Socinianum quendam* nuperum, qui se *Artemonium* vocat. Deinde meditor concilium *Sirmiense illustratum*. Caeterum scire velim, an & Halae studium Patrum & Conciliorum vigeat, & an libri eo facientes ibi vulgares sint. Verum quo feror? Iam satis prolixus fui, ignosce mihi quaeso, si te tam diu nugis meis distineam, atque a grauibz occupationibus auocem. Desino igitur omnia fausta, felicia, atque prospera tibi tuisque & parentum & meo nomine apprecans, felicem hunc annum aliosque multos, & vno verbo omnia bona. Volebam nonnulla subiungere & quaedam a te consilia petere, praeterea *haeresiologiam meam* fufius describere, sed cum metuam tibi molestus esse, hoc in proximam epistolam reiicio, si videam te id aegre haud laturum. Vale itaque, meique meminisse dignator. Dab. *Suobaci. Francorum* d. VIII. Ian. clolcccxxxiiii.

7. Quandoquidem cursoris publici tempus transiit & epistola cogitur

tur adhuc biduum hic manere, non possum me continere, quin adhuc per momentum cum tanto viro colloquar. Incipiam itaque exponendo quid monstri sit opus, quod nunc prae manibus habeo, de quo deinde iudicium expecto tuum, quo vt galea opus meum praemuniam, confidens itaque tuae erga me indulgentiae, qui dignatus es amicum mihi animum testari, narrabo. Opus quod scribo titulum habet: *Traëctatus historico-dogmatici de haereticis Antitrinitariis usque ad Photinum exclusivè*. Titulus satis docet quid contineat liber. Vt vero paullo fusius diducam, in hoc opere singulorum haereticorum Antitrinitariorum historiam refero ex probatis monumentis contextam, difficultates historicas & chronologicas dilucido, occasionem haereseos expono, dogmata refero, & si quae sit circa ea obscuritas, dissero, haereticorum antagonistas recenseo, de iis dissero. Sic de *Cerintho* agens sedulo inuestigo, quando vixerit, eius gesta expendo, & hac occasione *Menandri & Basilidis*, caët. tempus disquiro, postea ostèndo *Cerinthum cum Ebione eundem esse & eadem Ebionaeorum, Cerintbianorum & Nicolaitarum* dogmata fuisse, postea haec dogmata expendo, & dein de *Iohanne* eius antagonista ago, & quae contra *Cerinthum* egerit disquiro. Sic de *Artemonitis* agens historiam eorum trado, dogmata sub *Photino* tradenda remitto, de *Caio* eorum hoste dissero, varias de eo observationes facio, eius scripta recenseo, fragmenta quae supersunt refero, de *fragmento πρὸς τὸν παντὸς* ab *Hoeschelio* edito & de *auctore Philosophumènon*, quem *Caium* puto, dissero. Si quas de his similibus observationes fecisti, amplissime vir, mecum communices velim locum in meo opere primum habituras. De Arianis fusissime ago, ita vt ultra dimidiam operis partem absumant. Inter alia enim etiam *Cudworthum* refuto, qui *Consubstantialistas veteres* fere Arianos & Trinitas effingit. Liber vero contra *Artemonium* vocatur: *Initium evangelii Iohannis ex antiquitate ecclesiastica vindicatum*. Refuto ibi *Crellium* Neo Socinianum, qui adhuc in vivis est, & opere a. 1727. edito sub titulo: *Initium evangelii Iohannis restitutum*

per L. M. Artemonium, locum Iob. I. 1. & alios de Christo vt deo agentes mire sollicitat. Sic Ioh. I. 1. pro ὁ Θεὸς ἦν ὁ λόγος (C) legit ὁ Θεὸς ἦν ὁ λόγος (C). Contendit autem omnes antiquos doctores Ante-nicaenos ita legisse, aggressus itaque sum eum refutare bono cum deo. Haec ratio est eorum, quae ad manus habeo, operum. Vt de consiliis tuis, amplissime vir, adhuc aliquid addam, hoc adhuc notabo me *Homeri Iliados* bonam ed. non habere, sed unam miseram mere Graecam. Verum, quod mihi solatio est, *Clauem Homericam* habeo & editionem omnium praeter *Iliaden Homericorum* Argentoratensem quidem modo, sed nitidissimam. *Euripidem* habeo *mere Graecum & alium mere Latinum*, & aliud volumen scholia continens in hunc tragoedum. Praeterea possideo *Theocritum Gr. & Lat.* cum scholis Graecis & notis cuiusdam recentioris eruditi, item *Anthologiam* & alia nonnulla, ex veteribus tamen pleraque editionibus. Concludo, eruditissime vir, nonnulla consilia a te roganda sis tuae benignitati te beneuole daturum, scil. 1) *Quod Lexicon quamue Grammaticam* tam pro *Arabismo quam Syriaismo* maxime consuleres? & 2) *Quos libros* ex editis in *utraque lingua post n. 1. & Coranum* quaererem censeres, & quas eorum editiones? Verum momentum, quo te ausus sum adhuc interpellare, nimis crescit. Excusatam itaque rogo habeas meam importunitatem animo reuoluens me beneuolentiae a te in tua epistola demonstratae fisum esse. Vale iterum atque iterum amplissime SCHVLZI & me tuum commendatum habe.

FRANCISCVS BARATIERIVS. *)

8. Je ne puis, Monsieur, que vous remercier très-humblement de la bonté et de la condescendance, que vous auez eüe pour mon fils, non seulement en lui faisant l'honneur de repondre d'une maniere si obligeante à la lettre qu'il auoit pris la liberté de vous ecrire par Mr. Schnapper, mais aussi en ne dedaignant pas de lui donner

vos

*) *Omnium in ducatu Magdeburgico Gallicarum ecclesiarum max. reuer. inspector.*

vos bons Conseils sur ses Etudes, & lui envoyant même quelques Liures pour lui faciliter l'étude de la Langue Arabe. Comme vous nous avez donné en cela une preuve d'une amitié & d'une générosité peu commune, il est iuste aussi que nous en agions une reconnaissance singulière. Nous souhaitons pouvoir trouver l'occasion de vous en donner des preuves réelles. Ayez la bonté, Monsieur, de prendre en bonne part la nouvelle Lettre qu'il prend la liberté de vous écrire, d'en pardonner les défauts et les imperfections, et de vous souvenir qu'elle vient d'un jeune garçon de treize ans, qui n'a pas encore toute la politesse et toute l'expérience qui seroit à souhaiter. Nous nous recommandons encore très-affectueusement à votre affection et bienveillance, et en faisant bien des vœux pour votre prospérité et pour tous ceux qui vous appartiennent, j'ai l'honneur d'être avec beaucoup d'estime et de considération

MONSIEUR,

Votre très humble & très-

à la hâte à *Schwabach*, le 11. Janv. 1734.

obeïssant serviteur.

Accipe tandem *exemplar desideratum operis numismatici Gessneri. 9. ani*, quatenus nimirum hactenus promotum est. Habet igitur hic *numismata regum in tres classes distributa*, nec non *numos populorum & urbium Graecos*, in vniuersum LXI. At debentur adhuc tibi totidem tabulae, quibus numi Graeci absoluuntur, & quas utpote iam editas, quam proxime missas accipiam Interea nolui desiderium tuum ulterius morari, & non expectatis reliquis, quae iam ad me peruenerunt, tibi statim transmittere constitui. Huius autem partis numos Graecos omnes complectentis, & ut iam dixi cxx. vel cxxii. tabulis in vniuersum comprehensae (quibus circa 4000. num. insculpta) eius inquam partis pretium est octo thalerorum, vel duodecim florenorum. Memini me iam tibi pretium cuiusvis classis praesentem indicasse, excepta postrema, tunc nondum edita. Maiori quidem pretio quaevis classis nuper indicata fuit in nouis litterariis Lipsiensibus, aut Hamburgensibus, mihi vero Autor illud indicauit, de quo te certiore

feci. Vnde nescio, cur in citatis nouis aliud maius pretium indicatum fuerit. Interea vides te aequissimo pretio tuum exemplar obtinere. *Absolutis numis Graecis*, nunc clar. GESSNERVS *imperatoriiis* incumbit, quorum 25. priores tabulae breui vel certe proximis nundinis aduenient. Etiam si satisfacere nobis debeat nitor tabularum quas nunc accipimus; multo tamen nitidiores futurae sunt imperatoriae, quarum numerus ad 200. tab. pertinet, ob magnum numorum apparatus quem autor collegit non ex editis modo, sed & ex mscris catalogis & museis Galliae, Italiae, Angliae aliisque, quibus egregie adiutus est. E Germania vero nostra, quod mirum, nihil fere auxilii. Ne enim de Vindobonensi gaza loquar, ad quam haecenus non patuit aditus, pauci Germanorum symbolum suam ad hoc opus contulere. Quod si sint qui ectypos numorum notabilium, auctori transmittere velint, rem facient & ipsi gratam, & sibi honorificam, rei publicae autem litterariae plane utilem. Vale. *Halae Salicae v. Febr. c10l0ccxxxx.*

- IO. FROELICHII *opus numismaticum*, curiosum omnino & quo carere numismatophilus facile non possit, frustra & hic & in nundinis Lipsiensibus & alibi diu quaesitum, quum scirem, nescio quo fato, vix eius libri exemplaria vlla extra Austriae vicinosque fines penetrasse, tandem recta Vindobana arcessivi. Cuius aspectum tibi gratum quoque fore cum credam, statim ad te transmittito, quo habeas, quod te his feriis forsitan oblectet. Alterum sc. WACHTERI librum forte quidem iam videris, sin minus & hunc accipe. Neutrum adhuc ipse legi integrum, utpote qui ante paucos demum dies eos receperim, valentudinisque rationibus veter studiis incumbere. Si liceat vero vicissim ad te recurrere, auxiliumque bibliothecae tuae implorare, est quidem quod obnixe rogem. Taedium & morbum aliquoties legendo fallere soleo, sed ea legendo, quae me minus occupent, quam oblectent. Nil aptius hunc in usum, me sententia, itinerariis. Quod si itaque inter tuos libros aliquos numeres, qui itinera vel exoticarum regionum descriptiones
conti-

contineant, certe mihi longe gratissimum facies eos mecum communicando, modo non nimis vulgares sint, adeoque iam mihi visi. Si quae habes in specie quae ad Arabiam, Aethiopiam, reliquam Africam spectent, vel si haec desint, alia quaevis. Vale.
Halae propter Salam. d. III. Iun. c1810ccxxx.

R. A. BEHRENS.

Non adeo displicuisse tibi scriptiunculam istam meam *de affectibus* ^{1.}
onibus a commestis mytilis doctissima tua *dissertatio de cancro-*
rum usu medico fidem mihi fecit. Parilem indulgentiam a te, vir magnifice, mihi nunc spondeo, aliamque opellam nuper editam data commoda hac occasione nunc officiosissime offero, ea potissimum intentione, ut obsequium meum ex celeberrimi nominis tui haud vulgarem venerationem tibi testarem, & amicitiam tuam, si qua me forsitan dignare velles, mihi eo facilius conciliarem. Non quidem omnimode in cerebro meo natae sunt istae pagellae, quas tibi nunc trado, ita tamen obstetricantes quasi manus Gallorum operae adhibui, ut bonam, si non maximam partem laboris, quod tamen citra ullam ambitionem dixerim, mihi possim tribuere. Id quoque in tenui isto labore quasi aliud agendo mihi visus sum praestitisse, quod conterraneis meis gloriam nonnullorum inventorum, cum quibus extranei sese ambitiose efferrebant, tacite vindicaverim. Meruit conatus meus nonnullorum amicorum suffragia, utinam & tuum demereri posset, certe tunc, vir experientissime, putarem me omnia assecutum esse. Typis proxime describetur alia lucubratio mea argumenti haud adeo incuriosi, *de cortorsonibus* nempe *atque nodis intestinorum tractans*, qua luculento quodam experimento nixus, litem, quae hactenus inter nostrates ea de re fuit, dirimere allaboraavi, statim ac ea a typographo erit absoluta unum alterumque exemplar in tesseram meae erga te perpetuae observantiae pariter transmittam. Vnum vero est, vir experientissime, quod te vehementer, nisi grave hoc fuerit, rogatum velim. Pro meo in bonas litteras & artem nostram
amore

amore & celeberrimorum quoque virorum in vtraque sparta bene merentium aëri incisas imagines colligere & coaceruare sum solitus. Tuam vero, vir celeberrime, vehementer haecenus desidero, cum non dubius sim istam plus simplici vice expressam fore. Ea igitur si me humaniter donare velles, & simul margini chartae lemma quoddam cum celeberrimo nomine tuo adscribere, cum talibus sic notatis donariis vehementer gaudeam, rem mihi faceres omni re grata longe gratiorem, quam tamen cum ista iusta limitatione, ne molesta tibi vlllo modo sit, mihi etiam atque etiam expeto. Viue diu, vir experientissime, in commodum rei medicae. Vale. *Brunsvigae d. xxiiii. Octobr. clolcccxxxii.*

MATTHIAS BELIVS. *)

12. **D**iu est, cum epistolam tuam, plenam humanitatis, accepi. Recte mei recordatus es, tecum enim, quod memini adhuc, in Halensi palæstra, cui me debere plurimum lubens profiteor, manus ad opus domini admoui aliquamdiu. Quae me inde loca, quae fata habuerint, non adtinet recensere. Pisonii iam vicesimum annum ago, scholae partim partim ecclesiae, pro eo ac sufficiunt vires, operatus. Inter haec studia haud segniter versanti nescio quo fato obrepsit istud, quo iam detineor. Paruis initiis profectum institutum in eam molem increuit, ut iam typographos possit fatigare. In toto eo labore id me solatur, quod numine propitio, fauente Caesare, conscia vniuersim patria sudarim, sudemque adhuc. Tibi interim gratulor, quod Altorfensem cum illustriori Halensi fatis volentibus permutasti. Nos heic in barbari ei confinio senescere oportet. Eius rei indicium librum hunc accipe, qui iam simulacro Mariae fuit dedicatus. Agam, ut plura possis indipisci, si cimelion istud se tibi probauerit. Nisi graue putas, velim pertentes celeb. SCHMEIZELIVM, quo loco sint *Hungaricarum rerum scriptores*, quos inde a vicennio edere parat. Enim-

*) *Famigeratissimus in Hungaria historicus, Pisonii verbi diuini minister.*

Enimvero interest & mea & rei publ. litterariae id me non ignorare, quippe qui collegerim insignem *adparatum ad historiam Hungaricam ex monumentis partim ineditis, partim post editiones primas fugientibus constantem*, quem iam iam typis tradere paro. Vtinam ederet catalogum scriptorum, quos habet collectos, ne alteruter nostrum actum agat. Vale. *Pisonii clb lcccxxxiii. v. id.*
 April.

CAROLVS ANDREAS BELIVS. *)

Non te interpellarem, vir doctissime, nisi peculiaris illa tua humanitas, qua me ante hos duos annos, cum officii testandi causa te inuiserem, exceperas, in antecessum mihi polliceretur, quidquid est temeritatis aequo te animo laturum. Ab eo tempore Argentorati partim apud SCHOEPFLINVM meum, atque demum Lutetiae, partim Pisonii apud parentem diuertebam; vsque dum elapsi anni exitu ab illustri FESTETICSIO filio Lipsiam peregrinatio ephorus adiungeret. Quod ego in felicitatis meae accessionibus repono, quod nata mihi sit inde occasio, te propius, celeberrime SCHVLZI, tuamque eximiam eruditionem in vsus meos conuertendi. Ecce vero, quam sim importunus; prima est epistola, quam a me accipis, adeoque, vt volunt, verborum plena inanis rerum exaranda esset; ego, quod istud epistolarum genus non probem, illico eruditionem sollicito tuam, eo consilio, vt e penu tua litteraria aliquid, quod instituto meo inferuiat, depromas. Induxi in animum *de Thraciae regno commentationem publici iuris facere*, in hac limanda iam versor. Partitus eam sum in sectiones tres, quarum *prior de finibus Thraciae atque opportunitatibus differit, altera de Thraciae regibus, tertia de moribus Thracum*, quo & deos refero cultos a gente barbara. Hanc in rem proflare aliquid iuxta cum ignarissimis scio. Cum autem bene perspecta mihi sit tua in antiquitatum etiam adita penetratio; non

V v

potui

*) Tunc philosophiae & liberalium artium magister, nunc Lipsiae professor philos. pub.

potui non maiorem te in modum orare, velis pro singulari tua humanitate homini non litterato quidem, sed amantissimo litterarum suppeditare, quibus triplicem hanc laboris sui sectionem possit locupletare. Quae collegi, destinationi non sufficiunt adhuc, neque est in animo vilem schedam euulgare paullo post in scambros abituram. In primis quod ad reges attinet, scio te rei numariae peritissimum; hinc posses omnino & ratione istius periodi operam meam sustentare. Magna mihi est in tua bonitate spes reposita, neque credo commissurum te, ut repulsam feram istiusmodi destinationibus numquam satis dedolendam. Iam vale vir doctissime, de mea in te pietate securus, meque, si forte merear, ama; saltem dilige. *Lipsiae. clolcccxxxxi. xi. kal. Febr.*

14 **K**EHRIUS, de quo ut te docerem volebas nuper, ante duos annos, & quod excurrit, Petropoli diem suum obiit, quemadmodum iurata propemodum fide me docuere MENKENIVS & ERNESTIVS. Vale. *Lipsiae clolcccxxxiii. xxx. April.*

IO. STEPH. BERNARD.

15 **I**am dudum tibi innotescere in votis habui vir celeberrime, sed commoda, qua id consequeretur, mihi deerat occasio. Cum vero diutius eo carere aegre ferrem, neque tamen te sine parario adeundum esse arbitrarer, offero tibi *Demetrium* meum *Pepagomenum*, qui, ut mihi quidem blandior, tuum mihi favorem conciliabit. Accipe itaque eum tanquam meae in te observantiae interpretem, quem tanto tibi gratiorem futurum existimo, quod cum medicina elegantiores litteras coniunxeris. Leue quidem hocce munusculum vir celeberrime atque exiguum, nihilominus tamen a tua humanitate, quae quanta sit erga eos, qui litteras colunt, multi mihi abunde exposuerunt, mihi spondeo fore, ut voti mei fiam compos, tuque me tuo favore bees. Hilari itaque fronte, vir celeberrime, atque serena *Demetrium* excipe, meque in posterum tuo favore ac benevolentia prosequere: annitar autem, ut non ingratum tanto beneficio maclasse videaris. Vale vir summe

me, ac te suspicientem ama, iterum vale. Dabam *Lugduni Bata-*
vorum d. x. Septembr. clolcccxxxiii.

Miraberis fortasse vir reu. * qui fiat, vt te litteris compellem, 16.
cum tam diu nihil litterarum ad te dederim; & fateor, nisi singu-
lari tua humanitate frerus essem, omnino reformidarem nunc ad
te scribere. Verum tum tuae comitatis memor, tum etiam ami-
citia & familiaritate, quae inter nos intercessit, excitatus non du-
bitaui tuam opem implorare in re, cuius curam in se recipere ne-
mo te rectius poterit. Vidi aliquando inter vitas professorum
Altorfensium etiam piaae memoriae SCHVLZII haberi vitam ac in-
ter scripta eius memorari *Nicandri nouam editionem*; hoc indicaui
viro cuidam clarissimo in hac vrbe degenti, quem noram *Nican-*
dri pariter meditari editionem novam. Is me rogauit, vt, cum
cel. SCHVLZIVM vita functum esse cognouerit, operam darem,
& rescirem, quid de illis doctissimi viri notatis fiat. Recordabar
mox tui ac blandius mihi fore, vt tu mihi hac in parte omnium
optime adesse queas. Quapropter enixe te rogo reu. VRSINE,
vt scisciteris ex heredibus clarissimi defuncti, ane illa notata, ne-
mini profutura, viro celeberrimo concedere velint, & quibus
conditionibus. Dolendum enim foret quam maxime, si quae
doct. SCHVLZIVS ad illum poëtam medicum & salebrosum con-
gessit, interciderent. Gratissimum mihi foret, si quales essent
hae notae significare posses. Vtinam tibi liceret vnam alteramve
mihi speciminis loco exhibere! Certe egregium id foret, cum de
reliquis tunc quodammodo iudicium ferre possemus. Tu itaque,
reuerend. vir, petitioni meae locum da, ac vide, qua ratione id
commode fieri possit, vt me de hac re certiore facias. Noli
autem dubitare, quin, si qua in re tibi prodesse queam, id alacri
& prompto animo in me sum suscepturus. Vale ac te colentem
adama. *Lugduni Batawor.* d. xx. Novembr. clolcccxxxiiii.

V v 2

HIE.

*) *Nuper iam defuncto b. nostro SCHVLZIO summe rev. Philipp.*
VRSINVS, concionator aulicus, has accepit litteras.

HIERONYM. BERNEGAV.

17. **A**dmodum mihi volupe fuit perlegere eruditissimas a te nuper conscriptas dissertationes, illam in primis quae de *libon- tripticis* agit: quare quum certus sim aliquid litterarum me abs te accepturum esse, flagrantissimis precibus te iam obsecro, vt ne tantis bonis vltcrius mecum communicandis priuer, praesertim quum perlectae a quibusdam dissertationes ad eas sibi comparandas eos extimulaverint. Quos inter praenob. ROSEN est, professoris in medicina munus Vptaliae iam exercens, qui seuerissime me admonuit, vt abs te illas expeterem, quocunque denique pretio constarent, exsoluendas. Quam ob caussam rogatum te volui, vir amplissime, vt, si fieri vlllo pacto possit, binas de quacunque mihi transmittas. Caeterum expectabo responsionem de desideratis a me *animaduersionibus tuis in pharmacopoeam Brandenburgicam*. Dicas mihi vero velim, quas cognitae habeas rationes de morte celeberrimorum virorum STAHLII & DIPPELII. Primus tu fuisti, qui beatum scripseris DIPPELIVM in *dissertatione de libon- tripticis*, & licet quidem diu ante fama ad nos peruenerit de illius morte, & mihi & multis aliis tamen praesertim ecclesiasticis admodum iucundum fuit, id ex ore viri tam cordati & eruditi percipere. Ferunt eum insidiis venenatis principis cuiusdam vita extinctum fuisse. Vnde vero accidit, quod *ψυχὸς* ille STAHLIVS tam mature vita ereptus fuerit? quo denique morbo occubuit? an apoplexia? ita quidem rumor fert, sed is quidem sine capite, sine auctore? Haec sunt, vir amplissime, quae abs te erudiri cupio, spe fretus fore, vt discipulo tuo lineas quasdam litterulasque transmissurus sis. Meo nomine Fr. Hoffmannum senem salures. Vale & mihi faue. Dabam *Holmiae* die xv. Octobr. clcIdcccxxxiiii.

IVST. HENNINGIVS. BOEHMER. *)

18. **L**itterae tuae, ante aliquot dies mihi recte traditae, acceptissimae fuerunt,

*) *Sereniss. Boruss. reg consiliar intimus, illustr. Acad. Fridericianae director, regiminis Magdeb. cancellarius, facultatis iuridicae ordinarius eiusque professor publicus.*

fuerunt, tum quod certissimam egregiae tuae in me voluntatis significationem ediderunt, nil nisi humanitatem spirantes, tum etiam quod appropinquantem aduentum tuum, quem prae ceteris in votis habui, nunciarunt. Euocato paullo ante ferias natiuitatis CHRISTI a potentissimo rege ad curiam regalem primus mentionem tui iniecit FRANKIVS noster, simulque recte arbitratus est, me magnopere rebus Academiae consulturum esse, si praesens in curia illa, quae potentissimo regi de tuis in rem litterariam meritis in scriptis explicuerat, suffragio meo corroborarem, & hoc modo aduentum tuum accelerarem. Promptissimo animo in collegae sententiam secessi, eamque adeo meam quoque feci, vt statim sub adventu meo illustr. COCCIO mentem meam aperirem. Hilari fronte, quae ipsi de commodis in rem Academicam ex tuo accessu sperandis narrabam, accepit, simulque indicauit, & FRANKII & meo voto iam satis factum, sibi, die praecedente, regio iussu iniunctum fuisse, vt tuum, de prouincia tibi decreta, animum exploraret, & ad eam acceptandam pertraheret. Haec eum in finem tibi referenda esse credidi, vt scires, spem, quam in meam de rebus tuis ornandis augendisque voluntatem posuisti, non fuisse fallacem, gratamque mihi in posterum fore amicitiam tuam, ad quam colendam nouum pondus ex iure collegii, quo iungimur, accedit. Hac de causa quoque sine mora desiderium tuum Prorectori exposui, atque nullo negotio obtinui, vt inter lectiones medicas, loco debito, tui nominis mentio iniiceretur, & cultoribus studiorum significaretur, te propediem aduenturum & programmate separato de lectionibus habendis acturum esse. Eam spem itaque, quam de tuo aduentu iam omnibus publicatam nosti, vt, quam primum possis, reapte impleas, rogo instantier, quocum reliquis collegis post ferias nundinales Lipsiensis lectionum tuarum initium facere, & mature res tuas hic instruere possis. Officia mea nunquam tibi deerunt, si rebus tuis commodum adferre possunt, quin semper id agam, in id enitar, vt fiduciam erga me

conceptam non fuisse inanem, intelligere queas. Vale. Dab. *Haidiae* d. xiiii. April. clolcccxxxii.

IACOBVS BRVCKERVS. *)

19. **V**rget me, vir excell. atque celeberrime, *pinacothecae scriptorum nostra aetate illustrium decas*, quam molior, *quarta*, vt has ad te exarem. Eam enim noui doctrinae, qua tum in arte salutari, tum in veteris eruditionis notitia fulges, praestantiam, vt, cum tibi locum in hoc honoris templo deberi agnoscam, certusque sim multum splendoris operi inde accessurum, audeam his te compellere, vt quam te affabre pictam a *Spizelio* nostrate habere vultus tui imaginem intellexit *Haidius*, una cum vitae, studiorum & scriptorum enarratione, & annis gentilitiis tituloque honorario, quamprimum id fieri poterit ad *Haidium* Augustam mittas. Quamuis enim in b. BAIERI vitis medicorum imaginem tuam videre, & historiam te ipso auctore legere liceat; illa tamen rudi Minerua efficta est, huic accessisse ab eo tempore multa nullus dubito. Dabis itaque hoc, vir excellentissime, & litterarum honori, quem tam praeclaris haecenus meritis ornauisti, & patriae gloriae cui inferuis, & hanc *Haidii* petitionem ratam iuxta eas, quas in schedula adieci condiciones habebis. Mihi vero erit iucundissimum, eam quam ex eruditissimis scriptis tuis, & in primis *historia medicinae*, cepi erga te venerationem, iam in *hist. crit.* demonstratam iterato publico testimonio confirmandi, praesertim, cum te eruditionis Hoffmannianae heredem sciam, in quo viro prouidentiam numinis praeclarissimum & exoptandum prorsus sidus salutari arti constituisse intellexi, ex quo praestantissimae scientiae, corporis imbecilli & subinde sanitate nutantis conditione inuitatus, horis subcisiuis operam dedi, & immortalis gloriae scriptis eius totus immersus sum. Te itaque, harum litterarum statorem & humanitatis quoque antiquae vindicem, vt numen innumeris bonis cumula-

*) *Regiae scientiarum societatis Berolinensis membrum.*

mulatum tueatur & augeat, in votis habeo. Scrib. *Kaufbyrae*
d. xvi. Mart. clolcccxxxiiii.

IACOB. IOAN. BRVHIER. *)

Miraberis fortasse, vir celeberrime, vix tibi nomine notum lit-20.
teras ad te conscribere; maior tamen quam opinari quis pos-
set, nos inter necessitudo intercedit, quippe qui eandem colimus
artem, veneramur, diligimus; publicae, pro nostris viribus, vtili-
tati inseruimus; & aequa veneratione HOFFMANNI magni nomen
prosequimur. Hinc praecipue animo insedit fiducia litteras meas
tibi molestas non fore, cum HOFFMANNI decus ad scribendum me
impulerit. Ergo toties deuicta mors de victore HOFFMANNO
triumphavit, & perpetuo viuere dignum perpetuus vrget sopor!
Viuit tamen sibi ipsi superstes, aeternumque, ni fallor, victurus
est. Vt autem in beneficiorum quae in genus contulit humanum
societatem, quantum in me est, veniam, *medica eius principia*
vulgari nostro idiomate tradere pergo; vnde quatuor noua volu-
mina quinque iam editis mox adiungenda, quae therapeutices
tractatus, additis, si necesse fuerit, & volumen nonum caeteris mole
non superetur, de *venae sectione dissertationibus*, absoluetur. Iam
septimum expleui; sed aliquid in sexto deficiet, nisi pro tua vrba-
nitate defectum supplere placuerit. Ad annum octogesimum ce-
leberrimi HOFFMANNI vitam perduxisti, spero fore vt quae ad
eius mortem acta sunt, quaeque publica reuerentiae testimonia
eius memoriae tradita, ad me scribere te non pigebit; quin ad-
diturum num quae noua eius opera scriniis latentia mors eius ape-
ruerit. In *commentario de vita* HOFFMANNI polliceris publici
iuris faciendum litterarium eius commercium, dubioque procu-
rei publicae medicae opus conficies gratissimum. Verum in eo-
rum commodum qui Lugdunensi editione bibliothecas ditarunt
suas, eadem forma expedit excudi. Quod autem maiorem mihi
volupta-

*) *Parisis med. doct. regius librorum censor, societatis eruditorum*
diario conscribendo praeposita sodalis.

voluptatem creat, non tantum ad illum scriptas epistolas, verum & illius responsiones in scriniis reperiēs, quantum ex vltimis iudicare licet ad me die quarto Augusti anni proxime elapsi datis, ex quibus patet non tantum meas apud ipsum prostinisse litteras, sed & annexas eius iisdem responsiones. Verum si quid in meis typis dignum iudicaueris, certe aequum est de eximia HOFFMANNI doctrina iudicium: cum autem in re publica litteraria satis spectatus non sim, vt ex assensu meo aliquis in concionem tuam redundet honor, litteras meas obliuioni tradi non moleste feram. Si tamen in meam non descendas super hac re sententiam, oblitterandae profecto erunt eae, quae meam spectant versionem, quaestiones. Quia gratis omnino suppono, vir celeberrime, tibi notam esse linguam nostram, opusculum a me exeunte anno 1742. typis mandatum, cui sub praesentis anni finem alterum volumen subiungam, ad te mitto; quod certe vestris regionibus prorsus nouum erit, licet omnibus populis vtilissimum: aliquot etenim tantum exemplaria Hamburgum, & Viennam Austriacam appulerunt. Sed ea est bibliopolarum tum nostratium, tum vestratium negligentia, vt plura quae tum in nostris regionibus, tum in vestris nascuntur utilia opera, nobis vobisque ignota remaneant. Gaudeo obseruantiae meae testimonium exhibendi tibi ansam suppeditari, oroque vt mentem tuam de hoc opusculo candide aperias; tum si quid circa *humationem*, aut *balsamationem cadauerum* apud vos obseruetur, mecum communices. Obseruat enim *Hildanus* Geneuae, & aliis in locis terrae non mandari corpora, nisi a medico, ad id officium destinato, explorato atque inspecto cadauere. Sed vt ad bibliopolarum negligentiam redeam, huic vitio facile occurreretur, vir clarissime, si tibi placuerit. Si enim taedium tibi non affert, quod tecum instituo litterarium commercium, de iis omnibus libris artem nostram spectantibus, quae hocce in regno publici iuris fient, nuntium ad te sum missurus, quin et aequum, quantum in me erit, subiungam de iis iudicium; tu vero idem officium mihi praestabis ea nunciando quae tum Lipsiae, tum Hafniae, tum Ienae, & alibi opera

opera excudentur, tam quoad omnes medicinae partes, quam super aliis materiebus, modo plausu digna iudicentur. Equidem in alienas terras excurrendi nec mihi animus est, nec tempus suppetit; sed amplissimus Galliae cancellarius, litteratorum omnium Maecenas, quique de te honorifice, ut par est, sentit, & qui nostro eruditorum diario praestit & inuigilat, iubet me scribere tibi te gratissimum facturum, si desideris annuas meis; & ut magis probeat quam gratum ipsi sit institutum a nobis hunc in morem litterarum commercium, tum sigillo suo muniri quae a me in posterum ad te mittentur epistolae, tum quas ad me scribes tuo nomini inscribi consentit. Haec tamen aduertenda; ubi epistolae nihil adiunxeris, simplici inuolucro coopertam sic inscribes, *a Monseigneur, Monseigneur le Chancelier de France, a Paris*. Si quod forte opusculum ad me mittere velis, simplici item inuolucro eodem modo inscripto coopertum nunciorum publicorum ministerio absque impedimento afferretur, modo non ultra rationem turgear, id est praesentem fasciculum mole non superet; alioquin partitis vicibus mittendum. Sed tunc nulla adiungenda epistola, quae hebdomada antecedente, aut subsequente seorsim mittenda. Sic publicanorum nostrarium & vestrarium inhians auaritia deludetur. Quod ut securius adhuc fiat, ita adornanda epistola ut in gratiam amplissimi Cancellarii ad me conscripta videatur. Sed ad nostros redeo libros. Vix ac ne vix quidem e suo penu quid detrahunt medici nostrates. Solis versionibus student, praecipueque librorum Anglica lingua conscriptorum, quorum plures, nec infimi pretii, paucis ab hinc annis venales prostant; sed, quod obseruandum ex Anglico sermone in Gallicum conuersi. Solus, quem sciam *Ioannes Astruc*, regia sanitatis consilio, *duobus voluminibus in 4to de morborum venererum historia et curatione Latine disseruit*; egregium certe opus, cedroque dignum, omnia complectens quae super hisce morbis hucusque tradita, & obseruata. Quod ad caeteros libros spectat, quinque voluminibus in 12. *specimina medica societatis Edimburgensis*, duobus in 12. *observationes de remedio li-*

rhontriprico Ioannae STEPHENS, uno in 12. *de aëris effectū in corpus humanum* D. ARBVTHNOT, duobus in 12. *eiusdem autoris tractatum de alimentis*, uno *de vesica urinaria* tractatum D. PEARSON, uno *de morbis Anglicis* D. CHEPRE, vno D. LOBB *de podagra et calculo* tractatum, vno *de statu medicinae tum veteris tum recentioris* tractatum D. ELIFTON, duobus *de febribus malignis & pestilentibus* D. CHIRAC, regi a sanctioribus consiliis, & archiatrorum comitis, quibus coronidis loco adiiciam *regiae chirurgorum Parisiensium academiae volumen primum* in quarto, observationibus factum, vtinam non ratiociniis. Sed haec omnia, vt iam dixi, Gallice conscripta, ac proinde tibi inutilia, si linguam non calleas nostram: aliter se re habente si quod horum operum saluam tibi moueat, indica viam qua ad te peruenire possint, & lubentissime ad te ea mittam. Horumce librorum titulos indicare satis est tibi, vir clarissime, qui diario conscribendo non vacas; mihi autem non item. Si quos igitur librorum titulos ad me mittere non te pigeat, integros conscribi opto, additis etiam anno, bibliopolae nomine, vrbisque vbi venales prostant. Diarii eruditorum litterariis nunciis inferendum curauit titulum *synopsos tuae medicae historiae*, quantum ex litteris Hoffmannianis mihi innotuit. Correctiorem a te mittendum spero. Nam bibliopolis nostris adhuc opus hoc ignotum est. Vale, vir celeberrime, et me tibi crede devotissimum. *Lutetiae Parisiorum idibus Iuniis.* c1o1occcxxxiii.

21. Iam pridem ab illustrissimo *Friderico* HOFFMANNO, vir celeberrime, didici vestris non ignota regionibus dissidia saluberrimam inter facultatem Parisiensem, seu potius totum medicorum Gallicorum ordinem, & chirurgorum tum Parisiensium tum prouincialium societatem. Ab omni aevo medicorum ius architectonicum agnoscere recusarunt chirurgi; sed nusquam magis eorum increvit audacia, quam paucis abhinc annis, a quibus primarius regis chirurgus, vir in arte sua sat versatus, auctoritate ex medicorum alicorum parte non aequilibrata, abutens, nil intentatum reliquit non tantum

tantum vt chirurgos pari cum medicis incedere passu efficiat, sed vt chirurgiam medicinae superstruat ruinis. Hac spe allectus regio edicto sanciri curauit nullum in posterum chirurgorum Parisiensium societati adscribendum, nisi humanioribus instructum literis, & laurea Apollinari cohonestatum; auctoritateque regia contractus quo chirurgi iurati cum barbitonsoribus chirurgis, olim in unam societatem coaluerant, ad nihilum redactus; editumque in senatus Parisiensis commentarios relatum. Hinc crediderunt chirurgi se saluberrimae facultatis iugo liberos, & a probatoriis suis tentaminibus medicos excludere non dubitauerunt, animo fingentes soli contractui supra laudato medicorum in chirurgos ius inniti. Inde acerrima medicos inter et chirurgos enata controuersia, quam senatus Parisiensis iudicio suo composuit, chirurgorum, vt decebat, arrogantiam coercendo, & medicorum iura incolumia praestando, quae saluberrima facultas pluribus scriptis, publici iuris factis illustrauerat, & stabilierat. Eadem in vnum corpus redacta tum academiis quae Galliam nostram, tum & eis quae exteris vrbes nobilitant, communicanda cum decreuisset, occasionem nactus, ad te, vir celeberrime, mitto. Alterum scilicet exemplar tibi, alterum saluberrimae Halensi facultati destinatum. Eo lubentius haec ad te mittendi prouinciam suscepi, quod absque vlllo dubio de saluberrimae facultatis Parisiensis gaudio gratulabimini, & noua inde sussepta sit obsequium in te meum attestandi occasio. Vale. *Parisis v. cal. Octobr. clcIdcccxixiii.*

Hebdomada proxima ineunte praelo committeretur *opus* egregium, regis iussu confectum, *de peste*, autore D. SENAC, regiae scientiarum Academiae socio, serenissimi Aurelianensium ducis archiatro, omnia complectens quae ad historiam, therapeuticam, & politica ea de re statuta pertinent; ad unum, forte & alterum volumen in 4to assurgit.

Nullum licet responsum litteris a me ad te, vir celeberrime, v. 23. calendas Octobres datis acceperim, nihilominus oblatam arripio

occasionem debitum soluendi, id est, *quatuor posteriores medicinae rationalis Gallicae tomos ad te mittendi*, qui tibi grati adueniant exopto. Ex praefatione sexto tomo praeceuntri colliges me ver-
 tendis Hoffmannianis operibus amplius non insudaturum; quod bibliopolam impulit, ut alterius laborem exposceret, cuius opera *tractatus de febribus*, iam omnino confectus, breui typis com-
 mitteretur. Fasciculo inclusa reperies *commentariolum* a me leuiter enaratum *de vita Ioannis Baptistae SILVA*, & scriptum, quo saluberrima Parisiensis facultas chirurgorum nouos conatur insultus comperescere. Paucis diebus ab acceptis tuis litteris cum celeberrimo nostro *Camillo FALCONET*, regi a sanitatis consilio, regiae numismatum Academiae socio, saluberrimaeque facultatis Parisiensis doctore, omni eruditionis & vrbانيتatis laude spectabili, de tua quam nunciabas *medicae historiae synopsi* verba cum facerem, querebatur vir acriori instructus iudicio nullum ex iis autoribus qui *historiae medicae* conscribendae prouinciam susceperunt eam ad nostrum usque tempus perduxisse. Data me occasione edocuit arctam se inter & *Damietem le CLERC* necessitudinem intercessisse, & aduersaria multa ab illo conscripta suis in scriniis putrescere, quae libentissime cum eo communicaret, qui ad hocce saeculum *medicam historiam* veller producere. Si tibi haec aduersaria voluptatis, aut vtilitatis quid allatura indicaueris, ea ad te mitti curabo; modo qui in Europa fere tota saeuit Mars impius, concordiam nostros inter reges non labefactet; quod deus auertat. Tuum ea de re responsum via quam prioribus indicaui litteris, expecto; cui, si opera oblata arrident, litteras *cel. FALCONET* scriptas subnectere non mihi superuacaneum videtur. Eadem via & *vitam integram*, aut *supplementum vitae Friderici HOFFMANNI*, ac catalogum eius operum ad me poteris transmittere, non neglectis praescriptis conditionibus, & cautionibus. Praecedente epistolate rogavi ut me certiore faceres num quatuor *Martini SCHVRIGII*, physici Dresdensis, *de trichologia, haematologia, galactologia, & grauiditate tractatus*, qui in dicti SCHVRIGII operibus saepius laudantur, publi-

blici iuris facti sint, aut faciendi; nullus enim eorum apud nos peruenit, licet caeteri peruenerint. Cum autem caeteros comparauerim, supra laudatos ipsis libenter sociarem. Vale. *Parisis pridie calendas Maias c1810ccxxxiiii.*

ANDR. ELIAS BÜCHNER. *)

Veniam dabis, ut spero, meae in respondendo tarditati, cum in 24. numera, quae hactenus expedienda fuerunt, negotia unice obstiterint, quo minus debito meo hactenus satisfacere potuerim, nec etiam in praesentiarum reliqua, nondum prorsus exantlata, id permisissent, nisi paullulum sepositis iisdem, calamo admodum fugitiuo pauculas hasce lineas festinanter in chartam coniecissem, ne forsitan in suspicionem negligentiae aut pravae socordiae insons apud te incurram. Ante omnia igitur devinctissimas tibi, vir excellentissime, persoluo grates, pro humanissima, de suscepto tandem *praesidio Academiae nostrae imperialis*, mihi facta gratulatione, ac huic annexo voto sincero, cui ut & ego, quantum ad me attinet, in posterum debere respondere queam, immensa, ut certissime spero, me adiuuabit diuina gratia, una cum honoratissimorum dominorum collegarum consiliis & laudabili in exornandis & amplificandis *ephemeridibus* nostris industria, quippe cui meam qualemcunque, pro virium modulo, iungere opellam, nunquam sane deficiam, quousque vitam largietur creator benignissimus. Ut autem tibi speciatim, vir excellentissime, aliquantulum ad minimum innotescat, quanti & te, & amicitiam & fauorem tuum, mihi semper pretiosissimum, & tua saluberrima consilia habeam ac in posterum habiturus sim; non solum, quos nuperrime mihi commendasti, viros illos doctissimos, nimirum praenob. doct. WALLASKAY, & doct. HOFFMANNVM, prompte ac perlibenter in Academiam nostram imperialem recepi, eiusque matri-

X x 3

culae

*) *Sereniss. Boruss. reg. consil. intim. Academ. imperial. nat. curiosor. praeses, medicinae & phys. prof. publ. ord. Fridericianae b. t. prorector & facult. med. decanus.*

culae inferui, sed & in posterum illos maxime, quos honore isto dignos & ad promouendum dictae nostrae Academiae emolumentum & splendorem aptos iudicabis, prae reliquis eidem adscribere apud me constitui. De reliquo parum haecenus absuit, quin praenob. D. WALLASKAY, si, quod in Russiam meditatur iter, adhuc prosequi intendat, comitem mihi similis suscipiendi exorauerim itineris, quoniam nuperrime iussu Augustissimae Russorum imperatricis, illustri FISCHERO interprete, functio medici ordinarii aulici, cum satis lauto stipendio, clementissime mihi offerebatur, ita tamen, ut elapso ad minimum quadriennio, ad patrios redire lares liberum mihi maneret. Ast, licet haud leuis me inceserit cupido, diffitas hasce visendi regiones, in complurium eruditorum notitiam perveniendi, maioresque sic profectus in studiis meis faciendi, tantum tamen continuae & amicorum, & in primis, amantissimae coniugis, apud me obtinuerunt preces, ut, si quoque diuino quodam iussu relinquenda foret patria, extra Germaniae fines ad minimum me haud progressurum esse, ipsis promiserim. Antequam vero sat prolixam hancce penitus claudio epistolam, te hisce adhuc humanissime rogatum volo, ut in posterum non solum de egregiis & solidissime semper exasciatis tuis dissertationibus exemplar quoddam pro bibliotheca Academiae nostrae adseruare, sed &, si quae forsitan de haecenus publicatis adhuc tibi superfuerint, etiam harum exemplar futuris addere velis. Nuper enim duodecim volumina studiose conquisitarum disputationum, praefatae bibliothecae donauit amicissimus noster collega, praenob. KNIPHOFIVS, quas subinde nunc augere cogito, eumque in finem nunc in primis illas, quae moderantibus excellentissimis Academiae nostrae collegis ventilatae sunt, vndique obtinere intendendo, & idcirco te quoque, vir celeberrime, propositum hocce beneuole promoturum esse certissime confido; occasiones autem, quibuscum commode interdum huc transferri queant istae tuae doctissimae lucubrationes, si prius isti meo petito locum te beneuole dedisse cognouero, lubentissime semper significabo. Tandem

dem illustrem nostrum HOFFMANNVM meo nomine haud grauatim humillime quaeso salutes. Vale. Dab. *Erfordiae a. d. VIII. Mart. clobcccxxvi.*

Quod paucis saltem ad honoratissimas tuas, hesternae die mihi red-25.
ditas, respondeam, non tam pravae cuidam socordiae, quam nimiae temporis angustiae tribuas quaeso: malui enim pauca potius tempestiue, quam multa, vel superflua sero nimis transcribere. Ante omnia igitur deuinctissimas tibi, virexcell. persolvo grates, pro transmissis egregiis cura tua haecenus euulgatis opusculis: occuparunt illa iam debitum suum locum partim in communi Academiae nostrae, partim etiam in priuata mea bibliotheca, in perennem celeberrimi nominis tui memoriam. Non minus gratam mihi fore *dissertationum*, tuo sub praesidio haecenus publicarum, *continuationem* liberaliter simul promissam, certissime tibi persuadeas velim, eamque ob causam, prout desiderasti, hac occasione significare volui, vltimas, quas obtinui, de *morbus verni temporis*, & de *ventriculi & intestinorum ratione in omni morborum genere habenda*, inscriptas esse. Gaudeo etiam de egregio tuo proposito, in *praefatione ad BLANCARDI lexicon* medicum communicato, *Olai* nempe BORRICHII *linguam pharmacopoeorum* auctiorem, itemque nouam linguam anatomicorum, & forsitan etiam chirurgorum, publicandi: probe enim noui, quod praeter me complures alii diu talia exoptauerint, ideoque vt vitam viresque clementissime tibi deus concedat, cordicitus voueo. Caeterum cum tibi placuerit celeb. CASSEBOHMIVM commendare, lubentissime in idem huic tuo adsurgam desiderio, consuerumque diploma propediem transmittam tibi, obnixae simul rogans, vt in efflagitandis quibusdam *observationibus* exercitatissimi huius anatomici, pro augendis nostris *ephemeridibus*, pergas, harum enim quintum volumen intra quatuor vel sex hebdomadarum spatium prelo subiicietur, vt futuris autumnalibus nundinis publicae luci exponi queat, adeoque gratissimum mihi foret, si his pariter, ac forsitan etiam qui;

quibusdam tua ex penu depromtis, augere & exornare illud mihi liceret. Quod super est valere non solum te, vir excellentissime, iubeo, sed & vt fauore tuo vltcrius me complecti haud desinas, enixe rogitō. *Erfordiae* a. d. xviii. Iunii, clolcccxxxix.

- 26 Paucis scire te volo, me *fasciculum dissertationum*, nuperrime transmissarum, rite obtinuisse, maximasque idcirco & meo & communi Academiae nostrae nomine, gratias tibi persolvere; proinde etiam praematuram tristissimamque praenob. D. de DRAVTH mortem maxime dolere, insimul vero valdopere laetari, quod de refarcienda hacce iactura tam serio statim laboraveris, commendando in locum defuncti, alium fama atque doctrina admodum celebrem virum, nostrae hinc Academiae, prout non immerito sperare licet, valdopere profuturum. Absque vlla ergo haesitatione tibi, vir excellentissime, consuetum diploma receptionis hisce transmittō, vt illud, vna cum adiunctis, commoda illa, quae iam tibi prostar, occasione, cl. D. ALBRICHIO perferri cures. Vale. *Erfordiae die v. Maii.* clolcccxxxx.

- 27 Multas omnino magnasque tibi gratias debet vniuersa nostra Academia ob commendatum & procuratum collegam non minus eruditum, quam munificum, in persona excellentiss. doct. ALBRICHII, vtpote qui cum transmissō illo nitidissimo aureo numo, tam magnitudinis & ponderis, quam antiquitatis & raritatis gratia admodum notabili & aestimando, tali modo gratam sui nobis commendauit memoriam, quali a nullo vnquam receptorum olim collegarum factum esse recorder. Destinaui ergo eundem statim fisco nostro, insimulque eo allaborare mecum constitui, vt in natura adseruetur, nec vnquam permutetur, nisi forsitan extrema nos vrgeat necessitas. Indicaui idcirco haec omnia bono seni, debita cum gratiarum actione, in adpositis litteris, quas vltiori tuae beneuolae curae commendo, insimulque certiorē ipsum reddidi, de oblati iam inque bibliothecam nostram Academicam
trans-

translatis *observationibus eius de pestilentia ann. 1718. & 1719. Coronae grassata.* Poterunt interim hae ipsae, vna cum reliquis hactenus editis doctissimis tuis scriptis, bibliothecae nostrae itidem destinatis, haud grauatim commodae & securae cuidam occasione referuari, qualem forsitan propediem me nacturum esse spero, tibi que idcirco, quamprimum ea sese offeret, statim indicabo. Vale. Dabam *Erfordiae, III. nonar. Nouembr. clocccxxx.*

IO. LVDOLPH. BÜNEMANN.

Per mihi gratæ tuæ fuerunt litteræ, testes amicitiae veteris, 28.
ne in diffitis quidem locis intermortuæ. Gratulor tibi non magis quam Academiae Fridericianæ, quod tu illi, illa tibi tandem est reddita; gratulor mihi de amico nunc vicino magis, maxime vero meis filiis, qui quotidie ex tua emendatissima variaque doctrina vberimos fructus poterunt capere. Ex his natu maiorem, qui naturali quodam instinctu inde a teneris se arti salutari consecrauit, velim tibi habeas commendatissimum. Ante tua tempora celeberrimorum virorum doct. ALBERTI, & IVNCKERORVM in se fauorem amoremque semper celebrauit, horum studiis tu, amice & fautor integerrime pondus longe maximum certissime, vt plane confido, es additurus. Non tam amici quam patris iure velim, in eum vtaris, amplectere illum, mone, excita, vrge, quæ ea, quæ ipsi adhuc desunt, deerunt autem ei plurima, suppleantur & farciantur. Scripsit mihi nuper admodum, se proxime post aduentum fratris, quem non minus ad optima quæque studia tibi commendo, examen suorum in studio medico profectuum subiturum; vtinam tibi non incommodum foret huic examini præsentem interesse, atque iudicem, num aliquid iam in eo in futurum aliorum vsum profligauerit. Tuum de eo iudicium, quippe integerrium mihi expeto etiam atque etiam. Ad SWARZII Altorfini, excellenti ingenio atque doctrina viri litteras cultissimas mense Nouembri decursi anni clocccxxxii. respondi, atque ex desiderato ab eo antiquo *chronico Romano clocccclxxvi.* ea, quæ

ad antiquos typographos pertinebant, excerpta transmissi. Sed nescio qui factum, ut ad meas prolixiores litteras, per Casselas & Francofurtum ad Moenum, ut noster nuntii publ. praefectus iubebar, portorio a me exsoluto missas nihil plane adhuc responderit. Forte proxime a te monitus aliquid ad illas meas reddet. Vendebatur in auctione Riutiniana Lipsi. secundum catal. p. 201. n. 1944. *Matth. IUDICIS lib. de typographiae inuentione & de prelorum legitima inspectione Coppenbagii 1566. 8. pretio octo imperialium vnusque grossi Misnici; noui hunc librum longe rarissimum venalem pretio septem imperialium, si celeb. SCHWARZIVS eum fortasse requirat. Pro Lactantio ed. i Rom. 1465. obruli celeb. SCHWARZIO, non noueram autem ipsius, sed Schwindelii esse alios libros pretium XII. imperialium aut non multo maius adaequantes. Vale ex voto. dab. Mind. Westph. d. x. April. clolcccxxxiii.*

PHILIPP. BVRGGRAVIVS.

29. **D**ignatus es, vir excellentissime, commentationem meam *de exist. sp. nerv.* tuo ornare calculo. Illius apologiam iam ea qua decet obseruantia offero. Si nec haec displicuerit, satis mihi erit laudis. Caeterum non dubiro quin dogmatibus Stahlanis innutritos maxime irritavero; nisi vero GOELICKIO & GOHLIO meliora dabunt, nil a me responsi habebunt. Tua vir celeberrime tuique similibus approbatio mihi potissimum in votis est. Alios, qui carpunt quod non intelligunt, haud curo. Vale vir excellentissime, & mihi favere perge. Dab. *Francofurti ad Moen. d. v. Maii, clolcccxxviii.*

SAMVEL DE COCCEIL. *)

30. **E**ruditissimus ille ingenii tui foetus, quem haud ita pridem publici iuris facere, meoque nomini inscribere non dubitasti, cum

*) *Potentissimo Porussiae regi ob intimis status ministeriis, supremus omnium regiarum academiarum curator, caet. caet.*

cum gratulandi, tum gratias agendi mihi suppeditat occasionem. Et gratulandi quidem propterea, quod editionem operis huius doctissimi nomen tuum aeternae famae monumentis incisuram esse auguror: gratias vero agendi, quod me potissimum animi tui delegit propensio, cui librum hunc absolutissimum solemnī dedicationis festivitate consecraret. Quemadmodum igitur, vir doctissime, te in dies magis magisque inclarescere vehementer gaudeo; ita quoque tibi confirmo me quavis oblata occasione esse futurum, vir eruditissime, tui studiosissimum. *Berolini* xxiiii. Maii cldccc xxxvi.

IO. FRID. CRELLIVS.

Veniam dabis, vir excellentissime, pro singulari tua humanitate gr. ignoto homini, qui nominis tui celebritate commotus, his primum litteris tibi innotescere tuumque exorare fauorem gestit. Non sine multa animi voluptate nuper admodum in elegantissimum de *rei medicae historia*, a te primum lingua eruditorum conscripta, volumen incidi, atque illud summa cupiditate perlustraui. In quo cum aduerterem, te ideo potissimum circa tempora Romanorum substitisse, quod *litem de conditione medicorum Romae degentium ignobili* curatius explicare constituisses, neque tamen scriptorum hac de re in Anglia nuper editorum exemplar vllum obtinere potuisses, dolui tam leue momentum in perficiendo opere ab omnibus eruditis cupide expectato tibi impedimento esse. Cumque illustris MCKENII nostri fauore tam *oratio* MEADII, quae primam huic controversiae mouendae ansam MIDDLETONIO suppeditauit, quam MIDDLETONII scripta, (reliqua enim alterius partis ad nos plane non allata sunt) in manus meas pervenerint, atque vix aliud praeterea exemplar in Germania obtineri posse credam; iniquum duxi, illa in pulvere musei mei situ & squalore corrumpi, quae a te multum desiderata in publicum prodesse possent. Ausus itaque sum tibi, vir excellentissime, eadem offerre, quae si adhuc vsui esse aliquo poterunt, neque illa aliunde iam obtinuisti, non parum mihi gratulabor. Adieci dissertationem primis vitae academicae

annis a me elaboratam, in qua hanc quoque controuersiam attigi: non quod aliquid notatu lectuue dignum in eadem contineri credam, cum si nunc in publicum edenda foret, multa omnino delenda, mutanda, adicienda ipse deprehendam, quorum plura, vir excellentissime, primo statim obtutu notabis, quae pro tua benevolentia primo aliquid in publicum euulgandi conatui condonabis, sed ut meae erga te obseruantiae testimonium exstaret. Vale vir excellentissime, meque tuo patrocinio commendatum habe. Dabam *Lipsiae* XIII. kalend. Febr. MDCCXXVIII.

32. Nuperas tuas, ultimo Aprilis ad me datas, ultimo demum Iunii rite accepi, tibi pro transmissis beneuole ingenii tui foetibus grates persoluo decentissimas. Citius ad illas, uti par erat, rescripsissem, nisi illo ipso tempore in perficienda dissertatione philosophica, & subeundo examine practico fuisset occupatus, quibus impedimentis, ut officii intermissionem, pro tua humanitate excuses, oro rogoque. Lubens plura ad *controuersiam de medicis seruis* spectantia adiecissem, nisi nobis omne ferme cum bibliopolis, apprime Londinensibus, commercium esset interclusum; quicquid enim ex Anglia noui ad nos adfertur, illud fere omne illustri debemus MENKENIO ad quem tamen rarius aliqua Londino afferuntur. Ceterum opto, ut propediem tibi ultimam manum erudito operi admoveere liceat. Adjeci tenuis laboris mei specimen aliquod, obseruantiae testimonium, & eidemque eotypum quendam iconis Aesculapii, qualem excell. PLATNERVS in gemma gestat, adieci, parum ab aliis diuersam, nisi quod insuetum quid dextera tenere videatur. Aliud praeterea dubium de eodem Aesculapio animo haeret, quippe LANGIVS noster in *historia medica* operibus suis praemissa p. 8. de modo incubandi in templis Aesculapii ita tradit: „ut autem exacte cognoscerent indicatum remedium, sacerdotes numerum vegetabilium, in hortis in atrio positis, colebant insignem, quae loca prius aliquot per dierum spatium frequentare cogeantur miseri, ut in somno oblata planta atque remedium

medium statim pateret. Quod cum nulla veterum adstruat auctoritate, neque in CLERICI, neque tua, ab experientissimo PLATNERO mecum communicata, *historia medicinae*, vllum huius rei vestigium potuerim deprehendere, simplici eius asserto fidem dare dubitavi; quod si tua decisione animum firmare non dedignatus fueris, metibi maxime obstrictum profitebor. Vale vir excellentissime, tuoque me fauori commendatum habe. Dab. *Lipsiae* IV. Non. Aug. c160cccxxix.

GERARD. CORNEL. DRIESCHIVS. *)

Fatendum est sane Pannoniam hanc nostram cum Dacia, & Moe-33.
sia numerum esse antiquorum feracem prae ceteris prouinciis, siue Graecos spectes, siue Latinos. Qui si ab iis emantur, qui rei numariae nec scientiam, nec notitiam vllam habent, puta Hebraeis, & colonis, qui vel ipsi eosdem inueniunt, dum terram fodiunt, & occant, vel repositos ab his pro metalli solum valore, ac τύπων, seu figurarum integritate amplius aliquid in illos erogant, vt suos faciant, aequo plerumque pretio, tametsi non semper minimo, haberi solent. Hocque ipsum est, quod me ad aliquam collectionem inchoandam animauit. Neque enim sum ex eo hominum genere, qui numos veteres, & alias istius modi antiquitates soluere quouis pretio debeam, aut possim, quod virorum tantummodo principum, atque magnorum est, qui in re lauta domi, & amplis possessionibus sunt constituti. Cum oculis meis rationem in eo, nec mihi semper, quod lubet, licet. Paucorum nihilominus annorum spatio collegi vltra c160c160c160c160c. partim aeneos, partim argenteos, & paucos quosdam aureos, non computando eos, qui mihi in duplo remanserunt, quorum haud exiguus fuit numerus ac fere tantus, quantus seruatus, si non maior. Istorum maximam denuo partem, qui sic attriti erant, vt aciem plane fugerent, vt nec legi amplius, dignoscere vlla ratione valerent, in cyathos conflare, ac vasa ipse curauim, alios am-

*) Eminentiſſimo archiepiscopo Strigoniensi a secretis litteris.

cis obtuli pari, quo redemeram, pretio. Consueui autem argenteum, qui huc ad me perfertur ab Hebraeis, vicinis ruricolis, & aliis quibuscunque, si bene seruatus sit, & illo caream (quod, quia catalogum, atque ipsam collectionem ad manum habeo, jam scire datur) **xxi.** communiter, aut **xxiiii.** nonnunquam etiam, si plane elegans sit, obuius licet, **xxx.** **xxxx.** ac pluribus, aeneum primi, ut vocamus, moduli **xiiii.** **xviii.** subinde **xxiiii.** ac triginta plane, secundi **vii.** **viii.** vel **ix.** tertii **ii.** **iii.** aut **iiii.** crucigeris soluere. Aureis minus adhuc certum apud me pretium est positum. Praeter eos quos ex Germania, Gallia, Italia, Hollandia, & Anglia, ubi doctiores, quam in Hungaria nostra numorum veterum cognitores, & amatores reperiuntur, accipiebam frequentes ex Dacia, Moesia, Sclavonia, postremis item Hungariae finibus, Marcomannia, Sarmatia, vel aliunde submittebantur, hos retinere, ac seu probe adseruati essent, seu male, aequali omnes pretio pro diuersitate locorum, e quibus ferebantur iam minori, iam rursus maiori, prout venditoribus incidebat, vel forte ipsi etiam comparauerant, redimere oportebat; inde accidit, quod mihi tot in duplo, ac multum detriti, quos alias non emissem, venerint; quia illos antea inspicere, atque examinare non concedebatur. Aduehebantur autem saepius una eademque vice centuriae tres, vel duae argenteorum, aeneorumue istiusmodi numorum, atque inter illos non raro quinque, sex, aut septem cum eadem ex integro aduersa, auersaque. Quicquid bene conseruatorum (nam ceteri ut prius indicavi, omnes liquefacti fuere) apud me inueniebatur, **BOVLIVS**, qui res Tirolensium Vindobonae curat in consilio Caesaris aulico, ante annum unum ac dimidiatum hinc a me abstulit. Ab eo tempore nihil amplius ex recensitis superius locis propter oclusos vndeque, ob mali pestiferi, & contagiosae luis suspicionem, transitus perlatum ad me fuit, nec tam cito esse aliquid iterum perferendum reor, quanquam apud varios varia pro me adseruari sciam. Quaedam tamen centurionis vxor vidua, abs qua, vel cuius potius marito,

mulra

multa saepenumero ex superiori Moesia, seu Valachia Austriaca, quam postremo hoc infortunatissimo nobis bello totam denuo amissimus, talia antiquitatis monumenta mihi conquesta fuerant, dum hac nuper transiret, ad praescriptam alteram ex sanis Hungariae prouinciis venientibus XIII. dierum moram Virouillae, seu Mannerdorffii, ad Austriae confinia exigendam centurias aeneas tres, & vnā propemodum argenteam, hic apud me reliquit, omnes genuinos ac probos, praeter quatuor aeneos primi moduli, & posteriores quidem eleganter expressos uniuersos, ceteros etiam sic adseruatos, vt dignosci continuo, ac legi, plurima certe pars eorum, non magno labore possit; vendere non alia condicione vult, quam ea, qua olim maritus suus, iam vita functus, ex Dacia ad me mittere est solitus, nempe vt cuncti retineantur. Verum cum plerosque iam possideam, nec viginti, ex hoc tanto numero, exceptis, haud credidi e re mea fore, si tot nouis duplicatis me denuo onerarem. Tu vero si eosdem habere desideras, constitue mihi hominem, cui sint consignandi Numerum illorum, ac pretium coniectum in has litteras solum re docebit. Idem HOFFCVNZIVS, qui epistolam mihi tuam reddidit, sub uno mecum lecto in eadem domo commorans, mihi pariter significavit (quanquam in litteris tuis ipse nullam de hoc mentionem facis) mineras tibi quaeri, & expeti. Sunt mihi multiplices, ac praestantes ex omni genere, aurea praesertim vna quae in quolibet magni principis *γαζοφυλακῶ* prostare, illudque decorare valeret, plures aliae maiores, minoresue circiter xx. argenteae multo etiam copiosiores, in quibus aurum, argentumque tanquam in fila ductum, aut malleo percussum in folia, visitur, nariuae cinnabaris magnae, ad libram unam vel duas, & ultra ponderantes tres, mediocres, ac minores plures, rum aeneae, plumbeae, ferreae caeterae C. quas, quia natura magis in iis consideranda venit, quam eruditio, quae numis inest, vbi se emptor obtulerit, cunctas auferri patiar; horum autem, quos tantum semel possideo, ita tenax sum, vt nec duplicato mihi, triplicatoue, nec summo sim pretio, quo

quoad vixero, dimissurus. Talem namque delectationem animi ex his capio, ut emere novos quotidie velim, ac libenter omnes, quibus careo, si aequo habere permittatur. Quicquid vero deinceps, quod in collectione mea iam reperiatur, & ab aerugine temporumque iniuria custoditum egregie, vel commode saltem, ac mediocriter sit, vel hic apud Quados, vel aliunde, ubi patefacti denuo aditus in vicinas, exterasque regiones fuerint, conquirere potero, tibi cum ita iubes, servabitur; atque de hoc securum iam esse te plane iubeo. Ceterum siquid noueris, in quo tibi etiam porro seruire queam, pro iure tuo, quod in me iam obtines, monebis; voluntatem mihi quidem certe nunquam senties defuturam. Vale vir celeberrime & istam eruditionem tuam plurimum colenti favē. Dabam *Pisonii Quaderum* v. *Idus Novembreis* cIo Icccxxxviii.

- 34 Cum superioribus cursoribus ad te dederim satis ampliter, quae scire de numis hic obuenientibus desiderabas, tum incidit mihi postea, quod oblitus fuerim huius numi exemplar ad te mittere, quem in nullo auctore, quantum scio memini delineatum, descriptumque adhuc vidi. Tu siquid certius de hoc noueris, me vti edoceas oro. Est ille argenteus, praestantissime servatus, maiori, ut vides, forma, pondus quoque aliorum in duplo habens. Accepi eundem Buda ante annos plus minus tres plurimis aliis permistum, qui omnes haud magni momenti erant; sed quod in aliis passus tunc damni sum, hic abunde pensavit. Venit mihi indidem alias alius Traiani argenteus, formae ordinariae, cum typo consueto deae Monetae, dextra bilancem sinistra cornucopiae gestantis: inscriptio aduersae communis cum multis aliis est: IMP. TRAIANO AVG. GER. DAC. P. M. TR. P. COS. VI. PP. Aversae singulare quid habet: METALLI VLPIANI DELM. De quo quid sentias, erudiri amabo, post sensa tibi etiam mea declarabo. Similis monetae mentionem facit MEZOEABA in Hadriano, citatus eruditissimum SPANHEMIVM f. 844. METAL. DELM. VLPIANI tamen nomen,

nomen, tam amicum alias Traiano, nullibi in numis legi, prae-
terquam in uno, qui sic habet: BASILICA VLPIA. Vale. Dab.
Pisonii Quadorum pridie idus Novembreis c1010ccxxxviii.

Quid id esse dicam, vir celeberrime, quod cum plures iam ad te 35.
dederim, tu nullis meis nunc amplius respondeas provocatus, ne
hoc quidem, vtrum numi, quos ita desiderare videbaris alias, ad
te peruenerint intacti. De quo equidem vehementer adhuc angor.
Haud sperem aliquod malum tibi accidisse, vel tuis, vt propterea
prostratus iaceas. Quicquid sit, laetabor sane plurimum, si te sospi-
tem esse, recteque semper valuisse, ac modo etiam valere ex tuis
iterum cognovero. Vale, ac faue. Dabam *Pisonii Quad. postridie*
idus Maii c1010ccxxxx.

Ad rem nostram progredior, intelligo numariam, qua tantum ad 36.
ficeris, ac delectaris. Post referati denique quam nunc aditus sunt,
tametsi nondum ex omni parte, novi mihi numi venerunt ex va-
riis locis, probe adseruati, & elegantes, plerique argenti, aenei
perpauci, & vix aliqui, exspecto autem quotidie plures ex Dacia,
Sirmia, & Slauonia, tum etiam Terentio nonnullos; sed & pro-
missos ab amico habeo Vindobona, qui iam bis Pisonem accessit
horum oblitus. Nullos autem prius ad te mittam, quam cognो-
vero nuper missos tibi redditos esse, aut placuisse. Haud enim
de pecuniis recipiendis adeo sollicitus vnquam fui, aut ero, quam
de amore & amicitia tua, quae maximi facio, conservandis.
GESSNERI *opus numismaticum* ex nouis litterariis cognitum iam
pridem est mihi; nihil eiusdem adhuc vidi, vbi vero perfectum
omnino fuerit & absolutum, ad me perferri ex Heluetia curabo.
Tu autem vale, ac me tuorum in numero familiarium sustine.
Dabam *Pisonii Quador. vii. kalendas Iunias.* c1010ccxxxx.

Heri denique numorum meorum secretio absoluta est, quae cras 37.
ad BELIVM, sicuti promissi, perferetur; nonnihil etiam citius ean-
dem finiuissem, nisi ab eo tempore, quo illam inchoaueram, du-

plex mihi suscipiendum iter fuisset, alterum Tirnauiam, Bazini-
um alterum. *Vltra centum argenteos in eadem numerabis, quos
inter magni tres, Gothicici duo, ac Thasiorum unus, aeneorum pri-
mi, & secundi moduli par fere numerus, aut non multo certe
inferior; ceteri tertiae formae, quos inter multos egregios, nec
facile denuo obvios reperiēs, omnes, pauculis quibusdam exceptis
ex omni aere, ac forma probe adseruatos. Tantum otii mihi
non fuit, vt eosdem in suas iterum classes diuiderem. Istud tibi
hodie perscribendum esse denuo putaui, vt non ignores plane,
quid accepturus sis. Vale, ac mihi bonus faue perpetim. Da-
bam Pisonii Quador. v. idus Quintileis c10l0ccxxxx.*

38. Septem hebdomadae sunt, quod numos hinc ad te miserim per
BELIVM nostrum, vti iusseras; ab eo tempore Vienna me com-
plexu suo tenuit vsque ad III. nonas Septembris, vt propterea
mirari non debeas nullas hinc amplius a me tibi redditas fuisse.
Varios in Augusta vrbe numos vidi, qui mihi etiamnum deside-
rantur; *Maximum* tamen in argento, & *Claudum* XI. aureis
Hungaricis, hunc VII. illum IIII. ibidem comparavi, & *μροστω* no-
stro intuli. *Didius Iulianus*, quem saepius quaesitum nunquam
alias vidi, aut reperi vsquam, ex hoc metallo cufum, oculos meos
vehementer feriebat; sed ingens ei pretium proponebatur, ac
maius, quam conditionis mediocritas meae sustineret L. nimirum
aurei, summa regnantis alicuius principis, aut Caesaris (quemad-
modum *BVSBEQVIVS* loquitur de *Dioscoride*, Constantinopoli sua
aetate venum exposito per Hebraeum) non mei marsupii; nihil
tamen detrectassem hoc quoque pretium venditori, qui iridem He-
braeus erat, Francofurto Viennam deuectus, totum numerare,
nisi priuignae meae lis, quam cum socero suo habet, multas hoc
a nobis tempore pecunias extorsisset. Interim, dum Viennae mo-
rabar, plures ex vicinis locis numi per eosdem Hebraeos huc ad-
lati fuerunt, quos nemo domesticorum meorum, absente me, iusto
aestimare pretio didicit. Si vero rursus ad nos perferentur, nec se
prius

prius emtor obrulerit, de quo dubitare iam incipio, collectionis tuae ratio habebitur, modo istuc te velle nunciaueris, ac postremum hinc a me missi non displicuerint. Vale, ac me tuorum in numero constanter habe. Dabam *Pisonii Quador. nonis Septembris* cIoIocxxxx.

Post, superioribus diebus Vindobona redux, quam primas hinc i. 39. rerum ad te miseram, venit in manus meas altero statim die *Hanniballianus* optime adseruatus, numus exigui ponderis, verum elegantia & raritate insignis, qualem ante hoc tempus nunquam conspexi. Τύπος plane idem est, qui in MEZOBARBA legitur, quem in vnico de Hanniballiano rege numo recenset, Fluius nempe decumbens, pone quem vas aquam effundens, dextra arundinem tenet, qualis etiam ad sinistram surgit. Haec tamen meum inter & MEZOBARBAE numum differentia reperitur, quod MEZOBARBA in auersa illius area notet CONOB quasi dicat *Constantinopoli obsignatus*; in meo clarissime adparet CONSS, quod idem est, atque *Constantinopoli signatus*, vel *Constantinopoli* tantum, vt s. postremum sit nota monetarii. Alia quoque diuersitas in aduersa reperitur: ponit MEZOBARBA FL. CL. quod postremum CL. rursus meo deest; arundo praeterea, quam dicit dextra teneri, mihi potius contus vel remus putatur, quem vtraque manu continet, vt illo vel se Fluius, adhibito labore & impulsu, qui conspicitur, sustinere, vel etiam alio promouere corpus velle videatur. De numo satis haecenus. Nunc aliud mihi tecum suscipiendum negotium est, quod si te auctore vel adiutore feliciter ad exitum deductum fuerit, aliquo tuo commodo, nec modico, id fiet. Iudico autem per HOFFMANNVM tuum, si tu te detrectas, nec occasionem habes, idem suscipi, atque expeditum dari commodissime valere. Res istiusmodi est, quam adiectum his litteris folium tibi pluribus explicabit. Hoc igitur opus quod ita descriptum legis, & cuius ego possessor sum, Regi vestro, qui tantus litterarum, ac litteratorum patronus audit, & vero est, vendi posse optarem. Petuntur pro eodem vi. aureorum millia, nec dimidiatum sane

pretium, quod pro confectioe illius impendi oportuit, laborem haud computando & ordinem, cui pretium poni nequit. Sexta pecuniariae istius summae pars apud eos remanebit, qui operam ad hoc suam conferent, ut ne numeranda quidem sit mihi. Quo certior etiam libri habeatur cognitio, poterit is legato regis vestri, in Augusta vrbe commoranti, prius exhiberi. De eo persuasissimum esse te cupio, si opus istuc de Angliae, Galliarum, Hispaniae, vel alterius cuiuscunque regis, aut principis genere scriptum haberetur, nec sine piaculo, & summa regnantis offensa efferre prouincia liceret. Neque hoc ego nunc adtentare praesumerem, nisi, post illud quam pluribus Vindobonae ministris, & aulicis nuper exhibuissem, qui omnes idem suspexerunt, & admirati sunt, vno ore dignissimum Caesare confessi, responsum tulissem, nullam hoc tempore pecuniam prae manibus esse, nec tam cito iterum fore ad similes res emendas, ut me ista tueri semper excusatione queam. Atque sic dissolutum esse sufficienter puto, quod solum & vnicum adhuc inde obiici abs te mihi valuisset. **BELLVS** noster, qui codices hos non semel inspexit, examinavitque, de iisdem audiri quoque poterit, is plura referet, ac depraedicare debet, si necessarium esse credideris. Quod optimum factu videbitur, facies. Vale, ac de numis aliquando aliquid, vtrum ad te peruenerint, nuncia. Iterum, ac semper vale. Dabam *Pisonii Quador. pridie idus Sept. c1010ccxxxx.*

- 40 **Ad plures meas iam inde abs te responsum praestolor.** Proxime vero etiam consilium tuum requiram pro amico in re medica. Ceterum, quemadmodum esse futurum his nundinis animo providi, ita factum est, ut pauci ad manus meas numi pervenirent, vniuersim xv. argentei xii, & aenei iii. Hos inter *Quintillus* numeratur tertii moduli egregie custoditus in aduersa, & *Antoninus Pius* secundae formae σὺν τῷ τύπῳ duorum ancilium, praeterea inter illos reperiuntur *Seuerus*, *Caracalla* & alia nonnulla minime contemnenda numismata: quae omnia ad te perferentur. Vbi plura
con-

conquisuero, quod quidem tam cito haud credo fore, nisi Dacia aliquid subministrauerit, de quo ramen etiam vehementer dubito hoc tempore, te, vir celeberrime, certiolem faciam. Interim vale, ac nos, quod facis, ama. Dabam *Pisonii Quador. v. nonas Octobris* clolcccxxxx.

Per viii. iam dies occasionem solcite quaesui numorum argenteorum, quos solos expetis, ad te perferendorum; sed neque HOFFCVNTZIVS, neque BELIVS, neque WIELANDIVS indicare adhuc ullam sciuerunt; posterior quin adeo intra v. septimanas per ordinarios cursores nullas inde litteras, quod omnes mirantur, advenisse nunciauit; in quo tamen, quod falleretur, ostendi, cum inde recentiores abs te huc ad me perlatae sint. Quicquid sit, non tam facile illos credam incerto itineri, nisi occasio sese tutissima mihi monstauerit. Namque dolendum summe foret, si tot egregii numi, optime conseruati, nobis eriperentur, aut aliter perirent in via. Aeneos quod hac vice mitti nolueris, doleres profecto, si vidisses, *fuerunt enim inter primi ac secundi moduli complures*, quorum alii propter pulchritudinem, alii propter typi raritatem, imperiali, ac duobus, tribusque florenis nostris Rhemenfibus valebant. Quod reliquum est, vale, ac me carum habe. Dabam *Pisonii Quador. xvii. kalend. Decembris* clolcccxxxvii.

Perlatus ante octiduum ad me numus e Dacia fuit percussus Albae Juliae, seu Carolinae, honori baronis *Francisci Nepomuceni* KLOBVSICZKII, quando ante tres septimanas in possessionem noui pontificatus sui mittebatur. Is me multis modis orauit, vt iudicium de hoc sibi meum perscriberem, quod & praestiti diligenter, ad teque nunc remitto, vt illud examines, ac me, si vel aliquid non vidi, neglexique, vel perperam notauit, vicissim admoneas. Quod si & alios istuc consulere praeterea volueris, per mihi sane gratum praestabis officium. Vale ac doce me aliquando, vtrum numi per SCHRECKIUM, BELII generum, eo missi, tibi sint consignati. Va-

le iterum, ac saepius. Dabam *Pisonii Quador.* III. id. Febr
c10l0cccxxxiii.

43. Descriptio numismatis, quod ciues Albae Iuliae, seu Carolinae in Dacia honori pontificis sui, *Francisci Nepomuceni* KLOBVSICZKII, nuper in possessionem ecclesiae suae missi, cudi fecerunt. Aduersa pars sedentem in nubibus Fidem pallatam, radiato capite, ac longo habitu, siue stola, decoram exhibet. Noscitur haec ex calice, quem dextera complectitur, ex quo hostia intaminata, itidem radiata, primum, & praecipuum fidei nostrae monumentum, insigne, ac sacrificium prominet. Binae clauae ab ipso CHRISTO, auctore fidei nostrae, diuo Petro, principi Apostolorum, in signum supremae in ecclesia potestatis, datae hinc inde conspiciuntur, quarum altera gremio incubat, altera per genua defluit; sinistra Klobusiczkianum insigne, ornatum pontificio galero, sustinet. Pone ad latus dexterum, pariter in nubibus, adstat Genius alatus, facie in Fidem sedentem conuersa, pedum dextera, sinistra mitram continens. Inscriptio, ista legitur: DIVAE PALLADI. Quae mihi haud satis rem totam, & aduersae τύπον h. e. omnes aduersae figuras, declarare videtur. Nam praeterquam quod in re sacra, vbi praecipue adhuc Fides in quaestionem venit, minime decens videatur, deorum, dearumque nomina paganorum adhibere. DIVA PALLAS praesidem scientiarum sacrarum potius exprimet, quam ipsam Fidem. Inscriptio autem clara debet esse, vt figuris iuncta rem statim ob oculos ponat, & comprehendi faciat. Quare substitui non inepte forsitan ex sequentibus aliqua potuisset: RELIGIO VICTRIX. RELIGIONI VICTRICI. RELIGIO RESTITUTA. RELIGIO ADSERTA. RELIGIO STABILITA. aut, si satis meritum ad hoc iam habuisset nouus pontifex: RELIGIONIS VINDICI. & sic scutum praefatum gentilicium apte sustineretur a Fide, quod multo nunc hercule melius *εις τὴν πυγαμίδα*, siue columnam, quae ante templum, ipsumque adhuc munimentum prostat, & illius tamen honori posita, dicataque videtur, meo quidem iudicio, translatum fuisset. Sed sinistrum latus, & auersam de-
- inceps

inceps quoque totam spectabimus. Hic primum se monstrat per-
 ampli, superbi, ac sumtuosi templi structura munimento inclusa:
 e regione illius, extra munimentum, surgit a foris moles ingens,
 Colosso similis; haec fascia circumligatur, in qua legitur: S. P. Q.
 CAROL. id est: *Senatus, Populusque Carolinus*, vel *Carolinensis*.
 Inscriptio auersae ista superne notatur: REGINAE PROVIDENTIA.
 In area numi, seu parte inferiori annus, quo cusus est numus, ex-
 primitur ad hunc modum: MDCCXXXIII. Nunc sinistri late-
 ris inscriptiones separatim cunctas, figuris, ac notis, ut sunt, re-
 lictis, discutiamus. In superna parte, quae principem locum obtinet,
 corpusque numi totum adscit, obseruo PROVIDENTIA non tan-
 tum in Ablatiuo casu, quemadmodum Grammatici vocant, posi-
 tum; sed, ad hoc pariter designandum, etiam virgula, siue accen-
 tu, notatum, qui contra omnem prorsus veterum scribendi rati-
 onem adhibetur. Quanquam nec, quid Ablatiuus hic praestet,
 video; nisi hunc effici sensum voluerit auctor numi: Reginae nimi-
 rum esse factum providentia, quod senatus, populusque Caroli-
 nus ista locare honoris insignia pontifici suo potuerit. Quo uti
 genere loquendi non consueuerunt antiqui; sed in vestibuli su-
 prema, media, vel ima parte, in Nominatiuo casu posuissent:
 PROVIDENTIA AVGVSTA. vel AVGVSTAE. in Genitiuo casu, lo-
 co REGINAE, quod peraeque inusitatum in numismatis est. Circa
 templum vero in orbem, seu ἐν τῇ περιφερεῖ (quod ad eundem
 fere morem in numorum non vno Neruae, Traiani, Antonini Pii,
 Didii Iuliani, Seueri, aliorumque pluribus conspici licet) addi-
 dissent: S. P. Q. C. OPTIMO PRAESVLI. si columna pontifici nouo,
 quod auguror, erecta fuisset; quod ipsum tamen monumentum
 non exprimit, expressisset autem, si vel insigne ipsius in eadem
 perstitisset, vel simili fuisset inscriptione notata. Si vero Colos-
 sus etiam Augustae positus honoribus foret, eadem inscriptio, v-
 nica tantum voce murata, rem denuo totam inspicientibus, atque
 legentibus manifestasset: S. P. Q. C. OPTIMAE PRINCIPI. quae
 caelata in ipsa iterum columna mallem videre, quam fascia, vete-
 ribus

ribus quidem nunquam, quod sciam, ad ea monumenta, quae ferre aetatem debebant, adhibita. Nunc ista monuisse sufficiat, & annus, quo positus est, loco relinquatur. Numus hic, si consultus antea fuisset, ita erat restituendus. Aduersam dedisset Regina, Vestae habitu conspicua, hoc est stolata, pallaraque, ac VII. turribus redimita sedens, manu sinistra sceptrum, equino capite praefixo tenens, dextera figurae, cui duo Genii seminudi, non alati, alter pedum, alter mirram gestantes adstitissent, in genua procumbentis digito annulum inferens cum hac Inscriptione: PROVIDENTIA AVGVSTAE vel LIBERALITAS AVGVSTAE. Aversa Templam exhibuisset, munimento cinctum, huius e regione columna surrexisset, in cuius basi gentilicium Klobusiczki-anae domus insigne, ornatum pontificio galero, conspectum fuisset. Circa haec in orbem ita scriptum legissemus: S. P. Q. C. OPTIMO PRAESVLI. Dacia, cuius suprema princeps Regina nostra est, VII. turres in insigni modo gestat, veteribus autem Dacia cum sceptro, cui caput equinum praefixum erat, exhibebatur. Insertio annuli a REGINA sub Daciae insignibus, pontificatus designat oblationem; quibus pontifices tanquam sponsis iuncti dicuntur.

44 Magno me hercule metu ac sollicitudine liberaisti, quod numos, quos ante septimanas plus minus XI. ad te curaueram per BELII generum, quosque iam prope in perditis numerabam, aliquando tibi consignatos fuisse scribas. Interea credo etiam hinc eo perlata esse descriptionem numi cuiusdam in Dacia percussi; de quo, vti & emendatione in primis nostra quodnam tuum, quod aliorum eruditorum vestrorum iudicium, & opinio sit, scire vehementer expeto. Vale. Dab. *Pisonii* XVIII. *Februarii* MDLXXXIII.

45 Notus adprime mihi PAVERVS est, quocum negotia saepe alias multa habui, & nunc etiam habeo. Is non modo litteras a te VI. kalend. Mart. exaratas heri adtulit, sed hodie argentum quoque, quan-

quantum assignasti. Istud ignorare te nolui: scito etiam, quod magis hoc tempore iudicium tuum de numo, nuper in Dacia percusso, audire, quam inde mihi pecuniam numerari amassem. Hoc, si me, ut scribis, vere amas, mitte celeriter. Haerent iam a mente multi pro me numi argentei Budae. Hi quando perferedi sint, adhuc incertum est, quemadmodum & hoc, quid inter illos inveniatur. E Dacia quidem omnes prodeunt, ubi reperti fuerunt, ut boni aliquid sperare liceat. Vale. Dab. *Pisonii v. idus Mart.*
c10l0ccxxxiii.

IO. THEODOR. ELLER. *)

Exoptatum diu opus tandem ad finem perductum non sine a-46.
nimi delectatione videre mihi contigit. Gratulor tibi, vir celeberrime, de labore isto viriliter aggresso & omnibus numeris absoluto. Tuum sane erat eousque adscendere, & artis rudera in vetustissimo fabulosae aetatis squalore sepulta detegere. Nihil magis in votis nunc haberem, quam ut ad nostra usque tempora diductam *artis medicae historiam* cum orbe litterato communicare in posterum haud dedigneris. Egregium certe foret institutum, per tot saecula dispersa, ad incrementum artis facientia inuenta anatomica, chirurgica, bontanica, chemica &c. genuinis suis autoribus tribuere & assignare. Numen precor, vir clarissime, ut in seros te seruet annos, egregium artis salutaris decus & ornamentum! meque tunc, quousque spiro, ad quoduis officiorum genus deuinctum habebis. Vale. Scrib. *Berolin. ipsis calendis Decembr.* c10l0ccxxxxi.

IOAN. FILSTICHIVS. **)

Quod e remotissimo Europae angulo, cui inclusus lateo, quasi 47
in lucem prorumpere, ac illustri excellentissimique viri labores, quos scio satis arduos esse & concatenatos, scriptione hacce mea turbare ausus fuerim, illud non temeritati meae, sed po-

A a a

tius

*) *Seren. Borussor. regis consil. aulic. & archiater primarius; caet.*

**) *Quondam illustr. Coronensium in Transilvania gymnasi director.*

tius virtuti tuae singulari, quae radios suos per tot silvas & montes in Transiluanium usque nostram sparsit, tribuas velim. Nam a quo, partim ex ore studiosorum inde ad nos redeuntium, partim ex litteris ad illustrissimae societatis vestrae viros, utpote excel. D. ALBRICHIVM, & piaae recordationis D. DRAVTHIVM, successiue exaratis, aliisque scriptis in lucem emissis, exquisitissimam tuam, vir praecellentissime, eruditionem animique integritatem abunde cognoui; de eo fui sollicitus, qua ratione tibi ex ignoto reddi possem paullo notior, nullo alio fine, quam ut patronum in academiis mihi in te, magnifice vir, conciliarem, in cuius sinum meditamenta mea qualiacunque deponerem, ac ita pro voto in studiorum meorum cursu progredi possem. Dignare proinde, vir celeberrime, quod obnixerog, hominem quinquagenarium, pulveri scholastico, satis molesto & acerbo, ultra decennium involutum, vertiginisque morbo aliquandiu laborantem, tuo patrocinio atque fauore, atque permitte, ut habeat in exoticis oris in te praeceptorem studiorumque moderatorem, quem in materiis dubiis & perplexis instar oraculi viui consulat. Ut autem eo clarius tibi, vir illustris, pateat, quanti te, tuasque virtutes faciam, offero tibi *monetam argenteam*, quam in scriniis habui, effigiem *Heraclyi, imperatoris* alias notissimi, in fronte gerentem; quibus te haud parum delectari scio. Quam eo animo sumas, quo mittitur, ac recipias in signum animi tibi tam firmiter deuincti, tamen si leuidentse sit munusculum, & expecta plura huius generis dona, si deus vitam pacatioraque concesserit tempora, quibus mercatoribus nostris non vnica in Germaniam proficiscendi dari solet occasio. Deum interea precor, ut, pro ea qua pollet gratia, te tuamque splendidissimam familiam omni felicitatis genere augeat & beet, ac in rei publicae litterariae decus & ornamentum quam diutissime conferuet. Vale. Scribeb. *Coronae Transiluanor. d. VIII. Sept. clolcccxxxi.*

48. Quod paullo serius, quam par erat, rescribam, & ad honorificas

cas tuas mihi pergratas nuper huc missas, post longum temporis intervallum respondeam, illud minime negligentiae meae, sed tam inopinato mercatorum nostrorum nuper evia, quam versus Lipsiam ingressi fuerant, redditui, quam belli cruentissime in Silesia ac adiacentibus regnis haecenus gesti periculis & impedimentis, tribuas velim. Deo meliora nobis tempora reducente, & pacem, quam anxie & hic desideramus, communem concedente, quod iam intermissum est, vberiori mensura compensabo. Pro oblato munere chartaceo, & quidem e propriis scriniis tuis desumpto, deque tua, vir illustis, vasta eruditione haud obscurum testimonium perhibente, aliisque exhibiti fauoris honorisque documentis, decentes, quas debeo, ago gratias, acturus deinceps, si vltiori lucis vsura frui per gratiam dei licuerit, vt scripto, ita re ipsa. In cuius rei maiorem certitudinem denuo, vir excellentissime & celeberrime, aliud *numisma argenteum* maioris ponderis & pretii, tibi forte non ignotum honorifice oblatum volo, si vel hac in re gratum animum tibi exhiberem; quod vt pariter serena fronte suscipias, est quod obnixè rogo. Perge modo, vir excellentissime, sicuti coepisti, meae tenuitati rebusque fauere, ac supedita, quoad licuerit, in materiis dubiis mihiq; ignotis siue consilium siue auxilium, quo a te adiutus, eo felicius & facilius provinciam hanc scholasticam, tenebrosis istis in locis, vbi mortuos duntaxat consulere licet, deinceps quoque administrem. Denique maiorem adhuc in modum te rogo, velis mihi *VOLFFII dissertationem*, quam *de carceribus eruditorum* ceu *museis* quondam haud inconcinne conscripsit, ac *HOFFMANNI* vestri *schediasma de fato physico & theologico*, quibus certa de causa indigeo, hac occasione transmittere, pretium pro illis expositum futuris nundinis remittam. Quod reliquum est precor, vir excellent. vt sub vltiori dei conseruatione diutius vivas, vigeas, vireas, & florescas, in orbis litterari & vestrae Academiae decus, familiaeque commodum ac splendorem. Vale. Dabam *Coronae Transilvanor.* clolcccxxxii. d. xvi. Aug.

49 **O**ffero tibi *duo numismata* pariter ex antiquitate pagana adhuc residua, quae vellem, vir celeb. tam gratissima fore, quam grata fuerunt tua dona litteraria nuper Lipsia missa. Nisi turbae nouae, quas tamen deus pro ea, qua pollet, gratia auertat, quietis modernae publicae tempora reddiderint deteriora & periculofiora, cum mercatoribus nostris Lipsiam iterum peregrinaturis plures ac pretiosiores monetas tibi mittam, ut vel hinc constet, quanti te faciam, & quam lubentissime tuis commodis inferuire, velim. Interea cum ex titulo tuo cognouerim, te Petropolitanae societatis esse socium, officiose rogare volui, ut haud grauatim, si negotia tua utique concatenata id permiserint, *historiam Aca-*
demiae Petropolitanae ac Rusbenicae breuibus saltem tradere, cum de illius origine, professoribus, methodo docendi, & constitutione nihil legerim vel audiuerim. Adiice, quaeso, & auctorem, qui de antiquitatibus Gothorum scripserit, in quibus cupio erudiri, propter exactiorem rerum nostrarum Dacicarum notitiam. Si placeret D. BREITHAVPTI quondam professoris Halensis *institutiones theologicas*, Halae editas, annexo pretio, mihi transmittere, pergratum esset, daremque operam sedulo, ut prima occasione debita gratiarum actione, pretium libri remittere possem. Quid statuatur secta dicta *die Freymäurer*, haecenus indagare non potui, de quibus pariter desidero notitiam aliquam. Quod reliquum est vitam & firmam valetudinem tibi tuisque & prospera quaelibet a deo t. o. m. precor. Scrib. *Coronae* c1310ccxxxiii.
d. viii. April.

HIERONYMVS FREYER. *)

50 **A**ristophanem in *Pluto* v. 483. iam ante inspexeram: sed hic mediam in *ἡμέρῃ* corripit, quod ex schedula adiecta patet. Ergo alia est quantitas mediae in *ἡμέρῃ*, quam semper producit *Homerus*: differuntque quantitate primitium & deriuatum, ut in aliis. COELEMANNVS & KIRCHNERVS ex anthologia citant distichon sequens:

*) *Illustr. pedagogii regii Glauchensis inspector.*

ἐξ ὧραι μόχθοις ἱκανώταται, αἱ δὲ μετ' αὐτοῖς
 γράμμασι δεικνύμεναι ζῆδι λέγῃσι βροτοῖς.

*Sax horae tantum rebus tribuantur agendis,
 Vixque post illas littera zetha monet.*

Ex quo saltem id clarum est, non perperam legi apud *Herodianum* & *Isocratem* ἱκανώτερος, ἱκανώτατος: quod etiam admittit grammatica nostra p. 55. Ceterum posset etiam probari ἱκανότερος, ἱκανότατος, si modo vnus poetarum penultimam in ἱκανὸς produxisset. Magnam igitur a me inibis gratiam, si communicare mecum beneuole volueris tale exemplum forte alio tempore tibi poetas graecos legenti obuiam futurum. Mediam in ἱκάνο produci, grammatica nostra docet p. 325. n. 4. qui antea erat octauus. Vale. *Holae in orphanotropeo Glauchenfi ad d. viii. Mart. cldcccxxxiii.*

PIVS NICOL. GARELLIVS. *)

Summae mihi delectationi fuit, vir celeb. humanissima epistola 51.
 tua, ex qua & te bene valere & laudatissimis quoque studiis
 sedulam operam nauare intellexi; quod vero mei memor fueris,
 tuarumque lucubrationum, (quae, vti par est, magno apud me
 sunt in precio) participem facere volueris, ea de re quas maxi-
 mas possum ago gratias, optaremque referre, mea si id tenuitas
 valeret. Equidem in adornando te *Celso*, Latino Hippocrate no-
 stro, totis viribus incumbere gaudeo; aegre propterea fero, a
 me tibi nullum ex Aug. Caesarea bibliotheca auxilium praestari
 posse: diligenti siquidem facta perquisitione neque *mss.* vllum pur-
 gatissimi huius scriptoris *codicem*, neque vllas, tot inter varias edi-
 tiones docti alicuius viri in eum labores inueni; sed quamquam
 muneris mei assiduis occupationibus perquam obruar, haud tamen
 tui gratia desistam, libenterque quos Neapoli habeo amicos, in-
 terpellabo, si quid forte ea via egregiis conatibus tuis adiumento
 esse valeam. Quamprimum inde aliquid obtinuero, sine mora
 Aaa 3 tibi,

*) *Quondam gloriosissimae memoriae CAROLO VI. a consiliis sancti-
 oribus & valetudinis tutela.*

tibi, vir celeberrime, significabo. Intera si quid aliud in tua com-
moda possim, iube; tui namque studiosissimum semper inuenies.
Vale & me, vt coepisti, amare perge. — Dabam *Vindobonae. a. d.*
vi. cal. Iunias. cIoIocēxxxiii.

IO. MATTHIAS GESNERVS. *)

52. **Q**uid in rusticis moliamur, docebit te programma *actis erudito-*
rum 1732. Iun. insertum. Satis belle res procedit, absolutum
nuper est alphabetum, quod vocant typographi tertium. In indi-
ce in primis a me elaboratur, vt *lexici rustici* nomen & vsus tu-
eri possit; & alioqui non puto bene edi auctoris cuiuscunque li-
brum posse, nisi cuius bonum indicem ante vel habeas vel confe-
ceris. Eorum, quae typis edita sunt, nihil magnopere a me de-
siderari, ex eodem programme discas. Quid in *Celso* posses,
vir excellentissime, in primis magna cum voluptate didici ex *dispu-*
tatione de ossibus conseruentibus. Est penes me *Aldina Celsi editio*
1528. 8vo mai. quam commodare vsibus tuis sum paratissimus, item-
que *Almeloueniana* prior 1687, 12mo. Non dubito, quin apud
excellēt. PLATHNERVM nostrum inuenturus sis, quidquid fere
in hoc genere potest desiderari: & est vir humanissimus, & *χαρι-*
ςαἶμος. *Celsus Aldinus*, cui multa adscripsit SCHVRZFLEISCHIVS
est in Vinariensi bibliotheca, fuitque meo beneficio aliquam diu in
manibus excell. BAIERI collegae nuper tui, qui idem dicebatur
faxum voluere. *Haber* ea bibliotheca etiam *medicos principes*,
non recordor *Henrici STEPHANI* an *Aldinam* edit. quorum margini-
bus oppido multa commisit NAVCELIVS. Sed, quantum narrant qui
istinc veniunt, parum iam distat ille thesaurus a defosso. BINDE-
RVS fuit, qui saeculiarem apud vos lauream petiit, collega tum meus,
iam paganus sacerdos. Sed eum vix ita potentem arbitror, vt
referare claustra ista possit; purpurato aliquo opus est aut consili-
ario, qui quidem gratus sit. Opus mihi est vnica obseruati-
one *Victorii* in Columellam, quam periisse mihi video. Frustra
hic

*) *In Academ. Goetting. eloquent. & poeseos profess. publ. ord.*

hic explicationes illas *Victorii* quaesiui per aliquot menses: frustra, meruo, Vinaria repetam, quod damni factum est. Caeterum librorum optimorum hic satis est. Sed ita fere sunt homines nostri, ut humanitatem pene omnem expromant in exteros atque hospites, inter se inuicem sint adstrictiores. Si adfueris, nullae non capsaë tibi patebunt. Penes me quidem si quid sit, quo vel praesens vel absens commodare tibi possim, faciam ut sentias, in parte felicitatis haud contemnenda a me poni, si quid a me officii in virum doctum & bonum, h. e. tui similem, proficisci possit. Vale. *Lipsiae a. d. XIII. Febr. clolcccxxxiii.*

Redit ad te *Lindanus* tuus, nihil, spero, deterior, sed gratissimis 53. gratis onustus, non quo multum ille profuerit *meis rusticis*; sed quod scrupulus mihi exemptus est, qui suspicarer, magnum quiddam esse, quod frequenter adeo laudaretur a *LICHTENHANO*. Igitur id ipsum scire iuvat, non esse quod inde petatur, praeter vinorum dulcium & coëtorum rationem. Interim, quod dixi, maximae tibi a me veniunt gratiae. Tradet tibi ista collega meus pereximus, *M. ERNESTI*, vir non linguae tantum vtriusque, sed philosophiae etiam & matheseos peritissimus, in cuius consuetudine & familiaritate vnice acquiesco. Is cum olim maximi te, pro eo ac par est fecerit, aditum sibi ad notitiam tuam parari voluit. Pluribus non est opus, in viro quem sua tibi virtus facile conciliabit. Et satis audax sum, qui commendare tibi iam alios audeam, vix ipse admissus; praesertim litteris negligenter adeo scriptis; sed quales nimirum scribi potuere inter occupatiunculas aliquantum crebriores, quod morbus vnus alteriusque hebdomadis me ex bibliotheca & schola excluderat. Bene vale, vir excellentissime, & nos ama, vel hoc nomine non indignos benevolentia tua, quod magnum in ea ornamentum nobis positum esse arbitramur. Iterum vale. Scribeb. *a. d. XIII. April. clolcccxxxiii.*

Liber, quem ex nupera auctione emi, est, ut ex typorum ratione ap- 54.
paret

paret volumen alterum *medicorum principum* H. STEPHANI, habetque *Aetium* ex versione *Ia. Cornarii*, *Philaretum* de pulsuum scientia *Albano Torino* interprete, *Theophilum* de exacta retri-mentor. vesicae cognitione interp. eod. *Actuarium* de spiritu animali caet. *Iulio Alexandrino* interp. *Nic. Myrepsum* ex edit. *L. Fuchsi*, *Corn. Celsum*, *Scribonium Largum*, *Marcellum* ed. *Cornarii*, *Sammonicum*, & *Rhemnium Fannium* de ponderibus & mensuris. Sed non opus erat omnia ista adscribere, tibi, qui vel ipse possideas illud opus, vel certe quotidie inspicendi copiam habeas. Feci tamen, vt tanto tibi certius constaret, nihil a me dissimulari. Horti Columellae quam scribis verus editio est, puto, circumfusa commentariis *Iulii Pomponii Fortunati*, cuius praefatiuncula incipit. „*Memorabiles horti in fabulis narrantur fuisse Hesperidum, in quibus non poma quidem aurea, sed tantum oleastri viruerunt. Ante omnes vero regis Alcinoi Nausicaae puellae patris, caet.* Communicata mecum est olim editio scriptorum rei rusticae *Ieufoniana* a. cIoCCCCCLXXII. excusa. Si ab ea diuersum aliquid esse penes te diuinarem, rogarem, vt illius mihi copiam facias. Ne negotii tibi plus quam par est imponam, mittam ad affinem meum folia aliquot alterius *Bononiensis antiquae & ipsius editionis*, quam cum *Ieufoniana* conuenire comperi, quibus collatis potero facile intelligere, vtum illa tua mihi opus sit. Bene vale, vir excellentissime, & illud tibi persuade, in magnae me felicitatis parte positurum, si qua in re beneuolentiam tuam mereri possim. Scrib. *Lips. a. d. XII. Aug. cIoIcccxxxiiii.*

IVSTVS GODOFR. GVNZIVS. *)

55. Quem propter luculentissimos medicos commentarios, ac summum bonarum litterarum studium illo tempore inde semper maximi feci, quo ad medica studia animum adieci, vti te aliquando litteris adire posse ardentem optavi, sic de nacta iam optima occasione mihi vehementer gratulor. Neque de tua in me humanitate dubi-

*) *Celebris Lipsiensium medicae artis doctor.*

dubitare sinunt ipsa illa studia, quibus ab humanitate nomen est, quaeque adeo feliciter cum medicina coniunxisti. Quaero autem, & per aliquot iam menses vbique sed frustra quaesiui elegantissimam tuam *dissertationem de belleborismis veterum*. Eamque non tam pro me quaero, etsi ea etiam aegerrime careo, quam pro excellentissimo Lugdunensium in Batauis medico *van swieten* altero sane *boerhaavio*, quem ipse per viginti annos fidelissimum praeceptorem habuit. Maximi is tua scripta aestimat, meque de hac tua dissertatione mittenda aliquoties sollicitauit. Quod si tibi eius exemplum superest, quo carere possis, facias quaeso vt teneam, quo restinguere tandem *swietenii* firim queam. Ipse gratus humanitatem tuam agnoscet, ac si in me esse aliquid putas, quo tibi possim vsui esse, credas velim nunquam ad quaeuis officiorum genera adeo promptum hominem te inuenturum esse. Relatum est, te iam totum in perpoliando tuo *Celso* esse, quem scis omnes vere desiderare, forte quod aliquid est in bibliothecis nostris, quo eges, siue impressio antiqua, siue alius rarior libellus, qui eo pertinet. Curabo haec lubenti animo, & si quid est de hoc genere aliud, si studia tibi mea non displicent. Equidem olim etiam inter legendum nonnulla notaueram in *Celso*, sed scis iuuenilem audaciam, adeo ea ipse nunc non probo. *Cel. van swieten* in nouissimis suis litteris scripsit, euentum spei de *libronriptico Anglicano* neutiquam respondere. Commendo tibi mea omnia, & si fieri potest, vt breuissime saltem aliquid rescribas, vehementer opto. Vale. Dabam *Lipsae d. xviii. Febr.* MDCCXLI.

ERNEST. EMMAN. GVTTORFFIVS.

Accessus meus Halae fuit octauo, quo a te tristitiae plenus disces 56. si, die, & in itinere Ienam allatus adii D. TEICHMEYERVM, cui & tuo & cl. FEVERLINI nomine, qui mihi dissertationem de methodo mathematica ipsi offerendam dederat, salutem dixi plurimam. Talem inueni virum, qualem putaram, nempe de se

Bbb

suisque

fuisque rebus cum gloria splendoreque loquentem, de cetero humanitate maxima me excipientem. Inter alia hanc mouebat quaestionem, quid nimirum excell. professores Altorfini de se suisque scriptis dicerent? cui auribus eius inseruiendo respondi: te venerantur, scriptaque tua debita extollunt admiratione. Sine dubio hoc ipsi fuit oblectamento. Cum prof. SYRBIO quoque colloquutus sum, fasciculumque disputationum *de controuersia Leibnitio-Wolfiana* tradidi, magnopere ipsi gratum, seque statim cum attentione perlecturum & excell. FEVERLINO responsurum pollicebatur. Faciebat mentionem controuersiae a CARPOVIO motae, principiumque rationis sufficientis a WOLFIO propositum plane nullum dari, omnique carere fundamento aiebat, hincque incassum de eo moueri lites. Officii mei requireret ratio ut ad cel. FEVERLINVM exararem litteras, & pro multis ab ipso acceptis beneficiis me gratum profiterer, sed tristitia id prohibet. Quum enim me omnium Altorfii degentium clarissimorum virorum conuersatione iam priuatum videam, libentius mortem quam vitam eligerem, omnisque scribendi cupido mihi adimitur. Hincenixe abs te peto, ut me apud ipsum excuses, cum promisso ut in posterum expleam, quae iam persolvere prohibeor. Vale. *Halae Salicae* d. VIII. Maii. MDCCXXVI.

CHRISTIAN. FRIDERIC. HAENEL.

57. **D***issertationes istae*, quas adhuc in publicam lucem prodire iussisti, omnes mirifice placuere, inter quas tamen prae reliquis ad palatum fuere *binæ* illae, quas *de funiculo umbilicali eiusque ligatura* cum orbe erudito communicasti. Res momenti est maximæ in medicina, quam vocant, forensi. Nonne sexcentas ob neglectam huius funiculi vincturam capite plexas nouimus? cum medici plerique extra dubitationis aleam positum esse sibi persuasuerint, aliisque, lethalem inde hæmorrhagiam necesse oriri. Vale. Dab. *Snebergæ* MDCCXXXIII. XIII. calend. Decemb.

SIGEBERTVS HAVERCAMPVS. *)

Mihi quidem a teneris bonarum artium ingens fuit amor, sed & 58.
 a puero nescio quod ἐλκυστικὸν ad rem numariam; non sane
 illam quibus implere sordidi solent oculos, sed quibus saepe ex-
 hauriuntur sacculi eruditorum, ut fiant Catulliani & pleni arane-
 arum. Tum quidem monetas colligebam insolitas & aliarum,
 quam nostrae terrae, regionum; ex quo vero tempore aliquem
 eruditae antiquitatis gustum percepi, efflictim deperii antiqua,
 Graeca praesertim & Romana numismata, neque per aetatem de-
 crescere feruorem aut tepere illud studium sentio. Adfuit saepe bo-
 nus antiquitatis Genius, qui haud protrita eius generis in sinum
 meum effudit; saepe quoque animosus emtor exstiti, neque e-
 nim aliter haec sacra fiunt. Duo triginta itaque & amplius annos
 omnis metalli generis, magnitudinis, *regum, imperatorum, vr-
 bium, coloniarum* caet. antiquorum numorum comparavi mihi
 congeriem, ut vnus plura possideam numero, quam qui in patria
 mea nunc vniuersi. Haec iuueniliter, & forte gloriosius; sed ve-
 lim ut ex eo intelligas quantopere accepta, cara atque recreans
 animum meum tua mihi fuerit epistola, quae sola via est, qua
 accedere ad inuicem possumus terris multis, fluuiis & montibus
 diuisi. Bene illi sit, qui Cadmeam artem primus inuenit & do-
 cuit, atque loqui fecit mutas chartas. Duplices saepe saepius ha-
 bui multos, quam & integra musea complura emerim. Ex il-
 lis maior pars in Libitinam aurificum abiit, neque mentiar, si plus
 mille florenis ex argenteis praecipue ea peste absumpti aestimari
 potuerint numi. Quid enim mihi cum duplicibus, qui vix lo-
 cum in amplissimis thecis singularibus meis inueniam? Reliquos
 duplices in auctionibus vendidi, vel si rariores essent, amicis do-

Bbb 2 no

*) Quondam per undecim fere annos in pago quodam Belgico ver-
 bi diuini fuerat minister, deinde Lugduni Batavorum, in celeb.
 GRONOVII locum suspectus, Graecas docuit litteras, nuper ibi-
 dem vitae suae pensum absoluit.

no dedi, vel cum aliis nonnunquam commutavi. Iam vero a longo tempore nullos possideo duplices, quoniam nullos fere emo nisi rariores, qui singuli in auctionibus hic vendi solent, tam in aere quam in argento vel auro. Superest tamen via, qua intra haud longum tempus vberime siti tuae satiffieri poterit. Magna enim copia numorum Consularium aliorumque provinciarum mense Aprile apud nos vendetur ex insigni *museo Wildiano*, cuius catalogum vna cum his litteris ad te mitto. Excerptere inde numeros per otium poteris, atque annotare pretium, quo singulos emi tibi velis. Quod si tibi non adeo cognitum sit eorundem pretium, ego, vbi epistolam tuam acceperim, per litteras tibi significabo, quo passim pretio illi numi, quos per numeros significaveris, in hisce terris & in publicis auctionibus vendi soleant. Consulares ipse quingentos circiter possideo, atque in museo illo Wildiano paucissimi sunt, quibus ego quidem caro; *Aciliae tamen familiae numus*, quem memoras, *nondum a me observatus est*. Si quid in his terris vel in comparandis numis (quod tamen vix fieri poterit nisi in auctionibus publicis, quae fere singulis annis occurrunt) vel libris, vel alia quacunque re vsui tibi esse potuerim, mihi parcas nolo. *Quanta autem in re numismatica moliar* ex praefatione musei Wildiani intelliges. In *Thesauro Morelliano* XII. *Caesarum* perueni ad explicationem numorum Claudii. Tres ille thesaurus constituet tomos. Primus, qui iam impressus est (sed non nisi cum reliquis in lucem ibit) complectitur commentarios meos atque *Chr. SCHLEGELII*, quos a vidua & heredibus opera heu! *LIEBII* nostri τὴ μαναστρῆς emi. Secundus, commentarios meos, & paucos *SCHLEGELII* (quem in opere hoc diligentia maiore tamen & vbertate quam acumine sudantem mors abstulit) complectitur. Tomo tertio ipsae tabulae numismaticae exhibebuntur. Sed dum antiqua haec in lucem protraho & illustro, ecce nouum laborem mihi nihil tale cogitanti impositum, vel verius boni antiquitatis Genii munus ad manus venit inauditum haecenus antiquariis, mihi inexpectatum, & prorsus mirabile. Triduo enim abhinc

abhinc praedam nactus sum opimam, non quidem armis Dianis, sed per amicos tanquam sagacissimos venationis eiusmodi canes. Qualem neque vidi vnquam neque per somnium sperare poteram, neque praeuidere vlllo modo. Expectas iam & quaeris quid tanto dignum hiatu! Thesaurus est, & quidem reginae quondam toto orbe famigeratissimae, CHRISTINAE videlicet. Quae sicuti plurium rerum raritate conspicuarum ardebat amore, sic cupiditate possidendi numismata antiqua rarissima & optime seruata insaniebat cupidine. Magna cura & regio sumtu omnes numos suos imperatorios Graecos & Romanos, ex aere maioris & minoris moduli, artificio mirabili, atque ad ipsorum archetyporum veritatem similitudine admiranda, depingi atque in aere sculpi curaverat manu *Petri Sam. BARTOLI*, artificis Itali longe celeberrimi. Nunquam vllum exemplar thesauri eius in lucem vel conspectum prodiit, quia solliciti sibi & tabulas aeneas omnes & vnicum, quod probationis gratia adseruabat, exemplar impressum reseruabat Heroina, regali arculae inclusa omnia. Numismata ipsa nunc possidet dux quidam Italus, quae ultra centum florenorum millia aestimari dicuntur. Sed Fortuna mihi fuit, vt in gratiam bibliopolae mei, *Petri Hondii*, omnes illas tabellas aeneas, nulla excepta, Romae per amicos, aliquot florenorum millibus adquisuerim. Sunt autem numero LXV. atque dimidia fere pars numos maioris moduli continet, sic vt singulae tabellae 24. orbes siue numos. XII. ab utraque parte, & plures si caput non exprimatur, contineant; dimidia vero pars numos secundi vel tertii moduli, quae tabellae quadraginta orbes singulae complectuntur. Tabellas ipsa Roma iam recepi & bibliopolae tradidi, isque pecuniam venditori. Domi autem meae impressum exemplar habeo, atque sepositis tantisper quaecunque seponi possint (octo enim operarii in typographico libris libellisque, quos nunc quidem sub prelo habeo, quotidie & mihi soli desudant) cras auspicato (vt spero atque fauente supremo numine) ingens illud opus auspicator, ad cuius impressionem noui characteres funduntur; admodum pulchri, vt quanpote ma-

gnifice & splendide REGINAE CHRISTINAE ille thesaurus in lucem prodire possit. Quid octo homines mei vnus gratia faciant si quaeris, celare equidem te nolo, qui, quod cogito in aperto plerumque habere soleo. Vnus *historiam vniuersalem*, quam ex mil- lenis numis antiquis in lucem profero, mihi typis luculentis & charta purissima procurat. Quatuor tomis absoluetur, ex quibus iam tres prodierunt, sermone patrio in amicorum gratiam & fa- miliarium, labore tamen haud mediocri; nam vt, quae ad eru- ditionem & historiam spectant, transeam, in puritate sermonis nostri, in candore stili, in orthographia & grammatica caet. mul- tum mihi taedii deuorandum fuit. Paucissima imprimuntur e- xemplaria, quia tabellas numismatum numero ducentas amplius La- tino operi, cui titulus erit *Thesaurus Regius*, & de quo in praefa- tione ad *Iosephum* mentionem inieci, inseruire, neque Belgica hac editione deteri volo. Tres tomi prodierunt, & poterat quartus hoc ipso comparari anno, nisi CHRISTINA regina mihi manum iniecisset. Secundus ex operariis versatur in *Thesauro Morelliano*, qui ad quin- tum sui alphabetum peruenit. Tertius & quartus in splendidis- sima nouaque *Sallustii editione* in 4to. in qua omnium virorum doctorum notae, mea cura dispositae caet. adparebunt solis Cor- tianis exceptis; nocere enim nemini volo, neque eius officere e- ditioni. Quatuor reliqui versantur in opusculis, quae quidem ego parente orbata, vel procul agentibus destituta, tanquam ma- nu obstetricante suscepi, meoque foui sinu. Ex bibliotheca vi- delicet mea edo libellos aliquot *Ioannis* NICOLAI, quos feliciter ab interitu, locis vbi piper & odores vendunt, eripui, atque blattis & tineis subtraxi. *Io. Bapt. OTTII* quoque *spicilegia* ex *Flauio Iosepho* ad n. t. illustrationem RAPHELI caet. exemplo, vsque ex Helvetia a sene decrepito mihi transmissa, modo prelo dedi. Po- teruntque minores hi libelli intra mensis, vt spero vnus aut al- terius spatium absolui; cui tum curae succedet noua Sparta. Me- moriae enim *Io. Alb. FABRICII*, generoque eius REIMARO grati- ficaturus, curam editionis splendidissimae *Dionis Cassii* cum anno-
rati.

tationibus eiusdem FABRICII imponi mihi passus sum. Specimina eius & conditiones (volunt enim per subscriptionem edere) mense Iunio videbis. Nescio an *Orosium* meum numis rarissimis onustum, an *dissertationem de veteri Gr. alphabeto*, numis plurimis illustratam, siue II. tomos, quos *sylloge de recta & vera linguae Gr. pronunciatione* complectitur aliasque nugas meas videris. Quaeso ad me scribe, quos ex meis libros possideas, atque vtrum noris aliquem, qui excerpta ex illis facere possit, quae inserantur *Actis Eruditorum Lipsiensibus*, talem enim sibi dari in Germania optant bibliopolae mei, qui frustra exemplar vnum aut alterum ad MENKENIUM miserunt, nimis multis rebus, ut puto, occupatum. Homo loquax & scribax, tibi dudum forte molestus, hic, reliquis tuis propediem responsurus, desino. Caeterum scito, non temagis acquisitione Othonis tui, quam me te amico *ῥεῶντι* delectatum. Vale. *Lugd. Bat. xxviii Maii. c1800ccxxx.*

IO. HENR. DE HEVCHER. *)

Non possum verbis consequi, quantum laetitiae voluptatisque litterae tuae attulerint, quibus neque optatiores, neque iucundiores afferri poruissent. Ex quo amicissimus mihi HEISTERVS Altdorfio discessit, nunquam non optavi, ut amicum obtinerem, qui huius in Academia vestra resarciret iacturam. Ecquid me putas iam gaudere posteaquam ex insperato talem nactus fuerim in dignissimo eiusdem successore? Gauderem adhuc magis, si tuo me quoque fautori dignissimum reddere possem. Ex quo SERENISSIMVS REX munus mihi imposuit *conquirendi* varios *rerum naturalium thesauros*, de subsidiis, quibus id efficere queam vndique dispicio. Forsan iam tibi innotuit, vir excellentissime, regium institutum? sin minus, dabo in posterum operam, ut melius innotescat. Id saltem non negabis, ex fertili petrefactorum segete, quam Altdorfinus ager profert, quamque *Baeriani comen-*

*) *Sereniss Poloniarum regis & elect. Saxonici consiliarius aulicus & archiater primarius, medicinae in Acad. Vitembergensi profess. caet.*

mentarii loquuntur, in nostros quoque vsus redundare quaedam posse, quae, si rariora fuerint, sumptibus nos non parcere te scire vellem. Carpolithos, inter alia, eosdemque praesertim veros, operose inuestigo, eo quod eorum historiam conscribendi prouincia mihi sit tradita. Intelliges ex his, non in colligendo solum, sed & edendo nos esse occupatos. Eam ob rem, quae RIVINVS de *terrīs medicis* consignauit, aequae ac terras ipsas, quas possedit, regiis comparauī sumptibus, propediem edenda. Interea temporis dum haec meditor, venit in mentem, me quondam in *Memoria Wurffbainiana*, ipsisque legisse *Germanorum ephemeridibus*, etiam hunc virum de *terrīs sigillatis* quaedam esse commentatum, quae adhuc apud heredes lateant. Cum is Noribergensis fuerit, rogo te, atque obsecro, imo obtestor, velis in id incumbere, ut, num compotes *msci.* fieri possimus, quantocyus resciam. Sed tuo, precor, nomine rem agas, ne, si quando pro REGE id emi rescuerint heredes, maius, ac par est, statuant pretium. Tantum me tibi exinde debere existimabo, quantum persolvere difficile erit. Non tenebo te pluribus. Ponam in extremo quod sentio: nihil est, vir celeberrime, cum omnia a te expectem; quod mihi gratius facere possis; nihil est, quod non vicissim possis expectare a tui studiosissimo HEVCHERO. Vale. Dab. *Varsoviae* XIII. Aug. ClOCCXXVI.

60. Redditae mihi fuerunt amantissimae litterae tuae d. XXI. Febr. scriptae. Est & in manibus nostris *manuscriptum Wurffbainicum*: sed a cl. BAIERIO nihil adhuc dum responsi. Forsan, negotiorum mole obruto liberum non est respondere. Ego, morae impatiens, ad te transmittō tabulas aeri incisas, humillime rogans, velis meo nomine salutare virum excellentissimum, & ab eo impetrare, ut si quos habeat his tabulis non depictas terras, delineationes earundem, si non terras ipsas, mihi quantocyus imperiatur. Soluam sedulo quicquid erit impensarum. Quaesiui nuper ex illustrissimo comite MANNTVFELIO quale responsum Peterf.

terfburgi acceperit? respondit ille Russos iam de alio esse sollicitos, interea meritorum tuorum semper futuros memores. Opus, quod meditaris, quod perficis, luce publica est longe dignissimum. Miror, quod inter auctores, quibus usus es, *BARCKHUYSENII & FREINDII historiae medicinae* nullam feceris mentionem. Compilaui & ego olim quaedam ad hoc argumentum spectantia, sed tanti polyhistoris, qualem te aestimo, perlustratione plane indigna. Attamen habebis schedas mox atque rediero in Saxoniā, non, quod credam te ullam exinde capere posse utilitatem, sed quod velim illas optimae meae in te voluntatis testes. Quod reliquum est, caelum terramque mouebo post reditum, ut imprimatur liber, ut frui laboribus tuis possis: fac modo, ut resciam, quale statuas illis pretium. *Terrae Arabicae & Turcicae* optant interpretem. *Anatomicae historiae specimen* 1. vidi; sed non vidi secundum. Interea vale, vir celeberrime, mihiq̃ue amicitiam tuam nunquam satis aestimandam conserua. *Varsoviae d. xxviii. Martii clolcccxxvii.*

De eētypis terrarum sigillatarum Arab. & Turcicarum recte iudicas, spero attamen te quorundam ex illis interpretem futurum felicem. Quae ex *Abulpharagio & Herbeloro* suppeditare constituisti, mihi erunt perquam grata. Baieriana supplementa expecto auide. Ego nunc totus in eo sum, ut ingentem rerum, quae me absente ad nos peruenit, copiam, in ordinem redigam atque disponam, postea opellae, quae petrefacta Lithuanica & Polonica recens detecta exponet, manum admoturus. Tu interea & tibi & mihi vale. Dab. *Dresdae d. x. Iun. clolcccxxvii.*

Quod tardius paullo ad amantissimas litteras tuas respondeam, in maiorem nolim, interpreteris partem. MIDDLETONIVS in causa est, quem vna cum his litteris ad te mittere volui. Omni a me actum est industria, quo librum inuenirem; sed nec meae spei respondit opera, nec voluntati tuae, quod maxime animum excruciat. Vnum tantum lasciui ingenii foetus exemplum Lipsiam

adlatum est. Id omnibus PLATNERVS professor eripuit : sed CRELLIO cuidam donauit. Is mutuo dedit WOLFFIO, Dubensi medico, homini turbulento, in simpulo fluctus mouenti, qui ad se pertinere credidit, vindicare medicis illatam iniuriam. Quamquam omnis antiquae historiae, & literarum ignarus est, audet tamen de se promittere, quod homine indocto maius est : at librum reddere inde noluit. Expectant eundem bibliopolae Lipsienses, & MENKENIVS quoque eius spem facit. Nihil, quaeso, dubitabis, me aduentui inhiaturum esse, vt alios occupem, & ad te quantocyus mittam. Tandem ectypa terrarum Baierianarum, quae inter nostra non reperiuntur, ad manus nostras peruenerunt. Vereor, vt vanam ludas operam in enodandis characteribus Arabico-Turcicis, terris nostris impressis. Si vera sunt, quae *Bellonius* habet, omnes characteres eiusmodi, glebulis impressos, varios licet, ac diuersos, duas tantum Arabicas dictiones significare, frustraneus erit & tuus & aliorum labor in iis explicandis. Pro KEHRIO tuo agam quicquid potero, licet sint, qui dicant, Arabice doctiorem Lipsiae reperiri. Recordor & ego, CLODIVM Lipsiensium in *Bibliothèque Germanique Kebrianam numi Mogolici interpretationem multum castigasse* : & si ingenui pudoris est, profiteri per quem profeceris, KEHRIVS certe in explicatione numerorum Cuscorum HERBELOTVM, GOLIVM & HOTTINGERVVM laudare debuisset. *Historiam medicinae* auide expecto aequae ac *dissertationes tuas*, quae moram operi iniecerunt. *Hoffmanniani commentarii*, vt verum fatear, expectationi nostrae non responderunt. Prolusiones, quas subiunxit, magis placent. Commoratur adhuc dum apud nos SERENISSIMVS BORVSSIAE REX, & cum insigni animi voluptate commoratur. Bibliothecis & museis regiis examinandis aliquot horas impendit, seque non nudum esse rerum spectatorem ostendit. Praedicare satis nequeo summi principis summum in litteras amorem, mirari profundam multarum rerum scientiam. Cras *Ruyschianorum praeparatorum*, quibus thesauros nostros ornare voluit optimus senex, & quae
heri

heri demum Amstelodamo huc peruenerunt, demonstrationem expectat, eo auidius, quo magis notum, anatomes & chirurgiae incrementa curae cordique optimo regi esse. Eminent inter illa pericranium, cerebrum, lingua, brachium, testiculus humanus, & coryledon: omnia nitidissime, vt nosti, praeparata. Ceterum quicquid est apud nos visu dignum, est autem perquam multum, id omne non conspicit solum, sed & considerat REX sciendi cupidissimus, & probat. Ipse hinc iudicare facile poteris, quantum inde nobis gratulemur omnes, quantum debeamus REGI nostro, cui tribuendus soli tantus vrbis nostrae splendor & dignitas. Inter haec omnia vix dies elabitur, qua noua non celebrentur spectacula, qua non, quicquid oblectare animum MAXIMI HOSPITIS queat, excogitetur. Quantum ad seria negotia, haec me penitus latent, & latebunt, vtpote rerum, quae ad me haud pertinent, sciendi minus cupidum. Id quod mihi inter haec omnia restat temporis, lucubrationibus tribuo. Est enim constitutum, de perrefactis, in Polonia, Lithuania & Prussia nostra recens detectis quaedam in lucem edere, quam ob causam BAIERVM vestrum rogo denuo, velit de transmissis mentem suam exponere. Sed cum is opus habeat monitore, te obsecro, vir excellentissime, velis precibus tuis, vt voti quantocyus compos fiam, efficere. Ego vicissim in omnibus meam tibi polliceor industriam, eam, quaeso, non despice, & vale. Dabam *Dresdae* 1. Febr. c1o1cccxxviii.

En tibi scriptionis impedimenta, quorum alterum fuit Beroli-63. nense Fraustadienseque iter, alterum rerum, quae artes scientiasque exornant, in regios porticus collocatio, tum & regiae valetudinis cura. In his duobus labor noster occupatus est omnis, dum & in hac confirmanda, & illis in ordinem digerendis, integros dies consumimus, & consumimus adhuc dum. Certe, si aedium istarum, quas REX scientiis destinauit, magnificentiam spectes, sumtuosiores nondum vidit Europa; sin apparatus, non instructiores. Reperias ibi omnia omnis eruditionis auxilia, ha-

bes hic, quod omnium, qui artes & scientias colunt, desiderium expleat, habes denique illud omne publicis expositum vsibus. Atque cum REX, habita valetudinis ratione, iter Lithuaniam distulerit, hyemales noctes describendo huic apparatusi impendam, & tecum omnia, antequam in lucem proferantur, communicabo. Quantum ad *Middletonianam* attinet *controuersiam*, nosti ex nouis Lipsiensium literariis, quam acri animorum contentione res haec agatur. Nisi itaque eorum omnium, quae in hoc argumento scripta sunt, copia tibi suppetat, vix e re tua futurum credo, vt te huic immisceas contentioni. Ea vero si a me desideras, tantum abest, vt tibi illorum a me copia fiat, vt mihi ipsi, primum MIDDLETONI scriptum, mutuo ab amico quodam Lipsiensi petendum sit. Quem ex vxore suscepisti filium gratulor, & paternarum virtutum opto heredem. Gratias tibi pro transmissis dissertationibus refero maximas, quarum & argumentandi vis & argumenta, & erudita elaboratio celeberrimi nominis tui gloriae optime respondent. Cum RYRSCHIO & de arte sua, & de artis operibus adhuc agimus, neque adhuc dum de pretio inter nos est conuentum. Quibus hic rei anatomicae cura commissa est, illi nec SCHVLZII sunt, nec TREVII. Breui, nihil agunt, nec multum acturos credo. Interea vicem tuam doleo, & cum ampliori theatro ampliora tibi opto stipendia, ingentique flagro desiderio videndi praeparati illius, ex tua liberalitate ad nos peruenturi. Tuebitur id apud nos in perpetuum nominis tui honorem & vna cum Ruyfchianis nostram mirifice exornabit. BAIERI mordacitatem non miror, ipse eius morositatem expertus, dum de transmissis quibusdam petrefactis sententiam suam nondum exposuit. HEISTERVS, olim vester, nuperis his diebus, ad illustrem quandam, in vicinia, feminam accersitus, huc me salutatum accessit. Vellem & tui hic videndi derur aliquando copia, amplectendique cominus, quem eminus semper colui. Plura, temporis angustia praepeditus non addo, quam quod te vna cum tuis valere iubeam. Dabam raptim *Dresdae d. 14. Septembr. 1610ccxxviii.*

Et

Et libri, & litterae tuae mihi sunt redditae. Respondit expecta- 64.
 tioni meae euentus; adeo enim liber iste tuus laudes tuas loqui-
 tur ipse, vt nostris non indigeat. Tradidit illum SERENISSIMO
 REGI comes FRISIVS, & cum commendatione tradidit. Hoc
 vel inde iudicare poteris, quod ab eo, quo comiti exemplar no-
 mine tuo obtuli momento, is legere librum coeperit, & ita le-
 ctione delectari, vt, finita vix hebdomade, illum finiuerit. Ius-
 sit ille vt gratias tibi soluam pro munere, vt nomine suo tibi di-
 cam, sibi persuasissimum esse, hoc in argumento neminem te me-
 lius scripsisse, vt tandem te reddam certiores, se, mox atque au-
 ris illa tua anatome cimelia regia exornaueris, tui quam maxime
 memorem futurum. Ita vero spero omnia ex voto tuo me & e-
 gisse & acturum adhuc, prout in litteris xxii. Septembr. ad te
 datis significaueram. Ceterum & MANNTEVFELIO comiti do-
 num tuum obtuli, qui gratias agit, quas & ipse reddo, quantas
 possum, maximas. Tandem aliquando & a cl. BAIERO responsum
 accepi, quo de lapidibus olim transmissis mentem suam exponit.
 Consentit mecum in plurimis, in reliquis vna cum me dubius
 haeret. Ego nunc in eo totus sum, vt rariora, quibus abundant
 thesauri nostri, exponam, a petrefactis initium facturus. Hi in-
 dies maiora capiunt incrementa, quod vel inde iudicabis, quando
 intelliges, ea quoque, quae purpuratus GVALTIERIVS olim col-
 legit naturae & antiquitatis opera, Roma Dresdam translata esse.
 O! vtinam itinerum impedimenta otia nostra non adeo turbarent,
 o! vtinam laborum nostrorum fila tantum non rumperent. In-
 terea temporis agimus quod possumus. Ego te bene agere, be-
 neque valere iubeo. Dabam in *arce Mauritianae* d. xvi. *Novembr.*
 clolcccxxviii.

CHRISTOPH. AVGVST. HEVMANNVS. *)

Cum iam olim abs te amari me cognouerim, vir excellentissime, 65.
 Ccc 3 non

*) *Litterarissimus Göttingae theologus & hist. litter. prof. publ. ord.*

non dubito, has ad te dare literas, prouocatus quodammodo a te beneuolentissime. Publice scilicet nuper in *secundo tomo Actorum erud. Franconiae*. p. 427. iussisti ad te mitti *codices mss. orientales*, pollicitus, te eos remissurum cum relatione de contentis & pretio *mss.* Cum igitur in bibliotheca nostra publica sit liber *ms. Arabicus*, eum mitto, adiectis precibus, vt proximis Brunsvicensium nundinis eum remittere ne graueris, simulque me docere, quid argumenti hoc libro contineatur, & quanti is habendus sit. Grattissimo ingentem hanc beneuolentiam agnoscam animo, nec vlla in re tibi deerunt officia mea studiaque, modo occasio tibi gratificandi afferatur. Adieci schedulam, quam & ipsam remittas quaeso, cui REIMIVS, vir Arabice doctissimus, suam inscripsit de hoc codice sententiam. Cum vero ei ex solo titulo fuerit iudicium ferendum, non mirabor, si errasse fuerit deprehensus. Mitte vero tuas literas vna cum hoc codice Brunsvicum ad celeb. APINVM, qui eum trader nostris mercatoribus. Vale, vir ingenio, doctrina, fama florentissime, & me tui obseruantissimum fauore tuo beare perge. *Göttingae XXI. Ianuar. MDCCCXXX.*

66. Quam cupide opem feras iis, vir celeb. quibus tuo est opus auxilio, clarissimum documentum habeo literulas illas, quibus me doces, qualem quantumque librum Arabicum habeat bibliotheca nostri gymnasii. Agnosco, vir excellentissime, humanitatis tuae magnitudinem, ac me profiteor pro hoc tuo beneficio ad quaeuis officia paratissimum. Gratias item, quas debeo, (debeo autem maximas,) ago pro duobus programmatibus, adiectisque *odis* rarissimae eruditionis, itemque pro doctissima illa *disputatione de verbo* *περὶ τοῦ ὀνόματος*. Amo vero Academiam Altdorfinam, & amore, imo & admiratione dignam iudico bonorum omnium. Semper ea alit heroes aliquot literarios, inter quos tu nunc es, vir prorsus eximie, & alii plures, e quorum numero exemptus nuper est ZELTNERVS, vir mea laude maior. Qui qua permotus causa pro Helicone rus elegerit, ex te scire gestio, ideoque te rogo maiorem

in

in modum, id vt celare me nolis. Scis, quam curiosum se praebeat BAEIVS in investiganda causa, qua motus Carolus v. ex aula transierit in monasterium. Non minor, fateor, me cupiditas incessit cognoscendi *amosartas*, vt ita dixerim, Zeltnerianae causam. Mitto disputationem Iubilaeam, nec dubito, eam abs te maiori, quam meretur, exceptum iri benevolentia. SPEIRMANNVS tuus viuit adhuc & viger, acceperitque, quae mitti ad ipsum voluisti. Pagus, cuius pastor est, distat hinc 18. milliaribus. Vale, vir summa & eruditione & virtute conspicue, meique beneuole memor esse perge. *Gottingae xxiv. Sept. clolcccxxx.*

IO. MICHAEL HEVSINGER. *)

Non commilitonem me vnquam, sed discipulum habuisti & audi-67.
torem, cui primus Graecarum litterarum amorem inspirasti, dum a. clolcccxi. *Epicteti enchiridion* & alia praelegisti. Hinc non molestum tibi fore spero, si nunc etiam te praeceptore vti voluero. Dum enim proxime iussus sum *Aesopi fabulas Graecas* in vsum gymnasii nostri edere, easque vulgo parum emendatas legi video, nec tamen ad eas eliminandas satis subsidiorum habeo, etsi & *ms.* bibliothecae nostrae exemplar, & veteres editiones plures ad manus sunt: magnopere a te potissimum doceri cupio, vtrum Anglicanae editiones, quarum nulla mihi copia est, atque in primis *Hudsoniana*, a *Neucleina* multum discrepent, variantesque earum lectiones dignae sint, quae excerpantur. Non dubito, quin apud te illarum sint aliquae, egoque tuorum auditorum aliqui, quem idoneum putas, huius operae pretium gratus persolverem. Nulla aliunde spes est, postquam & Lipsiae, & alibi, frustra haec exemplaria requiri cognoui. Interea grati animi exiguum hoc munusculum accipe, *Iuliani Caesares*, quos superiori anno, amici casu, LIBRI nostri, coactus, in lucem emisi, & si eos non indignos putas, quos bibliothecae tuae adscribas, in hac, tanquam mei in te animi pietatisque meae obsides, adserua. Ego
vero

*) *Illustris gymnasii Isanacensis director.*

vero omnem captabo occasionem, qua non indignum plane te, vir illustris, discipulum, nec immemorem ingratumque ostendam. Vale, & de salutaribus artibus, bonisque litteris, ut soles, merere immortaliter; me vero in tuorum cultorum ac clientum numero habe. Iterum vale, patrone summe. *Gothae* 1111. cal. Septembr. clolcccxxvii.

68 Praeceptorem te mihi aliquando fuisse, nondum gloriari desino, cum a. clolcccxi. & sequenti in numero eorum fuerim, qui seminario praeceptorum in paedagogio regio tum erant adscripti. Aduersa autem valetudine, qua plures ex eo tempore annos sum confectatus, Halam a. clolcccxiii. relinquere coactus fui, quam nunquam postea mihi repetere licuit. Testis huius rei erit brevis *STUSSII* nostri scriptio, qua extrema vita mea breuiter narratur, quam ideo exhibeo. *Iuliani Caesares meos* tibi, talium rerum vni omnium peritissimo viro, non displicuisse, non parum gaudeo. Vtrum vero iudicium meum, quod p. cxxxxi. de loco illo *βλασφημῶ* tuli, probes, scire peruelim. Verbosam illam adnotationem *Hamburgensis* theologi celeberrimi, I. C. WOLFII, a nobis dissentientis, epistola aliqua elicuit. *Tuam de Thasiorum numis commentationem*, quam amplissimus *LINGIVS* noster iam pridem mihi laudauit, non sine magna voluptate, cum primum accepero, perlegam. Mandata tua, & quae iam dedisti, & quae posthac dare volueris, curabo diligenter, omnique studio, officio, opera id adsequi conabor, ut & ipse, & ceteri omnes intelligant, me summi nominis tui cultorem esse obseruantissimum deuotissimumque. Tu vero, vir illustris, non moleste, spero, feres, me, nimio forsitan perpoliendi *Aesopi mei* studio, saepius tibi litteris precibusque meis grauem esse, & quicquid mihi commodaueris, discipulorum studiis commodari existimabis, gratiam autem, quae tibi debetur, a me solo reposces. Vale, ac reipubl. litterisque, de quibus optime mereris, diu vige ac flore. Dabam *Gothae prid. id. Sept. clolcccxxvii.*

FRIDERICVS HOFFMANNVS. *)

Recte omnino ad me perlata sunt, quae porro de meis con-⁶⁹signasti. Attentus perlegi cuncta & tam nitida atque exas-
ata deprehendi, vt a nemine, quam SCHVLZIO meo, sic conscribi
potuisse, merito credam. Sed ipsum hoc miro animum affecit
desiderio, reliqua eodem modo contexta quamprimum obtinen-
di; certum, singularem quam fragmenta pepererunt oblectatio-
nem, incomparabilem prorsus fore ex integro scripto. Quare,
si quid preces meae apud te possunt, posse autem multum confi-
do, perge, rogo, sedulus in elaborandis quae restant, & matura
opus, quo mox, & viuus adhuc, voluptate hac perfrui queam,
videndi publicum memoriae meae monumentum. Ego certe o-
mnia liberali redimam honorario, ac vt te collocati non poeni-
teat laboris, sed quam tibi ob id obstrictus sim, re ipsa sentias, fa-
ciam. Auidus etiam exspectaui *historiam tuam medicinae*, sed
non dum accepi, neque etiam inter edita, aut edenda, in Lipsiensi
catalogo vidi. Si prodiit, mittas, quaeso, proxime, quia ex
omnibus optimam illam fore, sperare iubet singularis tua in hoc
etiam campo eruditio. Quas ego nouissime edidi dissertationes
adieci binas, nec non primum medicinae rationalis systematicae
tomum, multis accessionibus & expunctis quibus scatebat mendis,
his nundinis recusum. Tu vero, vir excellentissime, fac, iterum
obsecro, vt propediem desiderii mei compos fiam & saluus sem-
per incolumisque perenna, ac mihi, vt facis, fauere perge. Scri-
bebam *Halae VIII. calend. Nouembr. MDCCXXVIII.*

Tres iam abs te, vir celeberrime, accepi epistolas, vna cum iis, quae
de consignatione vitae meae desideravi, nec non *historia medicinae.*

Ddd

Ve.

*) Quondam serenissimo Borussorum regi a consiliis sanctioribus, &
salutis tutela, comes Palatinus Caesareus, primarius in pa-
tria medicinae professor, totiusque Academiae Fridericianae
senior, Academicarum imperialium naturae curiosor. & Petro-
politanae, regiarum etiam societatum Londinensis atque Bero-
linensis sodalis.

Veniam autem dabis serae responsioni, quam fecit vehemens catarrhalis morbus cum tussi conuulsiva, qui me ipsis calendis Ianuariiprehendit. Nunc quum tantisper inducias dat, multis nominibus vt tibi grates referam, habeo. Primum est ob absolutam vitae meae descriptionem, quae mihi vbique perplacet. Nec est, vt tibi refingendam remittam, sed quae expungenda, addenda, vel vberius illustranda, ipse facili negotio perficiam. Multum certe tibi ob id debeo. In cuius testimonium ceu tesseram his adieci viginti vncialium honorarium, nullam praeterea occasionem commodis tuis inseruiendi praetermissurus. Dein gratissimum mihi fuit munus *historia medicinae*. Offendi hanc omnino te dignam, & praeter concinnum ordinem & elegans scribendi genus, omnia cum iudicio ex antiquitatum monumentis eruta. Id autem mecum optabunt atque a te cl. SCHVLZI efflagitabunt omnes, qui norunt, quam pauci huic labori pares sint, vt quam primum ad colophonem perducatur scriptum vniuersum; quum potior historiae recentioris pars ab aliis vel plane sit omissa, vel perfunctorie tantum pertractata. Annuat voto meo summum numen, tibi que cum perpetua felicitate vires firmamque valetudinem largiatur, quo multum adhuc ad publicam vtilitatem conferre literariamque rempublicam modis tibi deuincire possis quamplurimis. Vale vir celeberrime, & mihi fauere perge. Dab. *Halae d. xvii. Ianuar.* clolcccxxviii.

71. Adeo files pertinaciter, vt nostri pristinaeque amicitiae memoriam deposuisse videaris tantum non penitus. Miror id ego, miratur & filius. Qui tui studiosissimi, nihil admissum nouimus, quod animum reddere potuisset alieniorem. Ne tamen quicquam omisisse videar ego, en! has amici atque propensi animi testes, quas transeunti Altorfium medicinae cultori solerti, CARLIO, vna cum nouissime edita dissertatione & concinnato ab amico scriptorum catalogo tradidi, tibi reddendas. Quid tu egeris & interea docti meditatus sis, scire aueo. Fac igitur, vt quamprimum de tua incolumitate, amicitia & fauore reddar certus. Ego vero, quoad vixero,

vixero, ero tibi, vir excellentissime, omni studio addictissimus. Dabam *Holae idib. Octobr. c1o10ccxxx.*

I. B. HOFFMANN.

Humanissimis tuis, vir excellentissime, litteris incredibiliter sum 72. exhilaratus. Non enim grauiissimi solum testes sunt maximi tui in me fauoris, sed mihi etiam fidem faciunt minime dubiam, oppellam tibi meam non ingratiā fuisse. Qua de re mihi eo magis gratulor, cum eandem non fasciculo, sed fasce egregiorum scriptorum ita largiter remunerari non sis grauatus, ut omnibus meis, si qua sunt, officiis, nēdum vlla gratiarum actione beneuolentiae tuae respondere nequaquam possim. Neque minus excell. *VURCKHARDO* gratissimum fecisti, *quod membranis istis* pretiosissimis *illustrandis* de Augusta bibliotheca non mediocriter volueris mereri. Ipsa eius epistola hoc pro me loquetur, qui, si mandatis tuis beneuolentissimis me posthac dignatus fueris, omni studio enitar, ut, te eas non omnino negligenti dedisse, cognoscas. Ita vale, vir excellentissime, semper prosperrime. Dab. *Wolffenbütteli d. xxiiii. Febr. c1o10ccxxxxi.*

IO. MAVRICIVS HOFFMANN. *)

Academiae nostrae meoque nomine tibi gratiae debentur in si- 73. gnes, pro selectis tuis *observationibus*, quas nouo nostro *ephemeridum volumini* prepediem prelo subiiciendo communicare benevole voluisti, quasque eo quo accepi ordine iam dum disposui, futuro nostro operi splendorem, eruditi orbis applausum promerituras, celeberrimique nominis tui gloriam noua accessione adaucturas. Votum tuum, virorum excellentissime, quo de noui anni auspiciis feliciter coeptis mihi gratulatus es, grata mente agnoscō, supremumque numen piis precor precibus, ut te in saeculi delictum & ornamentum bonique publici & salutis aegrorum emolu-

Ddd 2

*) *Quondam philosophiae & medicinae doctor, diuersorum S. R. I. principum consiliarius & archiater, vniuersitatis Altorfinae senior, ibidemque facultatis medicae professor publicus primarius, Academiae naturae curiosor. adiunctus.*

molumentum quam diutissime annare & perennare faxit. Vale patrone venerande, meque solito fauore tuo prosequere: iterum vale. Dabam *Onoldi* d. vii. Ianuar. clcIcccxxvi.

CHRISTIAN. ALB. LVDOV. COMES AB HOHENLOHE ET GLEICHEN.

74 **T**ua in me voluntas atque humanitas, quam mihi Halae inde quo tibi cognitus sum, multis modis exhibuisti, animum meum cupiditate implet, illam mihi absenti quoque integram seruandi, quae caussa est, cur a me impetrare haud potuerim, quin hisce literulis meis Musas tuas interpellem. Ut valetudo caeteraeque res tuae votis meis & nunc & in posterum semper respondeant, est quod etiam atque etiam opto. Non sine iucunditate recordor bibliothecae & *thesauri tui numismatici*, cuius lustrandi copiam mihi subinde amica mente fecisti, memoriam eius rei mihi iniecit *catalogus bibliothecae Hausianae* auctionis lege non ita post diuendendae, quem pace tua hic tibi transmittere volui, forsitan ibi deprehendes, quibus insignem tuum apparatus numismaticum nonnullis accessionibus instruere ac condecorare queas. Vale & me tui studiosissimum porro ama. *Lipsiae d. xxii. Oct. clcIcccxxxiii.*

CAR. STEPH. IORDANVS. *)

75 **J**e me ferai un devoir & un plaisir, de vous communiquer tout ce, que j'ai de litteraire dans ma bibliotheque. Votre merite m'est trop connu, pour ne pas rechercher de pareilles occasions. Mr. Uble a entre les mains la correspondance adresee a Mr. la Croze, je ne sai, si entre ces pieces ils s'en trouveroient sur les Caracteres Cuffiques: si les a, vous pouvès compter, qu'ils vous seront envoyès, charmé d'avoir l'occasion de vous donner des marques, que je suis avec estime, & consideration

MONSIEUR

le 21. Fevr. 1741. *Berlin.*

Votre très-humble et très-obeissant serviteur.

GEORG.

*) *Quondam potentissimo Prussiae regi a consiliis sanctioribus.*

GEORG. IACOB. KEHR.

Peragratis Austrasiae, Lotharingiae, Alsätiae, Palatinatus, Hun-76.
 norum, Hassorum & Wetterauorum tractibus numen benignissimum tandem in amoenissimam Musarum sedem Tilianam septem ab hinc mensibus me perduxit, multosque fautores & patronos beneficiis me excipientes mihi conciliauit. Praenob. CARPZOVIVM, linguae Hebr. profess. publ. ord. & M. WINCKLERVM, diuitis mercatoris filium, litteratura Arabica instruo, bibliothecarum senatoriae Academicaeque catalogos orientales conficio, vetustissimos nummos Saracenicos Bagdadi, Wâseti, Mohammediae in Chaldaea, Ispahani, Balchis & Samarcandae cufos, veterique Arabum caractere Cufico inscriptos explico, multosque iam explicui, scilicet XVII. drachmas Saracenicis annis Hegi. 180, & 190. & 127. cufas, ex museo illustris D. MASCOVII, senatoris Lipsf. & XXIII. variorum locorum & characterum, aetatumque numos orientales ex bibliotheca Guelpherbytana illustr. consiliarius HASSPERGIUS explicandos mihi nuper misit. Ex duorum theologorum, Schleusingensis cl. MEISII, & Honouiensis, cl. MEVSCHENII, bibliothecis msta Arabica, Persica, atque Turcica mecum habeo, quae recensiturus sum. Ad augendam orientalem supellectilem meam plurimum, vir celeb. conferre poteris, idque vt facias submisit te oro precorque. Si qua in re tibi vicissim inferuire potuero, iubeas, meque promptissimum experieris. Ex bibliotheca Wagenfeiliana Auicennam Arabice, quam elegantissimis typis Romae impressum hic in bibliotheca senatoria, tanquam pretiosissimum cimelion, asseruant. Vale & mihi faue. Dabam
Lipsiae d. vi. Maii clolcccxxiii.

IO. GOTTFR. LAKEMACHER. *)

Equidem vehementer gauisus sum, vbi ante annos hosce tres 77.
 nuncius ad me allatus est, euectum te ad illum dignitatis esse gradum, quem virtus & doctrina tua admirabilis dudum prome-

Ddd 3

ruerant.

*) *Tunc philoloph. & liberal. art. magister, nunc Helmst. Graecae & oriental. linguar. professor publ. ordin.*

ruerant. Ac impellit me sane pristini tui in me amoris recordatio, ut gaudium illud meum testatum tibi hac occasione faciam, honoresque susceptos ex animo gratuler. Faxit deus, ut provinciam, quam non sine magna laude adhuc gessisti, nobilem omnium incolumitate & prosperitate tua ita porro administrare possis, ut artis salutaris studiosi fructum inde capiant vberimum, miseri multi opem ex tua opera sentiant exoptatam, ipse vero gloria fruaris laboribus atque meritis tuis digna. Vnum hoc te rogo, vir experientissime, velis illam mihi beneuolentiam, qua dignatus me olim es, nunc etiam seruare. Quod quidem ab humanitate tua eo facilius impetraturum me esse confido, quo certiori nuper indicio mihi ostendisti, nondum te mei cepisse obliuionem. Mandasti enim cl. FABRICIO nostro, ut verbis tuis mihi significaret, reperiri in bibliothecarum vestrarum aliqua celeberrimi interpretis, *Beidauii*, opus in Coranum eximium: quod cognouisse quam gratum mihi acciderit & iucundum verbis eloqui vix possum. Licebitne vero mihi aliquando tam esse felici, ut, fide virorum locupletissimorum interposita, opus ipsum inspiciendum nanciscar, quo enotare inde possim, quae ad institutum meum quam maxime faciunt? Molior enim, ut forte iam nosti, *editionem Coronii nouam*, quam spes est inter Batauos lucem aliquando esse aspecturam. Accipe ex reculis meis, quod ad manus nunc est: quanquam lectione illud tua non satis esse dignum facile agnosco. Vale decus litterati orbis praeclarum, meque tibi habe commendatissimum. Dabam *Helmstadii ad d. xxvi. Sept. clolcccxxiii.*

IO. BAPIST. MORGAGNVS. *)

78. **E**x quo tuum, vir clarissime, *historiae anatom. specimen* I. perlegi, singularis tua eruditio atque doctrina ad te diligendum me impulere; nunc vero cum & litteras ad me tuas, & *dissertationes*, in primisque eam quae *de cavitatibus ossium capitis* inscripta est, acceperim, humanitas quoque, & beneuolentia permouent ad amandum.

Atque

*) *Gymnasii Patauini primarius anatomes professor & regiae Londinensis societatis sodalis.*

Atque vtinam codex quem cupis, vbi apud nos delitefeat, ego, aut amici diuinare possemus; nihil, mihi crede, libentius facerem, quam vt tibi describendum curarem. Sed quoniam ipse indicas, Romae praesertim esse quaerendum, illic per amicos dabo operam, vt diligentissime quaeratur. Si deus nostris aspirauerit votis, post iustum tempus ex altera mea epistola cognosces. Nunc enim cum tuam, mihi hodie redditam, ante hos tres menses scriptam esse animaduenterim, nolui differre hoc, quidquid est, litterularum ea spe vt quo leuiores sint, eo citius istuc mittantur, citiusque te certiolem faciant, tua & mandata, & epistolam, & dissertationes mihi fuisse gratissima, meque tibi gratias agere, & habere, & quoad porero, esse relaturum. Quod ad ea attinet, quae te in publicum bonum meditari significas; propositum tuum vehementer probo. Probo etiam quod de natura, & causis membranae in naturalibus istius feminae inuentae satis apposite coniecisti. Caetera etiam diligenter adnotata perplacuerunt, & ad memoriam reuocarunt, me quoque nonnunquam ad ea loca vix vnum aut alterum canaliculum videre potuisse, qui vero lacunae *Graecis* appellantur, nonnunquam nullos. Caeterum quod de tuis quoque collegis doctissimis plures mediocritati huic meae ita faueant, vt tu, vir cel. & decessor tuus humanissimus faueris, ipsorum, & vestrae benignitati acceptum refero. Faxit deus, vt & aliquando is sim qui iam vobis esse videor, & possim singulis & vniuersis ita officiis respondere, vt egregia voluntate, & summa de vobis, & omni Academia vestra nobilissima opinione certe respondeo. Ab HEISTERO nostro praestantissimo iam diu litterarum nihil habeo. Vale, vir doctissime, & me, vt amas, ama. Dab. *Patavii XII. kal. Maias cIoIcccxxiii.*

Eo gratiores fuerunt litterae ad me tuae superiori mense allatae, 79. quod postquam sub initium anni 1723. benigne ad me scripseras, atque ego tibi Aprili & Septembri eiusdem anni rescripseram, nihil abs te epistolarum acceperam, neque an post *historiae anatomicae specimen* 1. & duo priora de obseruationibus anatomicis programmata, aliquid

aliquid eiusdemmodi edidisses, scire poteram. Nunc cum ex literis humanissimis, tum ex gratissimo adiecto munere consultatum, & speciminum commercii litterarii, pro quibus gratias ago, & habeo plurimas, quid agas, libenter intelligo, & quod agis in bonum publicum, etiam atque etiam vehementer probo, atque commendo. Itaque cum eruditis amicis Patavii, & praesertim Venetiis (qui locus multis nominibus vestris consiliis est opportunior) reliqua exemplaria communicavi, in primis autem cum praestantissimo medico *Petro Anton. MICHELOTTO*, qui ad me heri se quam libentissime vobiscum id commercii exculturum, rescripsit. Cl. viro *PONTEDERAE* nostro suum quoque fasciculum reddidi: quod cl. *TREW* ex adiuncta eius epistola cognoscer. Quod reliquum est; si quid praeterea aut tibi, aut viris doctissimis sociis tuis a me gratum fieri potest; promptissime semper, quantum occupatissimo homini licet, praestabo. Deum veneror, ut vos omnes, & te in primis, vir excellentissime, in publicum litterarum emolumentum quam diutissime incolumes seruet. Dab. *Patavii pridie nonas Maias clolcccxxxi.*

GODOFR. GVILIELMVS MÜLLERVS.

80. **T**ransmitto hic tibi quam pollicitus *pretii aestimationem Morelianam numorum consularium*, una cum tredecim, quorum iam mentionem feci, eiusdem generis numis. Addidi numum ex *Arria familia* alias *rarissimum*, nec non *Severi imperatoris* elegantissimum nondumque vulgatum, Graecum, aereum, & duos Gothicos diuersi metalii atque moduli, non semper obuios. Schedulae inscriptus est indiculus numorum, quem iam tecum antea communicavi, argenteorum meorum exquisitissimae conseruationis & elegantiae, appositis simul illis, quos interea accepi, rarioribus, *Caracall. Barb. Orb. Diadumen. & Maxim.* Vale. Dab. *Francofurti ad Moen. viii. Sept. clolcccxxxx.*



INDEX PRIOR AVCTORVM VETERVM.

Aelianus.	254	Clemens Alexandrinus.	69
Agatharchides apud Photium.	68	Constantinus Porphyrogenneta.	9
Ammianus Marcellinus.	24	Curtius.	I. 3. 4
Appianus. 77. 89. 164. 170. 176. 235.		Didymus Alexandrinus.	56
236. 237. 245. 257. 284. 285		Dio Cassius. 102. 118. 129. 144. 169.	
Aristophanes.	116	170. 177. 181. 188. 196. 220. 226.	
Arnobius.	157	234. 235. 236. 255. 260. 262. 264.	
Arrianus.	I. 6	293. 294	
Artemidorus.	32	Diodorus. 6. 29. 30. 35. 45. 66. 68	
Asconius Paedianus.	104. 151	Diogenes Laertius.	18
Athenaeus.	283. 300	Dionysius Halicarnassensis. 186.	
Augustinus.	171	190. 210. 211. 247. 274. 280. 282	
Ausonius.	69	Etymologicum Magnum.	45
Caesar.	192. 255	Eusebius.	92
Callimachus.	116	Eustathius.	45
Capitolinus.	37	Eutropius.	164. 198. 308
Cassiodorus.	208	Fasti Capitolini.	135
Censorinus.	250	Festus.	50. 193. 262
Cicero. 45. 65. 66. 100. 104. 105. 106.		Florus. 85. 88. 102. 119. 134. 176. 247.	
107. 108. 116. 118. 122. 123. 124. 125.		280. 309. 314	
132. 140. 144. 146. 147. 151. 154. 158.		Frontinus.	276
163. 166. 170. 182. 183. 184. 186. 195		Gaza.	45
197. 209. 211. 225. 227. 228. 231.		Gellius.	141. 160. 170
235. 240. 241. 251. 252. 254. 255.		Herodianus.	176
266. 276. 277. 278. 281. 282. 284.		Herodotus.	44
285. 297. 306. 319		Hirtius.	97. 98. 124. 173

E e e

Homerus.	21. 67. 156. 223	Polybius.	123
Horatius.	129. 253. 255	Propertius.	254
Hyginus.	208	Quintilianus.	264
Iamblichus.	49	Sacra Scriptura.	I. 37. 156
Iosephus.	37. 77	Sallustius.	134. 157. 275. 286
Iustinus.	I. 2. 3. 4. 6. 8. 9. 13. 25. 29	Scholiasfes Homeri.	61
Lactantius.	172. 269	Scholiasfes Persii.	262
Linus.	24. 83. 91. 101. 107. 112. 128. 137.	Seneca.	4. 286
	138. 140. 146. 151. 158. 165. 167. 171.	Seruius.	85. 153. 176. 290
	197. 202. 203. 205. 206. 207. 208.	Solinus.	14. 67
	214. 223. 227. 233. 237. 241. 242.	Sophocles.	116
	243. 250. 253. 268. 274. 280. 289	Spartianus.	144
LVCANVS.	35	Stephanus Byzantinus.	44. 103
Macrobius.	101. 132. 184. 207	Strabo.	II. 18. 33. 46. 50. 53. 54. 63. 68. 136. 235
Manilius.	14. 178	Suetonius.	III. 136. 141. 161. 176. 180. 183. 215. 216. 218. 221. 232. 255. 257. 258. 271
Mela.	18. 224	Suidas.	18
Nepos.	239. 293	Tacitus.	257. 264. 272. 286. 295
Orosius.	102. 122. 151. 167	Terrullianus.	265
Ouidius.	2. 100. 105. 116. 161. 175. 238. 252. 278. 291. 300. 301	Thucydides.	21. 44. 63
Pausanias.	6. 38. 48. 64	Valerius Flaccus.	175
Philostorgius.	69	Valerius Maximus.	79. 117. 141. 146. 149. 150. 151. 186. 191. 195. 197. 229. 231. 237. 247. 267
Phlegon apud Stephanum.	103	Varro.	50. 123. 125. 197. 240. 273
Phurnutus.	290	Velleius Paterculus.	194. 264
Pindarus.	31	Victor.	243
Plinius Iunior.	170	Virgilius.	9. 48. 63. 119. 172. 173. 176. 206. 210. 265. 290
Plinius Secundus.	6. 14. 18. 24. 55. 56. 67. 68. 129. 135. 149. 150. 206. 231. 260. 265. 266. 308	Zonaras.	149. 210
Platarchus.	I. 8. 9. 29. 78. 100. 131. 133. 134. 145. 153. 154. 167. 178. 182. 183. 184. 189. 194. 201. 225. 226. 239. 244. 268		



R E C E N T I O R V M.

ACTA BORVSSICA.	52	269. 272. 273. 276. 277. 283. 292
ARSCHOTANA NVISMATA.	34	HANTHALER Chrysostomus. 38.
AVGVSTINVS Leonardus.	18	40. 42
BANDVRI Anselmus.	230	HARDVINVS Ioannes. 6. 13. 16. 22.
BAYERVS Theophilus Sigefridus.	52. 57	28. 30. 32. 33. 58. 71. 133. 139. 164.
BEGERVVS Laurentius. 2. 3. 4. 7. 8. 9.		165. 167. 218. 220. 242. 263. 266.
IO. II. 12. 13. 14. 16. 18. 19. 21. 22. 23.		271. 292. 321
24. 25. 27. 28. 29. 30. 37. 38. 39. 40.		HAVERCAMPVS Sigebertus. 29.
41. 42. 47. 48. 49. 50. 51. 52. 55. 56.		49. 70. 72. 74. 76. 77. 78. 79. 80.
60. 63. 64. 65. & <i>passim</i> .		81. 82. 83. 84. 85. 86. 87. 88. 89. 90.
BIE Iacobus DE	34	91. 92. 93. 94. 95. 96. 97. 98. 99.
BOCHARTVS Samuel.	45	101. 102. 103. 104. 106. 108. 110. 111.
CAMERARIVS Philippus.	6	112. 113. 114. 115. 116. 117. 118. 119.
CASAVBONVS Isaacus.	134	120. 123. 124. 125. & <i>passim</i> .
CELLARIVS Christophorus. 19. 134		HEDERICIVS Benjamin. 263
COMMENTARII SOCIETAT. PETROPOLITANAE.	36	HEINECCIUS Ioan. Gottl. 134
CVPERVS Gisbertus. 26. 94. 97. 98.		HISTOIRE DE L'ACAD. DES INSCRIPT. 28. 82
179		HOLSTENIVS Lucas. 44
ERIZZO Sebastianus. 129. 148. 153.		KEDER Nicolaus. 52
273		KIPPINGIVS Henricus. 123. 166.
FROELICHIVS Erasmus. 81. 302		169. 177. 207. 213. 214. 239. 249. 283
GALLANDVS Antonius. 76. 77. 230		LANDVS Constantius. 2. 77. 81. 159.
GESSNERVS Io. Iacobus. 1. 2. 3. 6.		176. 179. 229. 249. 261. 263. 281. 292
10. 19. 26. 27. 28. 40. 44. 47. 49.		LEGATI Laurentius. 26
51. 53. 54. 62. 63. 67. 71		LIEBE Christian. Sigismund. 2. 5.
GOLTZIVS Hubertus. 2. 4. 8. 11. 12.		7. 60. 101. 108. 126. 145. 152
19. 26. 29. 39. 40. 41. 42. 44. 46. 47.		MAFFEI Paullus Alexander. 48
49. 50. 51. 53. 58. 61. 63. 65. 66. 67.		MEAD Richard. 64. 74
68. 71. 91. 95. 108. 153. 270		MEDIOBARBVS Franciscus. 121
GORLAEVS Abraham. 76. 157. 246		MEMOIRES DE L'ACAD. DES INSCRIPT. 3. 4. 5. 34
GYRALDVS Lilius Gregorius. 30.		MENCKENIVS Io. Burcardus. 30. 33

- MORELLIVS** Andreas. 31. 76. 81. 87. 89. 90. 91. 92. 96. 110. 113. 116. 133. 136. 150. 209. 233. 259. 288. 315. 320
MYTHOLOGICI LATINI. 283
NATALIS COMES. 272. 276. 277. 283. 292
NIEVPOORTIVS G. H. 74. 75. 88. 92. 100. 110. 123. 166. 169. 177. 192. 194. 195. 196. 207. 213. 214. 239. 249. 269. 272. 283. 285. 289
NONNIVS Ludouicus. 2. 4. 6. 7. 8. 9. 10. 14. 16. 19. 21. 22. 24. 25. 29. 41. 42. 48. 64. 70
NVMOPHYLACIVM BVCKHARDIANVM. 239. 279
ONSELIUS Iacobus. 74. 77. 81. 132. 134. 143. 149. 171. 176. 179. 189. 194. 197. 212. 236. 240. 261. 263. 264. 277. 280. 292. 320
PANVINIVS Onuphrius. 73. 74
PARISIVS Prosper. 41. 44. 71
PARVTA Philippus. 38. 40. 44. 49. 61. 62. 68. 130
PATINVS Carolus. 27. 28. 51. 74. 76. 83. 89. 91. 106. 114. 126. 131. 301
PERIZONIVS Iacobus. 81. 91. 92. 109. 191. 261. 288
PETAVIVS Paullus. 46
PIGHIVS Stephanus Vinandus. 119. 127. 156. 187. 193. 210. 213. 240. 268. 273. 274
PITISCVS Samuel. 88. 123
POMEY Franciscus. 213. 214. 269. 272. 273. 276. 277. 283. 292
PVFFENDORF Samuel. 6
RINCK Eucharicus Gottlieb. 180. 188. 189. 230. 293
SALMASIVS Claudius. 262
SCHLAEGER Iulius Carolus. 17. 39. 139. 238. 279
SCHMEIZEL Martinus. 5
SCHMIDIVS Io. Andreas. 10. 166. 168
SCHVLZIVS Io. Henricus. 5. 15. 17. 18. 30. 43. 51. 58. 191. 236. 261
SIGONIVS Carolus. 222
SPANHEMIVS Ezechiel. 3. 4. 9. 10. 14. 19. 21. 23. 24. 28. 29. 32. 35. 37. 38. 41. 60. 61. 63. 68. 69. 70. 71. 101. 103. 106. 116. 184. 191. 193. 224. 225. 252. 269. 271. 283
VAILLANT Ioannes Foy. 4. 28. 30. 72. 74. 77. 78. 79. 80. 81. 82. 83. 84. 85. 86. 87. 88. 89. 90. 91. 93. 94. 95. 96. 97. 98. 99. 100. 101. 102. 103. 104. 106. 108. 109. 110. 111. 112. 113. 114. 115. 116. 117. 119. & *passim*.
VR SINVS Fulvius. 72. 76. 77. 78. 79. 81. 83. 91. 93. 96. 97. 99. 106. 109. 111. 112. 114. 116. 119. 124. 125. 126. 127. 128. & *sparsim*.
WACHTERVS Io. Georg. 3. 8. 12. 13. 19. 22. 23. 42. 48. 49. 70. 102. 204. 235. 277. 300. 301
WIEDNERVS Ioannes. 311
WILDE Iacobus DE. 4. 6. 19. 25. 27. 28. 36. 37. 47. 48. 65. 70
WOLTERECK Christophorus. 73. 74. 76. 77. 81. 191. 228. 230. 234. 259. 261. 288



INDEX POSTERIOR

TYPORVM ET NOMINVM PROPRIORVM.

A.		Anci Marcii caput	207
A. c. h. e. <i>absoluo, condemnatio</i>	104	Ancora in numo Antiochi	29
Accensus consulem praecedit.	184	Anniae gentis numi	81
Accoleiae gentis numi	72	Antestiae gentis numi	83
Aciliae gentis numi	73. 304	Antiochi II. numisma	29
Acisculus	282	Antoniae gentis numi	84
Acrostolium	198	Antonii caput	85. 86
Adspersillum	177. 178	Antonius augur	84. 86. 88. 304
Aeliae gentis numus	74	Antonius consul designatus iterum	84
Aemiliae gentis numi	75. 304	Antonius imperator tertium	<i>ibid.</i>
Aeneas Anchisen & Palladium gestat	175	Anton. III vir R. P. C.	84. 85. 86. 88. 304
Aetolorum numisma	40	Aper telo transfixus	170
Agathoclis numisma	39	Apex	178
Agrippae coronatum caput	275.	Apollinis & Dianae capita	63
	292. 294	Apollinis caput diadematum	282
Ahalae caput	182. 267	Apollinis laureatum caput	29. 49.
Albinus Bruti filius	189. 244		51. 67. 72. 73. 95. 100. 115. 144. 181.
Alcinoi hortus	19. 23		204. 239. 291. 303. 304
Alexander M. Bucephalo infidens		Apollinis radiatum caput	115. 121
	5. 6. 25	Apollo in bigis arcum tendens	222
Alexandri M. caput	9. 25. 27	Apollo in quadrigis cum arcu	93
Alexandri M. numismata	1. 9. 25	Apolloniatarum numus	23
Alexandri M. triumphus	25	Apri Calydonii dentes	40
Ammonis caput	30. 36	Aproniae gentis numus	90
Ammonis cornua	1. 2. 4. 10	A. P. V. <i>Argentum publicum</i>	198. 317
Amphinomus patrem e periculo subducit	169	Aquila alas pandens	67. 301
Anapus & frater eius parentes humeris sublato e periculo eximunt	234	Aquila delphino rostr. infgens	24
		Aquila euolans	64
		Aquila & fulmen	65
		Aquila & Iupiter	9. 27
		E e e 3	Aqui-

Aquila in laurea	92	Bacchus nudus stans	126
Aquila pugnat cum serpente	18	Baebiae gentis numus	93
Aquilae fulmen vngulis tenentes.	135. 218. 276	Balbus	320
30. 36. 37. 42. 48. 92		Barbari numi	86. 285
Aquila legionaria	88. 250. 263.	Barbatus	41
	283. 304	Bellona armata	81. 112
AP. monogramma	51. 249	Bigae aurigante Victoria	<i>& passim.</i>
Ara	261	Bigae elephantorum	94
Ara cum imposita persona scenica	290	Bigae in Hieronis I. numis	39
Ara Iunonis ignita	239	Bigae Olympicae	7. 66. 68
Aratrum in numis	185. 263. 292	Bilanx deae Monetae	125
Arcus & pharetra	227	Bilanx & caduceus	82
Arcus triumphalis	25	Blasio	126
Arethusae caput	66	Bocchus ingenuiculus	132
Armati in ludis	195	Boni Euentus caput	261
Arriae gentis numus	91	Bos ad aram ignitam	249
Afininum caput	185	Bos desuper luna	165
Affis nota	99. 299	Boues ad aratrum iuncti	181. 208
Astrum	219. 282	Bouis caput	1. 42
Auentinus mons	249	Brochus III vir	167
Augurium	297	Bruti, percussoris Caesaris, cap.	188
Augur suo habitu	84. 239	Bruti primi Rom. consulis cap.	182
Augusti caput	101. 110. 142. 165. 168.	Bruttiorum numismata	41
194. 198. 200. 221. 232. 257. 258.		Bucephalus gradiens	5. 6
263. 275. 285. 292. vide Caesar.		C.	
Augustus Diui filius	180. 258	c. <i>condemno</i>	104
Aureliae gentis numus	92	Caduceus in numis	74. 82. 100. 153.
Aurora Solis equos frenat	229	163. 190. 200. 221. 226. 272	
B.		Caeciliae gentis numi	93
B. monogramma	1. 4	Caecinae gentis numisma	99
Bacchi caput	14. 64. 242. 290	Caecilianus	108
batum	277	Caelestis deae caput	148
Bacchicus thyrsus	160	Caesar Octau. III. vir R. P. C.	86. 135.

86. 135. vid. <i>Augustus & Iulius.</i>	Cato	242
Caldi nudum caput 121	Censorinus	137-205
Calenorum numismata 48	Centuripinorum numisma	49
Calidia gentis numus 99	Cerco	198
Calpurniae gentis numi 100	Cereris caput 11. 61. 62. 63. 108. 167.	
Calydonii apri dentes 40	176. 208. 212. cornutum	61
Camelus coronam radiatam portans 75. 230	Ceres cum spicis & colo	209
Cancelli comitiorum 193	Ceres draconum bigis insistit.	296
Cancer marinus 62	Ceres filiam Proserpinam quae-rit.	292
Canis in Antestiae gentis numis 83	Ceres vtraque facem gerit	292. 296
Canis lacerat aprum 170	Cerialia preimus fecit	209
Canis venaticus Dianae 65. 248	Cerua & Diana	173
Canis Vlyssis 200	Ceruinum caput	249
Capeduncula 177. 178	Chalcidensium numisma	18
Caper maectandus 239	Chiorum numus	68
Capito 161. 208	Ciceronis triumphus	281
Capra filuestris 227	Ciconia, pietatis symbolum	96
Caprina pelle tectum caput 224.	Cipiae gentis numus	110
252. 253. vid. <i>Iuno Sispia.</i>	Cista, cui tabella iniicienda	193
Captiui ingeniculati 132. 212	Clathrum	91
Captiui sub tropaeo 119. 178	Claudia gentis numi	111
Caput Romae galeatum 83. 139	Cloacina	217
& passim.	Clodius	115
Caput turritum 64-148. 166	Clouiae gentis numus	117
Carbo 225	Clouiae familiae numus	119
Carisiae gentis numi 102	Clymene Phaetontis mater	72
Carthago subacta 308	Clypei in numis 85. 93. 191. 121. 166.	
Caruiliae gentis numus 103	171. 213	
Cassiae gentis numi 104	Clypeis & gladiis instructi pugnant	215
Cassis Macedonica 25	Cocceiae gentis numus	121
Castor & Pollux 83. 260 & passim	Cohors praetoria	88
vid. <i>Dioscuri.</i>	Cohortis signum	263
Catanenses fratres 234	Coilius	

Coilius Calvus	124	Cupido Veneris collo monile ad-	
Colonus boues agens	181. 208	aptat	177
Colus	209	Curiatiae gentis numus	138
Comitium cum septis	193. 217	Curtiae familiae numus.	139
Concordiae caput	80. 140. 217	Cybeles turrutum caput	166
Confidiae gentis numus	124	Cyrenaeorum numisma	30
Consulis processus inter lictores	184	D.	
Consulis primi caput	183	Decempeda	103. 263
Cordi	163	Delphini in numis	24. 125. 219. 226
Cordiae gentis numi	125	Demetrii Poliorcetae numisma	28
Corneliae gentis numi	126	Denarii nota	93. 139. & <i>passim</i> .
Cornua arietina	1. 2. 10	Dextrae iunctae cum caduceo	74. 190
Cornua taurina	28. 61. 62	Diadema alatum	277
Cornu copiae	30. 36. 37. 103. 147. 163	Diadema cornutum	1. 2. 10. 28
Corolla	272	Diadema in puppi	157
Corona ciuica	169. 260	Diana cum cane venatico	65
Corona ex glandibus & spicis con-		Diana cum venabulo stans	173
texta	147	Diana faces tenens	115
Corona laurea	91. 92. 93. 98. 103. 129. 147. 198. 282	Dianae caput.	11. 23. 39. 63. 114. 132. 170. 245. 248. 249
Corona myrtea	160	Didiae gentis numus	140
Corona quærnea	23. 169. 198	Didonis caput	60
Corona radiata	75. 121	Dimicantes	215
Corona rostrata	275. 294	Dioscuri hastati in equis	83. 208. 260
Corona spicea	189	& <i>passim</i> .	
Corona turrata	64. 148. 166. 275. 292	Dioscurorum capita	125
Cosconiae gentis numus	136	Dioscurorum pilei	160. 245
Cotta	92	Diota	68
Craffipes	166	Diribitor	193. 217
Crepusiae gentis numi	137	Ditis patris caput	220
Cristata galea	126	Diui Iulii filius	263
Cupidines alati	174	Diuus Iulius	180
Cupido delphino insidens	125	Domitiae gentis numi	141
Cupido hirco inequitat	159	Dosse-	

Doffenus	254	Euboeorum infigne	1
D. P. P. <i>Dei penates parui</i>	272	Europa tauro vecta	282
Draco & elephas	178	EX A. PV. h. e. EX <i>auctoritate</i> PV-	
Draco Lanuvinus	251. 252. 253	<i>blica</i>	148
Draconum bigae	296	EX S. C. i. e. EX <i>senatus consulto</i>	
Duae dextrae caduceum tenent		265. 283 & <i>passim.</i>	
	74. 190	F.	
Duplex vultus	24	Fabatus	253
Durmiae gentis numi	142	Fabiae gentis numi	145
Dyrrhachiorum denarii	19	Falx messoria	130
E.		Falx Saturni infigne	212. 264
Egnatuleiae gentis numus	144	Fanniae gentis numus	154
Eidus Martiae	188	Farsuleiae gentis numi	155
Elephantinum caput	93. 139. 305	Fasces consulares cum securibus	
Elephantorum bigae	94		167. 196. 221. 250
Elephantorum quadrigae	25	Fauni laureatum caput	185
Elephas draconem calcans	178	Faustulus baculo innixus	238
Elephas gradiens	96. 97	Faustus	132
Eques armatus	7. 38	Felix	132
Eques armatus feroci equo infidet	204	Ferarum pugna	195
Eques armatus laeua abscissum caput humanum fert	265	Ficus Ruminialis	238
Eques defultor	100. 207	Figura militaris in bigis	155
Eques equitem hasta transfadigit	267	Figura togata in bigas ascendit. <i>ibid.</i>	
Eques equum capistro ducens	191	Filius patrem humeris fert	169.
Eques laureatus	161		175. 234
Eques laureum ramum tenens	202	Flamen Iunonis Lanuinae	252
Eques vibrat iaculum	138	Flaminiae gentis numus	156
Equinum caput	62. 66	Florae caput	12. 13. 269
Equites armati	245	Floralia primus fecit	269
Equitum transvectio	191	Foedus adhibita porca	273. 287
Equus libere stans	60. 61. 62	Fonteiae gentis numi	156
		Forceps Vulcani infigne	92
		FORT. P. R. h. e. FORTUNA <i>populi</i>	
		<i>romani</i>	271
		Fff	Foftu.

Foetulus	238	Herenniae gentis numus	169
Fourius Philus	166	Hieronis I. numismata	38
Fufiae gentis numus	163	Hieronis II. numisma	40
Fulmen alatum	39	Hircus, cui Cupido inequitat	158
Fulmen & aquila	65	Hispaniae caput	250
Fulmen in numis	138. 147. 159	Honoris caput	143. 163
Fulviae gentis numi	165	Hofidia gens	170
Fundaniae gentis numus	310	Hostilia gens	171
Furiae gentis numi	166	Hostium fuga	ibid.
G.		H. P. I. E. <i>Hasati & principes</i>	283
Gaesæ Hispanica	179	Hygea cum serpente	73
Galea cristata	126	Hypsæus	230
Galea ramo & stellis exornata	198	I.	
Galliae gentis numismata	168	Iani geminum caput	99. 103. 156.
Gallus gallinaceus	48. 88		166. 233. 298. 299. 300. 319
Galus Apronius	90	Incertarum familiarum numi	297.
Gelsenium numi	43		320
Geta III. vir	170	Incus	90
Gladiis & clypeis instructi pugnant	215	Instrumenta pontificalia	177
Globus terrestris	103. 129. 213	Instrumentum fabrilis	261. 282
G. P. R. h. e. <i>Genius populi romani</i>	129	Inuicta Roma	301
Gracchus	83. 263	Iouis caput	42. 43. 47. 48. 49. 60. 90.
Gryphus	224		119. 251. 254
Guttus	88. 234	Iouis Ammonis caput	30. 36. 86
H.		Iouis Ammonis cornua	I. 2. 10
Haliaeetus rostrum delphino inf-		Iouis Axuris statua	291
gens	24	Iouis Capitolini caput	303. 305. 307.
Hasta pura	9. 10. 27. 91		310
Hasta transversa	I. 125. 213	Iouis Feretrii templum	130
Hercules nudus stans	14	Iouis fulmen	19. 23. & <i>passim</i> .
Herculis caput	43. 67	Iouis Liberatoris caput	65
Herculis claua	23. 135. 143. 301	Iouis Liberatoris statua	130
		Iouis Olympici caput	5. 6. 7. 68
		Isidis simulacrum	64

I. S. M. R. i. e. Iuno sispita magna	Lamia	74
Regina	Lampas	106
Istrianorum numisma	Lanuina; Iuno vid. Iuno Lanuina,	
Italia stans laeua tenet cornu co-	vel Sispita.	
piae	Lanuina puella serpentem pa-	
Iugum boum	scens	253
Iugurtha ingenuiculus	Lanuinus serpens	251. 252
Iuliae gentis numi	Larices arbores	72
Iulii Caesaris laureat. caput 179. 180	Larifcolus	ibid.
213. cum stella crinita 258	Lauri rami	169. 260
Iulius Caesar dictator tertium 117	Legio secunda	89
Iulius Caesar imperator	L. D. Libero Damno	121
Iuniae gentis numi	Lentulus	128
Iuno	Leo in numis	11. 12. 13. 87. 195
Iuno Moneta bigis insitit 137. 212	Leonis exuuiis ornatum caput 9.	
Iunonis ara		27. 38
Iunonis Lanuinae caput 224. 250.	LEP. AN. XV. PR. H. O. C. S.	79
253. 276	Liberiae caput	290. 292. 296
Iunonis Monetae caput 81. 82. 137	Liberi Patris caput 242. vid. Bac-	
Iuno Sospita vel Sispita d. hastam	chus.	
vibrat, l. scutum oblongum te-	Libertas in quadrigis	109. 240
net	Libertatis caput 124. 155. 184. 196.	
Iupiter ἀνέφορος 9. 10. 27. 130		267
Iupiter Axur	Libertatis symbola	109
Iupiter in citis quadrigis 139. 145.	Libo	208. 261
227. 298. & passim.	Licinae gentis numi	190
Iupiter in lentis quadrigis 75. 95.	Lictores cum fascibus	184
142. 286	Limetanus	137
Iupiter Vltor in quadrigis	Lituus in numis 88. 98. 132. 177. 234.	
K.		267. 269
Kaleni	Lituus militaris in numis	136. 166.
L.		173. 186
Labeo	Liueinae gentis denarii	195
Laeca	Lolliae gentis numus	196
	F f f 2	Longi-

Longinus	106	Maffiliensium numi	11. 12. 13. 50
Luciliae gentis numus	198	Maximus	147
Ludi Circenses	195	Medusae caput	117. 126. 130
Ludi scenici	290	Melitenensium numisma	51
Ludi vortui primum publici facti	220	Memmiae gentis denarii	209
Lugduni A. XL.	87	Mensa certaminum cum urnis & palmae ramis	27
Luna bicornis	115. 132. 165. 192	Mensa rostris imposita	197
Luna & stella	279	Menfor	155
Lupa cum gemellis	238. 297. 302	Mercurii caput	200. 301
Luriae gentis numisma	198	Messalla	285
Lutatae gentis denarius	<i>ibid.</i>	Metapontinorum numus	11
Lyra Apollinis symbolum	73. 304	Metellus	93. 94. 95. <i>seq.</i>
Lyra in numis	174. 261	Mettiae gentis numus	213
Lyfimachi numismata	1. 2. 4. 10	Miles armatus fugiens	245
M.		Militares figurae cum porca intermedia	273. 287
Macedonum numismata	23	Militaris figura in bigis vim instantium propulsat	171
Macer	194	Milites iurantes	269
Maeciliae gentis numisma	200	Milites prostrati	161
Magnus Pius imperator	233	Milites pugnantes	215
Malleolus	232	Minervae aegis	126
Malleolus in numis	41. 261	Minerua tropaeophora	117. 179. 291
Mamertinorum numisma	49	Minerua; vide <i>infra Pallas.</i>	
Mamiliae gentis numi	200	Minotaurus in numis	51. 60. 72
Manliae familiae denarii	201	Minuciae gentis numi	214
Marcellinus	111. 129	Modius in numis	112. 191. 195
Marcellus quinq. cos. togatus.	111. 130	Moneta dea stans	125
Marciae gentis numi	202	Monogramma Christi	30
Mariae gentis denarius	208	Monogramma Romae	202
Mars ad proelium tendens	42. 49	Monogrammata	4
Mars in bigis hast. vibrans	136. 141	Mons Auentinus	249
Mars tropaeophorus	161	Muciae gentis denarius	216
Martis galeatum caput	41. 128	Mussi-	

Musfidiae familiae numus	217	Oeniadarum numisma	60
N.		Oguliniae gentis numisma	222
Naeuia gentis numus	218	Oleae ramus 132. cum vitta	75
Nasidiae famil. denarius	219	Olla ansata	238
Nauis gubernaculum 68. 110. 299		Opeimiae gentis denarius	222
Nauis gubernator in puppi	157	Otho	257. 258
Nauis praetoria 87. 88. 219. 304		P.	
Nauis prora 99. 145. 181. 233. 235.		Pacis legati	287
299. 300. 301. 303		Pagurus papilionem comprehen-	
Nauium prorae	319	dens	142
Nauium rostra	197	Palikanus	197
Neapolitarum numisma	51	Palladis caput	1. 42. 48. 65
Neptuni caput	97	Palladium	1. 10. 175
Neptuni filius	236	Pallas armata gradiens	47. 67
Neptunus cum acrostolio	234	Pallas coronat Bacchum	126
Neptunus cum delphino & stro-		Pallas in quadrigis hast. vibrat	194
phio	294	Pallas sellae insidens	1. 4. 10
Neptunus cum tridente 28. 62. 294		Palloris caput	173
Nerua	193	Palmae ramus	79
Neruae imperatoris caput	121	Palmae ramus cum vittis	272
Noctua in numis	125. 126	Palma fructifera	61. 62
Noniae gentis numi	220	Panormitanorum numismata	60
Norbanae gentis numus	221	Panthera	290
Numae Pompilii caput	207	Papiae gentis numus	224
Numa Pompilius stans habitu au-		Papilio & pagurus	142
gurali	239	Papiriae gentis denarius	225
Numi barbari	320	Parazonium	220. 281
Numi Graeci incerti & ignoti	71	Parma	121. 136
Numi incertarum familiar. 297. 320		Parthus genuflexus	143
Numismata vrbis Romae	299	Patera	242
Nymphae in arbores mutatae	72	Paullus Lepidus	80
O.		Pauoris caput	171
Ob ciuis seruatos	169. 260	Pedes fugiens	245
Oenei galeatum caput	40	Pegasus	277

Penatium capita	158. 272	Pomum Eridis	50
Penatium pilei	160. 245	Pons Aemilius	78
Perfes cum filiis	80	Pons Sublicius	<i>ibid.</i>
Pes humanus	166. 224	Pontes in comitiis	193
Phaetontis sorores	72	Porcam vir ingenuus sinu te-	
Phaetretæ & arcus	227	net	287
Philippi caput diadematum	25	Porciae gentis numi	240
Philippi caput laureatum	7	Posidoniatum numus	62
Philippi numismata	5. 6. 7. 25	Postumiae gentis denarii	244
Philippi penultimi Macedonum		Praef. clas. & orae marit.	234
regis caput	202	Praefericulum	177
Picus Marcius	238. 301	Preiurnum caput	230
Pieras erga parentes	169. 175. 234	Prociliae gentis numus	251
Pietatis caput	96. 98. 169. 190	Prora navis	103. 145. 181
Pileo rectum caput	227	Proserpinae effigies	39
Pileus Liberratis	109. 155. 188	Ptolemaei, I. regis Aegypti, numif-	
Pilipus	204	ma	30
Pinariae gentis numus	225	Ptolemaei Philadelphi laureatum	
Pisces sacri	66	caput	37
Piso Frugi	100	Ptolemaei Philometoris numus	36
Pius imperator	233	P. v. i. e. p. v. b. l. i. c. u. m.	198
Plaetoriae gentis numi	226	Pugiones & pileus	188
Planciae familiae denarius	227	Pugna ferarum	195
Plancus	229	Pugnantes	161
Platorinus	275. 292	Pulcher	117
Plautiae gentis numi	229	Puteal Scribonii	261
Plotiae gentis numisma	232	Putei operculum	<i>ibid.</i>
Plutius	231	Q.	
Plutonis caput	220	Quadrigae	83. & passim.
Pobliciae gentis numus	232	Quadrigae aurigante Victor.	82. 181
Pompeiae gentis numi	233	Quadrigae triumphales	75. 95. 134.
Pompeii M. caput	219. 234		142. 286. 308
Pompeii Rufi cos. caput	236	Quinctilianus	221
Pomponiae familiae numus	239	Quirinus	209

R. Re.

R.		Salus in cathedra sedens	121
Reniae gentis numus	253	Salutis caput	73. 320
Renorum bigae	<i>ibid.</i>	Sanquiniae gentis numi	258
Reguli nudum caput	195	Saturni caput	212
Rex Aretas	75	Saturnius	264
Rheginorum numisma	63	Saturnus in quadrigis	<i>ibid.</i>
Rhodiorum numismata	13. 63	s. c. i. e. <i>senatus consulto</i>	90. 102.
Roma	78. 198. & <i>passim.</i>		114. 179. 191. 251. 252. 295. in area
Roma augurium captans	297	numi	74. 101. 168. 169. 194. 232.
Roma coronat tropaeum	166		260. 285. & <i>passim.</i>
Roma coronatur a Victoria	96. 220	Scarpus imperator	225
Roma dextro pede globum premit	163. 320	Scaurus aedilis curulis	75
Romae bustum	192	Scenica persona	290
Romae numismata	299	Sceptrum	138. 254. cum laurea 129
Roma & Italia dextras iungunt	163	Scipio eburneus cum aquila	138
Roma galeata in bigis	155	Scipio imperator	97
Roma in quadrigis	138	Scipio Asiagenes	307
Roma infidet clypeis	95. 220. 297	Scipionis Africani caput	308
Roma inuicta	301	Scipio in quadrigis triumphalib.	<i>ib.</i>
Romae Victricis caput	198. 215	Scorpio monetarii nota	75
Roma Victrix	320	Scribonia gens	260
Romuli laureatum caput	209	Scrofa	273. 287
Rosa in numis	13. 51. 63	Scuta Macedonica	23
Rosciae gentis numus	253	Scuta Sabinorum	279
Rostra	197	Securis	178. 250
Rubriae gentis numus	254	Sella curulis	104. 124. 166. 167. 196
Rutiliae familiae numus	257	Semproniae gentis numus	263
S.		Sentiae familiae denarius	264
S. femissis nota	303	Sergiae gentis numus	265
Sabinarum raptus	280	Seriphiorum numus	64
Sacerdos dextram extendens	249	Serpens	117. cristatus 209. 251. 252
Sacrificiorum instrumenta	178	Serpens & aquila	18
Salviae gentis numismata	257	Serpens & Valetudo	73
		Serpens Lanuvinus	253
		Serui-	

Seruiliae gentis numi	267	Sullae consulis caput	131. 237
Sibyllae Phrygiae caput	102	Sulia in quadrigis triumphalibus	134
Siciliae symbolum	129. 130	Sulla togatus	132
Siciniae gentis numus	271	Sulpiciae gentis numi	272
Signa militaria in numis	88. 89. 143. 283. 304	Sus; vide <i>Scrofa</i> .	
Signa pontificalia	98	Syracusanorum numismata	65
Signum cohortis	263	T.	
Silanus	185. 187	Tabella litteris A. C. inscripta	104
Sileni caput	291	Tabella litteris L. D. insignita	121
Silenus seminudus	205	Tabella litt. v. inscripta	106
Siliae gentis numus	272	Tampilus	93
Sipylenae turritum caput	64	Tarpeia virgo scutis obruta	279
Smyrnaeorum numus	64	Tarquitiae gentis numus	275
Solis astrum	217	Tatii Sabini regis caput	279. 280
Solis caput aduersum	13. 85. 229	Taurus, cui Europa insidet	282
Solis caput radiatum	58. 84. 115. 121	Taurus ferociens	50
Solis equi	229	Taurus prostratus	62
Solis typus	67	Taurus saliens	276. 322
Sorris caput	226	Taurus, tigris & leo	195
Sphinx alata	68. 102	Temo in laurea 103. vid. <i>Navis gu-bernaculum</i> .	
Sphinx in Palladis galea	42	Templum, in cuius medio clypeus cum capite Solis	85
Spica in numis	11. 112. 130. 173. 195. 221	Templum Iouis Feretrii	111. 130
Spolia opima	130	Templum Vestae	104
Statua Colossea Iouis	<i>ibid.</i>	Thasiorum numismata	14
Statua columnae insistent	205	Thenfa	255
Statua equestris	78. 79. 138	Thermus	215
Stella crinita	180. 258	Thessalonicensium numisma	48
Stellae & Luna	115. 279	Thessalorum numisma	47
Stipis nota	303	Thoriae gentis numus	276
Struthiocamelus	148	Thyrus Bacchicus	160. 290
Sufenas	220	Tigris	195. 290
Suffragia ferendi ratio	193. 217	Titiae	

Tiriae gentis numi	277	Tropaeum cum clypeis & lituis	
Tituriae gentis denarii	279	militaribus	166. 177. 310
Togatus cum tabella	106	Tropaeum de Perseo	80
Togatus dextram versus aquilam		Tropaeum in Martis humeris	161
legionariam adtolli	250	Tropaeum in Palladis humeris	117
Togatus in bigas adscendit	155	Tropaeum in templo Iouis Fere-	
Torques	185	trii	111
Transuectio equitum	191	Tulliae gentis numus	281
Tria crura	129. 130	Turritum caput; vide <i>Caput turri-</i>	
Tridens 100. 181. 219. cum delphi-		<i>tum.</i>	
nis	1. 2. 40	V.	
Tridens Neptuni equestris	7	v. i. e. <i>veto</i> in tabella	106
Trigae	113	Vacca lactans vitulum	21. 23
Tripus in numis	29. 49. 222	Valeriae gentis numi	282
Triquetra Siciliae symbolum	111. 130	Valetudo cum serpente	73. 304
Triremis in numis 88. 89. cum re-		Vargunteiae gentis numus	286
migantibus & gubernatore	156. 158	Veiovis caput	138. 159. 194. 299
Triremis praetoria	198. 219	Venabulum Dianae	173. 248
Triumphales quadrigae; vid. <i>Qua-</i>		Venabulum Meleagri	40
drigae.		Venatio	195
Triumphus caput	181	Venator conficit leonem	<i>ibid.</i>
Triumphus Alexandri	25	Veneris caput in numis	50. 78. 79.
Triumphus Sullae	134		117. 125. 175. 177. 191. 218. 221
Triumviri A. A. A. F. F. 74. 90. 168.		Venus Cloacina	217
& <i>passim.</i>		Venus in bigis Amorum	174
Triumviri rei publ. constit.	86	Venus Victoriam tenet	213
Tropaeum coronat Roma	166	Verginae gentis numisma	287
Tropaeum coronat Victoria	14. 88. 119	Vespa	204
Tropaeum, cui affident captiui lu-		Vestae caput	104. 106. 321
gentes	119. 177. 212. 310	Vestae statua	194
		Vestae templum	<i>ibid.</i>
		Veruriae gentis numus	287
		Vibiae gentis denarii	290
		G g g	Victi.

Victimarius & caper mactandus	239	Victoria pateram tenens	242
Victoria aduolans cum corolla	94. 134. 213. 240	Villa publica	140
Victoria clypeo inscribens	144	Vipsaniae gentis numi	292
Victoria componit tropaeum	<i>ibid.</i>	Virgilii laureatum caput	58
Victoria coronat bouis caput	1	Virtutis galeatum caput	163. 287
Victoria coronat Romam	96. 138. 220	Vittae & oleae ramus	75
Victoria coronat tropaeum	41. 88. 119. 310	Vittae & palmae ramus	272
Victoriae caput cum humeris	87. 102. 117. 283	Vitulus	19. 179. 295
Victoria ex thensis exfiliens	255	Vlyffes redux & a cane agnitus	200
Victoria in citis bigis	81. 112. 128. 156. & <i>passim.</i>	Voconiae gentis numi	295
Victoria in quadrigis	90. 154. 181. 281. & <i>passim.</i>	Volteiae gentis denarius	296
Victoria in trigis	113	Vrbis Romae numismata	299
Victoria palmifera gradiens	86. 225	Vrceus in corona laurea	98
		Vrna	109. 104. 106
		Vua in numis	20. 40
		Vulcani caput in laurea	92
		Vultur in numis	297. 299
		X.	
		x. solitum denarii signum	243. 253. & <i>passim.</i>



ERRATA EXSTANTIORA.

Pag. 3	lin. 31	<i>proemio</i> , lege <i>prooemio</i> .
5	3	<i>esse</i> ; <i>cum</i> , tolle punctum & lege <i>esse</i> , <i>cum</i>
6	13	<i>impressi</i> , lege <i>impresso</i> .
7	6	<i>numima</i> , lege <i>numisma</i> .
10	30	SCHMIDTS, lege SCHMIDIVS.
11	16	<i>paenes</i> , lege <i>penes</i> .
12	29	<i>archeol.</i> lege <i>archaeol.</i>
15	28	Φλώγα, lege Φλώγα.
22	7	<i>pecuniariae</i> , lege <i>pecuariae</i> .
23	inter lineas 14 & 15 adde MACEDONVM.	
28	5	<i>momentarum</i> , lege <i>monumentorum</i> .
31	4	<i>Mytilenaeorum</i> , lege <i>Mytilenazorum</i> .
31	17	<i>Pyndarus</i> , lege <i>Pindarus</i> .
39	3	<i>persona equos agens</i> , lege <i>persona, quae equos agit</i> .
44	8	HAVDVINVS, lege HARDVINVS.
54	20	GESSNERIANVS, lege GESSNERIANOS.
55	10	<i>minotarum</i> , lege <i>minotaurum</i> .
57	8	<i>melle annorum</i> , lege <i>mille annorum</i> .
63	29	ΠΟΔΙΟΝ, lege ΠΟΔΙΩΝ.
72	1	AEREI, lege AEREI.
166	25	SCHMIDTS, lege SCHMIDIVS.
175	31	<i>Pallium</i> , lege <i>Palladium</i> .
185	31	<i>torquens</i> , lege <i>torques</i> .
186	9	<i>torquens</i> , lege <i>torques</i> .
290	16	<i>Phornutum</i> , lege <i>Phurnutum</i> .

Reliqua B. L. facile vel feret, vel auferet.



Vericht an den Buchbinder.

Das Kupfer TAB. I. gehöret zwischen pag. 14. und 15. TAB. II. zu pag. 70. und 71. die übrige drei Kupfer können nach Ordnung der Zahlen zwischen pag. 322. und 323. eingestet werden.

